

filosofía

14  
13-0

15



Ex Bibliotheca  
majori Coll. Rom.  
Societ. Jesu


~~14-13-0-0-0~~

17.6.22.

~~14-13-0-0-0~~



14 B.C. 15.






THOMÆ WOPKENS  
LECTIONUM  
TULLIANARUM,  
SIVE  
IN OPERA QUÆDAM CICERONIS  
PHILOSOPHICA  
ANIMADVERSIONUM  
CRITICARUM  
LIBRI TRES.



AMSTELODAMI,  
APUD BALTHASARUM LAKEMAN,  
MDCCXXX.



VIRIS ERUDITISSIMIS  
PLURIMUMQUE VENERANDIS,  
ADRIANO CATTENBURG,

*S. THEOLOGIÆ,*

ET

JOANNI CLERICO,

*PHILOSOPHIÆ HISTORIÆQUE  
SACRÆ,*

INTER REMONSTRANTES  
PROFESSORIBUS CLARISSIMIS,



*S. D. P.*

THOMAS WOPKENS.

\* 2

Si

## D E D I C A T I O .

**S**i par Vobis in audien-  
dis laudibus , atque in  
promerendis voluptas  
esset , Viri Eximii , quàm lon-  
ge lateque in illas exspatiari  
oratio mea posset ! quum mi-  
hi campum patentissimum a-  
periant insignes , quibus Dei  
munere ornati estis ingenii a-  
nimique facultates , sempiter-  
naque illa sapientiæ , erudi-  
tionis , industriæ assiduitatis-  
que vestræ monumenta , qui-  
bus orbem literatum , arctissi-  
me vobis etiam atque etiam  
devinxistis . At non commit-  
tam , ut harum rerum enco-  
miis , quamvis meritissimis ,  
sum-

## DEDICATIO.

summæ modestiæ illi, quam  
reverendæ gravitati vestræ  
conjunctam habetis, molestus  
sim; cum præsertim propria  
luce sua ita satis abundeque  
exsplendescant, ut illas dum  
amplificare vellem, timen-  
dum sit, ne etiam minue-  
rem. Venio igitur ad id,  
quod huic libelli mei de-  
dicationi prora ac puppis  
est; ut præter illam, quam  
hoc veluti *τοκμήριον* cummaxi-  
me coram omnibus testifi-  
cor, erga Vos reverentiam  
meam, gratias, quas ante  
hoc triennium Vobis pri-  
vatas egi, nunc agam pu-  
bli-

## DEDICATIO.

blicas , ac debiti mei partem ,  
quamvis minimam , offeren-  
do Vobis hoc , qualecunque  
illud est , munusculo philo-  
logico , qua par est vestri  
cum observantia persolvam.  
Vos enim , Viri honoratif-  
simi , annuente Deo O. M. ,  
fidelissima vestra , mihi que  
saluberrima institutione ad  
Theologiæ literarumque hu-  
maniorum sacraria optimi  
mihi duces fuistis. Vos ad  
amicitiam vestram , qua mi-  
hi nihil potuit esse nec fru-  
ctuosius nec honorificentius ,  
nullo plane merito meo pro-  
vocati , introitum benignissi-  
me

## DEDICATIO.

me mihi patefecistis. Vos mihi supellectilem vestram librariam, omnis generis codicibus instructam, sponte plane vestra reclusistis, meamque tenuitatem, quotiescunque usus foret, humanissime sustentastis. Verbo dicam: Vos & eo tempore, cum in me docendo bonorum præceptorum vices perfecte obiretis, & postea etiam ad hunc usque diem, immeritam vestram in me voluntatem ac benevolentiam tam re quam verbis ita declarastis, ut omnium forem durissimus, si tantis

\* 4

ves-

## DEDICATIO.

vestris beneficiis ornatus ,  
hæc animo grato non agnos-  
cerem , & quavis usus op-  
portunitate , apud omnes  
non prædicarem. Date igitur  
veniam audaciæ meæ ,  
singulari vestra comitate in-  
nixæ , ut quanta possim  
cum verecundia vestrique ve-  
neratione libellum hunc Le-  
ctionum Tullianarum Vobis  
dedicam & consecrem , tam-  
quam submissæ in Vos ob-  
servantiæ , gratæque percep-  
torum beneficiorum memo-  
riæ meæ verissimum pignus  
ac monumentum. Vos illud  
sereno vultu blandoque ani-  
mo



## DEDICATIO.

mo , pro summa vestra facilitate , accipite , quæso ; remque oblatam non suo pretio , sed offerentis potissimum animo , quod facere soletis , æstimate ; ut habeam , quod mihi gratuler , si hanc dedicationem , mihi sane perhonorificam , Vobis intelligam non fuisse ingratham. Equidem ferventissimis precibus à Deo contendam , ut Vos , Divinarum atque humanarum literarum strenuos vindices , ad rem Christianam ac literariam promovendam , diu conservet superstites , ac tandem in se-

\* 5

dem

# DEDICATIO.

dem beatorum translatis supremam Vobis laborum laudatissimorum , eximiæque pietatis vestræ mercedem gratuitam , filii sui Jesu Christi causa , impertiat.

Dabam Amstelodami,  
x. Kal. Decembres ,  
MDCCXXIX.

Lecto-



## Lectori Salutem.

**Q**Uas tui nunc juris facio , Lector Benevole , Lectiones Tullianas , hæ partem longe maximam tunc temporis a me elucubratae sunt , quum studiorum Academicorum spatium , quod ante hoc triennium emensus sum , decurrerem. Libentissime tum prudenti præceptorum insignium , quos modo honoris causa compellavi , utebar consilio , neque hoc tempore muto factum , ut operam meam quotidianam , quæ quidem in Theologia præcipue versabatur , auctoris cujuspiam classici lectione interpungerem. Quos quum oculo fugiente nonnullos , alios paulo attentius pervolverem , duo maxime stili materiaeque genere me delectarunt , animumque ita ceperunt meum , ut lectionem eorum , quoad ejus fieri per graviora studia potuerit , assiduam mihi fecerim. Xenophontem dico & M. Tullium , quorum aucto-

## P R Æ F A T I O

etorum laudibus , per se quippe fulgentissimis , nil attinet immorari. Quemadmodum autem de Xenophonteis me inprimis tenebant , quæ ille de Socrate *Memorabilia* conscripsit ; ita mihi potissimum ista Tulliana placuerunt , quibus philosophiam facit sermone pereleganti argumenta talia persequentem , quæ ad disciplinarum nostrarum rationem maxime videbantur accommodata.

Hæc autem Ciceronis monumenta insignia longe , quàm qua unquam antea , majore cum voluptate lectitabam , postquam in editionem illorum comptissimam incideram , quam in Anglia accuravit vir eruditissimus ac celeberrimus *Jo. Davisius* ; qui libris hisce eximia luce collustrandis , pristinoque nitori felicissime restituendis , communi omnium opinioni , quam dudum compluribus aliis auctoribus laudatissimâ operâ suâ demerendis ingentem de se concitaverat , ita abunde satisfecit , nihil ut iis , qui salvam velint rempub. literariam , magis in vobis sit , quàm ut quo pede instituerit , eodem in aliis tam Tullii , quàm aliorum scriptis perpoliendis atque illuminandis , *Θεὸς σὺν Παλάμῃ* pergat. Hæ quidem me blandissime prolectabant deliciolæ , ut quantumcunque suppèteret horarum subfici-

va-

## AD LECTOREM.

varum, illud (præfiscine dixerim) indefessa cum industria atque assiduitate in Cicerone, veterioribusque illius & recentioribus interpretibus versandis consumerem. In quibus laboribus dum animo meo, à philologia jam diu haudquaquam alieno, indulgeo liberius, nata mihi sunt, benevole Lector, commentariola hæc critica. Nam quum insignibus literatorum curis non sic nihil prorsus reliqui factum esse viderem, (quis enim tale quid, quod humanis facultatibus longe majus est, ab hominibus quamvis doctissimis ac sagacissimis, attamen hominibus ullo jure exspectet?) quin in usum si non publicum, omniumque communem; privatum certe meum spicam aliquam post messem opiparam colligi posse considerem, ipsi mihi stimulus eram, ut si quid in Ciceronis verbis, doctorumque notis aurem vellicaret, hoc protinus domesticis adversariis consignarem, meumque de his rebus judicium in dies majore argumentorum firmamento stabilirem.

Telâ hac inchoata, vix unquam fore speraveram, ut huc usque per textam publici juris facerem; quippe cum gnarus ipse meæ in his rebus mediocritatis, in tali campo mei potestatem facere, eruditorumque oculis acerrimis opellam hanc levidensem subji-

ce-

## P R Æ F A T I O

cere rem plane arduam existimarem; maximeque etiam contremiscerem, ne quam di-ræ meritissimas eruditorum laudes arrodendi pruriginem præ se latura esset hæc ratio nostra, quam tamen pravissimam indolem cane peius & angue animo meo condemno atque detestor. Non tamen exhortantibus (quid enim causam istam occultaverim?) amicis quibusdam doctissimis, quorum judicio fideique plurimum tribuere consueveram, morem gerere nec volui nec potui, quòd me rem facturum arbitrabantur Musarum cultoribus gratissimam, si quæ domi hætenus clausa presseram, in dias luminis auras emitterem; nec posse inde quidquam detrimenti capere virorum honoratissimorum, quibuscum tam libere dissensi, existimationem, quod sit cum publico bono comparandum. Fidentiam quoque conscientia dabat non tantum adhibitæ quàm diligentissime prudentiæ, sed observatæ etiam in eximios hujus seculi Varrones, sanctissimasque virorum illustrissimorum manes æquitatis summæ atque reverentiæ; quippe quorum hallucinationes cum vel per se doctissimas esse & acutas, tum quoque difficillimorum nodorum expeditionibus felicissimis abunde compensari, neminem fore putem qui inficias eat, modò inge-

## A D L E C T O R E M.

genio possit moveri. Accedebat etiam, quod rem agi reputabam cum viris honestissimis, quorum eam confidere licebat esse humanitatem, ut quo jure legitimo ipsi essent usi, illud aliis non denegarent; æquique omnino consulerent, si veniam mihi fumerem, quam damus petimusque vicissim, ut errores ipsorum, salvis & inviolatis candoris modestiæque legibus, coarguerem.

His quidem rationibus permoveri me passus sum, Lector Benevole, ut hunc observationum criticarum libellum de penu mea literaria expromerem; in quo jam porro paucis intellige, quid præstiterim. Scripta Tullii, quæ his Lectionibus perlustrantur, sunt Academicæ ac Tusculanæ disputationes; librique de Natura Deorum, de Divinatione ac Fato: reliqua auctoris opera philosophica, quæ de lima editoris laudati accuratissima prodierunt, animo æque intento pervolvere hæcenus mihi per temporis angustias non fuit integrum. Jam vero in hanc rem curam præcipue converti meam, ut eorum locorum integritatem ostenderem, quæ emendationibus suis necquicquam labefactare, suspicionibusque parum justis vexare viderentur interpretes; quod aut mentem scriptoris

ris

## P R Æ F A T I O

ris minus dextre adsequerentur , aut ad analogiam grammaticam , communio-remve vocum aut formularum usum superstitiosius adhærescentes , istiusmodi *ακυραλογίας* ac *σολοικίας* obelo confoderent , quibus si non prorsus similes atque geminas , at non minus certe duras aut insuetas modò silentio suo , modo etiam planissimis verbis alibi agnoverint esse tolerabiles. Magnæ omnino variantium codicum ad emendandam lectionem vulgatam est auctoritas : at tamen quo possint plura exempla proferri , loco sollicitato ad istam loquendi formulam , ob quam sollicitetur , similia ; eo quoque proclivior est graviorque suspicio , dicendi genus quamvis sit minus commodum aut consuetum , esse tamen auctori assignandum , aut illo saltem non indignum. Neque enim grammaticorum scitis ita penitus addicti fuerunt veteres , ut nunquam se vel latum unguem inde transversos abripi paterentur ; neque elegantissimorum quispiam sic semper cogitata sua expressit , ut verbis aptioribus uti non potuisset , modo tam ad sermonem suum , quàm ad rem animo obversantem , attentus fuisset. Hoc sane statuisse videntur critici illi nobilissimi , quorum in Ciceronem adnotationes hîc examini meo subiectæ



## A D L E C T O R E M.

Etæ conspiciuntur ; qui locum unum haud rarenter , alterius suppetiis adhibitis , à mendæ suspitione tuiti sunt , eoque graviore pondere lancem suam deprimi iudicarunt , quo pluries in analogiam grammaticam loquendique rationem consuetam eodem plane modo committere Tullium animadverterent. Qua igitur ratione aliorum emendationes trutinarent ac repulerunt ipsi illi viri , eadem quoque suas habent Lectionibus his Tullianis oppugnatas , in quibus , nisi me vehementer fallit animus , nulli uspiam duritiei patrocinatus sum tantæ , quantam non ab ipsis sæpenumero adscitam fuisse deprehendas. Quod autem in coacervandis exemplis , quibus causam meam probare conatus sum , prolixior fui , hoc neminem puto ægre latitum , qui modo reputet flagitasse hoc sæpissime phrasiologiam quamdam usumve vocis notabiliorem , flagitasse etiam non tantum summorum virorum , sed etiam conspirantium aliquando complurium κόμματος ἀπογραφῶν apographorum auctoritatem.

Jam porro ad vindicias hæcæ meas , quæ quidem utramque fere paginam faciunt , accedunt etiam nonnullæ emendationes , quas vel proprio Marte , vel succenturiantibus libris , in istiusmodi locis institui ,

\*\*

tui,

## P R Æ F A T I O

tui, quorum vitium aut sicco pede præteriiſſent interpretes, aut medela parum idonea tollere tentaffent. Potuiſſem longe plures conjecturas proferre, niſi infauliſſima exempla virorum, me quidem immenſis paraſangis & acumine & eruditione ſuperiorum, harioſandi libidinem temperaviſſent, ut ſupprimenda ſtatuerem, quæ fundamento debiliori inniterentur, aut immaturiора adhuc aliquid à tempore coſturæ poſtulerent. Tenebricoſa ſane atque offendiſculis obſita via eſt in-eunda, ſi quis veterum monumenta emaculare aggrediatur, præſertim ubi non præſto ſint libri, qui faciem præferant; quam ob cauſam viam ſecutus ſum longe faciliorē, quæ mihi parata erat ad diluendas virorum optimorum emendationes minus neceſſarias. Porro etiam dicam, me nonnunquam iſtiusmodi loca quædam, in quibus nondum quidquam tentatum fuerat, aliquo locorum parallelorum præſidio muniſſe, ne forte poſthac retinerent moroſiorem, novandique cacoëthes alicui commoverent.

Dum ſic in libros Tullii memoratos commentarer, viſum eſt quoque faciendum, ut cum huiusce ſcriptoris, tum aliorum etiam tam Latinorum quàm Græcorum  
loca

## AD LECTOREM.

loca quædam obiter illustrarem, defenderem aut emendarem; idque non tantum cum res, quæ tractaretur, talem aliquam digrediendi copiam mihi faceret, ac veluti manu eo deduceret, sed interdum etiam quæsitæ per viam quandam obliquiorem opportunitate, qua talia aut levi tantum brachio attingerem, aut sic diffuse excuterem, ut ex uno diverticulo in alterum inciderem. Cum enim mihi persuadeo, non ingratis lectoribus meis fore istam varietatem; tum quoque hanc extra limites exspatiandi libertatem mihi sumere non dubitavi, quod me in hisce animadversionibus, quas scorsim ab auctore ederem, non tam angustis terminis constriatum arbitrabar, quàm si illas Ciceronis disputationibus subjunctas darem, aut totidem verbis aliquando subjungendas.

De reliquo, quum homo sim, nihilque humani à me alienum putem, non facile equidem mihi imperaverim ut credam, in his curis philologicis nusquam me fuisse lapsum; proptereaque sic præfationem meam absolvam, ut errorum veniam abs te, candide Lector, ingenue expetam, meque æquitati tuæ commendem atque committam, non minori, uti confido, quàm

## PRÆFATIO.

quâ in aliorum hallucinationes ipsemet usus fuerim. Vale, Lector Benevole, hisque meis primitiis literariis utere ac fave.

Dei gratia, etc.



THO-


# THOMÆ WOPKENS LECTIONUM TULLIANARUM

## LIBER PRIMUS;

*Completens animadversiones  
in Ciceronis Academica,  
& Disputationes Tusculanas.*

### CAPUT I.

*Vulgata lectio Ciceronis in Acad. I. quinquies aut sexies à macule suspicionē liberatur. Ellipsis pron. id adstruitur. Tertiæ personæ usus singularis observatur. Cicero obiter juxta cum Arriano vindicatur. Pronomen is demonstrativum. Ellipsis præp. ἐνὶ τοῖς repetendæ. Cicero bis terve vindicatur.*

 Cicero Epist. ad Varr. Acad. præfixa :  
*meque sustinebam, ne ad te prius ipse quid  
scriberem, quàm aliquid accepissem, ut  
possem te remunerari quàm. simillimo mu-  
nere. Sed cum tu tardius faceres, &c. Quod vir  
eruditissimus Jo. Davisius legendum conjicit Quod  
cum tu tardius faceres, ne indigne ferat, si cum sæ-  
pius alibi, tum heic etiam in diversam ab illo sen-  
tentiam abiero. Est enim hîc ellipsis pronominis de-  
monstrativi pervulgaris. Sic Plaut. Afin. III. sc.  
III, 88. Furcifer, etiam me delusisti? L. E. Nan-*  
A *quàm*

quam hercle facerem, &c. Noster ad Fam. lib. III. 7. querebare quod eos tributa exigere vetarem, &c. quid habuit iniquitatis, me scribere ne facerent antequam &c? Tusc. V. c. 32. An Schytes Anacharsis potuit pro nibilo pecuniam ducere? nostrates philosophi facere non potuerunt? ubi, ut hoc obiter, & facere vix ego cum viris doct. pro glossa habuerim, quod reclamare videntur talia loca: de Divin. I. c. 39... cur Cassandra furens futura prospiciat, Priamus sapiens hoc idem facere nequeat? Acad. II. 33. Quod si is facere potest de his rebus, cur id sapiens de reliquis rebus facere non possit?

Academ. Lib. I. cap. I. Intemperantis enim esse arbitror scribere quod occultari velit. Non videtur velit Hieronymi auctoritate in velis convertendum, quamvis persona tertia nomen non habeat unde pendeat. Similis plane ratio est & nesciat, infra c. 4. quod hæc esset una omnis sapientia, non arbitrari se scire quod nesciat. ubi necesse non arbitror, pro omnis rescribi hominis, quod volebant viri eximii. ita enim porro Tusc. IV. cap. 20. ipsum illud æmulari, obtreclare non esse inutile, cum aut se non idem videat consecutum &c. cap. 26. cum sit æmulantis angi alieno bono, quod ipse non habeat. cap. XI. Hæc autem opinatio est, judicare se scire quod nesciat. de Fin. I. IV. c. 23. Nihil igitur adjuvat procedere & progredi in virtute, quod minus miserrimus sit, antequam ad eam pervenerit. lib. V. c. 9. Ita finis bonorum existit, secundum naturam vivere sic adfectum ut optime adfici possit. de Leg. I. c. 21. . . naturam sequi, id est, nihil quantum in ipso sit, prætermittere quo minus ea quæ natura postulet, consequatur, quod inter hæc velit virtute tamquam lege vivere. Seneca epist. LXXXIII. Dic quàm turpe sit, plus sibi ingerere quàm

quãdã capiãt. de Clem. II. c. 5. *Misericordia est tristitia ex alienis malis contracta, quæ accidere immeritis credis.* de Benef. I. c. 2. *Beneficiorum simplex ratio est; tantum erogatur. si reddet aliquid, lucrum est; si non reddet, damnum non est.* ubi vide Gronovium τὸν πάλιν. Antea vero quãdã de tabula manum, idem mihi videri dicam existimandum de verbo ἰστίν, apud Arrian. Diss. Epiet. lib. I. cap. 9. ἢ ἄλλο ἀπολέσεται τοῖς ἀνθρώποις, ἢ τὸ τῷ Σωκράτει; μηδέποτε πρὸς τὸν πυνθόμενον ποδάπὸς ἔστιν, εἰπεῖν ὅτι Ἀθηναῖος ἢ Κορίνθιος, ἀλλ' ὅτι κόσμιος. *quid superest aliud hominibus præter illud Socratis? numquam perconstanti cujus sit, i. e. cujas sis, dicere Atheniensem esse aut Corinthium, sed mundanum.* Cl. Meibomius tentabat, εἰπόντος ἔτι Ἀθηναῖος, ut ita hæc construeret cum antecedd. τῷ Σωκράτει, &c.

Eodem cap. quoddã jam pridem ad hunc eum ipsam (me autem dicebat) quoddã institui &c. An vocula eum delenda sit, quod voluerunt viri insignes, ego quidem vehementer dubito; quoniam demonstrationis ἐπισημασία validior cùm huic loco satis quadrat, tum sæpius quoquẽ hoc modo accumulandis pronominiibus exprimitur; ut docuit Auf. Popma, lib. II. de Usa Ant. Locut. cap. 10. ubi hunc quoque locum Tullii allegat, ut sibi satis superque probatum. Addamus ista ex Orat. post red. in sen. cap. penult. *nec mihi ille ipse animus idem meus; vobis non incognitus, defuit.* ad Att. II. ep. 1. extr. *me illum ipsum vindicem æris alieni.* de Fin. V. c. 8. *ista animi tranquillitas ea ipsa est beata vita:* ubi vix ausim cum editore cl. pro ea ipsa reponere *re ipsa*. vide enim, sis, harum literarum virum scientissimum G. Cortium ad Salust. Cat. cap. LVII. 1.

Cap. II. Totum igitur illud philosophiæ studium mi-

*bi quidem ipse sumo & ad vitæ constantiam quantam possum, & ad delectationem animi. Non video cur illud quantam sic displicuerit doctissimis literatoribus, ut mallent quantum: idem est enim, ac si dixisset Cicero, .. ad vitæ constantiam, ad quantam possum, &c. Fit autem sæpius, ut sic membro posteriore omittatur præpositio, quæ in antecedente fuerat expressa. ad Att. VIII. ep. XI. p. 793. in eadem opinione fui, qua reliqui omnes: i. e. in qua. Tusc. I. 46. esse cum aliquo sensu in his malis, quibus vulgo opinantur. & cap. 39. in eadem prope modum brevitatem, qua illæ bestiolæ reperiuntur. de Fin. I. c. 15. in eadem causa sunt, qua antequam nati. Minucius Felix Oct. cap. XXXIV. si ista moles ab eo, quo constructa est, destruat. Quintil. apud Lactant. Instit. I. V. c. 7. ut odium, cupiditas, ira in id, quod incubuerint, agant cæcos. Vellejus Pat. lib. I. c. 7. ne in id, quod Homerus, incidere: ubi consule celeb. Burmannum. Hinc quoque stabiliri lectio ista potest, de Leg. lib. III. c. 15. nam ego in ista sum sententia, qua te fuisse semper scio, ubi conjicit V. Cl. in qua te &c. de Fin. I. c. 10. qui in ea voluptate velit esse, qua nihil molestiæ consequatur: ubi non audiendus erat Lambinus, qui rescripsit quam nihil &c. nam verbum consequi passim sic venit sine accusativo.*

Cap. seq. *Causam autem probalem tu quidem adfers... sed da mihi nunc, satisne probas? Ut ultima vox ad causam referretur, legere malebat Cl. Davisius satisne probam? At citra istiusmodi emendationem, apta plane est ultimæ voci cum illa antecedente necessitudo, quando quidem causam probare phrasis est Latinissima. vide ad Att. I. ep. 1. extr. ad Fam. XIII. ep. 7. & alibi. Eodem cap. sic philosophiam Latinis literis persequitur, nihil ut*



## TULLIANARUM LIB. I. CAP. II.

*eadem de rebus Græcia desideret. Hæc, quamvis ingenia interpretum in omnes formas verterint, sensum tamen tolerabilem haud ægre fundere videntur, modo intelligatur auctor dixisse, Bruti scripta tam exacta atque perfecta esse, nihil ut in his vel Græci requirant, quod non satis elaboratum sit.*

## CAPUT II.



*Cicero in Acad. I. aliquoties defenditur: semel emendatur. Genitivi usus notabilis illustratur. Servius refellitur. Omnium sapientissimus. Duo Ciceronis loca de iv πᾶσι vindicantur. Autem pro item, in super. Aliqua Ciceronis loca stabiliuntur, juxta cum Hirtio & Novatiano. Multa vitæ commoda, pro omnibus v. c. Cicero & Min. Felix vindicantur.*

**E**odem Acad. lib. I. cap. IV. *Sed ignorare te non arbitror, quæ contrà Philonis Antiochus scripserit. Elegantiam habet genitivus ille Philonis, quæ quidem latuit illis, qui edere maluerunt quæ contra Philonem A. s. Dicitur Philonis Antiochus, quod illius fuit discipulus, vel quod illius dogmata amplexus fuit. Sic de Fin. V. c. 31. Et quidem Arcefilas tuus.. noster fuit: erat enim Polemonis. & cap. 5. Primum Theophrasti Strato Physicum se voluit.. Hujus Lyco est oratione locuples.. Concinnus.. hujus Aristo. lib. IV. 22. Quid si reviviscant Platonis illi, & deinceps qui eorum auditores fuerunt: sic enim ego juxta ms. J. F. Gronovii lego, non Platonici illi, aut quod voluit vir cl. Platonis alumni. Eodem autem modo alienum cum dicant Latini, qui alterius decretis se totum addixit; contraque suum, qui suo in rebus judicio utitur.*

titur. Iidem libri de Finibus sedes mihi argumentorum sunt. lib. I. c. 6. *Principio, inquam, in physicis, quibus maxime gloriatur, primum totus est alienus.* lib. IV. c. 4. *Nam qui sciet &c. poterit eruerre, semperque esse in disputando suus.* lib. V. 5. *Hic quoque suus est, de summoque bono dissentiens, dici vere Peripateticus non potest.* Nimium igitur, quod etiam observat cl. Davisius, genitivi istiusmodi usum coarctat Servius ad Æn. I. 45. cum hanc figuram circa patres tantum & maritos usitatam esse docet.

Ibidem: *Hic (Socrates).. ita disputat, ut.. nihil se scire dicat, nisi id ipsum... ob eamque rem se arbitrari ab Apolline omnium sapientissimum esse dictum, quod &c.* Festinabat vir vere doctus, cum hominum sapientissimum, pro omnium sapientissimum, legendum conjiceret; neque enim oraculum, unde ille argumentari videtur, sonabat ἀνδρῶν σοφώτατον, ut allegat, sed ἀνδρῶν ἀπάντων σοφώτατον. Et sic præterea Min. Felix Oct. cap. XIII. de Socrate, idcirco universis esse præpositum, non quod omnia comperisset, sed &c. Salvianus Gub. I. VII. pag. 159. *numquid non sapientissimus omnium Socrates semper existimatus est?* Tertull. Apol. cap. XLVI. *quia Socratem Apollo sapientissimum omnium cecinit.* Parilis usus vocis omnium est de N. Deor. lib. III. 32. *Cur omnium perfidiosissimus C. Marius &c. ubi cave, cum ampl. Boherio faxis, cur hominum perfidiosissimus, æque enim late rē omnium significatio patet.* Ita & pro Marc. cap. 7. *nam quis est omnium, tam ignarus rerum &c.?* ubi Patricius tentabat, *nam quis est omnino tam i. r.?* Sed tu vide cl. Davis. ad hæc N. Deor. I. c. 27. *Omnium quis tam cæcus &c.?* & doct. Wasseum & Cortium ad hæc Salust. Catil. cap. LI. 1. *neque quisquam*  
qm-

*omnium libidini simul & usui paruit. Adde, si placet; de Fin. Lib. II. 18. omnium vir optimus & iustissimus. de Nat. Deor. II. 4. Vir sapientissimus, atque haud scio an omnium praestantissimus. & plura talia.*

Paucis interjectis, sic pergit Cicero: *Nam cum Speusippum sororis filium Plato Philosophiae quasi heredem reliquisset; duos autem praestantissimos studio atque doctrina, Xenocratem Chalcedonium & Aristotelem Stagiritem, &c. Hic locus criticam quoque manum hominum doctorum expertus est; sed quantamcunque depravationis speciem prae se ferat, mihi tamen omni ex parte sincerus videtur. Vult enim Cicero, praeter Speusippum fuisse quoque Xenocratem & Aristotelem Philosophiae quasi heredes à Platone relictos. Hoc dum dicit, primo attende elegantem vocis duo cum adjectivo syntaxin, quæ nihil differt ab ista lib. III. Fam. ep. 4. duos enim duarum ætatum plurimi facio Cn. Pompeium. & M. Brutum. vide quoque Sen. Nat. Quæst. VII. c. 3. Min. Fel. Oct. cap. XVIII. Tacit. H. l. I. c. 50. & alibi. Sed ratio conjecturarum unica, si quid ego video, ista fuit, quòd conjunctionem autem hic, ut sæpius alibi, denotare item, etiam, præterea non reputabant Critici nobilissimi. Quem quidem ad lapidem sæpius lapsi videntur homines, cetera & cati & eruditi. Sic Tusc. I. c. 33. Jam similitudo magis apparet in bestiis, quarum animi sunt rationis expertes. Hominum autem similitudo in corporum figura magis exstat. Lambin. vult item legi pro autem. & Lib. IV. 29. Est autem utilis ad persuadendum, ea &c. ὁ πᾶν Bentl. Est autem utilis &c. de N. Deor. II. 23. Itaque tum illud quod erat à deo natum, nomine ipsius dei nuncupabant.. Tum autem res ipsa, in qua vis inest major aliqua,*

A 4

sic

*sic appellatur, ut ea ipsa res nominetur deus. cl. Walker, Tum etiam res ipsa &c. & lib. III. c. 30. Idem autem Dii fraudem dederunt &c. cl. Davis. ex duobus editis, totidemque scriptis, Idem etiam Dii &c. Offic. I. c. 4. Principio &c. Commune autem animantium omnium est conjunctionis appetitus. idem V. D. ad Divin. l. II. c. 1. Commune item animantium &c. Hirtius de B. Afr. cap. LXXII. Sollicitabatur autem his rebus. ille rursus, in curis secundis, item pro autem substituit. Novatian. de Reg. Fidei cap. XVIII. quippe cum magni consilii Angelus factus sit; Angelus autem sit, dum exponit &c. & cap. XX... Quæ autem, malum, ratio est ut &c. utrobique pro autem doct. Jackson vult item, ut jam non dicam in priore immerito pro quippe cum, tentare eundem V. Cl. quippe qui. Nobis vero per tot viros eximios, quorum iudicio plurimum libentissime tribuimus, dissentire liceat; non tantum quia loca hæc, tam multa, mutuo sibi invicem firmamento esse videntur, sed quia mihi præter ista, etiam innumerabilia pœne alia observata sunt; quorum proinde copia immensa nos de usu isto conjunctionis, quem modo dixi, plane certos esse cogit. Omnia ne proferam, ecce pauca. de N. Deor. I. c. 8. quæ machina? qui ministri tanti muneris fuerunt? quemadmodum autem obedire & parere voluntati architecti.. potuerunt? lib. II. 57. quas (oculorum membranas) primum perlucidas fecit, ut per eas cerni posset; firmas autem, ut continerentur. utrobique conticent intt. lib. XII. Fam. ep. 27. Sex. Ausidius & observantia.. accedit ad proximos, & splendore equiti Romano nemini cedit. Est autem ita temperatis moribus &c. vide quoque lib. XIII. ep. 13. & Fabri Thesaurum.*

Cap.

Cap. V. *Quid me, inquam, putas, qui Philosophiam jam professus sim populo nostro exhibiturum.* Frustra plane est Lambinus, qui me ante vocem populo excidisse suspicatur : quemadmodum etiam se injicit in his supra c. 2. *Q. b. q. f. negat omnino Epicurus sine voluptatibus sensum moventibus nec suspicari.* Tu noli contemnere quæ ad locum, quem jam præ manibus habemus, adnotavit P. Faber, quæque Cl. Davisius ad Lib. II c. 15. & Cortius ad Salust. Cat. XXXI. 7. adde Tusc. II. 16. *ferre non posse clamabit.* Divin. I. 24. *dixit.. sibi in somnis visum esse.. occidere cum magna gloria.* vide lib. II. 40. de Fin. V. 11. de N. D. I. 39. Senecam de Clem. I. c. 1. Min. Felic. cap. IV. Virgil. Georg. II. 243. Horat. I. epist. 2, 10. Sequitur autem eodem cap. *Animi autem (bona ponebant) quæ essent ad comprehendendam ingeniis virtutem idonea.* Vocem ingeniis, tamquam spuriam & adulterinam, furcillis ejiciunt viri doctissimi. At salvo quidem eorum judicio, ego potius, mutatione quippe leviori, rescripserim.. *ad comprehendendam INGENUITATEM idonea.* Ingenuitas aliquando idem Ciceroni est, quod virtus, probitas, honestas: ut infra c. 10. *Theophrastus.. ita moratus, ut præ se probitatem quandam & ingenuitatem ferat, .. spoliavit virtutem suo decore &c. ἐπέχω* tamen.

Cap. VI. *Unde & amicitia existerat, & justitia atque æquitas : hæque & voluptatibus, & multis vitæ commodis anteponebantur.* Quid ergo? an tam abjecte de virtutibus sentiebant Platonis & Aristotelis discipuli, ut eas multis tantum vitæ commodis, sive magnæ illorum commodorum parti, & non plane omnibus & universis anteponerent? Si quidem non aliter enarrari hæc verba possent, omnino accederem ego Viro Cl. qui legebat &

*cunctis vitæ commodis &c.* Sed intelliguntur heic omnia vitæ commoda, eaque omnia ideo dicuntur *multa*, quod ingentem multitudinem constituunt. Nos, omnem ambiguitatem tollentes, dicimus *de menigvuldige gerieffelykbeden van dit leven*. Hanc formam egregie dilucidavit præceptor meus sapientissimus, mihiq; in æternum colendus J. Clericus A. Crit. P. II. S. 2. cap. VI. §. 7. 8. 9. ad quoque D. Glass. Rhet. Sac. Tract. I. c. XV. init. Itaque nec lis movenda fuit de his N. Deor. II. c. 58. *Omnisque sensus hominum multo antecellit sensibus bestiarum. Primum enim oculi in his artibus, quarum judicium est oculorum, . . . multa cernunt subtilius.* ubi homines docti *multo*, vel *cuncta* substituunt. Et apprime bene M. Felix Oët. cap. XIII. dixit, *Academicorum plurimorum in summis questionibus tuta dubitatio* : quamvis conjiceret cl. Davisius, *Academicorum, Pyrrhoniorum in summis q. t. d.* quod non plurimi de Academicis, sed plane omnes sic dubitarent. At vero omnem Academicorum nationem intelligit auctor; quæ cum valde numerosa esset, ideo Academicos *plurimos* dixit Minucius.

## CAPUT III.

*Cicero Acad. I. sexies juxta capitum seriem vindicatur. Phrasis bene facis, & usus verbi facere notabilis illustratur. Xenoph. defenditur. Rejicere i. e. minoris facere. Enallage numeri comprobatur, terque vulgata Ciceronis scriptio in transitu adferitur.*

**P**ergimus in eodem lib. I. Acad. ubi cap. VII. *Dakitis enim profecto, ait Varro, ut. . . utamur*  
ver-

verbis interdum inauditis. • Nos vero, inquit Atticus; quin etiam Græcis licebit utare, cum voles, si te Latina forte deficient. Bene sane facis; sed enitar, &c. Bene facis est formula approbandi & laudandi, de qua vide ill. Grotium & Pricæum ad Luc. Act. Apost. X. 33. nec non quæ ex Xenoph. & Terentio contulit cl. Raphelius: unde etiam facile liquebit non Græcis tantum, verum etiam Latinis usitatam fuisse; ut memoria omnino sefellerit magnum Casaubonum, qui in notis ad lib. I. ad Att. ep. 1. extr. „ Apud Laert. in epist., inquit, „ καλῶς ποιεῖς verti debet *Bene est*, usu linguæ „ Latinæ.. nam vulgo ineptissime vertitur *recte facis*. „ Duriusculum autem hoc loco nostro Ciceronis videtur esse verbum *facis*, si in præcedentibus quæramus, quo illud suppleri ἀπὸ κοινῆς & explicari possit; eamque etiam rationem esse arbitor, cur Lambinus legerit *Bene sane mecum agis*. Omnis abesset difficultas, si ita scriptum legeremus, *quin etiam cum voles, si te Latina deficient, Græcis ut utare, meo tibi & Ciceronis nomine concedo. Bene sane facis*, scil. qui hoc ita concedas &c. Sed in ista hujus verbi duritie, quamvis palato nostro parum grata, nescio tamen quomodo sibi indulserunt veteres. Supra epist. ad Varr. *Exspectabam omnino jam diu, meque sustinebam ne ad te prius ipse quid scriberem, quàm aliquid accepiſsem, ut possem te remunerari quàm simillimo munere. Sed cum tu tardius faceres, id est, ut ego interpretor, diligentius, tæri non potui* &c. ubi loquitur Cicero, ut si in antècedentibus dixisset, ... scriberem, quàm tu ad me aliquid dedisses, ut possem te r. q. s. m. de Divin. I. c. 24. Tum ei ducem illum præcepisse ne respiceret: illum autem id diutius facere non potuisse, elatumque cupiditate respexisse. facere, i. e. non respicere,

cere. Corn. Nepos Epam. c. iv. *Hunc Diomedem cum rogaret ut tuto exiret, suaque quæ attulisset liceret efferre; istud, inquit, faciam &c. h. e. tibi concedam.* Seneca epist. xciv. *scis ut illi nil cum adultero, sic nihil tibi esse debere cum pellice; & non facis. i. e. & est tibi cum pellice res.* Lactant. Instit. VI. c. v. 13. *Utrumque indiget definitione, quia &c. Verum nos faciamus quod ille debuit. Virtus est &c. i. e. utamur definitione, ut ille debuit &c.* Similiter quoque Græci loquuntur. Xenoph. Κυρου. I. p. 9. E. *Ibi Cyrum tradunt inter avi ministros acceptas carnes distribuisse, cum hunc simul in modum quemque alloqueretur: hoc quidem tibi do, quia me acriter equitare docuisti; tibi vero, quod mihi peltum dedisti &c. Hac eum fecisse, donec omnes, quas accepisset carnes, distribuisset: τοιαῦτα ποιεῖν, ὥς διεδίδε πάντα ἃ ἔλαβε κρέα. h. e. sic singulis aliquid cum tali alloquio dedisse.* Conjicit Muretus, τοιαῦτα ἐπειπεῖν ὥς &c. ingeniose magis, opinor, quam solide ac vere. Et cur filebat ille V. D. ad ista lib. III. p. 76. D. *Armenius autem Cyrum prosequabatur, & reliqui homines universi, clamantes & appellantes benefactorem suum virum optimum. καὶ ταῦτα ἔποιοτον, ὥς ἐκ τῆς χώρας ἐξέπεμψαν. i. e. Et sic clamando prosequabantur, usque dum ipsum extra regionem deduxissent.*

Cap. nono: *Post argumentis, & quasi rerum notis ducibus, utebantur.* Constructio hæc ita concipiatur, *Post ducibus utebantur argumentis, & quasi rerum notis.* Quamobrem sic interpungendum est, *Post argumentis, & quasi rerum notis, ducibus utebantur.* Non autem intelligo cur viri docti legi maluerint, *Post argumentis & rerum notis, quasi ducibus utebantur:* aut hoc modo, *Post argumentis quasi rerum notis utebantur:* vel etiam, *Post argu-*  
men



*mentis & quasi rerum nodis ducibus utebantur.* Primò enim Latinissime dicitur *uti aliqua re duce*, pro quasi duce; quod exemplis, quæ mihi in promptu sunt, luculente ostenderem, siquis rem proletriam præfracte negaret. Deinde *quasi* sæpe cum uno nomine subsequente, nullo antecedente, construitur. Sic Div. I. 30. *tamquam insignitæ notæ veritates.* & c. 53. *extremamontis quasi puppis.* Tusc. IV. 29. *recentes quasi tumores animi.* Fam. l. III. ep. xi, 10. *Quod ad me quasi formam . . reip. misisti, . . valde est mihi grata.* Postremò *notæ rerum* hic recte dicuntur indicia quædam vel lumina, quibus res probantur aut illustrantur; ut docuit erud. P. Faber. ad h. l. Ibidem: *in qua tradebatur omnis disciplinæ dialecticæ.* Pronomen *qua* vocem non habet in antecedentibus, ad quam referatur. Quid ergo? An pro *in qua*, cum viro cl. rescribendum *ibique*, aut quod mihi in mentem inciderat, *in qua arte*? An verò illud *in qua*, ex verbis vicinis *probare & concludere*, supplendum nominibus *probatione & conclusionem*? quam rationem illustrant Cl. Jensus Lect. Lucian. l. c. 8. & Cortius ad Salust. Cat. c. XVIII. 1. An denique ἀπὸ τοῦ ἐν e seqq subaudienda vox *disciplina*? Tu, lector, elige; mihi, quidem, si datur optio, postrema ratio præ ceteris adridet.

Cap. XI. *Sed quæ essent sumenda, ex iis alia pluris æstimanda, alia minoris: quæ pluris, ea præposita appellabat, rejecta autem quæ minoris.* Quando hic *sumendorum* alia, quæ pluris æstimanda sint, dicuntur *præposita*, alia quæ minoris, *rejecta*; vocis *rejecta* vim ne ita rigide hic urgeas, quasi diceret id quod voci *sumenda* e diametro esset contrarium; sed ita interpreteris, ut idem solum modo quod *postposita* significet. Non enim *sumenda* ista, quæ essent minoris momenti, ideo *rejecta* appellabat

Zeno.

Zeno, quòd nulla plane æstimatione essent digna; sed quia, si modo alterutram ex duabus istis sumendorum speciebus eligere integrum esset, tum illam quæ minoris esset momenti, præ potiore relinqui oporteret. Vix dubium, quin ista notio relativa verbi *rejicere*, *contemnere* similiumque satis usitata bonis sit auctoribus. vide; quæso, Cel. Grævium ad Off. I. 1. adde de Fin. IV. 25. *alia eligenda sunt, alia rejicienda, alia omnino negligenda.* ubi *rejicere* minus quid exprimit, quàm *omnino negligere*. Quin quoad dictionis duritiem, geminus huic germanusque locus exstat Fin. III. 17. ubi in *præpositis*, si omnem nexum inspicias, statui videbis *præponenda quedam & rejicienda*, i. e. præ alteris omittenda. Non erat proinde, cur locum hunc tantopere fatigarent viri præstantissimi.

Sequitur ibid. *Cumque perturbationem animi illi ex homine non tollerent, naturaque & condolere, & concupiscere, & extimescere, & efferri lætitia dicerent, sed ea contraherent, in angustumque deducerent; hic omnibus his quasi morbis voluit carere sapientem. Cumque eas perturbationes antiqui naturales esse dicerent* &c. Non possum adduci ut Cl. Walkero adsentiar, qui scribendum judicabat, *Cumque perturbationes animi illi ex homine non tollerent, .. sed eas contraherent* &c. Nam primo pronomen *ea* bene comprehendit infinitivos antecedentes: deinde, quod rei caput est, neminem hoc moleste habeat oportet, quod numerum singularem *perturbationem* mox pluralis sequitur *perturbationes*: omnium enim vel tersissimorum auctorum nullus est, qui in talem numeri Enallagen non sæpius incidat. Solam Tullii auctoritatem adhibeamus, qui sic Tusc. V. c. 15. *Atque cum perturbationes animi miseriam, sedationes autem vitam efficiant beatam, duplex ratio per-*

perturbationis fit. lib. IV. c. 6. quidam brevius, perturbationem esse appetitum vehementiorem. . Partes autem perturbationum volunt &c. cap. 28. Sed omnis ejusmodi perturbatio animi placatione abluitur illa quidem. . . Verum tamen hæc est certa & propria sanatio, si doceas, ipsas perturbationes per se esse vitiosas, &c. Pari modo permutantur. animus & animi, ibid. c. 38. Divin. II. c. 67. Leg. II. c. 10. sensus & sensus, N. Deor. II. c. 58. Dei & Deus, ibid. III. c. 38. voluptas & voluptates, apud Lactant. Epit. c. xxxiii. uti & bonum & bona, Instit. III. c. viii, 16. Omnino igitur & in hac scriptura acquiesco, & in ista locorum sequentium: de Fin. III. c. 10. hoc quarto, quod extremum posui, bonorum notitia facta est: cum enim &c. tum ad notionem boni pervenit. Tusc. IV. c. 36.

*Major mihi moles, majus miscendum malum,*

&c. *Quæ igitur hæc erunt moles?* lib. V. c. 17. qui cum in alteram lancem animi bona imponat, in alteram corporis & externa; tantum propendere illam boni lancem putet. & cap. 18. . . in virtute non beatam modo vitam, sed etiam beatissimam ponere? quod nisi sit, virtutum interitus consequetur. in quibus locis numeri variatio ab aliis aliter est sollicitata. In seqq. his: aliaque in parte animi cupiditatem, alia rationem collocarent: equidem præpositionem in, quam e membro posteriore excidisse putabant viri cll., facile αὐτὸ κοινῶν subaudio; idque per ellipsin similem, quam cernere licet Off. I. c. 31. num alia in causa M. Cato fuit, alia ceteri, qui &c. Omittitur etiam in prioro membro. Horat. Carm. III. ode 25.

*Quæ nemora, & quos agor in specus?*

ubi vide crud. Bentleium.

CA-

## CAPUT IV.

*In eodem lib. I. Acad. vulgata lectio ter quaterve stabilitur. Pluralis numeri vis notabilis dilucidatur. Cicero obiter aliquoties defenditur, semelque commendatur. Synonymorum verborum concursus observatur. Repetitio voculæ nunc adseritur. Qui pro quia. Tria Laëtantii, novem Tullii loca vindicantur. Jam pro sane, quidem. Novatianus adseritur.*

**C**Ap. XII. ej. libri I. Acad. id autem visum cum ipsum per se cerneretur, comprehensibile, sc. esse voluit. *Feretis hæc? Nos vero, inquit; quonam enim modo καταληπτόν appellares?* Reponendum putat cl. editor, *Feretis hoc?* comprehensibile, quod finxerat, ut vim vocis καταληπτόν Latine exprimeret. At stante lectione vulgata, nihil erit incommodi, si sensum interrogationis illius sic concipias, ut si dictum esset *Feretis hoc & plura talia?* Talem numeri mutationem ecce de Div. I. 16. *veram enim fuisse obnuntiationem... exitus comprobavit; quæ si falsa fuissent, nullam adferre potuissent causam calamitatis.* ubi malebat idem V. D. *fuiſſet & potuiſſet.* de Fin. III. 5. *Rerum autem cognitiones, vel si hæc verba aut minus placent, aut minus intelliguntur, καταλήψεις appellemus licet.* ubi eadem ille chorda oberrat. de N. Deor. III. 7. *eodemque illa etiam differemus, quod Chrysippum dicere aſebas, quoniam &c. esse homine aliquid melius.* ille legit, *illud etiam, vel quæ Chrysippum.* Acad. II. c. 40. *Non ergo id agitur, ut aliquid ad sensu meo comprobem: quæ tu vide ne impudenter etiam postules, non solum arroganter. reponit, quod tu &c.* de Fin. IV. 23. *Stoici hæc videlicet viderunt; illos autem id sugerat superiores. ad stipulabatur codici uni & alteri, qui dant Stoici hoc videlicet &c.* Conticuit

autem, & meritò, si quid ego video, ad ista ibid. lib. V. c. 3. *Censemus autem te facile id explanare posse, quodd.. Athenis hæc ipsa te ex Antiocho videmus exquirere.* & lib. II. c. 29. *Potius ergo illa dicantur, turpe esse viro debilitari dolore, frangi, succumbere. nam ista vestra, si gravis, brevis; si longus levis, dictata sunt.* Tusc. I. c. 39. *Pellantur ergo istæ ineptiæ pene aniles, ante tempus mori miserum esse.* lib. V. c. 34. *negavit se jure illo nigro, quod cœnæ caput erat, delectatum; tum is qui illa coxerat* &c. Acad. II. 29. *hæc vera an falsa sunt? si te mentiri dicis, idque verum dicis mentiri; verum dicis.* Hæc scilicet inexplicabilia esse dicitis. cap. 43. *Si Polemonius peccat Stoicus rei falsæ assentiens.. eadem in veteres Academicos Peripateticosque dicenda.* cap. 44. *Sed quæro, quando ista fuerint ab Academia vetere decreta, ut animus sapientis commoveri & conturbari negarent.* & cap. 47. *Expromam primum illa invidiosa, quodd eos omnes.. insanos esse dicatis.* Ex his etiam, pluribusque quæ mihi ex optimis quoque linguæ Græcæ auctoribus collecta sunt, proclivis est emendatio loci de N. Deor. I. c. 8. *Longum est ad omnia, quæ talia sunt, ut optata magis quam inventa videantur. Sed illa palmaris quidem, quodd.. is cum dixerit sempiternum. Vox palmaris non habet substantivum, unde pendeat: cum itaque vir cl. legeret, Sed illud palmare est, quod* &c. ego malim, *Sed illa palmaria quidem, quod* &c.

Eodem cap. ad rationem inveniendam viæ reperiuntur. Quin viam reperire satis Latine dicatur, id nemo quidem dubitat; sed concursus iste verborum invenire & reperire, minus gratus interpretibus accidit, qui illud reperiuntur aut pronugatoris scholio habebant, aut in aperiuntur transmutabant. Attamen vix durior videtur iste con-

curfus, quam quem sæpius alibi offendimus, ut etiam doct. P. Faber judicavit. Sic concurrunt verba *consequi & adipisci*, ad Q. Fr. I. ep. 1. *nos ea quæ consecuti sumus, his studiis & artibus esse adeptos. Vitare & fugere*, Off. II. c. 2. atque affirmandi arrogantiam vitantem, fugere temeritatem, quæ &c. Quin etiam reperire & invenire, de Fin. V. c. 6. fons reperiendus est, in quo sint prima invitamenta naturæ; quo invento, omnis &c. Tusc. III. c. . Nam ut medici causa morbi inventa, curationem esse inventam putant: sic nos causa ægritudinis reperta, medendi facilitatem reperiemus. Ovidius Metam. lib. I. vs. 654.

———— Tu non inventa repertâ

Luctus eras levior. ———

cum nota Heinsii & Burmanni. Lactant. M. Perf. cap. XIV. *Erant certantes, quis prior aliquid inveniret. Nihil usquam reperiebatur. ubi vide cl. Bauldri.*

Cap. XIII. *Tunc Varro, Tuæ sunt nunc partes, inquit, qui ab antiquorum ratione nunc desciscis, &c. Fidem nobis fallere videtur codex Manutii, qui posterius nunc non agnoscit; quod per librarii elegantiam facillime omitti potuit, ne recurreret. Non autem ab ejusmodi recurso sic abhorruerunt auctores quique nitidissimi, quin sæpius in hanc, siqua sit, scribendi incuriam illapsi sint. Tusc. I. 22. ut si jam possent in homine vivo cerni omnia, quæ nunc tecta sunt. de N. Deor. II. c. 57. quæ primum oculos m. t. v. v. e. sepsit; quas primum perlucidas fecit. cl. Walkerus delet posterius primum, sed à codicibus destituitur. ad Fam. lib. XV. ep. 16. Puto te jam suppedere, cum hæc tertia jam epistola ante te oppressit quam tu scidulam aut literam. Pariter Græce, Polyænus Strategem. lib. II. cap. 3, 5.*

ἡ Δαρκεδημονίς ἀνασάτης πτωσικήκαμεν, ἔφη,  
NTM

NT'N ἐχρῆν πᾶσιν ἀντάτοις μάχεσθαι, ὡς καὶ NT'N  
 συμμαχεῖσιν ἡμῖν, Λακεδαιμονίῃς &c. Huc confer quæ  
 dabimus ad Acad. II. c. 11. & 27. Quod autem Ur-  
 sinus e codice suo profert, *quam ab antiquorum* &c.  
 pro *qui ab a.* atque inde legendum hariolatur *quo-  
 niam ab ant.* id omnino frustra factum puto, ta-  
 met si non castigatus est vir ille a commentatoribus.  
 Pronomen enim relativum, sive cum indicativo,  
 sive cum subjunctivo modo construatur, passim  
 sic adhibetur, ut antecedentium verborum ratio-  
 nem quamdam causamque exprimat, locumque  
 adeo conjunctionum *quoniam*, *quia* & similium  
 occupet. N. Deor. II. c. 24. *cœlestem enim natu-  
 ram...*, *quæ per se omnia gigneret, vacare voluerunt  
 ea parte corporis* &c. vide Fam. XI. ep. 7. lib.  
 XIII ep. 61. lib. XVI. ep. 1. & alibi millies. Ne-  
 pos Dion. cap. 3... *ille, qui in aliqua re vellet pa-  
 trem imitari, morem ei gessit.* vide Agel. cap. 6.  
 Lactant. Instit. I. c. V, 7. *Non poterat enim dicere  
 Jovem esse principium rerum, qui erat Saturno ge-  
 nitus; neque Saturnum ipsum, qui cœlo natus fereba-  
 tur.* cap. XI, 59. *Et in Latio Aventinus vocabu-  
 lum monti dedit, in quo sepultus est.* i. e. quia in co-  
 f. e. vide c. XX, 36. lib. II. c. XVI, 9. *Itaque  
 nullum sibi honorem tribui volunt; quorum omnis ho-  
 nor in Deo est.* i. e. quoniam eorum. lib. III. c. 10,  
 11. *In terram procumbere, ne si velimus quidem,  
 possumus; quorum status rectus est.* i. e. quia noster  
 status r. e. sic quoque lib. V. c. XVII. 3. & c.  
 XVIII. 3. ut & Epit. cap. LIII. p. 151. Jam aliquot  
 addam loca, in quibus hunc pronominis usum im-  
 merito vexasse videntur viri docti. Lactantius E-  
 pit. c. XXXV. *in ethica verò... philosophi errave-  
 runt; qui summum bonum nullo modo inveniri potue-  
 runt.* c. LII. *incognita causâ tanquam nocentes*

*damnant, qui constare de ipsa innocentia noluerunt. cap. LXXI. si enim &c. apparet eum, qui usum ignis habeat, non esse mortalem. Cicero supra c. 9. nec percipere ullo modo res eas, quæ subjectæ sensibus viderentur; quæ essent aut ita parvæ, &c. Tusc. I. c. 21. E quo intelligi potest quam acuti natura sint, qui hæc sine doctrina credituri fuerint. lib. IV. c. 1... eum, qui sapientia excelleret, Pythagoræ auditorem crediderunt fuisse. & lib. V. c. 19. Beatus igitur, qui hos interfecit? de Leg. I. c. 10. Quod argumenti satis est, nullam dissimilitudinem esse in genere; quæ si esset, non una omnes definitio contineret. de N. Deor. II. c. 15... Solem quoque animantem esse oportet, & quidem reliqua, quæ oriantur in ardore &c. cap. 16. Probabile est igitur præstantem intelligentiam in sideribus esse, quæ ætheriam mundi partem incolant &c. cap. 26. Jam qui magna verteret, Ma-vors (sc. dictus est); Minerva autem, quæ minueret. cap. 56. Jam gustatus, qui sentire eorum, quibus vescimur, genera deberet, habitat &c. Ohe! jam satis est.*

*Eodem cap. Ut contra omnium sententias dies jam plerosque deduceret. Quid sibi vult, inquit V. Cl. τὸ dies jam plerosque? Si respondere liceat, id sibi velle arbitror, ut intelligantur plerique illorum dierum, quos differendo deducebat Arcesilas; qui sensus cum mente verbisque auctoris maxime convenit, nisi me quidem fallat animus. Particulæ jam singularis & elegans hic usus est, pro sane, quidem, omnino; nisi velis esse tantum non expletivam. Supra cap. 7... sed quod ex utroque, id jam corpus, & quasi qualitatem quandam nominabant. de Leg. I. 7. Parent autem (dii hominesque)... præpotenti deo; ut jam universus hic mundus una civitas communis deorum atque hominum existimandus.*

*Tusc.*



Tusc. I. 41. *sin vera sunt quæ dicuntur, migrationem esse mortem in eas oras, quas qui è vita excesserunt, incolunt; id multo jam beatius est. & c. 22. ut si jam possent in homine vivo cerni omnia, quæ nunc tecta sunt. vide quoque Cæf. B. G. I. c. 17. Hinc non opus est, cum viro cl. dies etiam totos rescribere: sicut etiam bene se habere videtur ista lectio Novatiani Reg. Fid. c. XXIII. *Æstiment ergo an hic sit Deus, cujus auctoritas tantum movit quosdam, ut putarent illum (ut diximus supra) jam ipsum Patrem Deum.* legebat doct. Jackson, etiam ipsum &c.*

## CAPUT V.

*Transitur ad Acad. II. in quo quinque loca à sollicitationibus eruditorum defenduntur. Cacophonia bomæoteleutorum comprobatur. Complurium virorum doctorum hallucinationes de hac re proferuntur. Virgiliis interpunctio redintegratur. Audire in utramque partem. Florus defenditur & explicatur. Pleonasmus pronominis. Ellipsis verbi.*

**T**Ransimus ad lib. II. Acad. Cap. II. *Ac ve-*  
*reor interdum, ne talium personarum, cum am-*  
*plicare velim, minuam etiam gloriam. Cur illud*  
*etiam cum codice uno & altero expungeremus,*  
*nulla esse ratio videtur, quippe quod sæpius ita ve-*  
*nit in oppositione. Infra c. 9. nam tantum abesse*  
*dicebat ut id consentaneum esset, ut maxime etiam re-*  
*pugnaret. vide de Fin. lib. II. c. 17. & lib. V. c.*  
*20. & Senec. epist. XCII. Sed ratio, cur conjun-*  
*ctio heic minus probaretur viro doctissimo, ea*  
*potissimum esse videtur, (quamvis verbis non si-*  
*gnificaverit) quod triplex illud am cacophoniam*  
*efficiat Tullio parum dignam. Sæpius quidem ni-*

mia in sonis elegancia homines hallucinari coegrit eruditione præstantissimos. Non fuisse enim comptissimorum etiam scriptorum quempiam tam cautum, ut isto modo numquam obdormierit, hoc sane abunde licet colligi ex locis vel Tullii nostri innumerabilibus, quæ immota stare passi sunt iidem illi viri, qui alia haud quidquam duriora redintegrare nituntur. Supra I. c. 7. *quoniam quibusnam quisquam enuntiare &c.* N. Deor. I. c. 29. *quam tibi illam nostram Sospitam, quam tu nunquam &c.* Fin. V. c. 14. *Sed videsne accessuram ei curam.* lib. I. c. 17. *Sed ut iis bonis erigimur quæ exspectamus: sic letamur iis quæ recordamur.* vide I. IV. c. 5. Tusc. I. c. 41. *Quis.. laudaret, si m. m. iudicaret?* Divin. I. 27. *se interfectum, in plaustrum a caupone esse coniectum, & supra stercus injectum.* cap. 12.

*Hæc tardata diu species, multumque morata,  
Consule te tandem celsa est in sede locata.*

lib. II. 42. *casus cujusque eventusque fingi.* cap. 44. *modo hoc, modo illo modo.* vide c. 57. & N. Deor. II. 43. Ita passim quidem noster; neque hoc est illi uni præcipuum, sed cum aliis maxime commune. Ne nauscam tibi, lector, pariam, pauca tantum loca de multis quæ mihi observata sunt adferam. Seneca de Ira. I. c. 12. *quæ se diu multumque circumspexit, & textit, & ex lento ac destinato provexit.* lib. II. c. 28. *alia fecimus, alia cogitavimus, alia optavimus, alia favimus.* Virgil. Æn. X. v. 805.

— *omnis campis diffugit arator,  
Omnis & agricola; & tuta latet arce viator.*

TULLIANARUM LIB. I. CAP. V. 23

vide quoque lib. V. v. 385. lib. IV. v. 331. ccl. IV. v. 50. Lucretius lib. I. v. 735.

*Hic tamen & supera, quos diximus, inferiores  
Partibus egregie multis, multoque minores.*

Eamus ergo, & sincerâ atque intemerata esse sequentia hæc loca pronuntiemus. pro Marc. c. 2. *nullam in his esse laudem ampliorem, quam eam quam hodierno die consecutus es.* Patricius propter *κατὰ φάρων* totam laciniam istam, *quam e. q. b. d. c. es*, amputabat. Tusc. II. 23. *Num tum ingemuisse Epaminondam putas, cum, &c.* Bentl. legebat, *num tu ingemuisse &c.* & lib. IV. 17. *Ergo is, quisquis est &c.* idem vir eruditissimus, *Ergo hic quisquis est.* de Fin. II. 5. *vide ne sit aliqua culpa ejus qui ita loquatur, ut non intelligatur.* Davis. loquitur malebat. Lactant. Epit. cap. LIV. *Et hanc adversus innocentes carnificinam exercentes pios utique se & religiosos putant.* idem ille pro *exercentes*, reponerat *dum exercent.* Val. Flaccus Argon. lib. I. vs. 39.

— & fidei dat vultum & pondera dictis.

conjiunt docti, .. *pondera verbis.* Vellej. Pat. lib. I. c. 3. *omnia sub eorum (persona) qui illotempore vixerunt, dixerunt.* N. Heinsius, *vixere.* Virgilius lib. IV. *Æn.* v. 253.

— *avi similis, quæ circum littora, circum  
Pisces scopulos humilis volat aquora juxta:  
Haud aliter terras inter, cælumque volabat,  
Littus arenosum Libyæ, ventosque secabat  
Materno veniens ab arvo Cyllenia proles.*

cl. Benth. ad Horat. Carm. I. 34. nullum se dubitare ait, quin sic scripserit princeps poetarum:

*Haud aliter, terras inter cælumque, legebat  
Littus arenosum Libyæ, ventosque secabat*

&c. Miror equidem, naris tam sagacissimæ virum non olfecisse, vitii sedem esse tantummodo in distinctione vulgata positam, quæ sit haud dubie hunc in modum restituenda:

*Haud aliter, terras inter cælumque, volabat  
Littus arenosum Libyæ, ventosque secabat*

&c. *volabat littus* pro *ad littus*, sive Carthaginem in littore positam. ut lib. I. *Lavinaque venit littora*. & similia. vide Sanct. Min. IV. c. 6.

Sed ut ad alia Ciceronis pergamus, eodem cap. immerito quoque ista sollicitantur à clar. Davissii amico: *nec literarum Græcarum, nec philosophiæ jam ullum auctorem requiro*. Volebat vir ingeniosus *fautorem requiro*. Sed *auctor* non solum dicitur, qui rem reperit aut conficit, sed etiam qui illam sua vel opera vel auctoritate ornat, tuetur aut promovet. vidit jam Daviss. ad Fin. IV. c. 16. Sequente cap. *neque nostræ disputationes quicquam aliud agunt, nisi ut, in utramque partem dicendo & audiendo, eliciant . . quod aut verum sit, aut ad id quam proxime accedat*. Quamvis duæ istæ voces & audiendo, a quibusdam absint scriptis, non tamen ideo facile damnaverim, ut omnino importunas: nam disputationes habebantur dicendo & audiendo, tamque audiendo verum eruebatur quam dicendo. Sed quis, forte inquires, istam phra-

phrasin tolerare queat, *audire in utramque partem?* At vero illa Tullio tam digna est, ut vel eo nomine librariis aut enarratoribus videatur abjudicanda. de N. Deor. III. c. 1. *præbebo me tibi vicissim attentum contra Stoicos auditorem.* de Orat. lib. II. *cum læsisset testis Pisonem, quod se in eum audisse dixisset.* Fam. lib. VII. ep. 17. *ego te de rebus illis non audiam.* in his aliqua ellipsis inest, quam quisque facili negotio secum suppleverit.

Cap. V. *Similiter vos cum perturbare, ut illi remp., sic vos philosophiam bene jam constitutam velitis; &c.* Resumebat auctor illud *sic vos*, quia præcesserat *ut illi*: plane sicuti de Leg. III. c. 2. *qui ut illi cælestibus, sic hi adversentur magistratibus.* de Orat. II. c. 63. *Nummum divisorem, ut Neoptolemum ad Trojam, sic illum in campo Martio nomen invenisse.* Divin. II. c. 46. *qui (Alexander), cum Ptolomæus moreretur, Alexander adsidens &c.* Tusc. IV. c. 14. *ingeniosi ut æs Corinthium in æruginem, sic illi in morbum & incidunt &c.* Fam. XV. ep. 16. *Catius Insuber Epicureus, qui nuper est mortuus, quæ ille Gargettius, etiam (lege & jam) ante Democritus ἐιδωλα, hic spectra nominat.* Neque ab ista ratione abhorrent aliæ linguæ. Xenoph. I. Κυρουαιδ. p. 18. D. Οἱ, ἢ ἐπ' ἐκεῖνους ἡμεῖς ἐλαύνωμεν, ὑποτεμνῆνται πάλιν ἡμᾶς Ε'ΚΕΙΝΟΙ. & lib. II. p. 46. Α. Ε'ΓΩ δὲ, ὡς σὺ... ἐκίλευσας διδάσκειν τὴν ἑαυτοῦ ἑκάστον τάξιν, ἅπαρά σὺ ἐμάθομεν, ἔλω δὴ καὶ Ε'ΓΩ ὥσπερ καὶ οἱ ἄλλοι ἐποίησαν. vide quoque cl. Jensium Lect. Lucian. I. c. 9. & Jo. Vorstium de Hebr. N. T. cap. XXVII. His facile constat, fluctus in simpulo ciere viros doctos, cum locum Ciceronis sic refingant, ut aut, interpunctione mutata, legant, *Similiter vos. Cum &c.* aut, deletō pronominis, *Similiter cum perturbare &c.* Eodem

autem in luto hæsit V. Cl. Divin. II. 62. *Quod quoniam illud negatis, hoc necessario confitendum erit.* ubi hoc deleri jubebat. & Tulc. IV. 30. *Est enim metus ut ægritudo præsentis, sic ille futuri mali.* ubi vocem metus expungebat. Ex his quoque patrocinium suscipi posse videtur pro fanitate loci vexatissimi Flori lib. III. c. XXI, 28. *Nam Sulmonem, vetus oppidum socium atque amicum, (facinus indignum!) nondum expugnatum, ut obsides jure belli, & modo morte damnati, duci jubentur, sic damnatam civitatem jussit Sylla deleri.* Quemadmodum obsides jure belli, & modo morte damnati, duci jubebantur à Sylla, sic quoque Sulmo civitas damnata ab eodem jubebatur deleri. *Jure belli,* hoc est, quasi hoc illi jus belli permetteret: vide Freinsh. ind. v. *Jus. Et modo morte damnati,* hoc est, nulla quæstione, nullo criminis examine adhibito, sed cæco impetu damnati. *Jubentur autem & jussit* dicitur per enallagen generis ac temporis, quam ad Divin. II. c. 17. & Tusc. II. c. 15. probabimus satis usitatam. Postremo antecedens illud *Sulmonem, vetus opp. s. a. a.* postea resumitur per *et civitatem,* quam repetitionem hic dilucidavimus, quod etiam confer quæ ad Tusc. II. c. 15.

Eodem cap. V. *Repetunt à P. Valerio.. commemorant reliquos...: tum ad hos notiores, C. Flaminium &c.* in quibus cl. Davisius præpositionem *ad* tollit, vel hoc modo legit *tum & hos,* vel *tum autem hos notiores.* Ego subaudiendum puto verbum *perveniant,* quod exprimitur cap. 13. at reticetur cap. 1. *provinciæ præfuit: deinde absens factus ædilis: continuè prætor...: post in Africam: inde ad consulatum: quem ita gessit &c.* & cap. 23. *Sed cum hoc alio loco plura: nunc ad ea, quæ à te dicta sunt, de N. Deor. II. c. 1. sed ad ista aliàs: nunc Lucilium - - audiamus.* nisi in duobus his locis posterioribus malis subintelligere *respondendi* vel *disputandi* verbum, CA.

## CAPUT. VI.

*In Cic. II. Acad. edita lectio septies confirmatur. Enallage præpositionum. Locus de Fin. vindicatur. Enallage numeri. Ellipsis verbi ante pron. qui. Cic. in Tusc. defenditur juxta cum Seneca, qui etiam obiter tentatur. Abesse & adesse, pro defendere aut non defendere. Repetitio conjunctionum. Ciceronis lectio vulgata unâ cum loco D. Joannis adseritur. Pronominis usus notandus. Cicero, Lactantius, Livius & Alciphron vindicantur.*

**E**Jusdem libri II. Acad. cap. X. & istam κατά-  
 ληψιν.. cum ipsam per se amat (mens),.. tum  
 etiam propter usum. Conjicit hic Lambinus propter  
 se, pro per se legendum: cur vero sic malit, id  
 nobis hâriolandum reliquit. An quia dicendum  
 Latine est, amo illud propter se, non amo illud per se?  
 non potuit virum, in scriptis Tullianis versatissi-  
 mum, usus ille fugere præp. per, adeo tralaticius.  
 An vero quia mox sequitur, propter usum? sic sane  
 cum V. D. in hac præpositionum variatione lap-  
 sum deprehendo, lib. IV. de Fin. c. 5. *Pauca  
 mutat vel plura sane; at cum è plurimis eadem dicit,  
 tum certe de maximis.* ubi ille volebat de plurimis.  
 Sed enallage ista satis frequens est. sic de Fato c.  
 16. *neesse est in rebus contrariis (contraria &c.)  
 ex his igitur necesse est.. alterum esse verum, a. f.  
 de Leg. I. c. 5. non ergo a prætoris edicto,.. sed  
 penitus ex intima philosophia hauriendam j. d. p. de Fin.  
 I. c. 20. eodem modo sapiens erit affectus erga ami-  
 cum, quo in se ipsum. Vell. Paterc. lib. I. c. 3. ni-  
 bil enim ex persona poetæ, sed omnia sub illorum.  
 dixerunt. Lactant. Inst. lib. V. c. xi, 15. non enim*  
 de

*de nostro, sed ex illorum numero semper existunt, qui &c.*

*Ibidem: Interdum enim cum adhibemus ad eos orationem huiusmodi, ... respondent.. naturam accusa. Quia præcessit pluralis numerus adhibemus, ea esse ratio videtur, cur vir cl. pro accusa reponebat accusate. At similiter a plurali numero transitur ad singularem, suprà c. XI.. a quibusdam interrogatur, Ergo istud quidem percipis? N. Dcor. III. c. 24... laboratis, ... hæretis.. Quid Vejovi facies? Divin. II. c. 61. Fuit igitur divina beneficentia dignius, quum consulerent nobis, clariora visa dare vigilantibus. cuius nota cl. Davissii. Paucis interjectis post: alii autem elegantius, qui etiam queruntur, quod eos infimulemus. Relativum qui a mala manu irrepisisset, vix equidem mihi persuaserim. Parili enim est ista forma, suprà I. c. 4. nam etsi non sus Minervam, ut aiunt; tamen inepte, quisquis Minervam docet. i. e. inepte agit. de Leg. II. c. 11. Melius Græci, atque nostri, qui.. voluerunt. lib. III. c. 20. Græci hoc diligentius, apud quos νομοφύλακες creantur &c. sic quoque de N. D. II. 14. Lactant. lib. II. c. v, 24. Quanto igitur Naso prudentius, ... qui sentit &c. & Epit. cap. LIX. Melius Poetæ, qui.. dixerunt. Seneca de Ira II. 23. Quanto animosius Alexander, qui cum legisset &c. lib. III. c. 38. Cato noster melius, cui cum causam &c. Non ausim igitur quidquam novare ibid. lib. I. c. 12. Non pietas illam iram, sed infirmitas movet: sicut pueri, qui tam parentibus amissis flebunt, quam nucibus. (legendum puto nutricibus.) hic Lipsius legebat, sicut pueris, qui &c. Gronovius, sicut pueri tam parentibus &c: ejecto pronomine. Noster Tusc. I. c. 30. Itaque commemorant ut cygni, qui non sine causa Apollini dicati sunt, sed quod &c. sic omnibus bonis &c. doctis*



*doctis esse faciendum.* ubi operam ludunt, siquid ego video, Lambinus & Davisius, quos vide.

Cap. XI. *facile etiam absentibus nobis, veritas se ipsa defendet.* Elegantissima hæc est verbi *abesse* tralatio, quod proprie ad res forenses pertinet, causæque alicujus patrocinationem subterfugere significat. Hinc eadem in oppositione cum verbo *defendere* occurrit, or. pro Sylla cap. 5. *ut mirari Torquatus desinat, me qui Antonio abfuerim, Syllam defendisse.* Non erat igitur, cur pro *absentibus* legerent viri *eximii tacentibus*: quis enim metaphoræ non laudet potius concinnitatem, quàm duritiem arguat?

Cap. XV. *Primum conantur ostendere, multa posse videri esse, quæ omnino nulla sunt, cum animi inaniter moveantur eodem modo rebus iis quæ nullæ sint, ut iis quæ sint.* Si in his *ut iis quæ sint ἀπό κοινῷ* repetamus *inaniter*, sensus erit perabsurdus, quoniam iis quæ sint non *inaniter*, sed *vere* moventur animi. Terruit hoc veluti *μορμολύκειον* viros doctissimos, ut illud *inaniter* aut obelo confoderent, aut in *frequenter* transmutarent. Haud dubium, quin vox illa exfulare, salvo auctoris scopo, facillime queat; sed nec ea ratio exterminandi, quamvis passim arripiatur à criticis, satis solida ac justa videtur; nec vero sic ullus omnino foret ejiciendi finis. Stantē igitur voce *inaniter*, mutatione faciliore, adeoque etiam potiore, posteriora ista sic possemus explere, ut rescriberemus, *ut vere iis quæ sint.* Ut tamen verum fatear, vocolam *vere* facillime subaudio; cumque nulla ratio sit, quæ nos illud *inaniter* ex antecedentibus tam morose ad ista *ut iis quæ sint*; referre cogat, manum medicam prorsus abstinendam arbitror.

Eodem cap. *ut, siqui tremarent & exalbescerent;*  
vel

vel ipsi per se, motu mentis aliquo, vel objecta terribili re extrinsecus, nihil ut esset qui distingueretur tremor ille & pallor, &c. In his nihil ut esset conjunctionem ut debebat vir cl., ne recurreret. At par ratio est infrà cap. 46. ut, quoniam Aristippus &c. ut Calliphontem sequar. ubi vide Manut. & Lamb. Livius lib. XXVIII. c. 9. ut, quoniam.. deduci non potuisset, ut M. Livium quadrigis &c. Gellius lib. III. c. 9. ut, quisquis haberet eum possideretque, ut is cum omni domo deperiret. utrobique consule I. F. Gronovium. Apuleius Apol. p. 548. Persuasi ut, filiis pecuniam suam reposcentibus, de qua supra jam dixi, ut eam pecuniam sine mora redderet. quem locum debeo cl. Davisio, qui cum citat ad Tusc. lib. III. c. 8 Florus lib. II. c. 6. si, quod Pœnum illum dixisse.. ferunt, Annibal si quemadmodum sciret vincere, sic uti victoria scisset. ubi vide Salmasium & Dukerum. His quoque vindicari ista lectio potest Divin. I. c. 57. Quid est, cur, cum domus sit omnium una, .. cur ii quid ex quoque eveniat perspicere non possint? codici Regio & Cantabrigiensi ut sæpius alibi, ita & illic nimium tribuebat cl. editor, qui eorum auctoritate fretus, prius illud cur deletum voluit. D. Joannes Epist. I c. III, 20. ὅτι εἰάν καὶ ἀγνώσκῃ ἡμῶν ἡ καρδία, ὅτι μέζων ἔστιν ὁ θεὸς τῆς καρδίας ἡμῶν. ubi posterius illud ὅτι, cum codice quodam & vulgata interpretatione, delent philologi, aut pro eo substituunt ἐτι: quibus equidem haud facile accesserim.

Cap. XVI. Et primum quidem hoc reprehendendum, quod captiosissimo genere interrogationis utantur, quod genus minime in philosophia probari solet, cum aliquid minutatim & gradatim additur aut demitur. Soritas hos vocant, qui acervum efficiunt uno addito grano. Vitiosum sane & captiosum genus. Interpunc-

punctionem & lectionem sic restituebat cl. Davi-  
sius, . . *probari solet. Cum aliquid m. e. g. a. a.*  
*demitur, soritas hoc vocant.* At interpunctionem  
quod attinet, nihil ea videtur habere cur respu-  
atur: verba enim, *cum aliquid m. e. g. a. a. demitur,*  
explicant antecedentia, plane ut de Fato cap. X.  
*Itaque tertius quidam motus oritur extra pondus &*  
*plagam, quum declinat atomus intervallo minimo.* quo  
plura conferemus talia. Quod autem codicum u-  
nus & alter dant *sortitas hoc vocant*, non *hos*, iis nol-  
lem auscultasset vir cl. sic enim eleganter prono-  
men voci proximæ accommodatur, nulla antece-  
dentium ratione habita: quale ex. gr. est illud, *Est*  
*locus in carcere, quod Tullianum appellatur.* Seneca  
Const. cap. XI. . . *qui probra meditate effundunt;*  
*nec has contumelias vocamus, sed argutias.* τὸ *has*  
non habet substantivum in antecedentibus, ad  
quod referatur. Salust. Cat. cap. VII. 6. . . *eas*  
*divitias, eam bonam famam.. putabant.* ubi plura  
Wasseus & Cortius. adi quoque Gron. ad Sen.  
Tranq. c. X. Fallitur rursus editor cl. de Leg.  
II. c. 5. *quæque ita composita sanctæque essent, eas*  
*leges videlicet nominarunt.* ubi conjicit ille *ea* *leges.*  
Lact. Epit. c. LIV. initio: *Atqui religio sola est,*  
*in qua libertas domicilium collocavit.* ubi ille rursus,  
*sola res est.* Cic. Tusc. III. 34. *Hæ sunt illæ fibræ*  
*stirpium &c.* legit cel. Bentl. *Hæc sunt i. f. f.*  
Livius lib. XXX. 4c. *Vermineam Syphacis filium,*  
*quæ parva bene gestæ rei accessio erat, divitum &c.*  
N. Heinf. ad Vell. Paterc. II. c. 26. scribebat *qui.*  
Alciphron lib. I. ep. 7. ἀντίδοσις γὰρ ἡ παρὰ φι-  
λων εἰς φίλους. vocem δόσις injiciebat doct. Bergle-  
rus, quod ceteroquin ei subjectum deesse videbatur.  
At ego his locis nihil mendi subesse puto.

## CAPUT VII.

*Septem Tullii loca in II. Acad. adferuntur & comprobantur. Transpositio particularum. Cicero bis obiter vindicatur. Imperfecti usus notabilis. Quatuor Tullii loca defenduntur. Enallage temporum. Seneca tentatur. Ellipsis vocis aliquis. an pro an non, & vice versa. Lactantius defenditur. Repetitio conjunctionum. Ter Cicero, bis Pompon. Mela vindicatur.*

**C**Ap. XVII. ejusdem lib. II. Acad. & ais Democritum dicere innumerabiles esse mundos, & quidem sic quosdam inter se pares, ut inter eos nihil prorsus intersit, & eos quidem innumerabiles, itemque homines. Dicitur hic statuere Democritus inter mundos innumerabiles, esse mundos non aliquot tantum, sed plurimos & innumerabiles, qui sint inter se perfecte similes atque pares. Quid, quæso, in verbis Tullii est ὁπρῶτον, quid otiosum, si sic enarres? Non possum igitur, quin diversus ab illis abeam, qui postrema ista, & eos q. i. i. h. pro insititiis habent, aut sic refingunt, eoque innumerabiles item homines. In his autem cap. XVIII. inter ipsas impressiones nihil interesse, sed inter species & quasdam formas eorum: non video quo jure reponeret cl. Walkerus, & quasi formas eorum, quippe cum vocis quasdam eadem fere potestas sit: utalibi dicitur *Exprimere quandam formam figuramque dicendi, fingere quandam formam & speciem, ingenii quandam formam lucere*: & sexcenta talia.

Cap. XXII. qui hæc ipsa.. & didicit apud Platonem, & scripsit de his rebus accuratissime. Ἀπὸ τῆς Grammatica talem verborum ordinem postulat,

lat, qui & hæc ipsa didicit, & scripsit de h. r. a. Sic Lambinus in his, Fin. I. c. 10. hic tenetur à sapiente delectus, aut ut rejiciendis voluptatibus majores alias consequatur, aut perferendis doloribus asperiores repellat: transponebat, ut aut rejiciendis &c. Et Patricius, in his pro Rabirio cap. 3. Sed id nec agitur, nec cum Postumi causa res ista conjungitur: emendabat, Sed nec id agitur, &c. At ab ista confusione haud alienum Tullium deprehendo. Suprà cap. 17. & quidem sic quosdam inter se non solum similes, sed.. ita pares, &c. mallet forte quispiam, & quidem quosdam inter se non solum sic similes, sed.. ita pares, aut alioquin deleri illud ita. pro Marcello c. 3. adversarium.. non modo attollere jacentem, sed etiam amplificare ejus pristinam dignitatem. analogia requirit hunc ordinem, non modo adversarium tollere jacentem, sed &c. Tusc. I. c. 31. Hoc & dum erimus in terris, erit illi cælesti vita simile, & cum i. e. h. v. feremur, minus tardabitur cursus animorum. cur non reficiunt docti, Et hoc, dum &c.? & lib. IV. c. 14. sic illi in morbum & incidunt tardius, & recreantur ocus. hoc est, & in morbum incidunt &c. Imitatur Lactantius Epit. cap. LXII. ut & malum comprimatur.. & ut.. innocentiam patientiamque teneamus. Instit. lib. I. c. XXII, extr. & idcirco fieri potest, vel ut ante, vel adhuc puero Jove, deos colere instituerit: pro, ut vel ante, vel &c. & lib. V. c. XVII, 34. Sapientia est enim intelligentia vel ad bonum rectumque faciendum, vel abstinentia dictorum f. i. pro, vel intelligentia ad bonum &c.

Cap. XXIII. Et primum, quod initio dixisti, videamus quale sit: similiter à nobis de antiquis philosophis commemorari; atque seditiosi solerent claros viros. Illud solerent nihil habet incommodi, cur

aut tolleremus, aut rescriberemus *solent*. Temporis imperfecti heic nullum locum esse concederemus, si antecedentia verba sic essent in præsentii prolata, *similiter à nobis d. a. p. commemoratur*; sed jam imperfectum *solerent* congruit cum superiore illo præterito *dixisti*: eodem plane modo, ut de Div. I. c. 18. *qui duo genera divinationum esse dixerunt*; unum quod particeps esset rationis, alterum quod arte careret. lib. II. c. 14. *qui omne quod esset, unum esse dixerunt*. de N. Deor. II. c. 61. *satis docuisse videor*, hominis natura quanto omnes anteiret animantes. si dixisset Cicero in membro priore *satis docere videor*, in posteriore quoque dixisset, *hom. nat. qu. om. anteat animantes*. Plura, quæ mihi in mundo sunt, adferre non opus est. Pergamus ad ista quoque loca vindicanda. de Divin. I. c. 34. *tum augures dixisse Bæotios, Thebanorum esse victoriam*, propterea quod avis illa victa silere *soleret*, canere si vicisset. ubi vir cl. ex Vict. & Venet. 1471. legit *solet*: perperam: ut & lib. II. c. 26. *Tu vates Bæotios credis Lebadæ vidisse. .victoriam esse Thebanorum, quia galli victi silere solerent, canere victores*: idem V. D. reponit *solent*. Rursum de Leg. II. c. 19. *sæpe. . ex patre audiivi pontificem bonum neminem esse, nisi qui jus civile cognosset. i. e. didicisset, ejusque scientiam sibi acquisivisset. ille legit, cognoscit*. de N. Deor. II. c. 38. *ac mihi videor satis & esse deos, & quales essent, ostendisse. ampl. & erud. Boherius conjicit, quales sint*. Sequentia vero loca si sana sint, observanda in iis est Temporum Enallage. de Fin. II. c. 2. *Bonum ipsum etiam quid esset, forte si opus fuisset, defini-visses, aut quod esset natura appetendum, aut quod prodesset, aut quod juvaret, aut quod liberet modo. .pro liberaret*. de N. Deor. II. c. 16. *Nec verè*  
Aristo-

*Aristoteles non laudandus in eo, quod omnia quæ moventur, aut natura moveri censuit, aut vi, aut voluntate, .. quæ autem natura moverentur, hæc aut &c. ubi nota moventur & moverentur. & c. 15. ipsumque mundum deum dicit esse, & ejus animi fusionem universam; tum ipsius principatum, qui in mente & ratione versetur &c. tum ea quæ natura fluere atque manarent. &c. Lactant. lib. VI. c. v. 1. quam (virtutem) non recte philosophi definierunt quid esset, aut in quibus rebus, quid operis, quid habeat officii. Seneca de Ira I. c. 5. Quid esset in ira, quæsitum est, an in u. a. a. q. i. b. caderet, quo ab iracundia distaret, & quæ ejus species sint. ubi tamen vix possum quin legam essent, pro sint.*

Cap. XXIV. *Videor ne tibi non ut &c. sed etiam imitari numquam nisi clarum? Miror in his non potuisse ferri desiderium vocis aliquem, quæ tamen passim sic subintelligenda omittitur. ut E. G. de N. Deor. I. c. 28. Est enim vis tanta naturæ, ut homo nemo velit nisi hominis similis esse. i. e. ullius nisi hominis. & c. 35. Tu enim sumebas, nisi in hominis figura rationem inesse non posse. i. e. in alia nisi hominis figura.*

Cap. XXV. *quam (rationem) ut maxime inveniis (quod haud scio an non possis) non tu verum &c. Præceptor noster præstantissimus exterebat voculam non. Si mihi a viro maximo dissentire liceat, locum hunc plurimis similibus stabiliri & adstrui posse arbitror, quibus Ex. Gr. dicitur quod haud scio an fieri non possit, cum de rei possibilitate ambigitur; & vice versa, quod haud scio an fieri possit, ubi fieri posse confiditur. Consule tantummodo, quæ Davisius ad Leg. I. c. 21. Burmannus ad Quinctil. I. O. XII. c. xi. & Dukerus ad Florum lib. III. c. 6. Eodem modo Latinæ Linguae*

genium suæ idiotismo metiri volebat Lipsius ὁ πᾶ-  
 ρυ, cum in his Senecæ de Ira III. c. 38. *Vis tu  
 æquo animo pati candidatus suffragia?* malebat, *Non  
 vis tu* &c. quem bene refutat J. F. Gronovius.  
 Forte etiam conjectura fefellit duumviros insignes,  
 ad hæc Lactantii Epit. cap. xxix. *Sed dicit quis-  
 piam, cur ergo verus ille deus patitur hoc ipsum fieri?  
 An potius malos vel summovert, vel exstinguit?* con-  
 jiciebat alter, *an non potius* &c. alter, *cur non potius*  
 &c. sed ita *an pro an non* videtur dixisse Cicero,  
 de Offic. I. c. 15. *Quod si ea quæ utenda acceperis,  
 majore mensura, si modo possis, jubet reddere Hesi-  
 odus; quidnam beneficio provocati facere debemus? an  
 imitari agros fertiles, qui multo plus efferunt quàm  
 acceperunt? Etenim* &c.

Cap. XXVII. *Tractantur ista ingeniose; disputan-  
 tur etiam eleganter; denique videantur sane, ne ad-  
 firmentur modo.* Sensum postulare putabat V. Cl.  
*denique probentur sane.* at idem illud satis commo-  
 de videtur exprimi verbo *videantur*, i. e. verosi-  
 milia sint, probabilia sint; *ne adfirmentur modo*,  
 h. e. caveamus tantummodo ne vera esse contem-  
 damus. Sequitur: *Sed de Physicis mox, .. ne tu..  
 videre mentitus.* *Sed ut ad* &c. Quod ab eadem  
 conjunctione *sed* inchoantur periodi, ea ratio nulla  
 esse videtur cur a lectione hac vel latum unguem  
 abscedamus. sic enim suprà c. 26. *Sed ne vivus qui-  
 dem bono caret, si eo non indiget. : sed in vivo intel-  
 ligi* &c. Att. IX. epist. 4. *Sed fortasse in eo ipso  
 offendetur, cur non Romæ potius.* *Sed tamen si* &c.  
 vide & de N. D. I. c. 26. Lactant. de Mort.  
 Perf. cap. XIV. *Sed.. aliud rursus incendium moli-  
 tus est.* *Sed celerius animadversum* &c. Lucanus  
 lib. X. vs. 161.

... Sed



— — Sed non Mareotidos uvæ  
Nobile, sed paucis senium cui contulit annis.

ubi vide cl. Ouderdorpium. Eadem quoque ratione iteratur conj. autem, Tusc. V. c. 15. quod autem latabile, id prædicandum & præ se ferendum: quod tale autem, id etiam gloriosum: si vero gloriosum, certe laudabile: quod laudabile autem &c. & c. 18. hic autem vincetur, ut dixi, nec modo vincetur, sed etiam serviet: nos autem virtutem &c. de N. Deor. II. c. 23. Epicurus, monogrammos deos, & nihil agentes commentus est. Illi autem pulcherrima forma præditi.. ita feruntur &c. Multæ autem aliæ naturæ deorum.. constitutæ nominatæque sunt. Sic innumeris aliis in locis; ut non sit, cur quidpiam moveamus in scriptura ista, Tusc. IV. c. 6. Præsentis autem mali, sapientis nulla adfectio est: stulti autem ægritudo est ea &c. & lib. V. c. 16. hi autem sine his esse nullam putant (vitam), aut si sit beata, beatissimam certe esse negant. Nos autem &c. Pompon. Mela in præmio: Dicam autem alias plura & exactius: nunc autem ut quæque clarissima & strictim. In his locis recursus iste immerito offendisse viros doctos videtur. Addamus alia quædam hujus generis exempla. de Divin. II. c. 13. Democritus tamen non in se ipse nugatur.. verum is tamen &c. de N. Deor. II. c. 10. Ipse verò aer, qui natura &c. Ille vero & multo quidem calore admixtus est: ipse enim oritur ex respiratione aquarum; earum enim quasi &c. 10. Ille verò haud facile cum viro ampl. cancellaverim. de Leg. III. c. 2. Deinde etiam deinceps posteris prodebat; quod ex in his etiam manet. Tusc. IV. c. 2. Mibi quidem etiam Cæci cæcumen &c. multa etiam sunt &c. unde prius

*etiam eximebat cl. Davisius, cui quamvis codex unus & alter addicat, ego tamen vix possum suffragari. Pomp. Mela lib. III. c. 10. Ceterum sola etiam ditior, & adeo fertilis etiam, ut frugum genera non cum serantur modo benignissime procreet, sed quædam profundat etiam non sata. ubi contra hanc repetitionem omnem lapidem movent intt. confer quæ dicemus ad N. D. II. c. 52. Accedit etiam ad nonnullorum animantium.. salutem, hominum etiam solertia.*

## CAPUT VIII.

*Octo vel novem Tullii loca juxta seriem vindicantur: totidem quoque in transiū defenduntur, unasque & alter emendatur. Incitatus furor. Ne sit, formula concedentis. Lumina causæ vel orationis. Ne quidem pro neutiquam. Humanissima voluptas. Enallage casuum. nam vel enim omittitur, ubi posset adhiberi. Lactantius, Cæsar, & Commodianus vindicantur. Emendatur quoque Commodianus. Denique post denique. Vocis noster usus notabilis. Ellipsis durior. Lucianus defenditur.*

**P**ergimus in eodem libro Acad. II. ibi autem cap. XXVIII. ista legimus, .. nonne ibidem incitato furore, sc. clamat? Legebat editor doctissimus incitatus furore: at Latinitatem quod attinet, nihil omnino differre videtur, utrum quem clamare dicas incitatum furore, an incitato furore; nam incitatus furor est furor vehemens & effrænatus. sic Tusc. V. c. 24. studium dicitur incitatum. in Or. c. LIX. cursus in oratione incitator. & Fam. VI. ep. VII. 5. genus scripturæ non modo liberum, sed incitatum atque elatum. Plura Lexicographi submis-

nistra-

nistrabunt. Sæpius autem rei adscribitur, quod personæ magis convenit, deque abstractis & adjunctis enuntiatur, quod proprie quadrat concretis & subjectis. Sic *occupata opera* de Leg. I. c. 3. *neque enim occupata opera, neque impedito animo res tanta suscipi potest.* *Occupata opera*, i. e. in occupata opera, cum occupatus sis opera. Non erat cur illic *occupato opera* rescriberet cl. Davisius, similiter enim *occupata tempora* dixit Cicero pro Plancio c. 27. & *occupatum diem*, Quintil. I. O. l. X. c. 7. itaque dicitur *necessitas inopiæ coacta & angustiis*, de Orat. III. c. 28. Talia sunt quoque *ebrius error*, *doctus labor*, *iratus impetus*, *infesta cornua*, cujusmodi multa nuper collegit Cel. Burmannus ad Phædri Fab. XXI.

Cap. XXX. *nec reperio quomodo judicem, si lucet, lucet, verum esse, ob eam causam quod ita didici, omne q. i. e. s. c. s. verum esse; non judicem, si mentiris, mentiris, eodem modo esse connexum.* Voculam *quum* post *quomodo* excidisse non credo. Eadem locutio est cum alibi passim, tum quoque c. 33. *An est aliquid, quod positum vel improbare vel approbare possit, dubitare non possit? An tu in Soritis poteris hoc, cum voles; ille in reliquis rebus non poterit eodem modo insistere, &c.?* hic bis eodem plane modo desideratur illud *quum*, si forte desiderium illud queat dici. & supra cap. 13. *Maxime autem absurdum, vitia in ipsorum esse potestate, neque peccare quemquam nisi assensione; hoc idem in virtute non posse &c.* quis hic legendum statueret, *M. a. a. quum vitia in ipsorum sint potestate, neque peccet quisquam n. a.; hoc idem &c.?*

Cap. XXXII. *Quod tamen dicimus esse quedam probabilia, non videtur hoc satis esse vobis. Ne sit; illa certe debemus effugere.* Nihil moveo in ista scrip-

tura, quam sic refingebat V. Cl... *vobis*. *Næ sic certe*, aut *Vel sic certe* &c. Tales sunt etiam istæ concessionēs, supra c. 26. *Ne sit sane, videri certe potest*. Tusc. II. c. 5. *Quare ne sit sane summum malum dolor; malum certe est*. Fin. IV. c. 26. *Ne sit sane, at certe gravius* &c. lib. II. c. 31. *Sed ut sit, etiamne post mortem coletur?* Livius lib. XXXI. 7. *Ne æquaveritis Hannibali Philippum.. Pyrrho certe æquabitis.* confer quæ ad Tusc. III. c. 17. Eodem cap. *ut neque neget aliquid, neque aiat*. Oppositio vulgaris quidem illa, sed à scriptoribus librariis pessime corrupta in loco isto de Leg. lib. II. c. 6. Q. *Quid quod Zaleucum istum negat ullum fuisse Timæus*. M. *At Theophrastus auctor baud deterior; mea quidem sententia: meliorem multi nominant: commemorant vero.. Locri*. J. Lipsius legebat,.. *sententia melior, eum multis nominat: Davisius,.. sententia melior, eum & multi nominant*. A scopo aberrant, ut ego quidem puto, duumviri perspicacissimi: levi enim brachio pro *At, Ait* est reponendum.

Cap. XXXIII. *Sed illa sunt lumina duo, quæ maxime causam istam continent. Primum enim negatis fieri posse ut quispiam nulli rei assentiatur.. Alterum est quod negatis* &c. Vocem *lumina* immerito sollicitat V. D. quum mallet *vimina*; sunt enim *lumina*, quæ causæ cuiuspiam, aut orationi vel sententiæ probabilitatem adferunt aut ornatum. *Partes luminosæ* vocantur in Orat. cap. 36. *Nam cum omnis pars debet esse laudabilis.. tum sunt maxime luminosæ & quasi actuosæ partes duæ.... Ac vero illa pars orationis, quæ est de genere universo, totas causas sæpe continet.* dicuntur hic partes luminosæ causas continere, ut in loco proposito, *lumina duo, quæ maxime causam istam continent*. Ne autem de tralatitijs ista

ista hujus vocis significatione dubites, en locum de multis unum & alterum. de Fin. II. c. 22. *At negat (hoc enim vestrum lumen est) quemquam, qui boneſte non vivat, jucunde poſſe vivere.* de Orat. II. c. 27. *Hæc ſunt omnia ingenii vel mediocris; exercitationis autem maximæ: artem quidem & præcepta duntaxat hætenus requirunt, ut certis dicendi luminibus ornentur.* vide quoque ſuprà c. 14. Quinçtil. In. Or. VIII. c. 5. & alibi.

Cap. XXXVI. *Primum ergo.. quæ de natura rerum ſint quæſita, videamus. Velut illud ante. Eſtne quiſquam tanto inflatus errore, ut ſibi ſe illa ſcire perſuaſerit?* Lambino ſuſpectus eſt locus, quem quidem Daviſius ita ſanabat, ut legeret *verum illud ante.* Mihi dirimendum tantummodo illud *velut* videtur. *vel ut illud ante,* ſcil. *videamus,* vel *dicam,* ſi mavis; cujuſmodi ellipſis omnino eſt, ut ego arbitror, tolerabilis. Hoc autem modo interpungo, *vel ut illud ante: Eſtne &c.* ut inſrà c. 24. *Sed quod cæperam: Quid habemus--explorati?* Cap. XXXIX. *Quid tu, Epicure? loquere. Putas ſolem eſſe tantulum? Ego ne vobis quidem tantum. Sed & vos ab illo inridemini, & ipſi illum viciſſim illuditis.* Quidquid id eſt, quod in hoc loco moleſte habuerit viros eruditiffimos, nihil equidem male affectum eſſe, præter ſolam diſtinctionem, exiſtimem. Poſt *tantum* tollatur *συμμή*, eique *λόγος* ſubſtituatur: ſic dicet is qui hæc diſputat, ſe non ſolum ab adverſariis ſuis irrideri, quod iſta ſciri poſſe negaret, ſed illorum quoque ſententiam ridiculam Epicuro fuiſſe, quemadmodum illi exhiberent Epicuream. Non obſervarunt critici, quam vim habeat illud *ne quidem*, quæ tu, lector, jam vides qualis ſit, clariuſque videbis, ſi iſta compoſueris, pro Mil. c. XVII. *Ergo ne cauſa quidem*

*itinēris, etiam causa manendi. in Orat. c. XVII. ne nunc quidem solum de orationis modo dicam, sed etiam de actionis. Lactant. lib. V. c. XII, 2. Adeone apud vos perit innocentia, ut ne morte quidem simplici dignam judicetis, sed supra omnia facinora habeatur nullum facinus admittere &c.? Plura vide apud Turfellinum, de Partic. p. 522.*

Cap. XLI. *si vero aliquid occurreret quod verosimile videatur, tum humanissima completur animus voluptate. Cl. Davisii amicus V. D. legebat diviniissima, pro humanissima; cui tamen ipse accedere gravabatur, quod dubitaret an non voluptas dici humanissima ea possit, quæ hominem maxime deceat, eoque sit dignissima. At cum ille nullum locum adferat, en præ ceteris in hanc rem luculentissimum, Xenoph. VIII. Cyrop. p. 235. ubi moribundum Cyrum sic inter alia loquentem facit ad filium natu minorem: Quæ si tibi largiar, majori quidem natu imperium regniq̃ nomen amplius, tibi vero felicitatem tranquilliorē me relicturum existimo: ὁποίας μὲν γὰρ ἈΝΘΡΩΠΙΝΗΣ ΕΥΦΡΟΣΥΝΗΣ ἐπιδείξῃς ἔσῃ, ἢ χ' ὁρῶ· ἀλλὰ πάντα σοι τὰ δοκῶντα ἀνθρώπος εὐφραίνειν, παρίσται: nam qua quidem humana sis voluptate cariturus, non video; sed quæcunque hominibus voluptatem adferre solent, hæc tibi præsto erunt.*

Sequente cap. *Huic summum bonum est, in his rebus neutram in partem moveri, quæ ἀδιαφορία ab ipso dicitur: Pyrrho autem, ea ne sentire quidem sapientem, quæ ἀπάθεια nominatur. Hic legere jubemur, Pyrrhoni autem &c. quia modo in antecedentibus dictum est, Huic summum bonum est. At eodem plane jure in membro posteriore exturbari illud sapientem oporteret, quo similis illud membrum priori evaderet. Ut autem lectionem hanc*

hanc à Tullio vere profectam esse, vel proficisci certe potuisse liqueat, observandum est primo, Ellipsin istius modi post nominativum longe esse frequentissimam, ut Divin. II. c. 40. *Æmilia Paulo, Persam perisse*, sc. dixit. N. Deor. I. c. 18. *nam Cotta modo, hoc modo illud*, &c. sic passim, ut in re tam proletaria exempla prorsus supervacua sint. Sed quod huc maxime pertinet, similem plane Enallagen reperiō Tusc. III. c. 31. *Sunt qui &c. ut Cleanthi placet: sunt qui n. m. m., ut Peripatetici: sunt qui &c.* locus inspicienti apparebit plane esse geminus, quem tamen silentio suo comprobavit vir. cl. Atque hoc lib. II. Acad. c. 39. *an ut Decearcho visum est, ne sit quidem ullus? .. an ut Xenocrates, mens nullo corpore?* tantum abfuit, ut *Xenocrati* legendum ille pronuntiaret, ut etiam Lambinum, sic emendantem, à Petro Fabro benè refutari agnoverit. Licet isto modo ad hominem, quod aiunt, argumentari, idque omni absque cavillatione.

Cap. XLIII. *Præcide inquit: Statue aliquando quidlibet. Quid? quæ dicuntur quidem, & acuta mihi videntur in utramque partem & paria: nonne caveam ne scelus faciam? scelus enim &c.* Locum, ab intt. varie tentatum, fuit aliquando ut sic sanitati restituere vellem; *Quid? (scil. statuam?) quæ dicuntur ENIM & acuta &c.* quemadmodum conjunctionem enim vel nam interrogationi succedere vel ex hoc loco constat, videbimusque ad Tusc. V. c. 9. Sed attendenti mihi sæpenu-mero obviam facta est conjunctionis istiusmodi ommissio, ubi locus ei fuisset opportunissimus; eaque linguæ Latinæ non præcipua, sed cum omnibus linguis communis est, quippe quæ non ita in sermonis idiotismo, quàm quidem in im-  
petu

petu quodam animi fundamentum habeat; quod fit ut, amputatis conjunctionibus, abrumpatur quodammodo orationis nexus. supra cap. 6. *e quibus industriæ plurimum in Clitomacho fuit: declarat multitudo librorum &c.* de Fin. I. c. 8. *Tu quidem, inquit, totum Epicurum pœne .. sustulisti. Quid ei reliquisti, nisi &c.?* Att. IV. ep. 10. *Perge reliqua: gestio scire ista omnia.* vide Tusc. I. c. 38. & de N. Deor. I. 25. Min. Felix Oct. cap. XVIII. *Hic nec videri potest: visu clarior est &c.* Lactant. Epit. cap. LII. *scilicet quia ratione congregi non queunt, violentia premunt: incognita causa .. damnant &c.* Hæc de innumerabilibus pauca eo adfero libentius, ut pro sequentium locorum sanitate etiam propugnem, quibus viri docti nequicquam medicinam facere videntur. Lactant. Epit. cap. LXIV. *supra leges enim dei lex est: ea quoque, quæ pro licitis habentur, vetat.* cl. Davis: *eaque, quæ pro &c.* Noster N. Deor. I. c. 18. *.. docet eam esse vim & naturam deorum, ut .. cernatur imaginibus, similitudine & transitione perceptis: cum infinita simillimarum rerum species ex innumerabilibus individuis existat, .. in eas imagines mentem &c.* Lambinus conjicit, *.. perceptis: deinde cum infinita &c.* Davis. *perceptis: cum enim infinita &c.* Et lib. II. c. 63. *quibus (bubus) vis unquam nulla offerebatur... Tanta putabatur utilitas percipi ex bubus, ut eorum visceribus vesci scelus haberetur.* ampl. Boherius, *Tanta enim putabatur &c.* In Orat. c. 64. *ne spondeus quidem funditus est repudiandus: etsi .. hebetior videtur & tardior, habet tamen &c.* Lamb. *etsi enim .. hebetior &c.* Tusc. I. c. 10. *& duas partes ei parere voluit, (sic lego, si forte mutanda sit ista lectio, & duas partes separare voluit,) iram & cupiditatem, quas locis dis-*  
*clusit:*



*clusit: iram in pectore, cupiditatem subter praeordia locavit.* cl. Bentleius .. *disclusas, iram &c.* Cæsar B. Gal. V. c. 34. *Erant & virtute & numero pares nostri: tametsi à duce & à fortuna desererentur, tamen omnem spem salutis in virtute ponebant.* cl. Davissius, *in curis secundis, nam etsi à duce &c.* sed ita *tametsi & tamen* concurrunt ibid I. 30. Commodianus Instruct. VIII.

*De sole & luna, licet sint præsenteanea nobis,  
Erratis: quod ego prius, putatis oranda.*

h. e. putatis enim oranda, qui meus idem olim error fuit. Idem V. D. *Erratis, quod, ut ego prius, putatis oranda.* Plura non addam, nisi ut Poetam istum, vel quasi Poetam dum memorem, mendum quoddam ex Instructione illius LXXIII. tollam. Sic loquitur:

*Non pudet infrænem gentiliter plangere natos?  
Os laceras, iundis pectus, vestimenta diducis,  
Nec metuis dominum, cujus optas regna videre.  
Luge quod fas est: noli tamen errare pro illis.*

Lego: noli *TE MACERARE* pro illis. h. e. propter illos.

Cap. XLIV. *Illi umquam dicerent .. omnia, quæ ubique essent, sapientis esse? neminem consulem &c. nisi sapientem .. postremo solum civem, solum liberum? Insipientes omnes, peregrinos, exsules, servos, furiosos denique? scripta Lycurgi, Solonis, duodecim tabulas, non esse leges? ne urbes denique, aut civitates, nisi quæ essent sapientium?* P. Manucius tentabat;

bat, *ne urbes quidem aut &c.* credo, quòd modo præcefferat *denique*; sed solent talia per incuriam repeti, ut diximus suprà, & plura peti possunt ex Turfelli. p. 744. An verò sic emendabat V. D. propter antecedens illud *postremo*, cui minus recte subjungatur *denique*? At simile quid commissum est à Tullio de N. Deor. I. c. 37. *Quæro igitur, vester deus primum ubi habitet: deinde quæ causa eum loco moveat; si modo movetur aliquando: postremo.. deus quid appetat; ad quam denique rem motu mentis ac rationis utatur; postremo quomodo beatus sit, quomodo æternus.* ubi tamen cl. Davisius legebat, *post vero .. deus quid appetat.* Sed loca hæc se mutuo invicem robore defendere ac stabilire videntur. Adde quod eodem modo *postremo* sequitur post *denique*, ibid. lib. III. c. 9. *Isto modo disertus, & quidem mathematicus, musicus, omni denique doctrina eruditus, postremo philosophus erit mundus.* itidem Cæcil. Or. II. c. xi. . . *Denique æquitas, temperantia &c. certant cum iniquitate &c. postremo copię cum egestate &c.* in Rull. II. c. 23. *Omnes urbes, agri, regna denique, postremo etiam vectigalia vestra venierint.* Omne etiam punctum fert locus Flori lib. II. c. xviii, 14. **NOVIS-SIME** consilium fugę sedit: sed hoc quoque, ruptis equorum cingulis, uxores ademere, summo scelere, per amorem. Itaque deplorato exitu, in u. r. f. c., **POSTREMO** mori hoc genere destinarunt. Duces suos, seque, patriamque, ferro & veneno, subjectoque undique igne, peremerunt. Matre fortissimam, & meo iudicio beatissimam in ipsis malis civitatem! asseruit cum fide socios, populum orbis terrarum viribus fultum sua manu, ætate tam longa sustinuit. **NOVISSIME** maximo duce oppressa civitas, nullum de

*de se gaudium hosti reliquit. Pari modo idem lib. IV. c. x, 9. voculam mox lq̄ novissime subjungit: Infesta primum siti regio. tum quibusdam salinacidis fluvius infestior. novissime .. noxia etiam dulces fuer. mox .. utriusque cæli subita mutatio pro pestilentia fust.*

Cap. XLV. Sed ille noster est plane, ut supra dixi, Stoicus perpauca balbutiens. Legit cl. Davis. *vester*, quia Antiochus intelligitur, quem non is qui hæc disputat, sed Lucullus sequebatur. Pari conjectura loca quoque sequentia aggreditur V. D. cap. seq. *Numquid horum probat noster Antiochus?* supra c. 6. *Jam Clitomacho Philo noster* (sic MSS.) *operam multos annos dedit.* Divin. II. c. 17. *doleo tantam Stoicos nostros Epicureis invidendi sui facultatem dedisse.* At nimium urfisse videtur vir. cl. vim vocis *noster*, quum talem necessitudinem ea designari putat, quæ in sententiarum conformitate consistat. Quamvis hi homines, de quibus ita veluti familiaribus suis loquitur Cicero, maxime ab eo dissentirent; satis tamen magna ei necessitudo, cur sic de illis loqueretur, intercedebat; quatenus non tantum eorum dogmata familiarissima ipsi disputationum argumenta essent, sed etiam cum talibus amicis ageret, qui horum decretis faverent, quibusque proinde sic se quodammodo, ut inter amicos solet fieri, adcommodare voluit. Sic Seneca Epist. CVII. ipse Stoicus de Epicuro: *habeant enim sane nomen, quod illis Epicurus noster imposuit, & ita vocentur.* ad quem locum magnus Lipsius, ideo *noster*, inquit, quia ad Lucilium scribit, quem supra etiam notabamus in secta illa fuisse. Sic ille V. D. cui tu vide an suffragandum sit.

Cap. XLVII. *Ita tu nunc, Catule, lucere nescis;*  
nec

*nec tu, Hortensi, in tua villa nos esse. Cave cum V. Cl. emendes & tu, vel atque tū. Est hoc σχῆμα πρὸς τὸ σημαίνον, quo membrum posterius priori membro ad sententiam potius, quàm ad verba congruit, ut si suprà dictum esset lucere non scis. sic plane Tusc. V. c. 40. Epicurci nostri Græce fere nesciunt, nec Græci Latine. supralib. I. c. ult. negabat esse quicquam, quod sciri posset, ne illud quidem ipsum, quodd &c. Fin. I. c. 9. negat opus esse ratione, neque disputatione. de N. Dcor. I. c. 25. negat esse corpus deorum, sed tanquam corpus; nec sanguinem, sed tanquam sanguinem. Quid multa? idem hoc egregie jam nunc illustravit ipse Davifius ad Fin. II. c. 8. & IV. c. 9. ad Leg. II. c. 6. in Add. uti etiam ad Divin. II. c. 37. adi quoque præstantissimum Cortium ad Salust. Jug. cap. xiv. 7. Similiter Græci: ut Lucianus Contempl. pag. 343. . . σὲ δὲ καὶ κωλύσει ἐνεργεῖν τὰ τῷ θανάτῳ ἔργα, καὶ τὴν Πλάτωνος ἀρχὴν ζημιῶν. subaudi ἀναγκάσει aut simile quid, quod ἰὼ κωλύσει sit contrarium. cl. Jensus particulam ὡς suspicabatur excidisse ante ista, καὶ τὴν &c. sed locus similis videtur isti D. Pauli 1. ad Tim. IV. 3. κωλυμένων γαρ εἶναι, ἀπέχεσθαι βρωμάτων, αὐτὸς ὁ θεὸς ἐπέτισεν εἰς μετάληψιν &c. de quo loco vide quæ Pricæus, Glassius aliique.*

## CAPUT IX.

*Transitur ad Tusc. Disp. in quarum lib. I. vera lectio aliquoties adstruitur. Laus oratoria. Ordo verborum confusior. Sallustius ex ms. adjuvatur. Cicero emendatur. Ne pro non. Decet cum passivo. Duo Ciceronis loca cum uno Lactantii defenduntur. Ellipsis verbi. Cicero defenditur. Primum, non sequente deinde, aut tali aliqua voce. Cicero rursus vindicatur. Properare, desiderare. Ellipsis pronominis. Tria Cic. loca vindicantur. Id ipsum quodammodo abundat. Sulp. Severus emendatur. Maxpologia illustratur. Cicero & Lactantius defenduntur.*

**C**icero Tusc. I. cap. 3. *Quare si aliquid oratoriae laudis nostra attulimus industria. Quæ in hunc locum commentati sint interpretes, tu, sis, lector, videas. Sana quidem hæc scriptura videtur; licet codices quidam aut editi referant oratoriae laudi. Aliquid oratoriae laudis, h. e. aliquam laudem oratoriam; aliquam laudem in dicendo, vel aliquem honorem eloquentiæ; ut loquitur Tullius de Clar. Orat. cap. 10. Jam temporibus Troicis tantum laudis in dicendo Ulyssi non tribuisset Homerus & Nestori, nisi jam tum esset bonos eloquentiæ &c. Illud aliquid laudis oratoriae Cicero attulerat, h. e. ex Græcia ad Romanos transfulerat; Græciæ eripuerat, in suamque pertulerat civitatem; ut infra loquitur lib. II. c. 2. Quamobrem horro omnes q. i. f. p. ut hujus quoque generis laudem jam languenti Græciæ eripiant, & perferant in hanc civitatem: sicut reliquas omnes, quæ quidem erant expetendæ, studio atque industria sua majores nostri transfulerunt.*

Cap. IV. *Atqui pleni libri sunt contra ista ipsa philosophorum differentium.* Stet ista lectio, quamvis vetus editio hunc verborum ordinem repræsentet, *contra ista ipsa differentium philosophorum*; multus enim Cicero est in istiusmodi transpositionibus. infra V. c. 24. *præstans vir optimis artibus.* & c. 2. *O vitæ philosophia dux!* N. Deor. II. c. 17. *imperitos & similes philosophos imperitorum.* lib. III. c. 15. *& ejus Polæmonem filium.* Neque ab ista ratione abhorrent Græci. Herodianus lib. I. c. XI, 3. τὴν δὲ προσηγορίαν λαβεῖν τὸν τόπον ἐκ τῆς περὶ τὸ ἀγαθὸν ἐξ ἑρανοῦ. sic ille & alii passim, confer etiam quæ dicemus ad Divin. I. c. 28. Talis quoque metathesis est in ista lectione Salust. Cat. c. LI, 23. quam ex codice aliquodepromebat cl. Cortius: *in tanti facinoris homines convictos*; atque ita omnino legere malim, quàm illud *convictos*, cum viro laudato, pro inistitio habere.

Cap. VIII. *Si mori etiam mortuis miserum esset, infinitum quoddam & sempiternum malum haberemus in vita.* Nunc video calcem. Locus aliqua ex parte minus sincerus est. Malum haud tollere videntur, qui illud *in vita* delent, aut sequentibus hoc modo adjungunt, .. *haberemus.* *In vita nunc video calcem.* Nisi me animi sententia fallat, scripsit Cicero, -- *malum HORREREMUS in vita.* Nunc video calcem. Sequitur: *sed nisi quid necesse erit, malo ne roges.* vereor ne parum veraces sint codices, qui dant *malo non roges.* Ne pro non satis usitatum est. de Finibus lib. I. c. 7. *vellem equidem -- ne deterruisset.* ad Att. I. ep. 6. *Tu velim -- ne prætermittas.* de Leg. II. c. 26. *nam super terræ tumultum noluit quid statui, nisi columellam tribus cubitis ne altiore.*

Cap.

Cap. XIV. *Quid? illud num dubitas, quin species naturæ capi deceat ex optima quaque natura. Malunt docti, capi debeat, sed alteram lectionem non respuit Latinitas, ut putabat editor cl. sic enim de Leg. II. c. 3. Optime vero, frater, & fieri sic decet. & c. 7. hunc hominem omnino numerari qui decet? Virgil. Æn. XII. vs. 797.*

*Mortalin' decuit violari vulnere divum,  
Aut ense (quid enim sine te Juturna valeret?)  
Ereptum reddi Turno, & vim crescere victis?*

Terent. prol. Andriæ: *atque in eo disputant, contaminari non decere fabulas.* Symmachus lib. III. cp. 67. *Firmum testimonio meo decuit adjuvari.* Atque ita alibi sæpius verbum *deceat* cum passivo construitur. Nihil proinde & in hisce locis movendum puto, de Fin. IV. c. 11. *quod cujusque generis animantis statui deceat extremum.* Tusc. II. c. 3. *id commendari omnium lectioni decere.* utrobique eundem ad lapidem offendit cl. Davisius, uti & in his Lactantii, lib. III. c. x, 7. *quæ non, etiamsi ignoret qualem deum haberi deceat, tamen habendum sciat: volebat habere,* quod respexit Lactantius ad lib. I. Cic. de Leg. c. 8. ubi verbum activum, non passivum est. Sed passim ita a verbis, quæ alicunde mutuatur, abludere solet Lactantius, ut omnes norunt.

Cap. XV. *Sed quid poetas? opifices etiam post mortem nobilitari volunt. Cave cum cl. Bentleio conicias, Sed quid putas? nam cum in antecedentibus est de poetis injecta mentio, tum quoque istiusmodi formâ ellipticâ nihil est usitatius. sic infra II. c. 16. Pugiles cestibus contusi ne ingemiscunt quidem. Sed quid hos?.. Gladiatores.. quas plagas per-*  

D 2

*ferunt?*

*ferunt? locus hic nostro prorsus est similis. adde Divin. I. c. 26. Sed quid ego Græcorum? nescio quomodo me magis nostra delectant. Fam. IX. ep. 3. Sed quid ego nunc hæc ad te? Tusc. III. c. 18. Sed non necesse est nunc omnia. de N. Deor. I. c. 25. nihil horum, nisi calide, sc. tractavit. Fin. I. c. 3. quem quidem locum cum multa venustate & omni salè Lucilius. ubi cum alii aliter tentent, ellipsistamen haud durior videtur, quam ista Fam. XV. ep. 16. hæc tertia jam epistola ante te oppressit, quàm tu scidulam aut literam, sc. misisti.*

Cap. XXV. *Sin autem est quinta quædam natura ab Aristotele inducta primum; hæc & deorum est & animorum &c. Nescio sane, quomodo hæc interpunctio placuerit viris doctis, præ illa vulgata, quæ vocem primum cum sequentibus hoc modo connectit, -- inducta; primum hæc &c. Molestè tullisse videntur illi, quod rō primum sic absolute poneretur, non subsequente porro, deinde, aut tali aliqua voce. Hac quidem de causâ rursus turbas dabat Lambinus lib. V. c. 40. qui primum per se ipsi plerumque conficiunt hominem: sin forte &c. ubi volebat ille, dein sin forte &c. At hunc usum voculæ primum comprobavit jam Tursellinus de Part. cap. 137. & Cortius ad Salust. Jug. cap. 85. vide quoque supra c. 24. infra c. 24. N. Deor. II. c. 57. Lactant lib. I. c. 3. & alibi.*

Cap. XXXI. *Veniet enim tempus & quidem celeriter, & sive retardabis, sive properabis: volat enim ætas &c. Alii ediderunt retractabis, pro retardabis; quomodo etiam edidit cl. Davisius, qui porro legebat sive parebis, pro sive properabis. Ego vero opposita ista retardare & properare sic intelligo, ut per illa temporis illius formido ac desiderium significetur. Sic sane ἐπὶ τοῦ τὴν apud Græcos est ali-*



aliquid magnopere desiderare, vel summo cum desiderio exspectare. 2 Petri III. 12. Προσδεχόμεντας καὶ σπένδοντας τὴν παρουσίαν τῆς τοῦ θεοῦ ἡμετέρας. ubi vide interpretes. Atque ita festinatio & properatio in eo dicitur, qui quid concupiscat aut desideret. Fam. lib. V. ep. 12. *Ardeo cupiditate incredibili, .. nomen ut nostrum scriptis illustretur & celebretur tuis. Ignoscas velim huic festinationi meæ-- ad properationem meam quiddam interest, non te exspectare dum &c.*

Cap. XXXVI. *Sed ne vivus quidem bono caret, si eo non indiget: sed in vivo intelligi tamen potest regno cavere. Facile subauditur pronomen ipsum vel te, quod excidisse putabat erud. Bentlejus. sic Divin. I. 28. Audiui quidem ex te, -- ad lucem denique arte & graviter dormire cœpisse. N. Deor. I. c. 3. existimant quod ille inscitia plane loquendi fecerit, fecisse consulto. c. 34. docebit. .. ut immortalitate vincamur ab ea natura, sic animi præstantia vinci. vido quoque de Fin. III. c. 19. Min. Fel. cap. xvii. & alibi. Hinc quoque nihil omnino in his sollicitandum puto, Fam. X. ep. 20. De te fama constans, nec decipi posse nec vinci. Tusc. V. c. 20. summam fuisse ejus in victu temperantiam, in rebusque gerendis virum acrem & industrium. Acad. I. c. 11. cumque perturbationem animi illi ex homine non tollerent, sed ea contraherent, naturaque & condolere & extimescere dicerent. ubi eidem scopulo necquidquam impingunt docti. confer quæ ad N. D. II. 48.*

Cap. XXXVII. *Quoties -- universi exercitus ad non dubiam mortem concurrerunt? Conjiciebatur, cucurrerunt; quam quidem lectionem, ne codicibus quidem si suffulta esset, vulgatæ præferrem; intendit enim verbum concurrendi orationem, & significat sæpe milites universos totius exercitus,*

junctis animis viribusque, cumque eadem constantia & alacritate præsentissimum mortis periculum subiisse. Cap. xxxix. *Nondum gustaverat, inquit, vitæ suavitatem: hic autem jam sperabat magna, quibus frui cœperat. At id quidem ipsum in ceteris rebus melius putatur, aliquam partem, quàm nullam attingere.* Pronomen ipsum nullo jure hîc damnari videtur; sic enim supra c. 37. *nec enim potest miser esse quisquam, sensu peremto.* At id ipsum odiosum est, sine sensu esse. ubi eodem modo dictio ista id ipsum complectitur antecedens illud *sensu peremto*, quod tamen repetitur deinde in sequentibus verbis *sine sensu esse.* infra II. c. 11. -- *Quis igitur Epicurum sequitur dolor? cum hoc ipsum dicit, summum malum esse dolorem.* de Div. I. 30. -- *nam & id ipsum vident, -- instare mortem.* cap. 46. -- *sed ipsum est deos non putare, quæ ab iis significantur contemnere.* confer quæ ad Divin. II. c. 41.

Cap. XLIV. *Vides quantò hæc in errore versentur: portum esse corporis.. in sepulcro putat.* Conjecturæ qua legunt, *hic in errore versetur*, haud ita favent sequentia, ut illi subscribere audeam. sæpius ita à rebus ad personas, & vice versa, deflectit elegantissimorum hominum oratio. sic N. Deor. III. c. 10. *is igitur, si aliquid est, inquit &c.* *Hæc omnia in eodem, quo illa Zenonis, errore versantur...* *Idemque si dei non sint, negat esse &c.* vide quoque lib. I. c. 12. & 14. Quod autem in his cap. XLVI. secundis vero rebus suis volet etiam uti: cl. Bentl. reponit -- *volet jam uti*; obiter dicam, videri mihi simili plane mendo S. Severum liberandum, lib. I. H. S. c. 7. *Per idem tempus fere, inquit, cum Abraam esset etiam centum annorum, Isaac filius natus est.* lego, *cum Abraam esset jam centum annorum.* Inferius autem in his Tullii: *ne & nos*  
*met*

*met ipsos amare videamur* : legam potius , *ne ita nosmet &c.* quàm , juxta codd. nonnullos , vocem secundam expungam.

Cap. XLVIII. *qui se in medios immisit hostes, veste familiari, ne posset agnosci, si esset ornata regio.* Qui cuncta ferme ad vivum rescant, hi mirum est quod siluerint ad ista *si esset ornata regio*, quæ sane splendidissimam referunt glossæmatis faciem, quum ab oratione abesse facile & majore quidem cum elegantia possint. Nos, ut criticorum *παράδοξον* antevertamus, aliquot hujus formæ exempla similia apponemus. De Leg. I. c. 16. *Quod si populorum jussis, si principum decretis, si sententiis judicum, jura constituerentur; jus esset latrocinari, jus adulterare; jus testamenta falsa supponere, si hæc suffragiis aut scitis multitudinis probarentur.* an non, salva omnino atque incolumi sententia, omiſſa fuissent illa, *si hæc &c.*? Rurſum de Fin. lib. III. c. XI. *Quid autem dici poterit, si turpitudinem non ipsam per se fugiendam esse statuemus, quominus homines tenebras & solitudinem nacti, nullo dedecore se abstineant, nisi eos per se fœditate sua turpitudine ipsa deterreat?* quorſum vero ista, *nisi eos &c.* quum præceſſerint jam talia, *si turpitudinem -- statuemus?* quæ tamen glossæmatis suspecta habuerunt cl. Walkerus ac Daviſius, quamvis immerito, ut ego quidem puto. Lactant. lib. I. c. XXI, 18. *neque intra parietes aut ediculas luto factas, sed intra pectus collocandæ sunt, & interius comprehendendæ, ne sint falsæ, si extra hominem fuerint collocatæ.* quis requireret postrema ista, si non apposita fuissent? libro II. c. 2, 4. *Deos igitur in quorum numero reponemus? si in mortuorum, quis tam stultus ut colat? si in absentium, ergo colendi non sunt, si nec videant quæ facimus, nec audiant quæ precamur.* lib. IV. c.

xxiii, 2. *Et ipsi eodem modo vivendum est, quo docet esse vivendum, ne si aliter vixerit, ipse praeceptis suis detrabat, si re ipsa solvat quod verbis nitatur adstringere.* Non opus est ut ostendam, quæ sint in his plane otiosa. Unde etiam falli constat cl. Davisium, qui conj. ut post *nisi* injiceret, in his Lactant. Epit. cap. xlix. *Si ergo Judæi à Deo rejeſti sunt, sicut &c. nulla igitur alia spes homini proposita est, nisi veram religionem -- fuerit secutus.* legebat ille *nisi ut veram &c.* ego ista omnia deleſſim potius, quam lectionem adeo duram substituissem; sed nil mutandum, tum ea quæ jam protulimus declarant, tum quoque ista quæ sunt huic loco gemina ac germana: lib. IV. c. xviii, 23. unde apparet Judæos nullam aliam spem habere, nisi se abluerint à sanguine, ac speraverint &c. & cap. xix, 11. *Nulla igitur spes alia -- datur, nisi crediderit in eum.* vide quoque l. II. c. ix. 3. l. IV. c. xxiv. 3. Senec. de Ira I. c. 7. initio. D. Matth. XXVI. 42.

## CAPUT X.

*In lib. II. Cic. Tusc. edita lectio octies vel novies vindicatur. Ἀνακόλουθον. Jacens & adſiſtus. Lactantius Placidus defenditur. Ἀνακόλουθον. Cicero defenditur. Enallage activi & passivi. Cicero bis defenditur. Lactantius emendatur.*

**P**ergimus ad librum II. Tusc. ibi autem cap. primo ista habentur: *magna habere possit auxilia reliquorum philosophorum disciplinis.* Ablativus disciplinis crucem figit viris doctis, qui tentant à reliquorum philosophorum disciplinis, vel reliquorum philosophorum disciplinis. Sed ablativus ille in Gram-

mati-

maticorum adnotatis est celeberrimus. Hinc quoque merito vapulabat Lambinus, cum Fin. II. 28. *negat enim tenuissimo victu -- voluptatem percipi*: præpositionem è ingereret: furdoque canebat, cum supra lib. I. 18. *terreno principiorum genere confecta*: vellet *ex terreno p. g. c.* Sequitur capite tertio: -- *nemo mediocriter quidem doctus ignorat.* Frustra est Lambinus, qui reponit *nemo ne mediocriter q. d. i.* cur enim impunitum dimisit locum de Fin. III. c. 1. huic plane conformem? *quod quidem nemo mediocriter doctus mirabitur.* Resolvit per pronomen relativum Lactantius lib. I. c. 3. initio: *nemo qui quidem sapiat -- non unum esse intelligat.* Capite V. *Quid enim minus est dignum, quàm tibi quicquam peius videri dedecore?* Vir idem doctissimus pronomen *te*, ante vocem *dignum*, inculcat; absque causa quidem justa, ut ego arbitror, quum sic absolute aliquando veniat nomen *dignum*. ut E. G. Seneca de Ira I. c. 12. *Illud pulcrum dignumque, parentibus prodire -- defensorem.* sic lib. II. 13. & alibi.

Cap. VI. *Ergo id quod natura -- respuit, -- in eo magistra vitæ philosophia tot sæcula permanet?* Si cum viro cl. facias, -- *in magistra vitæ ph. t. f. p.?* tolletur quidem nescioquid illud solæcismi; sed cum sic duriuscule dicetur, id quod à natura & virtute respuatur, *permanere in magistra vitæ philosophia*; tum illud etiam haudquaquam inusitatum, ut suspendatur orationis constructio, exitumque analogiæ congruum non reperiat. vide cl. Perizon. ad Sanct. Min. IV. c. xi. 5. & Davis. ad Tusc. I. 24. adde, si lubet, Lactant. Inst. I. c. xi. 64... *refert, ... Jovem cum e. i. N. a. T. proficisceretur, ... aquilam ei in auspicium advolasse.* Quod ad phrasin *permanere in aliqua re* attinet, eam similibus exem-

plis componerem, nisi in re tam vulgari, stylo esset temperandum.

Cap. VII. *hic* (Epicurus) *qui solum hoc malum dicit* (dolorem) & *malorum omnium extremum*, *sapientem censet id suave dicturum*. Absonum quidpiam in his videre visus est cl. Bentl. Si prius *solum*, inquit, quomodo dein *extremum*? Et me quidem sollicitum ista ratio haberet, si legeremus, *qui non modo solum hoc malum dicit, sed etiam malorum omnium extremum*: quem enim non offenderet tam inepta orationis degradatio? Jam vero sic modo interpretare, ut Epicurus dolorem aliquando malum unicum, aliquando malorum extremum dixerit. Hæcce orationis degradatio facillime concoqui posse videtur, cum sæpius ita deficient auctores, ubi rerum describendarum magnitudine sufflaminantur, ut verbis utar cl. Cortii ad Salust. Cat. c. V. 5. Qua observatione defendi etiam possunt ista infra IV. 23. *satis instructa, armata, parata per sese*: ubi transponebat V. D. *Sat. inf. parata, armata per sese*. Non igitur est, cur legendum arbitraremur, *hic qui non solum malum hoc dicit, sed malorum omnium extremum*; cum præsertim, amisso adjectivo *solum*, sermonis efficacia, quæ quidem in hoc loco maxima requiritur, nimium enervabitur, quandoquidem dolorem non tantum malorum extremum, sed etiam malum unicum loquebatur Epicurus. lib. V. c. 10. *qui vel summum, vel solum malum dolorem esse dicat*. vide c. 9. & 26. Plura non adferam, cur locum omnino funderem esse putem.

Cap. XII. *tantum tamen excellit illud.. quod.. virtutis nomine amplectimur, ut omnia præterea.. minuta videantur, nec malum quidem ullum, nec si in unum locum collata omnia sint, cum turpitudinis malo*

*malo comparanda. Nec malum quidem ullum: subaudi αὐτὸ καὶ ἄλλο, cum turpitudinis malo videatur comparandum. quæ quidem ellipsis non ita dura est, ut orationis cursum bene fluere negaremus, cum viris illis, quorum alter conjicit, ne malum quidem ullum... comparandum; alter, nec m. q. u., nec vel in unum locum conlata omnia, sint c. t. m. comparanda.*

*Ibidem: Adflīctusne & jacens, & lamentabili voce deplorans, audieris O virum fortem! Haud facile ex profligata codicis lectione rescripserim adflīctusne jacens: sæpius enim participium jacens, τῷ adflīctus tantumnon ἰσοδύναμον, adjectivi vicem præstat. de Amic. 16. ut amici jacentem animum excitet. de Har. Resp. Videtis igitur hominem per se ipsum jam pridem adflīctum ac jacentem. post Red. ad sen. qui mihi primus adflīcto & jacenti consularem fidem dextramque porrexist. Lactant. Inst. I. V. 2. §. 2. duo exstiterunt, qui jacenti atque abjectæ veritati insultarent. Claudianus de Raptu Proserp. lib. I. 96.*

*An forte jacentes  
Ignavosque putas?*

*Quemadmodum igitur in loco proposito, sic quoque nihil arbitror mutandum, in illo. infra IV. c. 16. Quid autem est deformius, quàm ægritudine quis adflīctus, debilitatus, jacens?*

*Cap. XIII. Spartæ vero pueri ad aram sic verberibus accipiuntur, ut multus è visceribus sanguis exeat; nonnunquam etiam, ut cum ibi essem audiebam, ad necem. Cur pro audiebam scriberemus videbam, ratio quam adfert vir insignis, parum valida videtur, quòd eo verbo utatur Cicero infra V. c. 27. Pueri Spartiata, inquit, non ingemiscunt verberum dolore*

*dolore laniati. Adolescentium greges Lacedæmone vidimus ipsi incredibili contentione certantes pugnis. Cum pugnantes adolescentes viderit Tullius, inde vidisse etiam cum cæderentur ad aram, non sic colligitur, ut quidpiam in lectione edita novandum credam. Obiter quoque vindicem quæ his illustrandis apposite contulit cl. Davisius, ex Lactantio Placido, ad Statii Theb. lib. I, 118. quibus (Lacedæmoniis) virtuti est, in sacris cædi verberibus, sine corporis motu. ubi vir laudatus legebat, quibus in usu est, &c. sed alicui virtuti esse recte dicitur, quod dixit Tacitus pro virtute esse: sic Plautus Trucul. I. sc. II, 14. Est iis pugnae & virtuti, de prædonibus prædam agere. & alibi.*

Cap. XV. *Militiam vero (nostram dicam, non &c.) nostri exercitus primum unde nomen habeant vides. Sermonem sic instituebat Tullius, ut si diciturus fuisset, Militiam, unde nomen habeat, vides, i. e. unde militia nomen habeat, qua de forma multa coacervantem vide Davisium ad N. Deor. I. c. 26. sed facta quadam orationis digressionem, ab incepto suo transversus velut abripitur, idque ut resumat non eandem Militiæ vocem repetit, sed synonymam exercituum; quod ἀναλόγητον, post multos alios, optime illustravit editor cl. ad hujus libri c. 1. & lib. III. c. 8. Hæc igitur MSS. lectio omnino mihi placet, quamvis contra illam insurrexerint literatores eruditissimi. Similis est locus de N. Deor. I. cap. 24. -- quam vestra. Ista enim flagitia Democriti, -- esse corpuscula quædam alia aspera, rotunda alia, partim autem angulata, curvata quædam, & quasi adunca: ex his effectum esse cælum atque terram. -- concursu quodam fortuito: hanc tu opinionem (i. e. hæc, inquam, flagitia Democriti), C. Vellei, usque ad hanc ætatem perduxisti &c.*



&c. Non coniecissent homines doctissimi, *quam vestra ista, flagitia Democriti, vel quam vestra: ista inquam flagitia Democriti*; si locum, qui vulgo pessime distinguitur, quoad interpunctionem tantummodo, quemadmodum nos hic fecimus, adjuvasent.

Paucis interjectis: *arma enim membra militis effe ducunt, quæ quidem ita geruntur apte, ut si usus foret, abjectis oneribus, expeditis armis ut membris, pugnare possint.* Enallage, quam vides, activi & passivi improbata fuit cl. Bentleio, qui pro geruntur malebat gerunt. quemadmodum etiam infra lib. III. c. 29. -- repulerunt --. Contra dicuntur hæc, quis tam demens, ut sua voluntate mæreat? natura adfert dolorem; cui quidem Crantor, inquit, vester cedendum putat: legebat Contra dicunt. Ecquis &c. & lib. II. de Fin. c. 15. si enim ad honestatem omnia referantur, neque in ea voluptatem dicant inesse, ait eos &c. doct. Th. Bentleius ac Davisius, referant reponunt. At multa reclamant ejusdem plane generis loca, quorum omnem catalogum non contexemus: pauca suffecerint, quæ jam mihi in mundo sunt. Florus lib. III. c. xxi, 28. ut obsides -- duci jubentur, sic damnatam civitatem jussit Sylla deleri. Lactant. lib. V. cap. xii, 2. adeone apud vos perit innocentia, ut ne morte quidem simplici dignam judicetis, sed supra omnia facinora habeatur, nullum facinus admittere? & cap. xix, 2. proferant &c. verbis potius, quàm verberibus res agenda est, ut sit voluntas (legendum judico, ut sic volentes, i. e. qui voluerint) distringant aciem ingeniorum suorum; si ratio eorum vera est, adferatur parati sumus audire, si doceant. Sallust. Catil. cap. xlviij, 4. quo & ceterorum animos reficeret, & illi facilius e periculo eriperentur. & Jugurth. cap. vii. extr.

extr paucis diebus quo ire contenderant, perventum est. Loca hæc duo debemus cl. Cortio, qui ista plurique talia conguessit ad Catil. cap. LI, 40.

## CAPUT XI.

*Quatuordecim Tullii loco stabiliuntur; unus corrigitur. Nemefius emendatur. Lactantius & Arnobius defenduntur. Sapiens & fortis. Vigor satis bene moliri dicitur. Enim loco τῷ autem. Min. Felix tentatur. Quinētilianus adseritur. Abstracto tribuitur, quod concreto est magis proprium.*

Cicero lib. II. Tusc. cap. xxi. Zeno proponatur Eleates, &c. Locum Nemefii de Nat. Hom. cap. xxx. p. 233. adposite quidem, uti solet, allegat, meritoque ἀναχρονισμῷ arguit cl. Davisius; sed quam in illum emendationem instituit, huic ego vix possum facere ut acquiescam. Ζήνων, inquit Nemefius, ὁ ἀποφαγὼν ἑαυτὴ τὴν γλῶτταν, καὶ ἀποπτύσας Διονυσίῳ τῷ τυράννῳ, ὑπὲρ τῷ μηδενὶ αὐτῷ ἐξείπειν τὰ ἀπόρητα. legebat vir doctus, ὑπὲρ τῷ μὴ αὐτῷ ἐξείπειν τ. αἰ. at religiosius videtur characteribus esse adhærendum, rescribendo ὑπὲρ τῷ μηδενὶ ΑΥΤΤΟΝ ἐξείπειν τ. α. ut nulli homini silenda patefaceret. Locus hic totus abest ab editione Antverpiensi, sed illum in versione sua expressit interpres, quod falcem immitti vetat.

Cap. XXII. *Nec vero unquam ne ingemiscet quidem vir fortis ac sapiens, nisi forte ut se intendat ad firmitatem.* Non satis video, cur mallems fortis ac patiens: uti etiam in his Lactantii Epit. cap. XXXV. *Virtus -- mala omnia sapientissime perfert; nihil esse reor, cur rescribendum putaverit V. D. patientissime perfert.* Cum enim patientiam contin-

neat

neat sapientia, ut bene docetur l. III. cap. 7. adque patientiam veram omnino necessaria sit sapientia; sapienter perferri potest dici, quod perferatur patienter, sapiensque appellari, qui sit patiens. Hinc passim sapientia nominatur, ubi de fortitudine animi, perferendisque rebus adversis sermo fit, ut Fam. lib. V. epist. 16. *Non est jam gravitatis ac sapientiae tuæ* -- (dicere potuit, *patientiae tuæ*) *ferre immoderatus casum incommodorum tuorum.* & epist. 17. *si & illud adjungas, homines sapientes turpitudine, non casu commoveri.* lib. IX. epist. 12. *Tu velim animo sapienti fortique sis, ut tua moderatio & gravitas aliorum infamet injuriam.* Seneca de Ira III. cap. 38. *Tulit hoc ille leniter ac sapienter.* Arnobius lib. III. pag. 116. *sapientes ac fortes viri solvunt decreta constantiae, virilitatis vigore mollito.* ubi, ut hoc obiter moneam, minus necessaria videtur emendatio viri quamvis elegantissimi & eruditissimi Arn. Drakenborgii, ad Sil. Ital. p. 307. pro *vigore* facientis *rigore*. obstant enim atque reclamant, quæ doct. Salmasius ad ista Tertulliani de Pallio, cap. IV. *nisi diu mollitas & evigoratas.* „ Tertullianus, „ inquit ille, aliique eorum temporum scriptores „ *vigorem* passim pro *rigore*, & quicquid molli „ contrarium est, usurpant „ vide reliqua. addamus illud Cypriani, lib. II. ep. 2. *omnis honor & vigor sexus enervati corporis dedecore mollitur: plus que illis placet, quisquis virum in feminam magis fregerit.* Et si ad ἀκρωλογίαν spectes, sane tam bene potest Latine dici *vigor* *molliri*, quam *ardor* *laxari* dicitur Quinctil. Declam. IV. c. 5. *ne hunc ardorem fugientis animæ dilatione laxetis.*

Cap. XXIII. Sumus enim natura, ut antea dixi (dicendum est enim sæpius) studiosissimi honestatis. Displcebat editori cl. posterius enim, cui substitue-

tuebat autem. Sed enim passim adhibetur, ubi quamvis obscurius aliqua tamen antecedentium ratio redditur. Ita hic causa refertur, cur hæc iterum repetantur; quod essent dicenda sæpius. Supra c. XI. *ad ineptias redis: illud enim quod me angebat, non eximis. mallets forte, illud etiam quod &c.* Divin. II. 26. *Hoc igitur &c. An illæ aves, nisi quum vicerint, canere non solent? At tum canebant, nec vice- rant: id enim est, inquires, oslentum.* de N. Deor. III. 4. *Sed quia &c. propterea multis argumentis deos esse docere voluisti. Mibi enim unum sat erat. vide quoque de Fin. I. 2. & cl. Cortium ad Fam. IX. ep. 21. Ad hæc & innumera talia loca, in quibus nam & enim relationem ad superiora incommodiorem habeant, conticuit vir cl. qui tamen ut in locum propositum, sic in hæc sequentia etiam litem movit. supra I. 40. Quis hanc maximi animi æquitatem in ipsa morte laudaret, si mortem malum judicaret? Vadit enim in eundem carcerem.. Socrates &c. ubi enim à codd. subministratum commutat in autem. uti & N. Deor. III. 15. Nec vero vulgi atque imperitorum inscitiam despicere possum, cum ea confitero quæ dicuntur à Stoicis. Sunt enim illa imperitorum: Piscem Syri venerantur &c. & cap. 37... Ita fit, inquit: illi enim nusquam picti sunt &c. cap. 38. Utrum &c. non facile dixerim: portenta enim ab utrisque & flagitia dicuntur. In his locis idem commisit vir ille doctus, sed qui tamen eos introspicere non gravatur, is facile videbit antecedentia verba per subsequenter conjunctionem aliquomodo aut explicari aut adferi. Quod porro ad repetitionem conjunctionis enim attinet, similis existat Acad. II. 18. N. Deor. III. 38. & 39. & Tusc. IV. 17. Quid enim videatur ei magnum in rebus humanis, cui &c.? Nam quid aut in studiis &c.? ubi non*

non cerno cur legeremus potius *Num quid aut* &c. Innumera talia proferri licet, sed heu quantas in minutias descendimus! vide suprâ ad Acad. II. 27.

Ibidem: *Non sentiunt v. f. i. a. vulnera; vel sentiunt. sed emori malunt quam* &c. Tentabatur *vel sentiant*: sed bene adhibetur indicativus, dummodo subaudias *quidem*: de qua forma, adeatur cl. Cortius ad Salust. Cat. c. LII. 28. Huc quoque referebam aliquando illud Min. Felicis Oct. cap. XXXIV. *Corpus omne, sive arescit* &c. *subducitur nobis; sed Deo cl. cust. reservatur.* Sed ibi legendum videri posset, *Corpus OMNINO, sive* &c. sic enim *omnino* sæpius adhibetur in concessione, quemadmodum *quidem*, uti in Formulis Tullianis recte observavit vir optime de me studiisque meis meritus If. Valkenaar.

Cap. XXV. *Videmusne, apud quos eorum ludorum, qui gymnici nominantur, magnus bonos sit; nullum ab his, qui in id certamen descendant, devitari dolorem? apud quos autem venandi & equitandi laus viget, qui hanc petessunt, nullum fugiunt dolorem. Qui legunt nullum fugere laborem, hi mirum est quomodo non viderint ulterius esse procedendum, & porro legendum, apud q. a. v. e. e. l. vigeat, qui hanc petessant* &c. Ita sane suprâ ex *aspernatur* & *adsciscit* facit vir cl. *aspernetur* & *adsciscat*. ut nulla videatur esse ratio, cur cl. Davif. ad Tusc. V. 16. sollicitaret subjunctivum in his Quinctil. I. O. XI. 1. *Græci prodiderunt, ut vivat quemque etiam dicere. ubi ille, vivit.* Quod autem oratio ex obliqua sit directâ, id nihil in Tullio novi. sic infra IV. 10. *Intelligatur igitur perturbationem.. in motu esse semper: cum autem hic fervor.. inveteravit, tum existit & morbus* &c. de N. Dcor. II. c. 52.

E

Testu-

*Testudines autem & crocodilos dicunt -- obruere ova, deinde discedere: ita & nascuntur & educantur ipsa per sese.* lib. I. c. 27. *Dicemus ergo idem, quod in Venere Coa; corpus illud non est, sed simile corporis, -- sic in Epicureo deo non res, sed similitudines rerum esse.* Fin. III. 13. *An vero certius quicquam potest esse, quam illorum ratione.. non posse sapientem beatum esse, cum eculeo torqueatur? eorum autem, q. d. i. m. n. b., ratio certe cogit, uti in omnibus tormentis conservetur beata vita sapienti. ubi Lambinus rursus est ad analogiam grammaticam nimis attentus. confer quæ ad N. D. III. 22.*

*Ibidem. Hoc igitur tibi propone, amplitudinem & quasi quandam exaggerationem quam altissimam animi, quæ maxime eminet contemnendis & despiciendis doloribus, &c. Et hoc rursus male habuit criticum celeberrimum, quod hîc amplitudo animi, & non ipse potius animus, contemnendis & despiciendis doloribus dicitur maxime eminere: qui proinde legebat, qui maxime eminet. Similiter lib. IV. c. 26, Libidinosum igitur e. i. e. a. e. t. esse censemus sapientem? de cujus excellentia multa quidem dici quamvis fuso lateque possint, sed breviter hoc modo; sapientiam esse rerum &c. Ex quo efficitur, ut divina imitetur, humana omnia inferiora virtute ducat. In hanc tu igitur.. perturbationem cadere tibi dixisti videri? Ne sapientiæ tribuatur, quod proprie in sapiente dicitur, reponebat idem V. D. In hunc tu igitur &c. Item ibid. c. 37. Et si fidentia -- scientia quædam est & opinio gravis, non temere adsentiens; ille rursus, non temere adsipientis. suprâ lib. I. 25. Quid? illa vis quæ tandem est, quæ investigat occulta, quæ inventio atque excogitatio dicitur? Ex hacne tibi terrena mortaliq; natura & caduca concreta ea videtur? Aut qui primus, omnibus rebus imposuit nomina? aut qui &c.?*

&c. ? conjicit ille, *concretus esse videtur, aut qui primus &c.* Ibidem: *Quæ porro tam immensa magnitudo, (de memoriæ capacitate sermo est) quæ illa tam multa possit effingere. i. e. quæ illatantæ res magnitudinis, quæ ea quæ effingat complecti tam multa queat ?* cl. Davisius hariolatur: *quæ illa tam multa possit excipere ? vel, in qua i. t. m. possint effingi ?* Sed auctoritati summorum virorum obviam ibimus, locorum similium auctoritate muniti, quos tamen illi ejusmodi censurâ non attigerunt. De innumerabilibus autem ecce pauca. lib. III. c. 8. *Nam est innocentia adfectio talis animi, quæ noceat nemini.* lib. IV. c. 15. *impotentiam quandam animi, à temperantia & moderatione plurimum dissidentem; quæ si quando adepta sit id quod ei fuerit concupitum, tum effertur alacritate, ut nihil ei constet quod agat.* cap. 24. *adfectio animi legi summæ i. p. r. obtemperans.* & mox: *Quid ista bellatrix iracundia cum domum rediit, qualis est cum uxore ? cum liberis ? cum familia ?* lib. V. cap. 14. *Quæ est enim alia fortitudo, nisi animi adfectio, cum in adeundo periculo, .. patiens, tum procul ab omni metu.* & cap. 18. *Etenim ut stultitia etsi adepta est quod concupivit, nunquam se tamen satis consecutam putat : sic sapientia semper eo contenta est quod adest, neque eam unquam se sui penitet.* de Fin. IV. 13. *est quædam appetitio naturalis, ea quæ secundum naturam sunt appetens.* Lamb. volebat appetentis, sed redarguit ipsum cl. Davisius, quem vide. adde, sis, Lactant. lib. II. c. 5, 16. *nisi sensus illis inesset officii sui sciens.*

Cap. XXVI. *Ut enim si cui naviganti, prædones insequantur, deus qui dixerit Ejice te navi ; præsto est qui excipiat vel Dêlphinus, ut Arionem Methymnæum ; vel equi Pelopis illi Neptunii, qui per undas currus suspensos rapuisse dicuntur, excipient te, & qua*  
E 2 velis

*velis perferent; omnem omittat timorem: sic urgentibus asperis. Et odiosis doloribus, si tanti non sint, ut ferendi sint, quo sit confugiendum vides. Locum totum proposui, quò facilius constaret lacuna quædam ac depravatio, quæ constructionem lutulentam reddit. Viri docti sic malum erui putabant, si legeremus addito pronomine, quem prædones insequantur. At hoc modo idem ulcus remanere, mihi quidem videtur. Quid multa? lego: Ut enim, si cui naviganti, prædones SI insequantur, Deus QUE dixerit Ejice te navi, præsto est qui &c.; omnem omittat timorem: sic &c. Illud Deusque tres codices diserte præstant, si verax est cl. Davisius. Erat autem quidam ex amicis meis vir doctissimus, qui quod minus ipsi placeret duplex illud si, malebat prædones CUM insequantur &c. at præterquam quòd mea mutatio sit longe facilior, simili modo geminatur conjunctio si, Acad I. c. 2. existimavi siqui de nostris ejus studio tenerentur, si essent Græcis doctrinis eruditi, Græca potius quàm nostra lecturos.*

## CAPUT XII.

*Cicero emendatur. Ablativi usus notabilis illustratur. Tullius in transitu defenditur. Ejus sententia de naturæ integritate ac depravatione adseritur atque illuminatur. Obiter quoque locus de Leg. tentatur. Complura Theognidis menda tolluntur.*

**V**ENIO ad lib. III. Tusc. cujus principio sic legimus: *Quidnam esse, Brute, causæ putem, cur cum constemus ex animo & corpore, corporis curandi tuendique causa quæsitæ sit ars ejus, atque utilitas deorum immortalium inventioni consecrata; ani-*  
mi



*mi autem medicina nec tam desiderata sit &c.* Locum, haud dubie male sanum, alius aliâ medelâ aggressus est, quemadmodum videre licet in nota cl. Davissii, qui ipse amputatis quibusdam verbis, legebat, *corporis curandi tuendique quæsitâ sit ars Deorum immortalium inventioni consecrata.* Sed haud scio, an præstaret locum pro deposito ac desperato relinquere, quam sic in illo restaurando *παρηγοριάζεσθαι.* Tu vide, ne correctione multo leviori manum Tullianam hoc modo adsequi liceat, si reposuerimus, -- *tuendique causa quæsitâ sit ars, EJUSQUE UTILITATE* deorum imm. inv. consecrata. Primo ejus pro sua non plane inauditum esse in veterum monumentis, constat inter omnes; quod tamen si displiceat, legere possis *suaque utilitate &c.* vel *et sua quoque &c.* Deinde utilitate, h. e. propter utilitatem. ut de Fin. I. c. 13. *et gubernatoris ars -- utilitate non arte laudatur.* & lib. II. c. 26. *At vero si fructibus et emolumentis et utilitatibus amicitias colemus &c.* de N. Deor. II. c. 33. *Utilitatum igitur magnitudine constituti sunt ei di, qui utilitates quasque gignebant.* & lib. III. c. 24. *quarum rerum utilitate video consecrata simulacra.* ubi non est, cur juxta codd. quosdam refingas, *quarum rerum utilitatem video: video etiam consecrata simulacra.* De hoc ablativi usu vide cl. Schulting: ad Quinct. Decl. I. c. 2. & Cortium ad Salust. Cat. cap. xxxi. 3.

Eodem cap. *Quod si tales &c.* Egregia sunt, quæ hic de naturæ præstantia ac depravatione disserit philosophus. Pariter de Leg. I. c. 12. *Sequitur igitur ad participandum alium ab alio communicandumque inter omnes jus, nos natura esse factos: atque hoc in omni hac disputatione sic intelligi volo, quod dicam naturam esse: tantam autem esse corruptelam malæ consuetudinis, ut*

ab ea tanquam igniculi exstinguantur à natura dati, exorianturque & confirmentur vitia contraria. &c. Priusquam ad alia loca pergam; hunc obiter a conatibus virorum insignium, lectionem quod attinet, vindicabo. Scilicet Manutius ista quod dicam naturam esse pro glossématique habebat: Lambinus legebat, -- volo, jus id, quod dico, naturam esse: Davisius, -- volo, optumam ducem naturam esse. Quid? si lectionem vulgatam retineamus, nonne sensum inde satis commodum atque planum fabricari licet, siue voculam hoc ad superius illud natura, siue ad omnia ista nos natura esse factos referas? Quæ tamen ratio si minus arrideat, levissima emendatione sic possit rescribi, quod dicam IN NATURA esse; vel, quod dicam NATURÆ esse, scil. istam juris communicationem. sic ibid. c. 16. Ea autem in opinione existumare, non in natura posita dementis est. Nam nec arboris, nec equi virtus quæ dicitur.. in opinione sita est, sed in natura. -- Est enim virtus perfecta ratio: quod certe in natura est. & c. 13. nisi separatim hoc ipsum, naturæ esse jus, dispatarint. & c. 15. Ita fit, ut nulla sit omnino justitia; si neque naturæ est, & ea quæ &c. Sed ad rem. Quod Tullius de naturæ sinceritate ac pollutione, idem quoque sensit Seneca; qui epist. XCIV. Erras, ait, si existimas nobiscum vitia nasci; supervenerunt, ingesta sunt. & epist. XXII. Nemo, inquit, aliter quam quomodo natus est, exit e vita. Falsum est; peiores morimur, quam nascimur. nostrum istud, non naturæ vitium est. Illa de nobis conqueri debet, & dicere quid hoc est? sine cupiditatibus vos genui, sine timoribus, sine superstitione, sine perfidia, ceterisque pestibus. quales intrastis, exite. Sint hæc Theologice, hoc est, juxta quorundam Theologorum decreta, falsa; sunt tamen

men *Philosophice*, hoc est, juxta lumen divinum rationis, in quod numquam nusquam incurrit sancta revelatio, verissima, duntaxat absque cavillatione explicentur. Adposite quoque Theognis in sententiis, ψ. 305. seqq. quem locum eo adfero libentius, quod tantumnon in omnibus conditionibus corrupte sic exhibeatur :

Οἱ κακοὶ ὃ πάντως κακοὶ ἐκ γαστρὸς γεγόνασιν,  
 Ἀλλ' ἄνδρεςσι κακοῖς συνθίμενοι Φιλίην.  
 Ἔργα τε δεῖλ' ἔμαθον, καὶ ἔπη δ' ὀσφρημα καὶ ὄβριν,  
 Ἐλπίόμενος κείνους πάντα λέγειν ἔτυμα.

Sic cum vulgo legimus, interpretes verbum ἔμαθον in prima persona singularis numeri acceperunt, dum vertunt : *Mali non prorsus mali ex utero nati sunt ; sed cum viris malis jungentes amicitiam. Facta que improba didici, & verba maledica, & contumeliam, sperans illos omnia dicere vera.* At multo lenior erit oratio, si primo post vocem Φιλίην comma tantummodo constituas ; deinde pro ἐλπίόμενος rescribas ἐλπίόμενοι, atque ita illud ἔμαθον in tertia pluralis intelligas. Ita hæc Poetæ mens erit : *Mali non prorsus mali ex utero nascuntur ; sed cum viris malis jungentes amicitiam, & facta improba discunt, & verba maledica, & contumeliam, credentes illos omnia vera dicere.* γεγόνασιν & ἔμαθον sic interpretor ut præterita illa, de quibus ad Divin. I. c. 8. Hæc dudum in scedis mihi jacuerat conjectura, cum viri eruditissimi, præceptorisque nostri fidelissimi Adriani à Cattenburg singularis humanitas copiam mihi faceret editionis H. Stephani in folio, ubi hanc lectionem & interpunctionem diserte repræsentari videbam. Hunc autem Poetam dum profero, menda quædam alia, quæ ejus senten-

tias subierunt, erucere conabor. tu autem vide an scopum conjiciendo attingam. Versu 217. *Polypimentem*, inquit, *obtine versipellis*, qui ad petram, sui adhaeserit, talis visu apparet.

Νῦν μὲν τῇδ' ἐφέπῃ, πότε δ' ἄλλοιός χροῶς γίγνῃ.

Κραιπνὸν τοι σοφίῃ γίγνεται εὐτροπίας.

Int. *Nunc quidem hac sequere, aliquando alius colore fias.*

*Celeris mutatio quidem sapientia est morum.*

Sed quo jure κραιπνὸν vertatur *Celeris mutatio*, & εὐτροπίας *morum*, ego vix intelligo. κραιπνὸν enim est *velox* vel *velocitas*, εὐτροπία sunt *mores probi & honesti*. Scripsit, ut mihi quidem videtur, Theognis, aut melius saltem & concinnius scripsisset, --

ΚΡΕΪΣΣΟΝ τοι σοφίῃ γίγνεται εὐτροπίας.

h. e. *Melior quippe astutia est decoris moribus.* atque hoc modo idem Poeta in simili præcepto, ψ. 1072. --

Νῦν μὲν τῇδ' ἐφέπῃ, πότε δ' ἄλλοιός πέλεν ὀργήν.

Κρεῖσσον τοι σοφίῃ καὶ μεγάλης ἀρετῆς.

*Nunc quidem hunc sequere, alias vero alius sis ingenio.*

*Melior est sane sapientia vel magna virtute.*

quale etiam illud joculari plane ac ridiculum est paradoxum vs. 313.

Ἐν μὲν μαινομένοις μάλα μαίνομαι --

*Inter desipientes maxime desipio.*

Rursum male se habet vs. 359. *Forti sis animo,*  
*Cyrene,*

*Cyrne, in malis, postquam & in bonis gaudebas, quando & hæc fatum jubebat habere. Sicut autem ex bonis accepisti malum, sic vero rursus emergere tenta, deos precans.*

Μηδὲ λήην ἐπιφαινε, κακὸν δὲ τι, κύρν', ἐπιφάσειν.  
Παυρὸς κηδεμόνας σῆς κακότητος ἔχεις.

Int. *Neque nimis ostenta: malum vero est, Cyrne, ostentare.*

*Paucos sollicitos tui mali habes.*

Tu sic lege, ac distingue, ut emolliatur aliquomodo orationis cursus.

Μηδὲ λήην ἐπιφαινε· κακὸν δὲ τι, κύρν', ἘΠΙΦΑΪΝΩΝ  
Παυρὸς κηδεμόνας σῆς κακότητος ἔχεις.

*Neque nimis ostenta; nam si malum, Cyrne, ostentes, Paucos sollicitos tua miserie habes.*

Δὲ pro γὰρ usitatissimum non poetis tantum, sed etiam profæ scriptoribus. Versu 381.

Οὐδὲ τι κεκριμένον πρὸς Δαίμονος ἐστὶ βροτοῖσιν,  
Οὐδ' ὁδὸς, ἣν τιν' ἰὼν ἀθανάτοισιν ἄδοι.

Int. *Nec quidquam decretum ex numine est mortalibus, Neque via, quam ingressus quis immortalibus placeat.*

Legendum, ut tollatur non tantum numeri permutatio, sed inveniusta quoque ambiguitas.

Οὐδ' ὁδὸς, ἣν τις ἰὼν ἀθανάτοισιν ἄδοι

*Neque via, quam quis ingressus immortalibus placeat.*

Versu 459. *Nequaquam utilis est mulier juvenis viro seni: non enim gubernaculo paret, quemadmodum acatium.*

Οὐδ' ἄγκυραν ἔχουσιν· ἀπορρήξασα δὲ δεσμά,  
Πολλάκις ἐκ νυκτῶν ἄλλον ἔχει λιμένα.

*Neque ancoram habent: abrumpens vero vincula  
Sæpe de noctu alium habet portum.*

Lego, Οὐδ' ἈΓΚΥΡΑΙ ἔχουσιν --

*Neque ancora tenent sc. illam.*

sic ἔχειν pro κατέχειν vs. 506.

— ἀλλὰ γ' ἀναστάς,  
Πειρήσω μήπως καὶ πόδας οἶνος Ε' Χ Ηι:

— *sed ego surgens,  
Tentabo num forte pedes meos vinum habeat.*

vide quoque Hesiod. ἐργ. 515. & passim quoque  
alibi. Versu 601.

Ε'ρρε θεοῖσιν τ' ἐχθρῶ, καὶ ἀνθρωποῖσιν ἀπιστε,  
Ψυχρὸν ὅς ἐν κόλπῳ ποικίλον εἶχες ὄφιν.

*Peri, diisque inimice, & hominibus infidelis,  
Frigidum qui in sinu varium habebas angum.*

Rescribo, ΨΥΧΡῶι ὅς ἐν κόλπῳ ποικίλον εἶχες ὄφιν.

*Frigido qui in sinu &c.*

Scilicet in locis frigidis pellem mutant angues, quo  
respicit etiam Virgilius lib. II. *Æneidos*:

*Qualis ubi in lucem coluber mala gramina pastus,  
FRIGIDA SUB TERRA tumidum quem bruma  
tegebat,  
Nunc positis novus exuviiis &c.*

Plura

Plura etiam illius vatis loca perperam hæcenus versa esse docerem, nisi digressio hæc mea jam satis magna esset. Redeamus ergo ad Tullium nostrum.

## CAPUT XIII.

*In lib. III. Tusc. quatuor loca adseruntur. Copula que jungit contraria. Lactantius vindicatur. Permutatio subjecti & adjuncti. Cicero obiter vindicatur. Repetitio ejusdem nominis. Pleonasmus pronominis demonstrativi. Cicero bis terve defenditur. Enallage numeri illustratur.*

**C**ic. III. Tusc. cap. III. *Est profecto animi medicina philosophia: cujus auxilium non ut in corporis morbis, petendum est foris; omnibusque opibus atque viribus, ut nosmet ipsi nobis mederi possimus, elaborandum est.* Satis evidens & significans est oppositio, etiam si non legas propriisque opibus, uti conjiciebat insignis Bentleius. Quod autem doct. Jac. Gronovius horridum quidpiam in his verbis videre sibi visus est, nisi exterminetur encliticum *que post omnibus*; in eo quidem fallere ipsum ratio videtur, quandoquidem particulæ copulativæ sæpissime disjunctivarum munere funguntur. Quod etiam non reputavit cl. Davisius, cum in his Lactantii Epit. cap. XII. *Vides ergo non omnia poetas confinxisse, & quædam præfigurasse, ut cum &c. volebat, sed quædam &c.* qui tamen hac in parte satisfacere sibi passus est lectionem istam, de N. Deor. III. c. 35. *Hunc igitur nec Olympius*  
Jup-

*Juppiter fulmine percussit, nec Æsculapius &c. atque in suo lectulo mortuus est. ubi alii volebant, namque, vel atqui. supra lib. II. cap. 17. Ego illud quicquid sit, tantum esse, quantum videatur, non puto; falsaque -- specie moveri homines. dici etiam potuit, sed falsa specie m. h. de Nat. Deor. lib. II. 21. Nulla igitur in cœlo varietas inest, contraque omnis ordo. Divin. lib. II. 28. Numquam illa dicet facta fortuito, naturalemque rationem omnium reddet. Nepos in Epam. cap. 7. Hanc legem -- ad perniciem civitatis conferre noluit, & quatuor mensibus -- diutius gessit imperium. Agel. cap. 3. nunquam in campo sui fecit potestatem, & in his locis manum conferuit, quibus &c. Eum. cap. 4. in fide non mansit, & se simul ac potuit, ad Antipatrum recepit. vide quoque doct. Munkerum ad Hygini Fab. IX.*

Cap. IV. *His rebus mentem vacuam appellabant insaniam. Mutatione levi quidem illa, sed parum forte necessaria, conjiciunt docti legendum insanam. Lambinus illud insanam tuetur, sed argumentis plane clumbibus. Illud autem pro lectione vulgata adferri potest, quòd ὑπέρβατον tale, quo subjectum mens cum adjuncto insania quodammodo commisceatur, non plane sit inauditum. Sic de Leg. lib. I. c. 16. Est enim virtus perfecta ratio, h. e. perfectio rationis. Seneca de Tranq. cap. xv. extr. non potest grande aliquid e. s. c. loqui, nisi mota mens, i. e. homo motæ mentis. Nepos in Dione cap. ix. quam invisâ sit singularis potentia, & miseranda vita, qui se metui, quam amari malunt, cuius facile intellectu fuit. i. e. in quam miseranda vita sint, qui se &c. Atque eodem modo accipio etiam ista Cic. de Nat. Deor. lib. II. cap. 8. Similiter effici potest sapientem esse mundum, similiter.*



*liter beatum, similiter æternum; omnia enim hæc meliora sunt, quam quæ sunt his carentia. Per omnia hæc intelligebat auctor non ipsum sapientem, beatum & æternum esse, sed res illas, quibus facultates & ornamenta ista insunt, vel quæ sapientiam, beatitatem & æternitatem habent. Hanc subjecti & adjuncti permutationem non concoquebat. cl. Walkerus, qui legebat quæ sunt his contraria: quæ tamen emendatio non minus audax videtur, quam dura locutio ista, quam corrigit.*

Cap. V. *Græci autem πῦρ unde appellant, non facile dixerim; eam tamen ipsam distinguimus nos melius quàm illi. hanc enim insaniam, quæ juncta stultitiæ patet latius, à furore disjungimus. Græci volunt illi quidem, sed parum valent verbo. Posterius illud Græci haud facile equidem pro scioli cujusdam emblemate habuerim, cùm quod sæpius ita vox eadem recurrit, tum quod Pleonasmus pronominis illi nostro fuit familiarissimus. Sæpius, inquam, isto modo recurrit vox eadem. Fin. l. 13. Sapientia est adhibenda, quæ se nobis ducem præbeat ad voluptatem; sapientia enim est una &c de N. Deor. III. 34. qui cum.. in fanum venisset Jovis Olympii, aureum ei detraxit amiculum grandi pondere, quo Jovem ornat.. Gelo. lib. I. c. 18. quoniamque Deos beatissimos esse constat, .. hominis esse specie Deos confitendum. cap. 43. qua cum Deum carere volitis, neminem Deo nec Deum nec hominem carum.. volitis. l. II. c. 30. At & ignorantia rerum aliena naturæ Deorum, & s. m. p. i. difficultas minime cadit in majestatem Deorum. Lactant. de Ira Dei cap. IV. 3. Deus igitur non est, si nec movetur, quod est proprium viventis, nec facit aliquid impossibile homini, quod est proprium Dei; si - nullam habeat administrationem, quæ*

*quæ Deo digna sit. i. e. quæ ipso digna sit.* Hinc quoque sincerum esse locum discimus de N. D. I. 9. *Quid autem erat, quod concupisceret Deus mundum signis.. ornare? Si, ut Deus ipse melius habitaret* &c. ubi illud posterius *Deus* pro *institio* rursus habebat cl. Davisius. Plura autem dabimus ad Divin. I. 50. Quod vero Plconasium attinet, quem hîc vides, pronomini *illi*, isto quidem nihil Ciceroni est tritius, nihil vulgarius. Infra IV. c. 8. *Æmulatio dupliciter illa quidem dicitur* &c. & cap. 28: *sed omnis ejusmodi perturbatio a. p. abluatur illa quidem* &c. vide quoque lib. V. c. 16. de Fato c. 19. *sic visum objectum imprimet illud quidem.. speciem.* Fin. V. 24. *Illæ enim, quæ sunt a. n. b. c. numerata, complent ea quidem beatissimam vitam,* &c. Hinc memoria quoque labi virum doctissimum liquet de Leg. I. 21. *Vir iste fuit ille quidem prudens --; cui tamen* &c. legebat ille, *Vir, Tite, fuit ille prudens.* & Fin. IV. 16. *hi autem ponunt illi quidem prima naturæ.* conjicit ille, *hi ponunt illa q. p. n.* Confer quæ nos ad Acad. II. c. 5.

Cap. X. *Ægris enim corporibus simillima animi est ægritudo.* Analogia grammatica requirit, adfentior, *Ægro enim corpori, vel Ægri enim corporis,* ut numeri congruant; sed quantumcunque sit illud facinus, noster haud ita fuit elegans, quin sic analogiæ regulas sæpenumero conculcaverit. supra II. 22. *Ut onera contentis corporibus facilius feruntur.. simillime animus i. s. depellit* &c. infra IV. 10. *dum morbis corporum comparatur morborum animi similitudo.* lib. V. 38. *Jam verò motus.. animi.. leviuntur, traductis animis ad voluptatem.* Seneca de Ira II. 16. *Errat, qui ea (animalia) in exemplum hominis adducit.* Hæc & innumera talia sicco pede  
de

de non sunt prætereunda, si quid in loco, quem præ manibus habemus, novandum putes. Adde etiam quæ ad Acad. I. c. xi.

## CAPUT XIV.

*In III. Tusc. edita lectio sæpius adferitur. Enim cum subjunctivo. Permutatio modorum. Cicero quinques defenditur; defenduntur etiam Min. Felix & Paterculus. Frui officio. Culpa, malum morale. Σχῆμα πρὸς τὸ σημανόμενον. Ut omittitur in concessione. Prosopopœia illustratur.*

**E**odem lib. III. Tusc. cap. xi. *Sed cetera alias, nunc aegritudinem, si possumus, depellamus: id enim sit propositum, quandoquidem &c.* Quare tandem legeremus potius, *id enim fuit propositum?* credo, quod *enim* cum subjunctivo istiusmodi duriuscule construatur. At ea sane ratio videtur nulla, sic enim N. D. II. 12. *audiamus enim Platonem &c.* Divin. II. 36. *Sed de hoc loco plura in aliis: nunc hætenus: externa enim videamus &c.* vide, ne in re tam parva sim nimius, infra IV. 17. & V. 24. & Fin. V. 19.

Cap. XVI... *primum quod posse accidere diu cogitaverit, .. deinde quod humana humane ferenda intelligit; postremo quod videt &c.* Toleranda videtur modorum permutatio, cum præsertim indicativi à subjunctivo tam longe remoti sint, ut nil mirum sit, si memoriæ vitio in eam incidit Cicero. Ex locis autem similibus, in quibus nihil tentant viri docti, & huic & pluribus aliis stabilendis firmamentum haud spernendum peti posse arbitramur. Quod ne frustra dici videatur, de immensa exemplorum copia quædam huc adlegabo.

bo. de Fin. I. 10. *nemo enim ipsam voluptatem, quia voluptas sit, adspernatur, sed quia consequuntur magni dolores &c.* Fam. VI. ep. 17. *nam sic habeto, beneficiorum magnitudine eos, qui temporibus valuerunt, aut valeant, conjunctiores tecum esse, quàm me.* N. Dcor. II. 16. *Nec vero Aristoteles non laudandus in eo, quod omnia quæ moventur, aut natura moveri censuit, aut vi aut voluntate: moveri autem solem & lunam & sidera omnia: quæ autem ratione moverentur, hæc aut pondere deorsum, aut levitate sublime ferri.* cap. 38. *An cum moveri aliquid videmus, ut spheram. non dubitamus quin illa opera sint rationis? cum autem impetum cæli moveri vertique videamus, dubitamus &c.?* Passim sic dissimilis sui est Seneca. epist. XIX. *Hic te exitus manet, nisi jam contrahas vela, nisi quod ille serò voluit, terram leges.* epist. LXXXII. *Sciat. quæ sit illa ratio, quæ appetenda & fugienda discernat, qua cupiditatum mansuescit insania, timorum sævitia comescitur.* epist. LXXXVII. *ait divitias esse causas malorum, non quia ipsæ faciant, sed quia facturos irritant.* epist. XCIX. *Fluant quantum affectus ejecerit, non quantum poscet imitatio.* vide quoque de Ira III. 30. & alibi. Multum etiam in hac frequentanda enallaga est Lactant. Inst. lib. II. c. ix, 5. *Ex quibus oriens Deo accensetur, quia ipse luminis fons & illustrator est rerum, & quoddam oriri nos faciat ad vitam sempiternam.* lib. I. c. xi, 52. *at ego Deum quero, ultra quem nihil est omnino, qui fons & origo sit rerum.* lib. III. c. xv. 2. *Quid potest esse tam falsum, quàm regulam vitæ philosophiam nominari, in qua diversitas præceptorum rectum iter impediatur & turbetur? aut legem bene vivendi, cuius capita longe dissonant? aut scientiam vitæ agendæ, in qua nihil aliud efficitur &c.* vide lib. V. c. ix, 9.

Te.

Terent. And. IV. 1. 25, 26. Alibi etiam talia collegerunt præclarissimi viri, Burmannus, Dukerus & Cortius, quorum scrinia tamen non compilavimus, ut sumus ab ista ratione prorsus alieni. Hæc autem clamare videntur, ne quid etiam novatum eamus, infra IV. 37. *Quibus cognitis, quis est qui dubitet &c?* Quis enim dubitarit --? Divin. II. 25. *Quid autem volunt ea Dii immortales primum significantes, quæ sine interpretibus non possumus intelligere: deinde ea quæ carere nequeamus?* de Fin. V. 17. *Nam si pravitatem-- fugiendam putamus; cur &c?* Et si turpitudinem fugiamus &c. Acad. II. 46. *Aliud judicium Pythagoræ est; qui putet id cuique verum esse, quod cuique videatur; aliud Cyrenaicorum, qui præter permotiones intimas nihil putant esse iudicii; aliud Epicuri, qui. . constituit &c.* subjunctivus similis eodem extat cap. Tusc. I. 32. *Istos verò (dimittamus) qui quod tota in hac causa difficillimum est, suscipiant, posse animum manere corpore vacantem: illud autem quod non modo facile ad credendum est, sed eo concesso quod volunt, consequens, idcirco non dant, ut cum diu permanferit ne intereat.* Min. Felix cap. 18. *cum palam sit, &c. qui nativitatem omnibus præstet, sibi perpetuitatem. . qui universa verbo jubet--.* Vell. Paterc. II. c. 24. *Vix quidquam in Sylle operibus clarius duxerim, quàm quòd, cum &c. neque inlaturum se bellum iis dissimulavit, nec quod erat in manibus omisit; existimavitque ante frangendum hostem, quàm ulciscendum civem; repulsoque externo metu, ubi quod alienum esset vicisset, superaret quod erat domesticum. ubi non erat, cur Ursinus legeret superare, neque enim ab existimavit pendet illud verbum, sed ab his, quàm quòd &c. ut & illa dissimulavit, omisit, & existimavit.*

Ibidem: *Utrumque enim consequitur, ut & consideran-*

*derandis rebus humanis proprio philosophiæ fruatur officio, & adversis casibus triplici consolatione sanetur. Quamvis Manutii ac Lambini conjectura, qua fungatur pro fruatur statuunt, uno & altero codice sustentetur; non tamen rejicere lectionem editam audeo, tamquam Romani sic numquam locuti essent. Frui officio proprio philosophiæ, est illius officii emolumentis potiri. Sic de Amicitia: recordatione nostræ amicitiae sic fruor, ut beate vixisse videar, quia cum Scipione vixerim. h. e. cum aliquo fructu & jucunditate recordor amicitiae nostræ. Isto modo victoria frui est victoriæ emolumentis frui, apud Florum lib. II. 6. Sequitur eodem in capite: videt malum nullum esse, nisi culpam. Quod Latini culpam vocarunt, id nos hodie malum morale & κατ' ἔξοχην peccatum dicimus. Hinc non possum equidem causam expiscari idoneam, cur cl. Bentl. voluerit nisi culpā. Fam. IX. ep. 16. nihil esse sapientis præstare, nisi culpam. vide lib. XII. ep. 23. lib. V. ep. 21. lib. VI. ep. 1. Illud delictum dicitur lib. V. ep. 17. -- sapientes turpitudine, non casu; & delictu suo, non aliorum injuria commoveri.*

Cap. XVII. *Jubes me bona cogitare, oblivisci malorum. Diceres aliquid, & magno quidem philosopho dignum, si ea bona esse sentiret, quæ essent homini dignissima. Pythagoras mihi si diceret, aut Socrates, aut Plato, quid jaces &c.? Manutii, Victorii Lambinique editionibus vix fidem dederim, cum Pythagoras mihi sic diceret, exhibent. Est hoc Σχῆμα, quod appellant, πρὸς τὸ σημαίνόμενον, quo sic loquitur Tullius, ut si in antecedentibus dixisset, *Esset hoc quod jubes, aliquid & magno q. pb. d. . . Pythagoras modo esset, & non Epicurus ille voluptuarius, qui mihi diceret &c.* Vis illa conjunctionis si, dilucidari potest ex his, lib. V. c. 9.*

*Lau-*

*Laudat (Epicurus) tenuem victum : philosophi id quidem, sed si Socrates.. diceret, non is qui finem bonorum voluptatem esse dixerit. pro Marc. cap. 8. Sæpe enim venit ad aures meas, te idem istud nimis crebro dicere, satis te tibi vixisse. Credo; si tum id audirem, si tibi soli viveres &c. sic enim ex cod. Erfurt. recte legit cel. Grævius, pro sed tum id audirem. sic autem explica, Credo; & probarem hoc dictum tuum, si tum id audirem, si &c. Lactant. lib. VI. c. III, 5. Sapiens prorsus disputatio, si virtutum ipsarum formas atque terminos scirent: non enim &c. supple, sed tum demum mihi probaretur, si scirent. Synesius epist. XLVI. ποιεῖν τὸ ποιητέον μόνον εἰ χαίρων ποιεῖς. scil. εὖ ἔχει.*

*Ibidem: cedisque fortunæ? quæ pervellere te forsitan potuerit, non poterit certe vires frangere. Malebat Bentleius, quæ ut pervellere &c. Emblemata minus necessarium. Acad. II. 32. Hæc sint falsa sanè, invidiosa certe non sunt. cap. 24. An dissolvit? id enim mihi quidem non videtur: sed dissolverit sanè, certe tam multa non conlegisset, .. nisi videret his resisti non facile posse. de Fato c. 4. sit adfectio astrorum valeat, si vis, ad quasdam res, ad omnes certe non valebit. Divin. II. 55. quæ delectationis habeant quantum voles; auctoritatem quidem nullam debemus nec fidem commentitiis rebus adungere. confer Sanct. Min. ell. v. Esto.*

*Ibidem: Prudentiæ vero quid respondebis? dicenti virtutem sese esse contentam. Nil esse video, cur nisi. sequeremur illos, qui docenti pro dicenti agnoscunt. Prosopopœia certe durior non est, quàm quæ lib. V. c. 7. .. ullam à philosophia vocem emissam esse elatiorem. de Fin. I. 4. quid à singulis philosophiæ disciplinis diceretur, persecuti sumus. vide I. III. c. 19. Acad. II. 25. Revocat virtus vel po-*

*tius reprehendit manu: pecudum illos motus esse dicit, hominem jungit deo. ubi cl. Davisius, ut hoc in transitu moneam, legebat jungi deo; secus quidem, quam mihi necesse videatur: virtus enim hominem cum deo jungit, id est, cum deo conjunctum esse dicit; qua loquendi forma dicitur ibidem, Tu.. tamquam hominem cum bestia copulabis?*

## CAPUT XV.

*Cicero Tusc. III. octies defenditur. Pronomen qui relationem notabilem habet ad superiora. Cicero de Senect. vindicatur. Enallage numeri. Duo Ciceronis loca, simul cum Minucio Fel. defenduntur. Aliter atque ut, satis Latine dici probatur.*

**C**Ap. XIX. libri tertii Tusc. *Hæc Epicuro confitenda sunt, aut ea.. tollenda de libro.* Recte constare hæc lectio videtur, nec opus esse ut re-fingas, *Hæc, Epicure, &c.* Neque enim, si antecedentia inspicias, ad Epicurum sine ulla deflexione dirigitur oratio; quod facile evincunt ista, *atque hæc quidem his verbis; quivis ut intelligat, quam voluptatem norit Epicurus.* Si sequentia verba conferas, terminari illud Epicuri alloquium facile videbis. Immerito etiam mox sperni illud *verbis talibus* videtur, licet superiore cap. idem ferme dictum sit: quis enim tam superstitiosus, ut in istiusmodi repetitionem nunquam incidat?

Cap. XXIV. *Nec filetur illud potentissimi regis anapæstum, qui laudat senem.* Legit cel. Bentleius, *quo laudat senem*, sc. anapæsto. sed relativum, ad τὸ regis pertinens, recte se habere, clamant hæc loca sequentia. Infra IV. 5. *veterem illam equidem Pythagoræ primum, dein Platonis descriptionem se-quar*



quar, qui animum in duas partes dividunt. lib. V. c. 17... quam habeat libra illa Critolai? qui cum in alteram lancem animi bona imponat &c. c. 14. ut mihi Laconis illud dictum in hos cadere videatur; qui glorianti cuidam mercatori.. inquit &c. de Leg. II. 25. ille mos.. permansit, hoc jus terra humandi; quam cum proximi injecerant... Divin. II. 24. Vetus autem illud Catonis valde scitum est, qui mirari se agebat &c. vide etiam Lactant. Inst. III. c. XIII, 10. Hinc merito quoque concludas, sartum tectum conservandum esse locum, de Senect. c. 8. ut Solonem versibus gloriantem videmus, qui se quotidie aliquid addiscentem senem fieri dixit. ubi cl. Davisius ad Acad. II. 2. volebat, queis se quotidie &c.

Cap. eodem: malum quod opinatum sit esse maximum, nequaquam esse tantum, ut &c. Opinari aliquando passivam significandi vim habet. Si nescis, vide supra c. XI. immoderata appetitio opinati magni boni, rationi non obtemperans. sic pluries vel in his libris. Ut non videam cur mallems, quod opinati sint. &c.

Cap. XXVIII. Quid ex ceteris philosophis nonne optimus.. quisque confitetur multa se nescire? neque tamen, cum... intelligant, ægritudine premuntur. Enallagen numeri, ut alia multa, optime vindicat doct. Schröderus. Nos dabimus, quæ composueramus jam, priusquam in ipsius animadversiones incideremus. de Fin. II. c. 1. Hic cum uterque me intueretur, seque ad audiendum significarent paratos, &c. Tacitus Annal. lib. I. 17. ac si quis tot casus vitæ superaverit, trahi adhuc diversas in terras, ubi.. inculta montium accipiant. ubi adi Salinerium. Arnobius lib. II. p. 46. -- homo quid sit -- en -- acceperint formam &c. cum nota D. Heraldi. Quinctil. Inst. Or. XI. 3. nam nec cuiquam sunt in-

*jucunda, quæ cantant ipsi. ubi vide cel. Burmannum. Minut. Felix cap. xxiv. Dum unusquisque vestrum non cogitat, prius se debere deum nosse, quam colere, dum inconsultè gestiunt parentibus obedire. cap. viii. Sit licet ille Theodorus Cyrenæus, vel qui prior Diagoras Melius &c. numquam tamen in hac impietatis disciplina.. pollebunt. ubi cl. Davis. legebat pollebit. liceat dissentire. cap. xxxiv. Ita corpus in seculo, ut arbores in biberno, occultant virorem ariditate mentita. quæ quidem syntaxis omnium maxime notanda, quamvis silentio præterierint interpretes, adjuvari & illustrari illis potest, quæ doct. Cortius ad Salust. Jug. c. xviii. 12. Et hæc quidem apud me tanti sunt ponderis atque momenti, ut nihil etiam emendatione indigere credam, in his Tusc. IV. 6. *stulti autem ægritudo est ea, qua afficiuntur in malis opinatis.* ubi conjiciunt *stultorum*, & *stultis autem.* Fin. II. 19. .. *aliquid de voluptatibus suis cogitabat? nam ubi eam caperet? volebat vir cl. ubi autem caperet?* quod alioquin eas potius scripturum fuisse Tullium autumabat. sed sic Terent. Eun. II. 1. *adeo homines immutari ex amore, ut non cognoscas eundem esse?* quem locum ipsi debeo Davisio, ad N. Decor. I. 19. adde quæ nos ad Acad. II. 10.*

Cap. XXX. *Et qui suos casus aliter ferunt, atque ut auctores aliis ipsi fuerunt.* Voculam *ut* omitti quidem solet in hac forma; non sic tamen, quin aliquando etiam, uti hic, adjiciatur, quum *duplex* grammaticæ quippiam non habeat contrarium. Testimonia complura proferuntur à Stewechio & Turfellino. Eadem quoque abundantia sermonis utuntur Latini, cum ita loquuntur: *majorem pecuniam das, quam quantam promissisti.* qualia collegit Sanctius Min. pag. 495.

Cap.

Cap. XXXI. *Ut Artemisia illa Mausoli. . uxor. . quamdiu vixit, vixit in luctu, eodemque etiam confecta contabuit. . Emendabatur, eo denique etiam &c. cur tandem? Idem sæpe ita cum copulativa conjunctione junctum is denotat. N. Deor. I. 37. nec esse in ea (specie Dei) ullam soliditatem, neque eandem ad numerum permanere. sic passim.*

Cap. XXXIV. *Hoc detracto, . . ægritudo erit sublata illa mœrens: morsus tantum & contractiuncula quædam animi relinquentur: hanc dicant sane naturalem; dum ægritudinis nomen absit funestum. Non est, cur conjiceremus has dicant sane naturales. hanc enim refero ad ægritudinem. Sed tum dixerit, inquires, Cicero, ægritudinem, quæ jam sublata esset, licere dici naturalem, modo non appelletur ægritudo; atque ita ægritudinem vocabit id, a quo abesse nomen illud velit. Sed non est ita argutandum. similiter enim Acad. II. 46. . . reliquæ virtutes, quarum esse nulla potest, nisi erit gratuita: nam quæ . . voluptate ad officium impellitur, ea non est virtus, sed fallax imitatio simulatioque virtutis. de Fin. II. 3. . . illam non dolendi voluptatem, quam cur voluptatem appelles nescio. vide quoque Senec. de Ira II. 3. Sequitur hoc cap. Atqui stirpes sunt ægritudinis quam multæ! quam amaræ! quæ &c. Constructio auribus quidem nostris insolentior, Tullio tamen haud inusitata. Sic Fin. II. c. 21. Nunc verò suppeditabit nobis Atticus noster ex thesauris suis quos & quantos viros! vulgarior syntaxis illa fuisset, Nunc vero quos & quantos viros suppeditabis n. A. n. e. t. f! Sed istiusmodi turbis mirifice delectabatur noster, ut alijs etiam exemplis plus semel in his commentariolis nostris probamus. Cave itaque, cum viro κριτικώτατος rescribas, At qua s. s. æ! quam &c!*

## CAPUT XVI.

*In IV. Tusc. novem loca vindicantur, unus emendatur. Parere: i. e. comminisci. Verborum ordo notabilis. Polyænus tentatur. Duplex genitivus illustratur. Duo Ciceronis loca simul cum Silio Italico adferuntur. Eadem rei generalis & specialis appellatio illustratur. Sensus prægnans. Cicero quater defenditur. Enallage numeri. Cicero defenditur.*

**V**Enimus ad lib. IV. Tusc. cap. II. *ne ea quæ peperisse ipsi putamur, aliunde didicisse videamur.* Non sic moveor mss. illis, qui *percepisse & perperisse* exhibent, ut ex iis vestigiis *repperisse* scribendum existimem; idem enim verbi *parere* usus ac vis est. sic Fin. III. 1... *nobis, quibus etiam verba parienda sunt.* in Or. cap. 32. *& postea qui Dialectici dicuntur, spinosiora multa pepererunt.* Fam. IV. ep. 13. *nec ea solum memineris, quæ ab aliis magnis viris accepisti, sed illa etiam, quæ ipse ingenio studioque peperisti.* N. Deor. II. 29... *qui ista peperit, homo sine arte, sine literis.* vide quoque Leg. lib. II. c. 14.

Cap. IV. *Sed defendat quod quisque sentiat.* Verborum ordinem, quamquam librariis improbatur, optimo jure defendit Davisius. Sed loco Horatii, ab eo allato, adde suprâ I. c. 4. *Ponere jubebam, de quo quis audire vellet.* i. e. *Ponere quem jubebam, de quo audire vellet.* In hac re Græcos imitati sunt Romani. sic Dionysius Halic. Antiq. I. c. XLVIII. *Κρινέτω δ' ὡς ἕκαστος τῶν ἀκρόντων βούλειται.* Josephus Ant. II. c. XVI, 5. *περὶ μὲν ἢν τούτων ὡς ἕκαστος δοκᾷ, διαλαμβάνετω.* Quod autem

tem conj. & ante *metus* excidisse vir summus censebat, in his *Sublata igitur ægritudine, sublatus est metus*; in eo quidem, ut in plurimis aliis minutiis, quas meritò excutere gravamur, frustra omnino esse videtur. vide, ne verba apponam, infra cap. 20. suprà III. c. ult. Divin. II. 59. Acad. II. 6. 12. 19. de Amic. 27.

Cap. VI. *Præsentis autem mali sapientis nulla adfectio est: stulti autem ægritudo est ea, qua afficiuntur in malis opinatis.* Tria in hoc loco sollicitantur: primo duplex genitivus, *mali sapientis adfectio*; dein permutatio ista numeri, *stulti ægritudo, qua afficiuntur*; postremo repetitio conjunctionis *autem*. Quod ad repetitionem conjunctionis, & numeri vicissitudinem attinet, in his nihil sollicitandum esse monstrant, quæ nos ad Acad. II. 27. & Tusc. III. 28. Duplicem vero genitivum egregie jam vindicatum video ab erud. Schrödero; quem hic & alidi furdo cecinisse nollem. Nos nostra adjungemus. Infra cap. 13. *valetudinis corporis conquassatione.* & rursus, *corporis est quedam apta figura membrorum.* cap. 14. *Labor est functio quedam vel animi vel corporis gravioris operis & muneris.* pro Ligar. cap. 5. *studia denique generis ac familiæ vestræ, virtutis, humanitatis &c.* N. Deor. II. 58. *quarum (artium) est judicium oculorum.* Plura Cortius ad Salust. Cat. cap. xxiii. 4. His quoque patrociniū pro sequentibus locis suscipi potest ac debet. de N. Deor. III. 35. *nisi & virtutis & vitiorum, sine ulla divina ratione, grave ipsius conscientie pondus esset.* ubi Davis. tentat, *ipsi conscientie.* Fin. V. c. 24. *Atque hoc ut vere dicitur, parva esse ad beate vivendum momenta ista corporis commodorum.* ubi ille linguæ Latinæ rationem

flagitare putabat, *parva e. a. b. v. m. in istis corporis commodis*. mihi quidem aliter omnino videtur. Silius Italicus lib. V. vf. 391.

— *gelidusque sub ossa*

*Pervasis miseris conspectus consulis horror.*

idem vir cl. ad Tusc. III. 22. ed. pr. conjiciebat, *conspectu consulis horror*. Barthius in Adversariis, è membranis scribi jusserat, *conspecti consulis horror*; quod idem N. Heinsio placebat & Drakenborchio, quibus tamen non est ut illud adsentiamur.

Cap. X. *Intelligatur igitur, perturbationem jactantibus se opinionibus inconstanter & turbide, in motu esse semper; cum autem hic fervor concitatioque animi inveteraverit, . . . tum existit morbus &c.* Nul- lum his mendum subesse credo. Perturbatio dicitur in perpetuo esse motu, neque unquam remittere, quamdiu opiniones se inconstanter ac turbide jactent; his autem quiescentibus, sedari quidem perturbationis motum, sed ipsam alte jam insidere animo, ut existat morbus. Hoc quidem commode, Tullioque digne his verbis exprimi arbitror. Neminem autem offendat, quod *perturbatio dicitur in motu esse*, id quod Cicero etiam in libris de Fin. sæpenumero *voluptati* tribuit.

Cap. XI. *existitque morbus & ægrotatio, quæ avelli inveterata non possunt, eique morbo nomen est avaritia.* Quo minus in his rescribamus. . . seu *ægrotatio, q. a. i. n. possit*, retinent ista cap. XIII. *Quomodo autem in corpore est morbus, est ægrotatio, est vitium: sic in animo. . . Itaque duo illa, morbus & ægrotatio ex totidem.* &c. Si Tullius, inquit, *morbus & ægrotatio* scripserit, quo pacto cum his conciliabitur, quod addit *eique morbo*? Posterior *morbi* notio est generalior, duoque illa, tanquam spe-

species quodammodo distinctas, complectitur; quod ne modo dictum, sed etiam illustratum ac comprobatum videas, en geminum plane locum, cap. 14. *Ægrotationes autem morbiq̃ue animorum difficilius evelli posse putantur, quàm summa illa vitia, quæ sunt virtutibus contraria: morbis enim manentibus, vitia sublata esse possunt.* Ex qua loco id forsitan quoque cogendum, ut in eo, quem jam proposuimus, legi oporteat, quæ *EVELLI* inveterata &c. uti etiam cap. 26. dixit Cicero: *sunt enim omnia ista ex errorum orta radicibus; quæ evellenda & extrahenda penitus, non circumcidenda, nec amputanda sunt.* Nec uspiam hanc vim verbi avellere in scriptis Tullii offendi.

Cap. XII. .. *ex quo in aliis anxietas, unde anxii; in aliis iracundia dicitur, quæ ab ira differt.* Conjicit Davisius, *iracundia efficitur*: sed lectio, quam temerat, talem *βραχυλογίαν* refert, quæ Tullio usitatissima fuit. Nos sic fere dixissemus, *ex quo nata, in aliis anxietas &c. vel, ex quo id quod nascitur, in aliis anxietas &c.* Sic N. D. II. 20. *Quarum ex disparibus motionibus magnum annum Mathematici nominaverunt, i. e. Q. e. d. m. conficitur quem mathematici magnum annum nominaverunt.* Acad. II. 4. *qui se ab eo ipso duos illos libros dicerent descripsisse.* i. e. duos illos libros ab eo ipso compositos: de Fin. IV. 14. *in homine perfectio ista in eo potissimum quod est optimum, id est, in virtute laudatur.* h. e. in homine ea potissimum perfectio laudatur, quæ est posita in eo quod est optimum &c. tentabat vir cl. *in virtute locatur.* & cap. 9. *An senatus &c. si neque virtus in ullo nisi in sapiente, nec felicitas verè dici potest?* ubi Lamb. meritò neglectus est, qui post *felicitas, esse* injiciebat; cui tamen mos gestus est, cum in his c. 17. *qui nulla in*

*re- propensionem diceret, inculcabat esse. Leg. II. 4. Ita principem legem illam & ultimam, mentem esse dicebant.. Dei. Ex qua illa lex, quam D<sup>i</sup> humano generi dederunt, recte est laudata. h. e. derivata ac laudata, idem ille rursus; Ex quo illa lex &c. i. e. quapropter. & lib. I. c. 8. animum esse ingeneratum à deo; ex quo vere vel agnatio nobis cum cœlestibus, vel genus, vel stirps appellari potest. i. e. ex quo quæ nobis existit cum cœlestibus necessitudo, vel agnatio &c. appellari potest. legebat ille, arrogari potest. de N. Deor. II. 56. sunt enim è terra homines non ut incolæ a. b. sed quasi spectatores superarum rerum. h. e. sunt enim homines, quos de terra formavit Deus, non ut &c. malebat ille, sunt enim in terra homines &c. sed ista loca mutuo sibi invicem firmamento esse videntur, præsertim cum plura talia observaverim, quamvis jam mihi in mundo non sint.*

*Cap. XIII. Et ut corporis est quædam apta figura membrorum c. c. q. f. eaque dicitur Pulchritudo. Cur malit heic doct. Bentleius, ea quæ dicitur Pulchritudo, quemadmodum etiam, in his supra c. xi. Hæc... re quidem copulata sunt, eaque oriuntur ex libidine &c. ea quæ oriuntur: rationem justam subesse haud facile mihi persuaferim. Innumera talia scientes præterimus, quæ quomodo juxta solidioris criticæ regulas, in animadversionibus, in quibus πάντα περί πάντων expectamus, probaturus sit vir honoratissimus, nos quidem hætenus adsequi non possumus.*

*Cap. XVI. Ex quo intelligitur, qualis ille sit, quem tum moderatum, aliàs modestum, temperantem, aliàs constantem continentemque dicimus. Duo illa, alias modestum, & alias constantem à librariis inferta esse putabat Davisius, qui legebat, quem cum*



*moderatum, tum temperantem continentemque dicimus. Sed quæ extirpat vir ille doctus, posse ad-  
servari docet locus ille, lib. III. c. 8. Quam  
(σωφροσύνην) soleo equidem cum temperantiam, tum  
moderationem appellare: nonnumquam etiam modest-  
tiam... Ejus videtur esse proprium, motus animi ap-  
petentis regere & sedare, semperque a. l. m. i. o. r.  
servare constantiam... Qui sit frugi igitur, vel si ma-  
gis moderatus & temperans, eum necesse est esse con-  
stantem.*

Cap. XVII. *ut cum res eadem maneat, aliter fe-  
rant inveterata, aliter recentia. Neque hæc enal-  
lage tam inconcinna, ut legendum sit, ut cum re  
eadem maneant, &c. N. Deor. II. 23. Quarum  
omnium rerum quia vis erat tanta, ut sine Deo regi  
non posset, ipsa res Deorum nomen obtinuit. Divin. II.  
20. .. te quum res videres, rationem causamque non  
querere: quid fieret, non cur fieret, ad rem perti-  
nere. Leg. I. 13. sive Aristotelem & Theophrastum,  
cum illis re congruentes, g. d. p. d. secuti sunt: sive  
ut Zenoni visum est, rebus non commutatis, immuta-  
verunt vocabula. Fin. III. 3. Vide ne magis, inquam,  
tuum fuerit, cum in re idem tibi quod mihi videretur,  
non nova te rebus nomina imponere. ad Fam. VI. ep.  
4. De futuris autem rebus et si semper difficile est dicere,  
tamen interdum conjectura possis propius accedere, cum  
res est ejusmodi, cujus exitus provideri possit. Hinc  
nil quoque corrigo infra Tusc. V. 36. Jam verò  
exsilium, si rerum naturam, non ignominiam nominis  
querimus &c. ubi V. D. volebat, si rei naturam  
&c. N. Deor. II. 3. Quod si &c. quos tamen au-  
gures ne ipsæ quidem fabulæ adscivissent, si res omni-  
no repudiarent: ubi cum de sola divinandi arte ser-  
mo sit, si rem omnino repudiarent, legebat ampl.  
Boherius. Miror etiam quomodo in his Vell. Paterc.  
II.*

II. c. 33. *Nam neque Pompejus, ut primum ad remp. aggressus est, quemquam animo parem tulit; & in quibus rebus primus esse debebat, solus esse cupiebat: miror, inquam, quomodo doct. Heinsio ideo, quod præcesserit vox remp. sic inuentum visum fuerit illud rebus, ut legendum censeret, & in qua urbe primus &c. Rerum nomine passim cum rem quandam specialem, tum quoque reipub. administrationem insigniri, quis est qui dubitet?*

## CAPUT XVII.

*Vulgata lectio Ciceronis sæpius vindicatur: semel corrigitur. Accessionem fieri magnam, i. e. magnum cumulum per suam accessionem adferre. Ellipsis tñ quamvis. Oratio ex obliqua fit directam Repetitio conjunctionis ut. Duo Ciceronis loca, una cum V. Paterculo, adferuntur. Glossæ forma vindicatur. Copulativæ conjunctionis usus illustratur. Lactantius tentatur.*

**P**ergimus in eodem lib. quarto Tusc. Disput. cap. xvii. *Quid si, cum id ferret modice, mors liberorum accessit? nata esset ægritudo nova. Sed ea modica, magna tamen esset accessio. Non forte necessum est, ut adsentiamur viro docto illi, qui legebat, Sit ea modica: magna t. e. a. Primo enim locus conjunctionis sed, si verba bene introspicias, satis videtur opportunus. Deinde ante vocem modica, facile subauditur tñ quamvis, cujus omissio longè est usitatissima. sic Acad. II. 4. & homo natura lenissimus -- stomachari tamen cœpit. & c. 15. quæ perdifficiliter, internoscuntur tamen. & similia. Postremo eleganter dicitur ægritudo, magna accessio fieri, quum illius accessione magnopere auge-*  
tur

tur id, quò accedat. Talis formula est or. in Pisonem: *cum tibi ad pristinas clades accessio fuisset Ætolie repentinus interitus*. Florus lib III. c. 6. & *pirata Mithridaticæ provinciæ factus accessio*. Val. Maximus VIII. c. 7. *quantula Socrati accessio ista futura scientia erat?* vide quoque Min. Fel. c. xxiv. & erudit. Heinsf. ad Vell. Paterc. II. c. 26.

Cap. XIX. *Primum multis verbis iracundiam laudant: cotem fortitudinis esse dicunt.. levis autem ratiunculas eorum qui ita cogitarint, Prælium rectum est hoc fieri &c. hæc nullam habent vim, nisi ira excanduit fortitudo*. Observa orationem directam pro obliqua; neque enim juxta suam mentem ista *hæc nullam b. v. n. i. e. f.* profert auctor; sed eorum duntaxat, qui iracundiam sic extollebant, sententiam exprimit. Sexcenta mihi talia loca observata sunt, sed quod neminem istâ formâ offensum iri sperabam, tanti non erat ut adnotarem. Hic tamen Bentl. conjicit, *hæc nullam habere vim &c.* mirum, quod simul *excanduit* in *excanduerit* non mutarit; quod sane posterius grammaticæ regulæ flagitant, stante quidem ista emendatione. Capite sequente: *Hæc tamen ita disputant, ut refecanda esse fateantur, evelli penitus dicant nec posse nec opus esse: ut in omnibus fere rebus mediocritatem esse optimam existiment*. Per me licet salvum & integrum conservari posterius *ut*, quippe cujus conjunctionis repetitio, cum passim obvia sit, nemini molesta esse queat. sic enim Acad. I. 7. *De natura autem.. ita dicebant, ut eam dividerent in res duas: ut altera esset efficiens, altera &c.* cap. 13. *Huic rationi quod erat consentaneum faciebat, ut contra omnium sententias dies jam plerosque deduceret: ut cum.. invenirentur, facilius.. ad sensio sustineretur*. lib. II. c. 15. *nonne, inquiunt, verosimile sit, sic etiam men-*  
*tem*

*tem moveri, ut non modo non internoscat.. sed ut in his nihil intersit omnino? ut si qui tremere & exalbescerent.. nihil ut esset qui distingueretur tremor ille & pallor, neque ut quicquam interesset. vide quoque Fin. III. 19. & V. 9. de Senect. cap. 8. Quid quod etiam addiscunt aliquid? ut Solonem versibus gloriantem videmus, qui.. dicit: ut ego feci, qui Græcas litteras senex didici. Hæc cum silentio suo comprobant viri eximii, uti & plura talia; ratissimum inde testimonium adferri posse videtur, pro sanitate loci quem proposuimus, & sequentium etiam istorum. Fin. V. 2. ita enim se Athenis collocavit, ut sit pæne unus ex Atticis, ut id etiam cognomine videatur habiturus. Acad. II. 16. Quomodo autem sumis, ut si &c. sequatur ut etiam difficiliter internosci possint?.. postremò ut eadem sint? ut, si lupi canibus similes, eosdem dices (lego dicas) ad extremum. Davis. ita, si lupi &c. suprà lib. III. c. 29.*

*Nec vero tanta præditus sapientia  
Quisquam est, qui aliorum ærumnam dictis ad-  
levans,  
Non idem, cum fortuna mutata, impetum  
Convertat, ut cladi subita frangatur sua:  
Ut illa ad alios dicta & præcepta excidant.*

Nescio, cur prius ut à Latini sermonis ratione recipi neget vir cl. Vell. Paterc. II. c. 33... in appetendis honoribus immodicus, in gerendis verecundissimus: ut qui eos ut libentissime iniret, ita finiret æquo animo. ubi illud ut tam brevi intervallo geminatum, crucem figebat viro celeb. qui conjiciebat, at qui eos ut &c.

Cap. XXV. Num aut egisse umquam iratum Æso-  
pum--

*pum--- existimamus? Cur, quæso, existimas legendum, non existimamus? An quia paucis verbis interjectis antecesserat, an tibi irasci tum videmur?* At vero Enallages illius exemplorum omnia plena sunt. An quia, cum Cicero primâ pluralis numeri persona se ipsum comprehendat, stultum foret quærere, quid ipse juxta cum aliis sentiret? Vix ausim talia movere incommoda: quam sæpe enim sic impersonaliter adhibetur prima persona pluralis? sic ex. gr. infrâ c. 26. *Libidinosum igitur... censemus esse sapientem?.. In banc tu igitur... perturbationem cadere tibi dixisti videri?* At pluribus hoc docere non opus est; sufficit ut talia tantummodo in memoriam referamus.

Cap. XXVI. *Quid est quodd tantam gravitatem constantiamque perturbet? an improvisum aliquid aut repentinum? Quid potest accidere tale, & cui nihil quod homini evenire potest? Legendum, -- tale ei; cui &c.* Præter hocce mendum, omnia putem sana ac proba, quamvis alius de genuina loci scriptura aliter harioletur.

Cap. XXVII. *de quibus (animis) hoc etiam est merita (natura) melius, quod corporum adjumenta extrinsecus, animorum salus inclusa in his ipsis est. Sed quo major est in iis præstantia & divinior, eo majore indigent diligentia. Itaque bene adhibita ratio cernit, quod optimum sit; neglecta multis implicatur erroribus.* Si codices eos audire volumus, qui indiget pro indigent repræsentant, verbum hoc ad præstantiæ vocem referre licebit; ut de præstantia animorum sic loquatur Tullius, tamquam de ipsis animis præstantibus loqueretur; quam formam pluribus illustrabamus, ad lib. II. c. 25. Pari quoque modo adhibita ratio cernere dicitur, cum tamen proprie mens vel homo cernat, adhibita ratione.

Quin autem *adhibere rationem* Latinissime dicatur; nemo dubitet. vide modo cap. xi. & de Har. Resp. cap. 10. & Q. Cic. Petit. Conf. cap. 4. Audax igitur & licentiosa crisis est viri ingeniosissimi, qui sic legebat: *Sed quo major est mentis præstantia & diviniore, eo majore indiget diligentia. Itaque bene habita cernit &c.*

Cap. eodem: *utrum ad universam perturbationem -- an ad singulas.. melius adhibeatur oratio: & utrum illudne non videatur ægre ferendum, ex quo suscepta sit ægritudo, an omnium rerum tollenda omnino ægritudo.* Quamvis ista & utrum &c. planius tantummodo explicant, quod proxima periodo dictum fuerat; non tamen propterea adduci possum, ut aut pro & utrum, id est utrum legendum existimem, aut totum illud glossatori nugivendolo acceptum referam. Nam sæpissime duæ sententiæ sic connectuntur, ut posterior explanet tantummodo & illustret priorem, nihil amplius. supra cap. 12. .. *in aliis iracundia dicitur, quæ ab ira differt, estque aliud iracundum esse, aliud iratum.* quæ posteriora cum omnem glossæmatis speciem præ se ferant, impunita tamen ab intt. dimissa sunt; credo, quod eadem quoque commemorat Nonius v. *Iracundus.* Pergam ad alia. lib. II. c. 4. *quoddam in officio, cujus magister esse vult, labitur, artemque vitæ professus delinquit in vita.* Fin. III. 21. *numquam æquitatem ab utilitate posse se jungi, & quidquid æquum justumque esset, id etiam honestum, vicissimque &c.* lib. II. 4. *verbum Latinum par Græco, & quod idem valeat.* N. Deor. III. 12. *corpus autem immortale nullum esse, ne individuum quidem, nec quod dirimi distrabive possit.* Acad. I. 4. *illam autem Socraticam dubitationem de omnibus rebus, & nulla adfirmatione adhibita, consuetudinem differendi*  
*reli-*

reliquerunt. Lactant. lib. I. c. xx, 16. *apud quam* (gentem) *ipsa vitia religiosa sunt, eaque non modo non vitantur* (forte legendum *vetantur*); *verum etiam coluntur. i. e. consecrantur.* adde quæ cl. Jac. Gronovius ad Pomp. Melæ procæmium. Hinc nil quoque novandum lib. III. c. 33. *illum suo iudicio, & quod se ita putet oportere facere, mœreret.* ubi conjunctionem deletam voluit cl. Bentl. de Fin. I. c. 10. *temporibus autem quibusdam, & aut officiis debitis, aut rerum necessitatibus, sæpe eveniet* &c. ubi Lamb. illa, *& a. o. d. a. r. necessitatibus,* aliena & inculcata putat; Grut. pro *&*, *id est substituit;* Davif. sic tentat, *ut aut officiis impediētib; aut rerum necessitatibus* &c. Quid vero, inquit, sint *debitæ rerum necessitates*, haud equidem intelligo. Sed nil opus est, ut vocem *debitis* quemadmodum cum *officiis*; sic etiam cum *necessitatibus* construas. Cum priore autem substantivo sæpius jungitur. vide ad Att. XII. ep. 24. Fam. V. ep. 8. Sed hoc *ὡς ἐν παρόδῳ*. Aliquando autem conjunctio copulativa in istiusmodi explanationibus omitti solet, ut docuit cl. Cortius ad Salust. Cat. c. II. 3.

## CAPUT XVIII. .

*In lib. IV. Tusc. vulgata Ciceronis lectio aliquoties adferitur & illustratur. Premere omnia humana. Comprimere animum. Cicero defenditur. Andronicus Rhodius, Xenophon & Hesychius emendantur.*

**C**icero Tusc. IV. cap. xxviii. *Inter omnes enim convenire oportet, commotiones animorum à recta ratione aversas esse vitiosas; ut etiamsi nec mala sint illa, quæ metum ægritudinemve, nec bona, quæ cupidit-*

*tatem letitiamve moveant, tamen vitiosa sit commotio.* Sensus est, constare inter omnes, tametsi res illas, quæ perturbationes & commotiones in nobis concitent, esse indifferentes concedatur, ipsas tamen commotiones, à rebus illis indifferentibus concitatas, vitiosas esse, siquidem à recta ratione deflectant. Hunc sensum cum verba per se, tum quoque sequentia evincunt: *Quare omnium philosophorum, ut antea dixi, una ratio est medendi; ut nihil, quale sit illud, quod perturbet animum, sed de ipsa sit perturbatione dicendum. & antecedentia:...* sed omnis ejusmodi perturbatio animi placatione abluatur illa quidem, cum doceas nec bonum illud esse, ex quo lætitia aut libido oriatur, nec malum, ex quo aut metus aut ægritudo. lege quoque seqq. & cap. 31. *ut si jam difficile sit persuadere, nihil earum rerum, quæ perturbant animum, aut in malis aut in bonis esse habendum* (non erat, cur mutato ordine mallet vir acutissimus, aut in bonis, aut in malis esse habendum: similiter enim hoc loco, quem jam defendimus, etiamsi nec mala sint nec bona: ad quem ille flet.) *tamen alia ad alium motum &c.* Quæ cum ita sint, non possum sane comminisci, cur menti Ciceronis contrarius visus fuerit is sensus, quem lectio hæc vulgata fundit.

Ibidem: *constantem enim quemdam volumus, sedatum, gravem, humana omnia prementem illum esse quem magnanimum & fortem virum dicimus. Tentatur, humana omnia spernentem. Premere autem calcandi notione accipit cl. Davisius. Bene quidem, si additum fuisset veluti pedibus, aut simile quid; jam vero haud minore jure premere hic supprimendi significatu accipi posse videtur. Apposite quadrat illud Senecæ de Ira III. 6. Eodem modo sublimis animus, quietus semper & in statione tranquilla*  
col-



*collocatus, intra se premens quibus ira contrahitur.* Ita hîc quoque Tullius de cōstringendis & sup-  
primendis iis principiis loqui videtur, quibus quæ-  
que cōmotio aut perturbatio concitari soleat.  
Idem dici arbitror *animum comprimere*, suprà lib.  
II. c. 21. *Atque hæc cogitatio -- non solum animum*  
*comprimit, sed ipsum etiam dolorem -- mitiorem fa-*  
*cit.* nam *animus* notat illic partem animi παθη-  
τικὴν: ut pro Marcello c. 3. *animum vincere: ira-*  
*cundiam cohibere:* cum nota Buchneri. *Comprimere*  
*duas partes animi temerarias*, ex Platone dixit nos-  
ter de Divin. I. 29. Sic nihil esse videtur, cur  
viri illi. pro *comprimit* in eo loco legerent *confirmat*  
aut *componit*; quod idem eruditissimum Schröderum  
jam video præcepisse, quem vide.

Cap. XXXI. *Mibi quidem in tota oratione ea,*  
*que pertinet ad animi perturbationem, una res vide-*  
*tur causam continere, omnis eas esse in nostra potestate,*  
*omnis iudicio susceptas, omnis voluntarias. Hic igitur*  
*error est eripiendus, hæc detrahenda opinio. Hic*  
*igitur &c.* h. e. Quum itaque perturbationes ita  
sub potestate sint hominis, ut iis non percellatur  
nisi velit, dum sic fieri oportere opinetur; præ-  
vum hocce iudicium opinioque ista perversa, quæ  
sic fieri oportere sibi persuadeat, discutienda est.  
Non sunt hæc tam rigide ac morose urgenda, ac  
si his verbis non posset alius sensus extundi, nisi  
ut omnes perturbationes esse in nostra potestate  
&c. error sit eripiendus, ac detrahenda opinio.

Cap. XXXIV. *Amorem ipsum conatum amicitiae*  
*faciundæ.* Loco huic illustrando conferebat Da-  
visius verba ista Andronici Rhodii, περὶ παθῶν p.  
525. Ἐρως δὲ ἐπιθυμία φίλης, ἡ ἐπιθυμία ὅρῳ εἰς  
ναῶν κατὰ κόσμῳ καλῶν, ἣν ἐπιβελὴν καλεῖσι Φιλο-  
πονίας διὰ κάλλος ἐμφαινόμενον. Sed cum legebat

vir cl. Εἶρος δὲ ἐπιθυμία φιλίας, ἢ ἐπιθυμία ἈΝ-  
ΘΡΩΠΟΥ εἰς ΝΕΟΝ κατὰ κόσμῳσιν ΚΑΛΩΝ,  
ἢν ΕΠΙΒΟΛΗΝ καλῶσι ΦΙΛΟΠΟΙΪΑΣ διὰ  
κάλλος ἐμφαινόμενον: ego quidem ista ἐπιθυμία θρῶ-  
εἰς ναῶν κατὰ κόσμῳσιν καλῶν, sic potius refecerim;  
ἐπιθυμία ΘΗΡΙΩΔΗΣ ΝΕΩΝ κατὰ κόσμῳσιν κα-  
λῶν. In voce autem φιλοποιός, temeratus quoque  
videtur locus Xenoph. Κυρκαίδ. lib. II. p. 51. A.  
ubi manipularius quidam rogatus, cur quotidie se-  
cum haberet adolescentem, hirsutum quidem ac  
deformem, cujus consuetudine & conspectu maxi-  
me delectaretur, hujus benevolentiae suae causam  
commemorat summam adolescentis observantiam ac  
sedulitatem. Tum excipiens manipularius, tu vero,  
inquit, cum talis sit, non oscularis eum uti cognat-  
os soles? Et deformis ille adolescens, μὰ Δία,  
ἔφη· ὃ γὰρ φιλοπόνος ἐστίν· ἐπεὶ ἥκει ἂν αὐτῷ εἰ ἐμὲ  
ἔθελε φιλεῖν, τῷτο ἀντὶ πάντων τῶν γυμνασίων. Leun-  
clavius; *Non profecto, ait; nam minime laborum est  
tolerans; quippe si me vellet osculari, omnium hoc ei  
certaminum loco esset. Quid? an non legendum  
potius? μὰ Δία, ἔφη· ὃ γὰρ ΦΙΛΟΠΟΪΟΣ ἐστίν  
&c. Minime verò, ait; neque enim is est, qui ami-  
citijis contrahendis operam det; quandoquidem si me  
osculari vellet, hæc ei una citra omnes alias exercita-  
tio sufficeret.* Evidens quoque vitium occupavit  
ista Hesychii: φιλοποιός, φιλεργός· φιλοπονία, σπον-  
δαία ἔργα. φιλοπόνος, φιλεργός, σπυδαίος. legen-  
dum videtur: φιλοποιός, ΦΙΛΟΥΡΓΟΣ. φιλοπο-  
νία, ΣΠΟΥΔΗ, ΦΙΛΕΡΓΙΑ. φιλοπόνος, &c.

Cap. XXXV. Sic igitur adfecto hæc adhibenda  
curatio est, ut ἔῃ illud quod cupiat, ostendat quam leve.  
fit...: abducendus etiam est nonnumquam ad alia.  
Nota conjunctionem ἔ. Loquitur sic Cicero, ut  
si additurus fuisset, ἔ nonnumquam etiam ad alia  
abdu-

*abducatur*; cum tamen, præciso orationis filo, addat, *abducendus etiam est nonnumquam ad alia*. Hoc non concoxit vir cl. qui substituebat, *ut ei illud quod cupiat, ostendatur*. Nos illud ostendat jam tuiti sumus ad Acad. I. 1. Nunc illud porro velim observari, pronomen *ei* facillime abesse posse, secundum omissionem longe usitatissimam, de qua ad N. D. II. 48. Deinde similem conjunctionis usum in notis ad epist. ad Att. probabat alicubi P. Manutius; cujus observationis locus quamvis ad manum non sit, satis tamen habere me exillimo, in quo acquiescam.

Cap. XXXVI. *Quid enim est quod non progrediat eodem ira quo furor?* Habeat hæc loquendi ratio ingratum quidpiam auribus nostris, sitque asperior illa appositio *eodem quo furor*; languidam sane, vixque Tullio dignam efficere orationem videntur, qui hanc nobis lectionem propinant, *Quid e. e. q. n. p. ira? eo demum quo furor*. Locum potius sanum esse habeam, quemadmodum etiam habuit P. Faber ad Acad. II. 25. Relativum *quod* sæpius ita, quemadmodum hic *quo*, explicatur verbis sequentibus, ut quædam vis constructioni inferatur. vide quæ ad Divin. II. 41. dicturi sumus, ubi similia plane offendes quamvis genuina, glossematum tamen formam repræsentantia; quemadmodum inconsiderato lectori in hoc loco triga ista *eodem quo furor*, nugatoris cujusdam commentum videri posset. Porro etiam constructionis istiusmodi turbas sæpius dari, demonstrabimus ad N. Deor. II. 24.

## CAPUT XIX.

*Pergitur ad lib. V. Cic. Tusc. in quo quinque loca vindicantur, unus emendatur. Congruere cum aliqua re. Constructio à relativo pron. inchoata sistitur. Vell. Patere. defenditur. Ordo orationis adstruitur observandus. Cicero ter, Min. Felix bis defenditur, cum uno loco Lactantii & Quintilianii. Enim post interrogationem. Cicero defenditur & emendatur.*

**T**Ransimus ad lib. V. Tusc. cap. 1. *Vereor enim ne natura. . animos quoque dederit & corporum doloribus congruentes, & separatim suis angoribus & molestiis implicatos. Animi corporum doloribus congruentes sunt qui, cum doleant corpora, dolore simul afficiuntur, eaque ratione cum corporibus concordant. Variis modis ingenium suum Lambinus exercuit; infauis vero, uti sapissime solet, avibus. Sin autem congruentes legamus, pro congruentes, videndum erit, si qua adjungi exemplorum auctoritas possit. Quamdiu vero ea res mihi haud satis constabit, lectionem vulgatam retinebo; quum præsertim pari modo loquatur auctor infra c. 24. cum totius mundi motus conversionesque perspexerit, sideraque viderit innumera cælo inharrentia cum ejus ipsius motu congruere, certis infixæ sedibus: i. e. simul cum eo moveri: ut in hoc loco cum doloribus congruere, est simul cum iis dolere.*

Cap. III. quem, ut scribit auditor Platonis, P. H., v. d. i. p. Philem ferunt venisse, eumque cum Leonte &c. Pronomen eum sistit quidem illud fortasse cursum, si spectes relativum quem; sed pa-

parilis est impeditæ constructionis durities in his exemplis. Acad. I. 8. *quam vim animum esse dicunt mundi, eandemque esse mentem sapientiamque perfectam.* lenius haud dubie hoc modo fluere oratio.. *ac mentem sap. perf.* de Fin. II. c. 2. *nam hunc ipsum s. f. s. e. s. u. definiebat id esse, quo omnia referrentur, neque id ipsum usquam referretur.* elegantius dixisset Cicero ad analogiam, *quodque ipsum nusquam referretur.* N. Deor. III. 40 *proque urbis muris, quos vos.. sanctos esse dicitis, diligentiusque urbem religione, quam ipsis mœnibus cingitis, &c.* tu hoc vel tali modo voluisses -- *dicitis, qui diligentius urbem &c.* Virgil. X. Æneid. v. 519.

*Quattuor hic juvenes ———*

*Viventes rapit, inferias quos immolet umbris,  
Captivoque rogi perfundat sanguine flammæ.*

*h. e. utque captivo rogi &c.* Lactant. Inst. V. 2, 11. *.. qui & gloriam q. s. non est adeptus, & gloria quam captavit, in culpam r. q. conversa est. i. e. cuiusque gloria, quam &c.* vide quoque c. xix, 2. Et D. Lucas Act. III. 13. *ὅν ὑμεῖς παρεδόνκατε, καὶ ἠρνήσασθε αὐτὸν &c.* Durius quidem illud Vell. Paterc. lib. II. c. vi, 4. *.. Fulvium Flaccum... quem C. Gracchus i. l. T. f. triumvirum nominaverat, eumque socium regalis adsumserat potentie; morte adficit.* sed nescio tamen an nil ibi movendum sit, quod quidem pace dixerim acuminis virorum insignium, qui pro eumque, eoque, dein, & denique conjecerunt.

Cap. V. *ut ad eas cursim perrectura, nec eas beata vita à se desertas passura videatur.* Ordinem verborum sic constituit editor cl. -- *perrectura beata vita, nec eas à se desertas passura videatur.* Pari-

ter lib. IV. c. 13. *Itemque viribus corporis & nervis & efficacitati similes, similibus verbis animi vires nominantur: legebat similibusque verbis, quo suavior redderetur oratio; cum tamen hæc loca se invicem confirmare ac stabilire videantur.* Et sane in his constructionum συγχύσει, nescioquomodo sibi indulserunt veteres, utut ista palato nostro displiceant. supra IV. 17. *cui æternitas omnis totiusque mundi nota sit magnitudo.* cap. 25. *Num aut egisse umquam iratum Æsopum, aut scripsisse existimas iratum Accium?* l. II. 18. *quibus quod honestum sit, summum bonum; quod turpe, summum videtur malum.* de Divin. I. 27. -- *se interfectum, in plausrum à caupone conjectum.* de Leg. I. 22. *quibus illustratus, sapientia duce, bonum virum, & ob eam ipsam causam cernat se beatum fore.* vide lib. III. c. 1. & de N. Deor. I. c. 42. & passim alibi penes Cicero- nem. Lactantius Inst. I. c. 1. extr. *sciet quo refe- renda, & quemadmodum sibi vita degenda sit.* c. III, 15. *neque tantam intelligentiæ lucem pectus humanum, neque explanationem tantarum rerum capit lingua mor- talis.* lib. II. c. VII, 3. *quia ut sol oculorum, sic sa- pientia lumen est cordis.* vide c. IX, 24. lib. VI. c. v, 1. Epit. cap. 70. & alibi. Min. Felix. Oct. cap. XIX. *Idem interpretando Junonem aera. . ignem esse Vulcanum.* -- cap. XXI. *Hæc tamen Ægyptia quondam, nunc & sacra Romana sunt.* Certum sit igitur, omnia se recte habere cum in locis propositis, tum quoque Acad. lib. I. c. 9. . . *quamquam oriretur à sensibus, tamen non esse iudicium veritatis in sensibus.* Lambinus vocem iudicium post quamquam locabat. de N. Deor. lib. II. 17. *Ita efficitur animantem, sen- sus, mentis, rationis mundum esse compotem.* Davi- sius reponit compotem esse mundum, vel *Ita effici- tur, mundum esse animantem, s. m. rationis compo- tem,*

tem. Min. Felix Oct. cap. xxxiv. *Et tamen ipsi artificii Deo soli Et solubilem, Et esse mortalem.* idem vir cl. esse, *Et mortalem.* cap. xl. *Posthæc lætibilaresque discessimus; Cæcilius, quod crediderit; Octavius gaudere, quod vicerit.* aut deleri illud gaudere, aut post credideret collocari volebat ille. Lactantius Epit. cap. xlv. *quas (animantes) Deus Et instructas ad inferendam, Et munitas ad vim repellendam figuravit.* legebat ad repellendam vim, aut pro inferendam, infestandum. Quintil. Declam. II. 8. *quæ discursum, quæ exigunt laborem.* transponebat Franciscus, *quæ discursum exigunt, quæ laborem.*

Cap. IX. *An malumus Epicurum imitari, qui multa præclare dicit? quam enim sibi constanter convenienterque dicat, non laborat.* Nota interrogandi perperam post imitari pingebatur; quæ si eo, quo vides, loco collocetur, non esse credo, cur cum viris eruditissimis aut deleas vocem enim, aut autem substituas. Conjunctiones nam & enim hoc modo sæpius orationem interrogatoriam excipiunt. infra 27. *Dolorem vero (cur autem maluit cl. Bentleius, Doloremne?) sapiens extimescet? is enim huic maxime sententiæ repugnat.* supra lib. I. c. 34. *ubi igitur malum est? quoniam nihil tertium est.* lib. IV. c. 26. *An sine misericordia liberales esse non possumus? non enim suscipere ipsi ægritudinem propter alios debemus.* vide Lactant. Inst. II. c. 11, 22. Hinc etiam Acad. II. 24. legendum forsitan: *Quàm multa ille contra sensus, quàm multa contra omnia, quæ in consuetudine probantur? An dissolvit? id enim mihi quidem non videtur. Sed dissolverit sane, certe &c. ubi vulgo legitur, At dissolvit. Idem mihi quidem &c.*

Cap. XIV. *An dubium est, quin nihil sit habendum in eo genere, quo vita beata complectitur, si id possit amitti. Si quid mutandum, malim equidem*

dem pro *complectitur*, legere *compleatur*, quàm *completur*, quod substituere in mentem venit emendatori doctissimo. Sequitur: *nisi omnia sibi in se posita censebit*, quam lectionem non sollicitasset idem vir reverendus, si ob oculos versatus fuisset is locus, cap. x. *tum potuerunt clarissima voce profiteri, .. omnia sibi in se esse posita, nec esse &c.*

## CAPUT XX.

*Sex loca Tullii defenduntur: duo illustrantur. Credere alicui, i. e. se committere. Judicare percipere. Oratio ex absoluta fit interrogans. Genitivus notandus illustratur. Unus Quintiliani, tria Ciceronis loca adseruntur; cujus etiam unus emaculatur. Adjungere auctoritatem. Perissologia una & altera illustratur.*

**E**odem lib. V. Tusc. cap. xx. *Qui cum haberet etiam.. quosdam adolescentes amore conjunctos, credebat eorum nemini. Nisi verbum credebat referendum sit ad sequentia corporis custodiam, locutio similis illi erit, qua Phædrus utitur lib. V. fab. 2.*

*Scio quod virtuti non sit credendum tuæ.*

Silius Ital. XIII. v. 198.

————— *medicatæ cuspidis ictu*  
*Proelia moliri; & nudo non credere ferro.*

Sallust. Jug. c. LXXII. *neque loco, neque mortali cuiquam aut tempori satis credere. ubi vide doct. Cortium. Sic huic Ciceronis loco non opus erit τῷ se.*

Cap. XXI. *Quamquam hic quidem tyrannus ipse judicavit, quàm esset beatus. i. e. recte percepit. sic infra c. 24. .. judicandi quid cuique rei sit congruens.*  
Acad.



Acad. I. 5. *quid rectum in oratione pravumve, judicando.* vide Fin. II. c. 6. Conjiiciunt tamen viri docti legendum esse *indicavit*.

Cap. XXVI. *An Epicuro, qui tantummodo induit personam philosophi, & sibi ipse hoc tamen nomen inscripsit, dicere licebit &c.?* Verborum sensum haud recte adsecutus videtur V. D. cum legeret *quia tantummodo &c.* nihil enim ista, *qui tantummodo -- inscripsit*, ad rem faciunt, nisi ut Epicuri mentioni odii ac vituperationis notam apponant. sic ex. gr. infrà: *Huic ergo, ut dixi, non multum differenti à judicio ferarum, oblivisci licebit sui?* quid an illic legendum, *quia non multum a. j. f. differt, o. l. f.?* Est hæc sane propositio talis incidens, de qua lege cel. Clericum, Logicæ P. II. c. vi, 5.

Cap. XXVII. *Sint sane illa genera bonorum, dum corporis & externa jaceant humi, .. alia autem illa divina longe lateque se pandant, cælumque contingant: ut ea qui adeptus sit, cur eum beatum modo, & non beatissimum etiam dixerim?* Voculam ut de conjectura ejicit hinc cl. Davisius, postque contingant *τελεσθῆναι σίγησιν* ponit. Duriusculum revera nescio quid orationi subest, quodque constructionis filum abrumpat, dum absolute inchoatur, ac definit interrogatorie. Quamquam quid hoc durius, quam quod Virgil. *Æn.* lib. I. 91.?

— — *nec Teucris addita Juno,*

*Usquam aberit, cum tu supplex in rebus egenis,  
Quas gentes Italum, aut quas non oraveris orbeis?*

Noster de Fin. II. 21. *Nunc vero.. suppeditabit nobis Atticus noster ex thesauris suis quos & quantos viros!*

Ibidem: *quorum imbutæ mentes pravitatis erroribus*

bus &c. Lambinus legit *pravis erroribus*. Davi-  
 sius *pravitatis errores* per Hebraïsmum pravos erro-  
 res notare existimat : quemadmodum Plautus  
 etiam ipsi Hebraizare videbatur, cum *formam amœ-  
 nitatis, perennitatisque cibum*; & Lucretius, cum  
*caliginis aerem atrum* diceret. Quicquid id est,  
*pravitatis errores* omnino recte, Ciceroneque digne  
 dicuntur illi errores, quos secum conjunctos ha-  
 bet pravitas & corruptio, quæ mentes hominum  
 pervasit. Min. Felix cap. xxvi. *Isti igitur spiritus non  
 desinunt periti jam perdere, & depravati errorem  
 pravitatis infundere.* quæ verba de more sua fecit  
 Cyprianus Idol. Van. p. 396. Eum *calamitatis er-  
 rorem* dixit Jul. Firmicus de Err. Prof. Rel. pag.  
 10. *Errorem falsæ religionis*, Lactant. Inst. lib. II.  
 c. III, 15. *Pravitatis falsitatem*, Vincentius Lirin.  
 Common. prope init. *Opinionis errorem*, Cicero  
 suprâ III. 33. Acad. II. 13. & 25. Tales quoque  
 sunt genitivi in his Divin. I. 21. *somnia fabularum.*  
 cap. 2. *furoris divinatio.* cap. 43. *quietis oracula.*  
 cap. 18. *auctoritas vetustatis.* cap. 9. *signum floris.*  
 Tusc. V. 31. *tempestatis calamitas.* in Verrem lib.  
 V. *crudelitatis remediis sanare quid.* Fin. III. 10.  
*opiniones & judicia levitatis.* lib. V. 23. *societas com-  
 munitatis humanæ.* l. II. c. 23. *libidinum voluptates,*  
 & Tusc. III cap. 2. *voluptatum libido.* Quæ quidem  
 nihil Hebraïsmi continere mihi videntur, nec  
 quidquam quod non in omnibus linguis vulgare  
 sit. Sæpius autem uti hîc Lambinus, sic alibi aliî  
 viri docti ad usum illius genitivi offenderunt.  
 Quinctil. Declam. V. c. 5. *ego mihi plurimum videor  
 adjecisse languori cunctationis mora.* non ausim cum  
 cel. Burm. *cunctatione & mora*, quamvis hoc sit  
 usitatius. Noster Fin. V. 11. *propagabat tamen vi-  
 zam aucupio sagittarum.*

Con-

*Configebat tardus celeres, stans volantes.*

*aucupio sagittarum*, i. e. quod sagittis fiebat. Davis. conjicit, -- *aucupio*: *sagitta enim*

*Configebat &c.*

lib. IV. 25. *Ex ea difficultate illæ falsiloquentiæ, ut ait Accius, malitiæ natæ sunt.* ubi alii aliter ingenio suo fructi sunt. de Lég. I. 23. *voluptatemque, sicut labem dedecoris, oppresserit.* ubi vir. cl. *labem decoris* conjicit legendum, uti ediderant Victorius & Gruterus. Sed *labes dedecoris* est quæ ex dedecore contrahitur; contrariumque dicitur *decus honestatis*, Fin. I. 10. Sic etiam dicitur *labes turpitudinis*, pro Domo c. 38. *maculæ libidinum & flagitiorum*, ibid. c. 9. & in Verrem. l. V. c. 51. *nota turpitudinis*, Catil. Or. I. c. 6. Quod autem *decus* & *dedecus* sæpius permutantur à librariis, id quidem negari non potest. Exemplo sit locus, cuius emendationem coronidis instar hic addam: de Lég. II. 17. *non solum vitâ cruciati atque dedecore, verum etiam sepultura ac justis exsequiarum caruerunt.* ubi cum Lambinus voluit, Davisio suffragante, *non solum vita cum cruciatu atque dedecore, verum etiam &c.* equidem sic potius restituam: *non solum vitâ cruciati, atque DECORE, verum etiam &c.* Caruerant vita atque decore.

Cap. XXIX. *quorum oratio habetur in omnes partes, ut ab aliis possit ipsa per se, nullius auctoritate adjuncta, judicari.* Quod vir celeb. *adjuta pro adjuncta* legit, operam ludere omnino videtur. sic plane de Divin. lib. II. c. 55. *auctoritatem quidem nullam debemus, nec fidem commenticiis rebus adjungere.* pro Mur. cap. 31. *Quare.. tolle mihi & causa nomen Catonis; remove ac prætermitte auctoritatem,*

*tatem, quæ in judiciis &c. sic addere & adjicere auctoritatem plus semet dixit Quintilianus.*

Cap. XXXI. *De morte enim ista sentit, ut d. a. s. extinctum putet.* Hæc loquendi forma plus habet simplicitatis, quam elegantiae; si elegantiam appellescam, quam hodie sectantur critici, & non morositatem potius nimis delicatam. Hanc juxta fuisset hoc modo loquendum, *mortem quod attinet, d. a. s. extinctum putat.* Sed ne in hoc loco quidpiam committas, en præter alia quæ mihi præsto sunt, paucula ista huic similia. de N. Deor. II. 23. *tum autem res ipsa, i. q. v. i. m. a. sic appellatur, ut ea ipsa res nominetur deus.* lib. III. c. 14. *probabilius enim videtur tale quiddam esse animum, ut sit ex igne &c. de Orat. II. 38. nam & omne quod eloquimur, eloquimur sic, ut esse dicamus id, aut non esse.* Tusc. V. 33. *Totumque hoc d. v. sic præcipit, ut voluptatem ipsam. expetendam putet.*

Cap. XXXIII. *ut voluptatem ipsam, per se, quia voluptas sit, semper optandam. putet.* Mirum quod in hanc lectionem non insurrexerint, qui passim glossas crepant. Quantam vero glossematis similitudinem habet ista triga, *quia voluptas sit!* Cave tamen exteris velut à nugatore prognatum. sic enim de Fin. lib. II. c. 20. *quem quidem cum sua voluntate, nulla vi coactus, propter fidem &c. Laetant.* Inst. lib. IV. c. xxiv, 3. *nec enim mens. aut comprehendere per se potest, aut capere veritatem, nisi aliunde doceatur.* quorsum omnis ista cauda *nisi aliunde doceatur?* Seneca de Ira I. 7. *nec quidquam sine illa magnificum in bello fortitudo gerit, nisi hinc flamma subdita sit.* Huc quoque confer, quæ alia occasione producemus ad N. Deor. I. c. 16. & Divin. I. c. 33.

CA.

## CAPUT XXI.

*Cicero in Tusc. V. bis defenditur, semel emendatur. Stobæus & Val. Maximus vindicantur. Ætas pro juventute. Neutrum genus pro alio. Manutius, Jensonius ac Lamb. Bos notantur. Pleonasmus notabilis adseritur; quâ occasione quatuor quorûque Tullii loca stabiliuntur, Euripidisque locus dilucidatur.*

Cap. XXXIV. lib. quinti Tusc. Disp. *Quid victum Lacedæmoniorum in Phidititiis nonne videmus &c?* Stobæus Serm. XXIX. rem sic narrat. Διονύσιος Λακωνικὸν μάγειρον πριάμενος, ἐκέλευσεν αὐτὸν σκευάσαι τὸν Λακωνικὸν ζῶμον καὶ σκευάσαντος, ἢ ἡσβίεν ἤρετο δὲ, κατὰ τι αὐτῷ ἤδονται ἀηδεστάτῳ ὄντι οἱ Λάκωνες. ὁ δὲ ἢ ἔχειν ἔφη τῶν τὰ ἡδύσματα, ἃ ἐκεῖνος ἔχει διὰ τὸ αὐτῷ μὴ ἀρεῖσαι. Locum jam attulit Davisius, qui sic legendum credebat, - ἃ ἐκεῖνοι ἔκει. Sed duo ista pronomina τῶν & ἐκεῖνος, quæ referenda sunt ad ὁ. ζῶμος, sic possunt intelligi, ut priore designetur hoc jus, quod jam Dionysio esset paratum, & posteriore illud quod Lacedæmonii parari consueverat.

Cap. XXXVIII. C. Drusi domum compleri à consultiis solitam accepimus. His illustrandis locum Val. Max. profert editor doctissimus, ex lib. VIII. c. 7. *Consimilis perseverantiæ Livius Drusus, quæ ætatis viribus & acie oculorum defectus, jus civile populo benignissime interpretatus est.* Sed quod pro ætatis viribus tentabat ille effætis viribus, à conjectura aberrare videtur; nam sic quoque in seqq. hunc vel talem aliquem in modum legendum esset, *acie oculorum hebetiore defectus.* Sed jam defectus æ-

*tatis viribus* & *acie oculorum* is dicitur, quem *ætatis vires* & *aciēs oculorum* defecerint: ut *consilio suo defectus*, ibid. III. c. 1. extr. sic alii passim. Sunt autem *ætatis vires*, vires juveniles, quemadmodum vox *ætas* sæpenumero florentem ætatem denotat. sic *robur ætatis*, Curt. lib. VI. c. 10. Lactant. Opif. c. 3. adi quoque cl. Schulting. ad Senec. Controv. II. c. 14. p. 212.

Capite sequente: *Asclepiadem ferunt. cum quidam quæreretur, quid ei cecitas attulisset, respondisse, puero ut uno esset comitator.* Codicis cujusdam ista lectio, *puero ut uno essem comitator*, non habere videtur, cur editæ anteferatur: simili enim modo obliquatur oratio suprà c. 37. *Socrates quidem cum rogaretur, curjatatem se esse diceret, mundanum, inquit; totius enim mundi incolam se & civem arbitrabatur.* Sequitur inferius: *Atque hic vir impediri etiam animi aciem aspectu oculorum arbitrabatur: & cum alii sæpe quod ante pedes esset non viderint, ille infinitatem omnem peragrabat.* Legendum forsitan.. *non viderent*: vel hoc modo, *& cum alii sæpe quod ante pedes sit, non viderint, ille &c.* Sic sane novatio erit levior, quam ista doct. Bentleji: *&, cum hi.. non viderent, illa infinitatem o. p.*

Cap. XL. .. *ergo hi in illorum sermone surdi: omnesque id nos in his linguis, quas non intelligimus, quæ sunt innumerabiles, surdi profecto sumus.* Pronomen *id* sensui officere visum est viris clarissimis. Manutius & Lambinus reponebant, *omnesque item*, vel *iiidem nos* &c. Davisius, adstipulante codice uno & altero, pronomen delebat, aut ceteroquin hoc modo rescribendum conjiciebat, - *surdi omnes. Quid? Nos in his linguis* &c. Sed primum observandum est, neutrius generis pronomen sæpius venire pro ejusdem aut alius generis adjectivo, quemad-

TULLIANARUM LIB. I. CAP. XXI. 115

quemadmodum pronomen *id* hic exprimit adjectivum antecedens *surdi*. Ita supra cap. 37. *dicuntur -- misericordes, aut invidi, aut tale quid. de Leg. III. 7. excepto tribuno, qui post exstitit, ne aliquid fuerat, esset. de Fin. V. c. 30. Ille vero insipiens, quod certe, quoniam tyrannus &c. & lib. IV. 24. ut jam omnes insipientes sint miseri, quod profecto sunt &c.* quem locum minus bene explicuit Manutius, quod ad hanc pronominis vim animum non advertebat. Ceterum si plura cupias, vide quoque Lactant. lib. I. c. XVI, 7. & lib. V. c. XIX, 2. & Florum lib. IV. cap. 2. cum nota elegantissimi Dukeri. Atque huc etiam accensenda puto neutrius gen. pronomina, quibuscum verba *appellare, nominare* & similia construi solent. ut ex. gr. Livius lib. XXXVIII. 17. *Hi jam degeneres sunt; misti & Gallograeci, quod appellantur.* Quæ quidem forma quantumcunque habeat ellipsios, id totum voce *negotium* facile compleri posse arbitror: nihil enim potest excogitari durius, nihil arcessitum longius, quam supplementum illud erud. Jensi Lect. Luc. lib. I. c. 8. qui hoc *quod* valere *quod nomen* judicabat, ut *quod nomen sit quantum ad quod nomen attinet*. Huic tamen errori calculum quoque adjiciebat doct. Lamb. Bos, ell. nom. ὄνομα; cui quidem critico insigni hoc cum Sanctio, Perizonio aliisque viris eruditissimis commune fuit, ut in supplendis ellipsis aliquando nimium esset argutus, suppletionesque quæreret minus simplices ac generales. Ita etiam omnino falli videtur, cum ista Eurip. Phoen. vs. 11.

Καλῶσι δ' ὀκαάστῃ με τῶτο γὰρ πατήρ  
ἔθετο:

sic interpretatur, ut nomen ὄνομα post τῶτο subaudiatur

diat. τὴν complectitur totum illud καλεῖσθαι με  
 ἰοκάστην, quod pater posuerat, h. e. constituerat,  
 decreverat, voluerat. Sed hæc sufficiant de prono-  
 minis neutrius usu, quem in loco Tullii proposito  
 observatum volebamus. Sequitur, ut iam pronomen  
*id* cum voce *surdi*, quæ paullo post subsequitur,  
 conciliemus. Nemo dubitat, quin Tullius ad  
 grammaticam exacte locutus fuisset, si dixisset--  
*surdi: omnesque id nos in his linguis sumus, quas non*  
*intelligimus, quæ sunt innumerabiles: sed quum mox*  
*se oggerit nomen surdi, in his surdi profecto sumus,*  
 perissologiam istam nostro Cicerone minus dignam  
 esse censuerunt viri docti. Salva tamen illorum sen-  
 tentia, mihi vox *surdi* à nostro repetita fuisse vi-  
 detur εαφηνείας ἕνεκα; cui sæpius ita inservire solet,  
 ut, quod inchoata sententia jam una pluribusve vocibus  
 expresse, idem tamen postea per istiusmodi  
 pleonasmum resumat. Sic Divin. II. 46. *qui, cum*  
*Ptolomæus - - moreretur, Alexander adsidens somno*  
*est consopitus.* cuiusmodi plura dedimus ad Acad.  
 II. c. 5. Neque est hæc appositio durior, quam  
 quâ dixit Seneca epist. LXXV. initio: *Qualis*  
*sermo meus esset, si una sederemus, aut ambularemus,*  
*illaboratus & facilis: tales esse epistolas meas volo,*  
*quæ nihil habeant arcessitum nec fictum.* Eadem rati-  
 one, qua locum Tullii in mendo cubare puta-  
 runt docti, hunc Senecæ ita refingere liceret,  
 ut aut ista *illaboratus & facilis* deleres, aut pro  
*Qualis & tales, Quemadmodum & sic* restitueres.  
 Sed medicinam abstinendam esse quis dubitat? Pari  
 modo Synesius epist. XLIV. Ἀλλ' ὅπερ εἰσὶν ἐν ταῖς  
 πολιτείαις οἱ δῆμιοι, χεῖρες τῶν νόμων τὴν αὐτὴν αἰ-  
 ποναὶ χρεῖαν τῇ φύσει τῷ κόσμῳ παρέχονται: *sed quod*  
*in civitatibus sunt carnifices, manus legum, eundem*  
*Furiæ usum naturæ mundi præbent.* Nos, ex lin-  
 gua-



guarum nostrarum idiotifmo, injiceremus *δηλονότι* & scilicet. Sic Cic. Fam. lib. XII. ep. 22. *Illud profecto, quoad potero, tuam famam & dignitatem tuebor.* Acad. II. c. 15. *Illud certe* (scil. nulli rei adfensurum esse sapientem, quod modo erat dictum) *opinatione & perceptione sublata, sequitur omnium adfensionum retentio.* cl. editor legebat, *Illud cerne: opinatione &c.* de Fin. IV. c. 4. *Quod* (refer hoc ad antecedentia) *etsi ingeniis magnis præditi quidam dicendi copiam sine ratione consequuntur* &c. P. Manutius aut quod vitiatum putabat, aut illud *dicendi copiam* extrinsecus injectum; quem etiam errorem errabat ad lib. I. c. 20. --- *Quod quia nullo modo sine amicitia firmam & perpetuam jucunditatem vitæ tenere possumus, &c.* Orationem sic orditur Tullius, ut si hoc vel tali modo pergere voluisset, *Quod quia n. m. s. a. consequi possumus;* sed id, quod sine amicitia consequi non possumus, significantius exprimere volebat, ideoque *ista firmam & perpetuam jucunditatem vitæ* superadebat; minus quidem de structuræ elegantia sollicitus, quàm Manutius, qui legendum putabat, *Quoddque nullo modo* &c. Rursus in or. pro Sextio cap. 4. *Venit cum exercitu Capuam, quam urbem* &c. & inde *M. Aulanum, tribunum militum Antonii, Capua præcipitem eiecit.* illud *Capua* expungebat cl. Davisius in notis ad Tusc. V. c. 27. sed quamvis abundare facile concedam, non tamen exturbandum arbitror. Coel. ad Cic. Fam. VIII. ep. 4. *quod eum non mediocriter Cæsar, qui solet infimorum sibi amicitias qualibet impensa adjungere, valde contempsit.* quorsum, inquires, *valde, cum jam præcessit non mediocriter?* festinanti calamo Coelii acceptum illud referamus.


THOMÆ WOPKENS  
LECTIONUM  
TULLIANARUM

LIBER SECUNDUS,

*Complectens animadversiones  
in Ciceronis libros  
de Natura Deorum,*

CAPUT I.

*In lib. I. de Nat. Deor. Cicero aliquoties adseritur  
& illustratur : semel etiam atque iterum emenda-  
tur. Admirari in constructione notabili. Cicero  
in transitu defenditur. Si supplendum ἀπὸ τοῦ  
Tullius à conjectura Gruteri defenditur. Habeo  
de illa re quid liqueat, formula Tulliana. Nepos  
vindicaretur. Si pro dummodo. Cicero obiter rursus  
adseritur.*

 Cicero de Nat. Deor. lib. I. cap. III. par-  
tim admirantium, unde hoc philosophandi  
nobis studium exstitisset. Locum hunc,  
quod ad Latinitatem, paucis illustrabo;  
sic tamen, ut alterius cujusdam in lectione vul-  
gata stabiliendi copiam arripiam. Illud igitur ob-  
serva, quod verbum *admirari* candem constructio-  
nem atque vim adsciscat, quam *mirari* vel *demi-  
rari*.

rari. Sic de Finibus IV. cap. 22. *admirati sumus, quid esset cur nobis Stoicos anteferres.* ubi Lambinus, cum pro *admirati* conjiceret *demirati*, non audiendus fuit, quippe qui non tantum ad locum propositum de N. Deor. sed etiam ad seqq. ista plane, & quidem merito, conticuerit. ibidem lib. I. c. 3. *in quibus hoc primum est, in quo admirer, cur in gravissimis rebus non delectet eos patrius sermo.* ad Att. VI. ep. 9. *admiratusque sum, quod nihilominus ad me tua manu scripsisses.* & lib. X. ep. 9. *De diplomate admiror, quasi nescio cujus te flagitii infimulaverim.*

Cap. IX. *Quid autem erat, quod concupisceret Deus mundum signis -- ornare? Si, ut Deus ipse melius habitaret; ante videlicet tempore infinito in tenebris -- habitaverat.* Sic omnino interpungenda sunt verba, non ut in recentioribus editis, -- *habitaret.* Ante videlicet &c. Cl. Walker conjunctionem si delebat, signumque *ἐπερωτηματικὸν* post verbum *habitaret* apponebat. Ampl. autem Boherius signum quidem adscivit, sed conjunctionem simul retinuit, quam notione *τῷ an* accipiebat. At locus, ut mihi quidem videtur, absque his emendationibus, omni ex parte sanus ac sincerus est; modo conjunctionem conditionate intelligas, atque ex antecedentibus mente tantum repetas, *mundum signis ornasset.* Si Deus mundum ornasset signis, ut melius habitaret; sequeretur illud ingens absurdum, ut ante quam id fecisset, luce destitutus fuisset. Ad similem ellipsin, cujus quidem expletionem nihil esse facilius videtur, infelicitate quoque dedit Gruterus in his lib. III. c. 33. -- *periit. Si, quia Drusum ferro, Metellum veneno sustulerat; illos conservari melius fuit, quam penas sceleris Varium pendere.* ubi ex codice quodam istam

lectionem producebat, sic quia *Drusum*, quam quidem immerito plane dicebat aureolam. An rei claræ ac manifestæ opus est exemplis? Ecce tamen pauca de innumerabilibus. infra cap. 35. *Tuus autem Deus non digito uno redundat, sed capite, collo &c. si, ut immortalis sit; quid hæc ad vitam membra pertinent?* de Divin. II. c. 25. -- *quæ si signa deorum putanda sunt, cur tam obscura fuerunt? si enim, ut intelligeremus, quid esset eventurum; aperte declarari oportebat.* Acad. II. c. 29. -- *ne tu quidem percipis: si, quia obscura; concedo &c.* Plura si consideres, adi cl. Cortium ad Sallust. Catil. 51.

Sequitur eodem cap. -- *cum omnes stulti sint sine dubio miserrimi; maxime quod stulti sunt, miserrus enim stultitia quid possumus dicere? deinde quod ita multa sunt incommoda in vita, ut ea sapientes commodorum compensatione leniant, stulti nec vitare venientia possint, nec ferre præsentia.* Hæc etiam omnimodo carere arbitror, quamvis aliter visum fuerit viris doctissimis, quorum conatus videat qui velit. Etenim verbis illis, *deinde -- præsentia*, in quibus ad scopum parum dextre collineabant hi commentatores, significat Tullius, incommodorum in hac vita multitudinem esse tantam, t, quum ea sapientes commodorum compensatione leniant, stulti nec vitare venientia possint, nec ferre præsentia. Loquendi forma dilucidari potest ex illis, quæ ad cap. 31. dabimus. Quæ autem sequente cap. sic leguntur: *quæ, si mundus Deus est, quoniam mundi partes sunt, Dei membra partim ardentia p. r. dicenda sunt: hæc mirum si non sint hunc in ordinem redigenda; quæ quoniam mundi partes sunt, si mundus Deus est, Dei membra &c.*

Cap. XII. *Empedocles -- autem in deorum opinione turpissime labitur: quatuor enim causas, ex quibus*  
om-

*omnia constare censet, divinas esse vult: quas &c. Tollatur ominosum illud interrogandi signum, quod utramque Davisii, nuperamque doct. Verburgii editionem subiit, post verbum vult. Sequitur autem in eodem cap. Nec vero Protagoras, qui sese negat omnino de Diis habere quod liqueat, sint, non sint, qualesve sint, &c. Tametsi codices quidam referant -- de Diis quid liqueat scire, alii- que de Diis scire quid liqueat; cave tamen inde le- gendum concludas, de Diis quod liqueat scire. Pri- mum enim habendi verbo locus hic tam opportu- nus est, quam infra lib. II. c. 1. Quod si haberem aliquid quod liqueret, tamen te vicissim audire vellem. supra cap. 3. quid quaque de re certi haberemus. Acad. II. cap. 29. Si habes quod liqueat, neque re- spondes, superbis. Tusc. III. c. 18. neque equidem habeo, quod intelligam bonum illud. Deinde quid & quod in hujusmodi locutionibus tam passim per- mutantur, ut nihil esse videatur, cur hoc præ illo malis. sic infra lib. tertio cap. 25. De quibus habeo ipse, quid sentiam; non habeo autem, quid tibi adsen- tiar. ubi nil movebat interpretes cl. ad Att. I. ep. 12. Quid præterea ad te scribam, non habeo. ubi plu- ribus de isto genere disputat Malespina. Corn. Ne- pos Epam. cap. viii. quid quid diceret, non haberet. ubi non erat, quod crud. Bosius legendum con- jiceret, qui quod diceret, non haberet; licet in ms. Boecleri exstaret, qui quid diceret, non haberet.*

Cap. XIV. *Atque hic idem alio loco æthera Deum dicit; si intelligi potest nihil sentiens Deus. Conjun- ctio si sæpissime dubitationem significat, ut osten- datur in modo dictis inesse aliquid falsi, aut cer- te dubii. Sic infra c. 37. Quæro -- quæ causa eum loco moveat; si modo moveatur aliquando. de Div. II. c. 14. sunt igitur artis inventa, non vetustatis;*

*si est ars ulla rerum incognitarum. i. e. sed dubito, an ars sit ulla rerum incognitarum. pro Ligar. cap. 1. Atque ille arripuit -- imperium; si illud imperium esse potuit. i. e. dummodo illud i. e. p. vide quoque Acad. I. c. 2. Tusc. IV. c. 14. Germanicus Cæsar apud Lactant. lib. I. c. 21.*

— — *Illa putatur*

*Nutrix esse Jovis; si vere Juppiter infans  
Ubera Cretæ mulsit fidissima capræ,  
Sidere quæ claro gratum testatur alumnum.*

sic etiam Terent. Eun. I. 2. vs. 102. Plin. lib. II. epist. 1. Seneca epist. XCIX. Salvianus epist. II. & alii. Hæc quidem pluraque talia tanti apud me sunt ponderis, ut in loco proposito nihil novandum existimem, quamvis cl. Davisius tentaret, -- dicit. *Quis intelligi potest &c.?* Atque eodem modo expedienda videntur ista lib. III. cap. 1. *Spero enim te, ut soles, paratum venire. Tum Cotta, si mebercule, inquit; neque enim mihi par ratio cum Lucilio est, ac tecum fuit.* ubi Manutius conjiciebat sane mebercule, Lambinus sic est mebercule, Davisius accinente quodam codice, non mebercule, Boherius denique, *sim mebercule*. At primum observa, eleganter jungi mebercule cum conjunctione *si*, ut docuit Cortius ad Sallust. Catil. cap. LII, 35. Adde quod conjunctio *si* sæpius ita veniat ex antecedentibus supplenda & explicanda, quod modo videbamus ad cap. IX. & confirmari potest ex iis, quæ dedit Vechnerus Hellen. p. 352. & Burmannus ad Quinctil. Decl. I. c. 9. His si componas, quæ jam de relatione ejusdem conjunctionis diximus; *si mebercule* idem erit, quod dubito sane, vereor equidem ut se res ita habeat, aut simile

simile quid; qualis quidem sensus Cottæ mentiest, siquid ego video, adcommodatissimus.

## CAPUT II.

*Vulgata lectio in Cic. I. de N. D. septies vindicatur. Pronominis quod constructio tautologica. Locus de Fin. vindicatur. Μακρολογία illustratur. Pleonasmus in loco Luciani adseritur. Ora ultimi. Enallage præsentis & imperfecti. Tullius obiter defensus. Credo, ironice. Cicero ad Fam. corrigitur. Metathesis illustratur. Jamblichus, Cyrillus & Ælianus defenduntur. φιλοθηρίω verbum esse bene Græcum probatur.*

**E**odem lib. I. de Nat. Deorum cap. xv. -- ut ne hoc quidem diceret, illa inventa esse deorum, sed ipsa divina. Quo quid absurdius, quàm aut res sordidas atque deformes deorum bonore adficere &c.? Videri possent omnia ista quàm aut &c. rescanda; quippe quæ, maximo quidem constructionis impedimento, explanant tantummodo vim pronominis relativi quo, quæ satis abundeque jam constat ex antecedentibus. An vero cum Lambino scribendum est, *Quæso quid absurdius &c.?* quæ ratione συντάξει certe fit satis? Mihi plane alia stat in animo sententia, quandoquidem pronomen tam demonstrativum, quàm relativum multis aliis in locis sic per quandam tautologiam explicari video. sic plane de Fin. I. c. 6. ait enim *declinare atomum sine causa: quo nihil turpius physico, quàm fieri sine causa quicquam dicere?* ubi ista, quàm f. f. c. q. d. delenda statuunt Manutius, Lambinus & Guicetus, sed cl. Davisius cum Bruto reponit, *quum nihil turpius &c.* Mihi vero à tantis viris dissentire liceat,

ceat, cui duo hæc loca se invicem tueri ac defendere videntur; præsertim quum pari modo rursus Acad. I. c. ult. -- *censebat -- nihil oportere -- adfensione approbare; cohibereque semper -- temeritatem: quæ tum esset insignis, cum aut falsa aut incognita res approbaretur: neque bdc* (nempe falsam aut incognitam rem approbari) *quicquam esse turpius, quam cognitioni & perceptioni adfensionem approbationemque præcurrere.* ubi omnes, quantum ego sciam, silent interpretes: quemadmodum etiam in his Lætantii, quæ sane haud minus dura sunt, lib. V. cap. x, 4. *Quid potest esse hac pietate dementius, quam mortuis humanas victimas immolare?* Eadem plane difficultas structuræ cursum impedit in his Tusc. I. c. 36. *Hoc premendum etiam atque etiam est argumentum, confirmato illo, de qua, si mortales animi sunt, dubitare non possumus, quin tantus interitus in morte sit, ut ne minima quidem suspicio sensus relinquatur.* vides ut illud *de quo* in sequentibus sic exponat auctor, ut illius elegantiae, quam flagitant critici, parum se studiosum declararet. confer. quæ adnotabimus ad Divin II. c. 41.

Cap. XVI. *Ex illo cælesti &c.* Quod Lucianum glossemate foedari existimat doct. Davisius, in his Icaromen. p. 187 *Μένειπρος ἡμῖν διοικεῖς πάντων ἐξ ὅραν*, dum duas postremas voces pro adfinitionis & spurii delet; equidem hanc styli abundantiam ex ipso Luciano, aliisque cujuscunque linguæ auctoribus probatissimis defendi posse, vix dubitaverim. Ciceronem hujusmodi rerum testem locupletissimum arbitror, qui sic de Fin. lib. IV. c. 18. *.. qui ad honestatem aliud adjungant, quod ex eodem genere non sit.* Min. Felix Oct. cap. xvi. *Dicam equidem, ut potero, pro viribus.* quò præter alia, hunc quoque locum contulit ipse vir cl. ex  
Dione



Dione Chrysoft. Orat. VII. pag. 118. *μάλιστα εὐρήσειν ἡγόμενοι τὴν τῶν πολλῶν διάνοιαν, ἃ δὲ καὶ τοῖς πολλοῖς εἰδοκεῖ, περὶ τε τῶ πλῆτε καὶ τῶν ἄλλων, ἃ θαυμάζουσιν.* adde D. Paul. 1 Corinth. IV. 47. *ὁ πρῶτος ἄνθρωπος ἐκ γῆς, χαϊκός.* Plura nos ad Divin. I. c. 33.

Cap. XIX. *in qua (infinitate) intelligi necesse est, eam esse naturam, ut omnia omnibus paribus paria respondeant.* Licet illud intelligi à codice uno & altero absit, ego tamen codices istos nobis fraudem dedisse crediderim potius, quam hanc *μακρολογίαν* ullo jure posse damnari; quippe quam eandem cernere licet infra cap. 61. *Ex quo debet intelligi, nec naturam &c.* supra lib. I. c. 17. *cum enim &c. intelligi necesse est esse deos.* Tusc. lib. III. c. 5. *Eos enim sanos quoniam intelligi necesse est, &c.* cap. 28. *intelligi necesse est, non rem &c.* de Fin. l. III. c. XI. *intelligi necesse est, pluris id æstimandum esse.* & lib. V. c. 19. *Quocirca intelligi necesse est, in ipsis rebus invitamenta inesse.*

Cap. XX. *in quam (immensitatem) se injiciens animus & intendens, ita longe lateque peregrinatur, ut nullam tamen oram ultimi videat, in qua possit insistere.* Ad quod referri possit vox *ultimi*, plane se negat intelligere vir cl. ideoque legendum conjicit, *oram ultimam videat.* At scrupulus, qui ipsum male habebat, sic forte eximi dispellique poterit, si per vocem *ultimum*, quæ sæpius ita formam substantivi induit, intelligamus earum regionum, quas peragraverit animus, extremam & ultimam; per *oram* autem, illius ultimæ regionis terminum sive finem, unde ulterius pergi nequeat. Passim hoc modo distinguuntur voces, quarum visaliis in locis una eademque est: quemadmodum etiam illas *ora* & *ultimum* posse συναντῶμεν

non adhiberi quis negaverit? Exempla videre licet in iis, quæ contulimus ad Tusc. V. c. 26.

Cap. XXII. *Epicurus vero tuus quid dicit, quod non modo philosophia dignum esset, sed mediocri prudentia?* Codex Urfini cum in multis fidei sublesta est, tum hîc quoque fraudem dare videtur, quum pro *esset* refert *sit*. Hoc quidem, fateor, ἀκριβεια grammatica flagitat, quum præcesserit præsentis temp. verbum *dicit*: illud tamen ne respuas, plurima faciunt similis enallages exempla, quæ intacta dimiserunt interpretes. sic suprâ cap. 15. *Idemque disputat, æthera esse eum, quem homines Jovem appellarent: quique aer per maria manaret, &c.* infra lib. II. c. 56. *avertunt ab oculis -- ea quæ -- tetri essent aliquid habitura.* lib. III. c. 28. *Huic loco sic soletis occurrere, non idcirco non optime à Diis nobis provisum esse, quod multi eorum beneficio perverse uterentur. pro utantur.* Tusc. lib. V. c. 7. *Nam quid proficitur? perfecturum se, qui legibus suis paruisset, ut esset c. f. f. armatus.* de Finibus lib. II. c. XI. *quod ita interpretantur, vivere cum intelligentia earum rerum, quæ natura evenirent, eligente ea quæ essent &c.* lib. III. c. 21. *defenditur nunquam æquitatem ab utilitate posse seungi, & quicquid æquum justumque esset, id etiam honestum -- fore.* lib. I. c. 9. *sentiri hoc putat (Epicurus), ut calere ignem, nivem esse albam, dulce mel; quorum nihil oporteret (pro oporteat) exquisitis rationibus confirmare: tantum satis esse admonere; interesse enim &c.* non erat cur litteratores hic de conjectura reficerent, quorum nihil oportere &c. est enim subjunctivus talis, qualem illustrabimus infrâ ad lib. III. c. 7. de hujusmodi autem imperfecto alia quædam dabo ad lib. II. 47.

Cap. XXIV. *Sed ubi est veritas? In mundis,*  
etc.

*credo, innumerabilibus --: an in individuis corpusculis &c.? Emendabat editor cl. In mundis, cedo, innumerabilibus, quia hæc ipsi non εἰρωνικῶς, sed ἐπιτιματικῶς proferri videbantur. At præterquam quòd verbum cedo numquam apud Tullium, quantum ego quidem adsequi potis sim, sic mediam sententiam occupare soleat; non video, quare ista in mundis &c., usque ad interrogationem illam, an incorpusculis &c.? absolute sensu ironico nequeant accipi; cujusmodi ironiæ, in repellendis erroribus, passim inservire solet verbum credo. ut infra cap. 40. quorum tandem? voluptatum, credo, nempe ad corpus pertinentium. de Divin. lib. II. cap. 67. quem enim tu Marium visum à me putas? speciem, credo, ejus & imaginem, ut Democrito videtur. Tusc. lib. V. cap. 35. cur igitur divitiæ desidererentur? signis, credo, tabulis, ludis. vide etiam cap. 37. & alibi. Atque ita mihi nullum dubium est, quin lib. IV. ad Fam. ep. 5. legendum sit, At illius, credo, vicem doles. Quoties &c. non vero, An -- doles? ut pessime editum est.*

Cap. XXVI. *In Deo quid sit quasi corpus aut quasi sanguis, intelligere non possum. Cur velit doct. Walkerus quasi-corpus & quasi sanguis, id quidem, ut plurima alia, quæ excutere non vacat, nulla ratione, quæ satis polleat, probavit. Cap. sequente: -- rem nullo modo probabilem. Omnium quis tam cæcus &c.? Transponunt, Quis omnium tam cæcus &c.? sed, salva ista sententia, verborum ordo inusitator quidem ille, sustentari tamen posse videtur his Cæsaribus B. Gall. lib. VII. cap. 76. nec erat omnium quisquam, qui &c. Cic. de Leg. lib. I. cap. 7. non vereor, condiscipulorum ne quis exaudiat. Neque est illa metathesis durior, quàm hæc sequentes. infra lib. II. cap. 4. Senatus, quos ad se-*

*soleret, referendum censuit. & cap. 41. Hunc circum*  
*ἄρκτοι duæ feruntur. Tusc. lib. II. c. 6. Hunc post*  
*Rhodius Hieronymus dolore vacare summum bonum*  
*dixit. Acad. lib. II. cap. 2. quorum ad -- laudes has*  
*adjungimus. & Græce Polyænus Strat. lib. II. c. 4.*  
*στρατοπεδεύσας τῷ ποταμῷ πρόσθεν, castris ad fluvium*  
*positis. Jamblichus V. Pythag. cap. xxxv pag. 211.*  
*κρατήσαντος αὐτῷ τὸν κίνδυνον ὑπὸ Θεάγας, cum eum*  
*in ipso pugnae discrimine vicisset Theages. transpone-*  
*bat Lud. Kusterus, ὑπὸ τὸν κίνδυνον, quod haud*  
*scio an sit recte factum.*

Cap. XXX. *Speculatorem venatoremque naturæ.*  
*Vocis venator usum elegantem docte illustrat Da-*  
*visius; sed locum Cyrilli, cui obiter medicinam*  
*facere conatur, sicco pede præterire non possum.*  
*Scilicet ita loquitur ille auctor, in Julian. lib. X.*  
*pag. 330. Εθέλει φιλοθρεῖν εὖ μάλα τὸ ἀληθές.*  
*ubi legebat vir doctissimus φιλοθρεῖν, pro φιλο-*  
*θρεῖν. At cur illud tandem? haud dubie, quamvis*  
*rationem referre non placuerit, quod simpliciter*  
*dicatur θηρεῖν, non θρεῖν. Hæc autem si ratio*  
*valeat, eodem jure, imo potiore, mutatione quip-*  
*pe minore, pro φιλοθρεῖν reponi posset φιλοθρηῶν:*  
*quemadmodum etiam video, cel. Perizonium,*  
*quia simplex θηράω dicatur, ideo φιλοθρηῶσιν pro*  
*φιλοθρηῶσιν reponendum conjicere, in his Æliani*  
*Var. Hist. lib. IX. c. 3. Λεοντάτω καὶ Μενελάω*  
*φιλοθρηῶσιν -- ἡκολύθεν. Falli arbitror hosce duum-*  
*viros insignes, qui terminationem verborum com-*  
*positorum parum consideratè simplicium sono me-*  
*tiantur; quum nihil sit certius, quàm composita*  
*verba, hac in parte, sæpissime a simplicibus de-*  
*generare. Ita cum simplicia sint λέω, χρηματίζω,*  
*σαρκόω, τεχνάω composita tamen sonant, φιλο-*  
*λογέω, φιλοχρηματέω, φιλοσαρκέω, φιλοτεχνέω.*  
*Adde*

Adde, quod cum dicatur φιλόθεος, ac φιλοθερία, hoc nos veluti manu ducit ad φιλοθερίω: quemadmodum ex. gr. à φιλόσοφος descendit φιλοσοφείω, atque hinc φιλοσοφία.

## CAPUT III.

*Aliquot Tullii loca in vulgata lectione stabiliuntur. Unus ex codice adjuvatur. Personæ secundæ ac tertiæ permutatio. Locus in Tusc. Disp. unus & alter defenditur. Ellipsis ἀπὸ κοινῆ supplenda. Numerare, censere. Cicero in transitu defenditur. Inscitia, imperitia. Cicero bis vindicatur. Ita fit, i. e. inde sequetur. Dicendi ambages in Tullio tolerandæ. Ad proquoad. Enallage, Humana virtus accedit Deo, pro Divina. Aberrare à coniectura.*

Cicero lib. eodem I. de Nat. Deorum, cap. xxx. *Quàm bellum erat, Vellei, confiteri potius, nescire quod nescires, quàm ista effutientem nauseare, atque ipsum sibi displicere!* Observa formas diversas, *confiteri nescire quod nescires, & ipsum sibi displicere*; quæ permutatio personæ secundæ ac tertiæ offendiculo doctissimis fuit commentatoribus, ut, renitentibus libris omnibus scriptis ac editis, *ipsum tibi displicere* legendum esse conjicerent. Ego vero & quæ in secunda, & quæ in tertia persona efferuntur, impersonaliter credo intelligenda, ut si dixisset Tullius: *Quàm bellum, erat confiteri potius quemquam ignorantiam suam, quàm ista &c.* quem tam secundæ, quàm tertiæ personæ usum satis esse vulgarem, probare non opus est, sufficit monere. tertiæ personæ vim impersonalem jam quoque adstruximus ad Acad. I. c. 1. Eodem

I  
moda

modo interpretor ista, quæ similem formam repræsentant, Tusc. lib. I. c. 38. *Quare licet etiam, mortalem esse animum judicantem æterna moliri, non gloriæ cupiditate, quam sensurus non sit; sed virtutis, quam necessario gloria, etiamsi tu id non agas, consequitur. ubi viri docti rursus de conjectura scribunt, quam sensurus non sis. at post judicantem potest subaudire quempiam, atque ita tertia persona vim exeret impersonalem; quo sensu etiam intelligi illud potest, etiamsi tu id non agas, Belgice, schoon men daar niet op werkt. Ita duo hæc loca, vicissitudinem illam personarum quod attinet, mutuo se vindicant & confirmant. Addamus lib. II. Tusc. cap. ult. *Ut enim si cui naviganti; prædones si insequantur, Deusque qui dixerit Ejice te de navi; præsto est qui excipiat, -- vel equi Pelopis -- excipient te, & quo velis perferent; omnem omittat timorem: sic &c. ubi ista excipient te, & quo velis perferent, comparata cum antecedente si cui, & subsequente omittat; cui omittas, cum summo viro, substituere mihi quidem religio est. Haud sane lenior variatio est personæ primæ pluralis, & tertiæ singularis, in his Min. Felicis Oct. cap. xi. *Duceps malum: & gemina dementia! cæla & astris, quæ sic relinquimus ut invenimus, interitum denuntiare; sibi mortuis, (h. e. nobis mortuis) qui sicut nascimur & interimus, æternitatem repromittere. Rursus quum scribit Seneca epist. secunda: certis ingeniis immorari & innutiri oportet, si velis aliquid trahere, quod in animo fideliter sedeat: nonne ad diligentiam grammaticam aptius hoc modo locutus fuisset, -- si homines velint aliquid &c.? aut si in antecedente membro dixisset in singulari numero, certo ingenio immorari &c. Quid verò P. Syrus, cum in sententiis dicit,***

*Pa-*

*Patria sua est, ubicunque vixeris bene.*

si modo scriptio ista vera sit, quod tamen nemo præfractæ inficias eat, nonne de industria captasse ejusmodi ἰναλλαγὴν videtur?

Sequitur eodem cap. *et si hoc loco non populum me-  
tuis, sed ipsos deos. Novi ego Epicureos omnia sigilla  
numerantes: quamquam video &c.* Pro numerantes  
tentant venerantes, inbiantes, munerantes, quarum  
tamen conjecturarum nulla mihi scopum attingero  
videtur. Nemo quidem de loci sanitate dubitaret,  
si legeremus, *omnia sigilla deos numerantes*, h. e. pro  
diis habentes; quippe cum ista phrasiologia Latini-  
ssima sit, maximeque Tullio propria. ut supra  
cap. 13. *ubi deinde tot dii, si numeramus etiam cœ-  
lum deum?* infra lib. III c. 16. *singulas enim stellas  
numeras deos.* & cap. 17. *Age, porro, Jovem &  
Neptunum deos numeras.* Tusc. V. cap. 15. *quæ isti  
bona numerant.* Synesius Epist. XLVII. Ἀριθμεῖ καὶ  
Πέτρον ἐργὴν Πενταπόλεως: *numera etiam Petrum per-  
niciem Pentapolis.* Ut tamen verum fatear, vox  
illa *deos* facillime mihi ἀπὸ κοινῆ subaudiri posse vi-  
detur in verbo *numerare*, quum modo præcesserit  
*sed ipsos deos.* Talis ellipsis est in his, de Finibus  
lib. II. c. 3. -- *qui se unus, quod sciam, sapientem  
profiteri sit ausus: nam Metrodorum non putant ipsum  
professum, sed cum appellaretur (sc. sapiens) ab E-  
picuro, repudiare tantum beneficium noluisse. Septem  
autem illi non suo, sed populorum suffragio omnium,  
nominati sunt sc. sapientes.* lib. V. cap. 13. *Animi  
autem -- plures sunt virtutes, sed duo prima genera:  
unum earum, quæ ingenerantur suapte natura, appel-  
lanturque non voluntariæ; alterum autem earum, quæ  
in voluntate positæ, magis proprio nomine appellari  
(sc. virtutes) solent.* non erat, cur conjiceretur,

*proprie eo nomine. Quin loco illi, quem jam præ manibus habemus, similis ac par est ibidem, lib. IV. c. 16. -- qui in una virtute constituunt finem bonorum: quodque dicitis, informari non posse virtutem, si quicquam, nisi quod honestum sit, numeretur (sc. bonum, vel bonorum finis); idem dicetur ab illis, quos modo nominavi. frustra esse Lambinum puto, qui duabus vocibus adjectis, legendum censet, numeretur in bonis.*

Cap. XXXI. *Quod ille inscitia plane loquendi fecerit, fecisse consulto. Quum codex aliquis repræsentaret inscientia, quod etiam voluerat Lambinus, illud omnino adsciscendum putabat cl. Davisius, causatus quod inscitia, Festo testante, idem valeat quod stultitia. At si hanc ejus vocis constantem significationem esse voluerit Festus, falli eum liquet, primò quod ingens locorum vis est, in quibus inscitia imperitiam denotet. Sic de Orat. lib. I. c. 22. disputationis insolentia, atque earum rerum -- inscitia. Et ne quæ vel ex lexicis abunde possunt peti, operosius enumeremus, sic Tacitus inscitiam dixit ædificandi, inscitiam regendi, inscitiam reip. Horatius, inscitiam rerum, inscitiam veri &c. in quibus Horatii exemplis non potuit per scribendi compendium depravatio fieri. Jam verò secundo loco argumentemur ex ipsa analogia. Quis vero negabit inscium passim denotare ignarum, rudem & inconcinnum? unde quoque inscius & imperitus, tamquam *λοδύραμα*, copulantur de Leg. II. c. 5. Quod si vox inscius imperitum designet, cur non inscitiae nomen, quod inde directe profluit, imperitiam exprimat? Per me igitur stet etiam illud, negotii gerendi inscitia, orat de Provinc. Conf. cap. 5. ubi Lambinus rursus inscientia voluit; ac pristina lectio repetatur de Fato cap. 16. miserabilem*



*lem inscitiam differendi: ubi nobis de conjectura c-*  
*diderunt inscientiam.*

Eodem cap. *Tollamus ergo omnia, quæ aut his-*  
*toria nobis aut ratio nova adfert. Ita fit, ut medi-*  
*terranei mare esse non credant.* Amplector hanc lec-  
 tionem quorundam codicum, præ illa vulgata,  
*Ita fit, ut &c.* locumque hanc in sententiam enar-  
 ro: Hinc illud de mediterraneis statuendum erit,  
 ut mare esse non credant. Illud *ita fit* idem plane  
 exprimit, quod *ita fiet*, quemadmodum Tullium  
 scripssisse augurabatur vir illustrissimus; nec potest  
 ista codicum scriptura hac ratione improbari, quod  
 falsum est, mediterraneos mare esse non credi-  
 disse. Pari enim modo præsens illud futuri vim  
 habet infra cap. 43. *Ita fit, i. c.* inde sequetur,  
*ut non modo homines à diis, sed ipsi dii inter se ab aliis*  
*alii negligantur.* quod æque falsum Ciceroni fuit,  
 quam mare negari ab iis, qui illud non viderint.  
 suprâ cap. 14. *Ita fit, ut Deus -- nusquam prorsus*  
*appareat.* quod velut absurdum ex sententia, quam  
 commemoraverat, deducebat Velleius. Tusc. II.  
 cap. 6. *Ita fit, ut omnino nemo esse possit beatus.* de  
 Legibus lib. I. cap. 15. *Ita fit, ut nulla sit omnino*  
*justitia.* Atque eo sensu dicitur etiam, *ex quo effi-*  
*citur.* vide, sis, Acad. lib. II. c. 6. & de Fato  
 cap. 10.

Ibidem: *Quæ sunt tantæ animi angustiae, ut si*  
*Seriphi natus esses, nec unquam egressus ex insula, in*  
*qua lepusculos vulpeculasque sæpe vidisses, non crederes*  
*leones & pantheras esse, cum tibi quales essent dicere-*  
*tur: &c.* In his verbum *esses* suppositivum putant  
 docti, qui tamen ad similes loquendi ambages pas-  
 sim ne yed quidem. Sic vel hoc ipso cap. *Non ani-*  
*madvertunt, inquit Cotta, hæc eum ambigue locutum*  
*esse; sed multis aliis locis & illum & Metrodorum*

*tam aperte, quàm paullo ante te. Omnino animadvertebant Epicurum ambigue locutum, sed hoc vult Tullius, ut si dixisset: non animadvertunt eum, qui hinc ambigue locutus sit, multis aliis in locis juxta cum Metrodoro tam aperte loqui, quam te. Secundum censuram, cui locum, quem defendimus, subjiciunt viri cll., legendum hic esset: non animadvertunt hic eum ambigue locutum, multis aliis locis cum Metrodoro tam aperte &c. Rursum de Fato cap. xiii. Ut si esset dictum, Luctabitur Olympiis Milo; & referret aliquis Ergo sive habuerit adversarium, sive non habuerit, luctabitur; erraret: est enim copulatum &c. hic legi oporteret: ut si, quum esset dictum Luctabitur Olympiis Milo, referret aliquis &c. Plura jam ad Acad. lib. II. 30.*

Cap. XXXIV. *Ad similitudinem enim Deo propius accedebat humana virtus, quam figura. Non erat quod Lambinus Dei pro deo legeret, quamvis huic emendationi applauserint posteriores interpretes. Ante omnia enim observa, ad similitudinem hic esse similitudinem, vel quod attinet ad similitudinem, quo præpositionis usu nihil est elegantius. ut infra lib. II. c. 34. omnes mundi partes ita constitutæ sunt, ut neque ad usum meliores potuerint esse, neque ad speciem pulchriores. & cap. 36. nulla est enim insatiabilior species, nulla pulchrior, & ad rationem sollertiamque præstantior. de Leg. III. cap. 8. insignis ad deformitatem puer. & lib. I. c. 6. Commodius vero, & ad rationem instituti sapientius sc. hoc fiet. Velleius Paterc. lib. II. cap. 120. Calvus Cælius ad vetustatem familiæ suæ dignissimus. sic enim illic legendum, non vetustate f. s. dignissimus, fidem facit editio princeps, juxta cum autographi vestigiis; licet aliter visum fuisse intelligam viris insignibus. Plura de hac præpositionis*

vi suppeditantur in Tursell. de Particulis. Quod autem porro in loco proposito adnotari meretur, est enallage ista, quâ forma vel virtus humana dicitur accedere Deo, h. e. formæ vel virtuti Dei. At neque hoc sane quicquam habet, quod nos Lambini emendationi subscribere cogat. sic enim Acad. I. cap. 12. *Comprehensionem appellabant, similem iis rebus, quæ manu prenderentur.* i. e. ut explicat Guictus, similem comprehensioni earum rerum, quæ manu comprehenduntur. lib. II. c. 5. *Sed neque Saturninus simile quicquam habuit veterum illorum,* i. e. ejus quod veteres habuerunt illi. Tusc. I. cap. 1. *Fam illa, quæ naturâ -- adsecuti sunt, neque cum Græcia neque ulla cum gente sunt conferenda.* i. e. cum iis, quæ Græcia, vel ulla omnino gens adsecuta sit. *Quæ enim, pergit, tam excellens in omni genere virtus in ullis fuit, ut sit cum majoribus nostris comparanda?* i. e. cum majorum nostrorum virtute. lib. V. c. 16. *Huic ergo (Epīcuro) ut dixi, non multum differenti à judicio ferarum &c.* i. e. cujus judicium non multum differt à j. f. sic quoque de Amic. cap. 28. Lactant. lib. V. c. xi, 1. Vellej. Pat. lib. I. c. 12. & alibi.

Cap. XXXVI. *qui etiam si aberrant à conjectura, video tamen quid sequantur.* Legit cl. Walkærus, *aberrant conjectura*, quod aberrare à conjectura, aut plane nihil, aut hoc saltem in loco nihil ipsi significare videatur. Mihi autem, per hominem acutum, aliter sentire liceat; qui phrasin istam hîc facillime stare posse credo, duminodo per *conjecturam* pleno sensu intelligas conjecturam cum effectu, à bonis principiis bene procedentem, & qua quis proinde veritatem aut probabilitatem adsequatur. Sic accipio hanc vocem, ad Fam. lib. IX. ep. 2. *quamquam quo me conjectura ducat, habeo.* conjectura

non quælibet nempe, sed probabilibus rationibus suffulta. Atque eodem plane sensu similis occurrit dictio, in or. XII. Philipp. cap. 9. *Nunc, quæso, attendite, num aberret à conjectura suspicio periculi mei.* qui locus, ut rei propositæ comprobandæ adcommodatissimus, utinam viro doctissimo præ oculis fuisset! Cave autem, mihi ista objicias, ad Att. lib. XIV. c. 23. *quamquam vereor, ne nihil conjectura aberrem.* nisi enim inde exciderit præpositio *a*, quemadmodum ab his Tusc. I. c. 34. *sed te de æternitate dicentem, aberrare proposito facile patiebar:* excidisse credebat Lambinus; potest *aberrare conjectura* resolvi, ut sit *errare à conjectura*; aut ceteroquin alio, coque communi sensu vox *conjectura* intelligi.

## CAPUT IV.

*Tullius in I. de N. D. ter quaterve defenditur; ter quoad lectionem aut distinctionem emendatur; semel luce adspergitur. Frui & uti. Rationis motus. Asyndeta participia duo. Apollodorus defenditur. Polyænus emendatur. Idem pro tamen. Lactantius emaculatur. Cicero defenditur. Synonymia illustratur. Duo loca Tullii ac Pomp. Melæ adferuntur. Vell. Paterc. & Cyprianus tentantur.*

**P**ERcurreremus jam reliqua capita lib. I. Ciceronis de Nat. Deor. Cap. xxxvii. *Utatur enim suis bonis oportet & fruatur, qui beatus futurus est.* Haud moveor codicibus istis, qui copulam & non agnoscunt: quibus enim jurisconsultorum locis lectionem istam stabilire conatus est vir eximius, illa mihi quidem videntur per se haud satis pro-

probare. Tullii adjungenda fuit auctoritas, qui tamen copulam quoque addidit, infra lib. II. cap. 60. & alibi. Eodem cap. sequitur: *Nam locus quidem his etiam naturis, quæ sine animis sunt, suus est cuique proprius, ut terra infimum teneat, hanc inundet aqua, superior æther, ignibus altissima ora reddatur.* Ut varia exstat loci lectio, sic quoque non una est interpretum de vera ac genuina illius descriptione sententia. Antiqui libri quidam dant *superior æther*, alii dant *superius aer*, alii *supremum aer*, alii denique *supremum æther*; unde conjiciunt critici, legendum *superiorem aer* sc. locum teneat, vel *superior aeri* sc. ora reddatur, vel denique *superior ætheri*. At quum plerique codices stent pro ista lectione, quam etiam edidit Gruterus, *superior æther*; cumque Tullius *ætheris* voce nusquam, quod sciam, in hujusmodi certe locis, aerem appellaverit; rescribendum est, *ὡς γ' ἰμοὶ κρείττον, SUPERIOR SIT AER*; quod vide, quàm proximum sit depravatæ scripturæ *SUPERIOR ÆTHER*, si characteras spectes.

Ibidem: *ad quam denique rem motu mentis ac rationis utatur* sc. Deus. Volebat vir cl. *motu mentis ac ratione*: sed quamvis huic emendationi codex unus & alter faveat, stare tamen vulgata lectio potest: cum enim *mens* & *ratio* passim *συνορismus* accipiuntur, tum quoque *versari* & *in motu esse* non raro de ratione dicitur. infra lib. III. c. 26. *Quid ille funestas epulas fratri comparans? nonne versat hic & illuc cogitatione rationem?* Lactantius lib. VI. cap. xvii, 22. *student animum perturbationibus liberare -- Quod fieri non tantum non potest, quia vis & ratio ejus in motu est &c.*

Cap. XXXVIII. -- *vos autem adventum in animos & introitum imaginum dicitis. Ut enim Tib. Grac-*

*ebum cum videor concionantem in Capitolio videre, de M. Octavio deferentem sitellam, tum eum motum animi dico esse inanem; tu autem & Gracchi & Octavi imagines remanere, quæ, in Capitolium cum pervenerint, tum ad animum meum referantur. Hoc idem fieri in Deo, cujus crebra facie pellantur animi &c. Attende locum, confestim sordere interpunctionem istam intelliges. Quid enim ista Hoc idem fieri in Deo, nonne constituunt ἀντίδοσι antecedentium; Ut enim &c.? Ea igitur minoris distinctionis nota a πρὸς δέος disjungamus, hoc modo, -- referantur: hoc idem fieri in Deo, &c. atque ita nunc video distinctum esse in nupera cl. Verburgii editione. Quod autem doct. Boherius ista de M. Octavio deferentem sitellam, conjunctione & cum præcedentibus connectenda esse retur, ego vereor, ne ista emendatio minus necessaria sit. Quamvis enim diversæ actiones designentur, quam correctionis suæ causam adfert vir amplissimus, possunt tamen illæ duæ actiones aliquomodo unius instar considerari, quatenus Gracchus eo tempore, cum in Capitolio concionaretur, de M. Octavio sitellam quoque deferebat. Quidquid est, sæpissime sic ἀντίδοσι junguntur duo aut plura participia. Tusc. lib. I. c. I. retuli me.. ad ea studia, quæ re-tenta animo, remissa temporibus, longo intervallo intermissa revocavi. lib. II. cap. 7. Itaque exclamat auxilium expetens, mori cupiens. de Divin. II cap. 41. qui lactens cum Junone, Fortunæ in gremio sedens, mammam appetens, castissime colitur à matribus. Livius lib. XXXVII. cap. 24. contemplatus Eudamus hostes claudas mutilasque naves apertis navibus remulco trabentes, viginti paulo amplius integras abscedentes. Nepos Dat. cap. 4. Hac delatus in Ciliciam, egressus inde, dies noctesque iter faciens,*

Tau-

*Taurum transiit.* vide Paus. c. 2. Cæsar B. Gal. lib. III. c. 3. ut, *impedimentis relictis, eraptione facta, . . . ad salutem contenderent.* Ammianus lib. XX. c. 8. *Quæ cum frequentibus nuntiis didicisset Constantius, metuens expeditiones Parthicas, hiemem apud Constantinopolin agens, impensiore &c.* sic ille sæpius. Pariter Græci. Xenoph. Κυρραϊδ. IV. pag. 112. ἀλλ' αἰχμὴν παρὰ τινος τῶν ἐπομένων ἀρπάσας, πᾶσας εἰς τὰ στέρνα τὸν. . . παῖδα ἀφείλετο τὴν ψυχὴν: *sed cuspidem a quodam comitum accipiens, percutiendo in pectus adigens, filium vita privavit.* & Hist. Græc. lib. VII. p. 624. ἐπεὶ ὁ ξεναγὸς τῆς προδιαβεβῶτας λαβὼν, ἀπολιπὼν αὐτὸς, ὥχело: *cum mercenariorum ductor, adsumtis qui antecesserant, iis relictis, abiret.* sic ille passim. Apollodorus Biblioth. lib. III. p. 245. ἐφθειρε καὶ ταύτην, εἰπὼν τεθνηῖαν Πρὸκνην, κρύπλων ἐπὶ τῶν χωρίων: *corruptit illam, dicens Procnam esse mortuam, abscondens eam in agris.* Tan. Faber legebat, καὶ κρύπλων ἐπὶ τῶν χωρίων: absque causa quidem solida, ut ego puto. Polyænus lib. I. cap. 31. ἀλλήλων λαβόμενοι, τῆς πόλεως ἔξω προελθόντες, εἰς ταυτὸν ἑκάτερος τῆς δεξιᾶν χεῖρα καθιέντες, συνηγμένων τῶν δακτύλων ἐπεφώνουν: *se mutuo apprehendentes, extra civitatem procedentes, in unum uterque manum dextram demittentes, complicatis digitis, acclamarunt.* lib. II. c. 3. §. 8. ἐπεὶ δὲ οἱ στρατιῶται σὺν ἡγεμόσιν εἰς τὸ ἱερὸν ἐλθόντες, ἰδόντες τὰς θύρας ἀνεωγμένας, εἰδὼς τῶν ζακόντων παρόντος, εἶδον δὲ καὶ τὰ ὅπλα &c. locus ille, haud dubie corruptus, sic emendabatur à magno Casaubono, ut pro ἰδόντες τὰς θύρας legeret εἶδόν τε 1. θ. vel εἶδον μὲν 1. θ. sed cum ista verbi εἶδον geminatio minus grate sonet, equidem posterioribus illis verbis εἶδον δὲ καὶ &c. manum medicam potius adhibuerim, itaque legerim, Εἶναι δὲ καὶ &c.

quæ

quæ etiam facilior est mutatio. sic hoc dicit Polyænus: *Postea vero milites cum ducibus in templum ingressi, conspicati januas apertas nullo ministrorum præsentē, INTUS autem arma, -- clamorem susulerunt.* *ἐντὺν* pro *ἐντὺν* satis usitatum esse, contra Leunclavium aliosque, qui illud negarunt, plurimis testimoniis ostenderem, nisi ista digressio hoc quidem in loco esset nimia. vide Viger. Idiot. cap. VII. sect. 6, 4.

Cap. XXXIX. *Fluentium frequenter transitio fit visionum, ut è multis una videatur.* Quamvis imagines infra dicantur *continenter ferri*, non cerno tamen satis justam esse rationem istam, cur rescribendum putaremus, *Fl. continenter*. Ea quæ *frequenter*, h. e. numerose, fluunt, non ideo quidem dici possint *continenter ferri*; cur autem de iis, quæ *continenter* feruntur aut fluunt, dici nequeat, *frequenter* fluere, ego sane non video.

Cap. XLIII. *Cum enim optimam & præstantissimam naturam Dei dicat esse, negat idem esse in Deo gratiam; tollit id, quod maxime proprium est optimæ præstantissimæque naturæ.* Ut modi convenirent, legebant critici, *dicat esse, negat &c.* vel *dicat esse, negat &c.* Est etiam, qui reponat, *dicat esse; negat tamen esse &c.* Mihi vero nihil innovandum videtur, modo interpunctionem sic restituas, ut verba tollit id &c. ab antecedentibus *τῆς αὐτῆς φύσεως* separentur, ut est in priore Davisiana, & nupera cl. Verburgii editione factum. Tum vero vocula *idem* eandem vim habebit, quam in locis sequentibus. Tusc. lib. II. c. 26. *Sæpe enim multi, qui ---- vulnera exceperunt fortiter & tulerunt, iidem, omissa contentione, dolorem morbi ferre non possunt.* lib. V. c. 10. *ut cum ea, quæ supra enumeravi, in malis numerant, iidem dicant semper beatum esse*



*esse sapientem. Seneca de Const. cap. 3. Cum sapientem negastis servum esse, iidem non itis inficias, & vanitutum &c. Lactantius lib. II. c. VIII, 12. quod is qui providentiæ fuerit assertor, . . idem nunc. . providentiam conatus est tollere. & cap. v. 38. Jam illud quàm repugnans & absurdum! quod cum cœlestes ignes ceteraque mundi elementa deos adfirmant, item ipsum deum mundum dicunt. legendum, I I D E M ipsum d. m. d. Aliquando vocula ista omittitur, eodem tamen sensu manente. Acad. II. c. 36. Tu, cum me incognito adsentiri vetes, . . tantum tibi arroges, ut exponas &c. ubi pro tantum legendum esse tamen, conjicit editor cl.; sed ellipsis omnino admittenda videtur.*

Eodem cap. *neminem Deo nec deum nec hominem carum, neminem ab eo amari, neminem diligere voltis.* Notanda est synonymorum, aut ferme synonymorum coacervatio, quippe quam ad lapsus est Lambinus, in his de Fin. lib. III. c. 20. *Minime autem convenit, cum ipsi inter nos abjecti neglectique simus, postulare, ut Diis immortalibus cari simus & ab iis diligamur.* ubi vir doctus legebat, *cure simus.* sed cum *carum esse & diligere* satis aptum constituunt dictionis antecedentis oppositum, tum simili etiam modo ista conjunguntur ibidem lib. V. c. 10. . . *eorum enim hæc est querela, qui sibi cari sunt seseque diligunt.* In hanc sermonis abundantiam sæpius incidit Cicero, quod natura abhorreret a breviloquentia atque ariditate Laconica; tum etiam aliquando, ut pluribus nominibus rem unam quam maxime significaret, quod declarat Tusc. II. c. 19. Age quædam adhuc exempla enumeremus, unde constet, quantopere sibi in jungendis *τροπῶν* indulgeat Tullius. Tusc. lib. I. c. 9. *in cerebro dixerunt animi esse sedem & locum.* I. II. c. 7. *res ad*  
*pa-*

*patiundum tolerandumque difficilis. & cap. 13. hæc enim te. . relinquet & deseret. de Legibus lib. I. c. 5. cujus muneris colendi efficiendique causa nati & in lucem editi simus. cap. 22. ad obtinendam adipiscendamque sapientiam. lib. III. cap. 2. ut obtemperent obediantque magistratibus. cap. 13. emendari & corrigi continentia. de N. Deor. I. c. 8. obedire & parere voluntati. Fam. lib. III. ep. 7. accipe & cognosce aequitatem expostulationis meæ. de Fin. lib. IV. c. 9. hæc videlicet est correctio philosophiæ veteris & emendatio. cap. 23. procedere & progredi in virtute. de Divin. II. c. 43. quod extremum atque ultimum mundi est. Et quis, si pergeremus, depromendorum ex Tullio exemplorum esset finis? Præter illum, etiam omnes alii. Cyprianus Idol. Van. pag. 396. sic copulat fallit & decipit, in his: *Florum autem ratio est illa quæ fallit & decipit, & præstigiis cæcantibus veritatem, stultum & prodigum vulgus inducit. legendum putem, stultum & improvidum vulgus.* Tacitus lib. IV. Hist. c. 64. *lucem diemque hominibus aperuit.* ubi consule Pichenam. Min. Felix Oct. cap. XXIV. *sciunt, norunt.* cum nota Davissii. quo etiam confer, quæ Cortius ad Sallust Cat. cap. LI, 25. & Dukerus ad Florum lib. II. c. XII, 2. lib. III. c. XVIII, 5. & lib. IV. c. II, 46. Hinc forsitan colligi licet, imo necesse est, operam perdidisse viros illos doctissimos, qui hitem sequentibus locis moverunt. Cicero suprâ cap. XV. *communemque naturam, universa atque omnia continentem.* Vellejus Patere. lib. II. cap. XXVII, 3. *cujus abscissum caput ferri gestarique circa Præneste Sulla jussit.* sed ibi tamen scriptum fuisse jam suspicor, o. a. c. EFFERRI gestarique &c. Pompon Mela in proœmio: *Id quo facilius sciri possit atque accipi, paullo altius summa repetetur.* &c. lib.*

lib. I. c. 12. *diversas opes maris atque terrarum  
facili commercio permutat ac miscet.*

## CAPUT V.

*Tria loca Tullii in lib. II. de N. D. adferuntur. Con-  
structionis confusio illustratur. Lactantius vindi-  
catur, atque etiam cum Cesare, distinctionem quod  
attinet, emendatur. Indicativus in altero oratio-  
nis membro adjuvatur, emendatioque Senecæ &  
aliquot Tullii locorum dubia redditur. Ακυρολογία,  
qua voces eadem aut synonymæ sibi invicem subji-  
ciantur, illustratur, cum defensione Tullii Velleji-  
que Paterculi, ac redargutione Philonis Judæi.*

**P**ergamus jam ad librum secundum de Nat.  
Deorum. Ibi Cap. IV. sic loquitur Ciceronis  
Balbus: *Ne ægri quidem, quia non omnes convales-  
cunt, idcirco ars nulla medicina est? Non sunt hæc  
interrogatorie, sed absolute intelligenda, ideoque  
nullius loci est signum παραρηματικόν, quod appo-  
suerunt. Malo etiam omine comma post quidem  
irrepsit, quandoquidem vox ægri ad verbum con-  
valescunt est referendum: ut ægri quia non omnes  
convalescunt, syntaxi Ciceroni familiarissima, dica-  
tur pro quia ægri non omnes convalescunt. Sic suprâ  
cap. 38. Gracchum cum video concionantem. Tusc.  
III. cap. 5. Eos enim sanos quoniam intelligere necesse  
est... qui contra affecti sunt, eos insanos appellari  
necesse est. i. e. quoniam enim eos sanos &c. ubi Lam-  
binum, τὸ quoniam excindentem, merito redar-  
guit cl. Davisius; qui tamen idem illud commisit,  
in his Lactantii Epit. cap. XV. Ergo hoc Terentius  
à philosophia sumtum cum tam commode dixerit, (i. e.  
Cum ergo hoc Terentius &c.) nos., non & dicemus  
&c.?*

&c? ubi voculam *cum* debebat vir cl. juxta librum Urfini; quæ tamen a librariis videtur omiſſa potius, quam injecta. Sic Seneca epist. XXVII. *Scelera etiamſi non ſunt deprehenſa, .. ſollicitudo non cum ipſis abit.* Lactantius lib. VI. cap. 4. *hæc enim vita temporalis quia brevis eſt, idcirco & bona ejus & mala brevia ſint neceſſe eſt.* huc quoque, poſt vocem *temporalis*, comma ſe importune ingeſſerat; quemadmodem etiam, poſt vocem *Cæſar*, in locum iſtum Cæſ. B. Gal. lib. IV. cap. XI. *Cæſar quum ab hoſte non amplius XII. millibus abeſſet, .. legati ad eum revertuntur.* Jam vero quod *tò ne quidem* in loco propoſito, interjecta voce *ægrī*, diſſcinditur, hoc etiam illuſtratum cernere licebit, in iis quæ ad Divin. II. cap. 72. conferemus. His ego omnino permoveor, ut locum Ciceronis propoſitum omni ex parte ſincerum eſſe cum Jano Grutero exiſtimem, quamvis cum virum perviciaciæ accuſet cl. Daviſius, qui prava diſtinctione ſe paſſus induci, legebat *Ne ægris quidem, quia &c.*

Cap. VI. *Animum denique illum ſpirabilem ſiquis quærat unde habemus, apparet &c.* Latinitas, inquit vir cl., flagitat ut legatur *habeamus*. Grammaticam, ſive rigidas grammaticorum vix ulla cum exceptione regulas hoc flagitare, concedo; an vero Latinitas flagitet, hoc mihi quidem haud ita conſtat, quin rationem dubitandi exhibeant, quæ obſervavit jam Vechnerus Hellen. lib. II. cap. 36. Adde Corn. Severum in *Ætna* ſ. 274.

*Scire quid occulto naturæ terra coërcet.*

ſic ſæpius poetæ. Præter hos autem Seneca epist. IV. extr. *ſcis quos nobis terminos ſtatuit.* epist. XIII. extr. *videbimus utrum veniet.* vide quoque epist. XXXIV. & CXVI. & dubiam hæc facient rationem

tionem correctionis clar. Schultingil, qui *trepidaverit* pro *trepidavit* legendum putabat, in his *Suafor. I. de qua dixit, quomodo illa trepidavit, etiam quod Granicum transiturus esset. Min. Felix Oct. cap. V. Quanquam tibi -- de quo cum maxime querimus, non sit ambiguum. cap. XVIII. Cælum vide quam late tenditur &c. Lactantius Epit. cap. XLV. videamus ergo, si sermones illius veri sunt, & tentemus, quæ eventura sunt illi. cap. XIV. cur ita traditur, ratio certa est. ubi tradatur conjicit vir cl. Salust. Jugurth. cap. IV, 4. Qui si reputaverint, & quibus ego temporibus magistratus adeptus sum, &c. Quin ita quoque Cicero multis, imo plurimis in locis, quorum quædam conjecturis suis aggressi sunt interpretes, quædam vero incastigata elabi siverunt. infra lib. III. c. 6. Sed qui ista intellecta sunt, à philosophis debeo discere. de Divin. II. c. 71. ut mihi mirum videatur, ... quomodo isti.. non ex multis potius uni fidem derogant, quam ex uno innumerabilia confirmant. Acad. lib. II. c. 15. ut quantalucē ea circumfusa sunt, possint agnoscere. de Fin. I. c. 7. Et quod queritur sæpe, cur tam multi sunt Epicurei; sunt &c. sic lib. IV. c. 24. & lib. V. c. 9. Tusc. III. cap. 5. Græci autem *παστὰν* unde appellant; non facile dixerim. Hæc loca cum emendatricem manum experta sint, nil tamen monitum est ad illa, Tusc. V. cap. 16. *parumne cognitum est, .. an delectationis.. causa locuti sumus?* & cap. 42. *In quo quantum ceteris profuturi sumus, non facile dixerimus.* de N. Deor. I. c. 41. *qui quamobrem colendi sunt non intelligo.**

Cap. IX. .. *eaque (terra) hieme sit densior, ob eamque causam calorem instum in terris contineat arctius.* Ad h. l. "Pronomen, inquit cl. Davisius, ad terram dubio procul est referendum; quod

„ si fit, qualis quæso hæc erit locutio, *Terra co-*  
 „ *lorem insitum in terris contineat arctius?* Aut igi-  
 „ tur, pergit ille, reponendum, *calorem insitum*  
 „ *intra se contineat arctius*, aut quod malim, vo-  
 „ ces *in terris* sunt prorsus expungendæ. Sic vir  
 doctissimus. Hæc autem miror non æque facile  
 potuisse concoqui ab illo, quam ista lib. III. cap.  
 XI. *Illâ vero (natura) coheret & permanet naturæ*  
*viribus.* ubi “ Ampl., inquit, Boherius nonnulla  
 „ deesse putat, quia vix est ut Tullius diceret,  
 „ *illam (naturam) permanere naturæ viribus.* La-  
 „ cunam tamen haud agnosco, & similis loquen-  
 „ di ratio est infra cap. 14. Sic ibi commentatur ipse  
 Davisius, haud reputans se antecedente adnota-  
 tione sua sibi veneta cædere, doctissimumque Bo-  
 herium sic redarguere, ut se simul redarguat  
 ipse. In loco autem, quem allegat vir cl., sic lo-  
 quitur Tullius; *Etenim aut simplex est natura ani-*  
*mantis, ... aut concreta ex pluribus naturis* : quæ  
 sane non tantum faciunt ad vindicanda ista, quibus  
 vindicandis adferuntur, sed etiam ad stabiliendum  
 illud *terra continet in terris*, quod hîc sollicitatur.  
 Sed loquendi genus pluribus exemplis repræsen-  
 tari meretur, quoniam, si verum dicere velimus,  
 non ab omni solœcismo immune est. Sic igitur  
 nosser Acad. I. cap. 9. *Sensus autem omnes bebetes*  
*& tardos esse arbitrantur, nec percipere ullo modo res*  
*eas, quæ subjæctæ sensibus viderentur.* i. e. sibi sub-  
 jectæ. lib. II. cap. 33. *Quid fiet artibus? quibus?*  
*bisne, quæ ipsæ fatentur conjecturâ se plus uti, quàm*  
*scientia? an his, quæ tantum id quod videtur, se-*  
*quuntur, nec habent istam artem vestram, qua vera*  
*& falsa dijudicent.* ubi artes dicuntur habere ar-  
 tem, qua dijudicent : plane quemadmodum Seneca  
 loquitur epist. XCV. *Omnes istæ artes circa instru-*  
*menta*

menta vitæ occupatæ sunt, non circa totam vitam. Itaque multa illas inibent extrinsecus, & impediunt, spes, cupiditas, timor. At hæc (sc. ars) quæ artem vitæ professæ est, nulla re &c. Nihil igitur innovandum Tusc. II. cap. 17. Sit ne igitur malum dolor, nec ne, Stoici viderint. . . Ego illud quidquid sit, tantum esse quantum videatur non puto; falsaque ejus visione & specie moveri homines dico vehementius, doloremque ejus omnem esse tolerabilem. Hic, si recte attendas, dolor doloris dicitur, quoniam illud doloremque ejus directò quidem ad malum pertinet, deinceps vero ad dolorem; quem is, qui hæc disputat, non concedebat esse malum, aut tantum certe malum, quantum videretur. Hoc non tolerabant critici, qui emendarunt doloremque eis omnem, vel doloremque, velis, omnem, vel doloremque velis modo omnem. Mihi vero, juxta exempla quæ protulimus, hoc loquendi genus eorum catalogo accensendum videtur, quæ nimis urgere non liceat. Rursum de Fin. lib. III. c. 20. consentaneum est huic naturæ, ut sapiens velit gerere & administrare remp., atque ut e natura vivat, uxorem adjungere, & velle ex ea liberos. hîc est solœcum illud velit velle. quoniam vero illud velit & velle intervallo satis magno à se invicem distant, quid mirum, si Cicero in illud absonum de improvîso inciderit? sic nihil esse videtur, cur cum viris cll. malimus legere, & procreare ex ea liberos, vel & querere ex ea liberos. Plurima vero hujus ἀνυπολογίας exempla ex sacris scriptoribus collegit doct. Glassius lib. III. tract. II. can. 13. unde etiam illud refellere possemus, quod Philo. Judæus lib. de somniis à Deo missis, pag. 599. B. argumentatus est ex verbis Genes. XXXI. 13. Ἐγὼ εἶμι θεὸς ὁ ὀφθαλμοῖς σοι ἐν τόπῳ θεῖς. Quæ versio mala est

verborum Hebræorum, ut docuit ad istum locum illustrissimus Clericus; & quamvis esset bona, ne sic quidem inserviret superstitionis hominis ingeniosi enarrationibus; sed argumentum illud jam fusius non persequemur. Non possum autem quin hac occasione defendam locum Velleji Paterculi, ubi non quidem vox eadem isto modo geminatur, sed haud minore cum duritie duæ concurrunt voces, quæ passim *συνοψως* accipiuntur. Sic loquitur ille auctor lib. II. cap. 7. *Factum Opimii, quod inimiciarum quæsta erat ultio, minor secuta auctoritas; Et visa ultio privato odio magis, quam vindictæ publicæ data. Ultio dari dicitur vindictæ; quæ est ipsa ultio; ergo ultio dabatur ultioni.* Tentant viri magni, *Et visum privato odio magis, quam vindictæ publicæ datum:* vel, *ut visum privato o. m. q. v. p. dari.* Sed incommodum illud, quod istiusmodi emendationem extorquebat his hominibus, idem plane exstat in his Senecæ Epist. XCV. *Inter insaniam publicam, Et hanc, quæ medicis traditur, nihil interest, nisi quod hæc morbo laborat, illa opinionibus falsis. Altera causas furoris traxit &c. vides, ut furoris causas traxisse dicatur insania; quæ cum ipse furor sit, furor furoris causas, si argutari velis, traxerit, h. e. causas suas.* Noster Divin. II. cap. 33. *Errabat enim multis in rebus antiquitas, quam vel usu jam, vel doctrina, vel vetustate immutatam videmus. Antiquitas passim idem valet, quod vetustas; at Tullius ista nescioquomodo distinguere gestiit, cum diceret, antiquitatem... vetustate immutatam.* Qualis etiam M. Felicis incuria fuit, in his Oct. cap. 20. *non nos debet antiquitas imperitorum -- ad errorem mutui rapere consensûs: cum philosophorum suorum sententiis refellatur, quibus Et rationis Et vetustatis adfuit auctori-*



*toritas. Jussa & imperia passim ἐποδὲναι. Jussis tamen imperia subjicit Virgilius Æneid. lib. VI. v. 455.*

*Sed me jussa Deum, quæ nunc has ire per umbras,*

*Per loca lenta situ cogunt, noctemque profundam,  
Imperiis egere suis. —*

quomodo etiam potestati & auctoritati imperium subjungit Min. Felix Oct. cap. VI. Sic eorum potestas & auctoritas totius orbis ambitus occupavit: sic imperium suum ultra solis vias.. propagavit, &c. Dulcedo corporis & titillatio, ex eave nata lætitia, nonne hæc ipsa voluptas est? Attamen hæc voluptati nescioquomodo subordinat Tullius de Fin. lib. III. c. 1. *Voluptatem.. quidem concessuram arbitror dignitati: etenim sit impudens, si.. pluris esse contendat dulcedinem corporis & titillationem, ex eave natam lætitiā, quam gravitatem animi atque constantiam. cur non dicere maluit, si.. pluris se esse contendat, quam gravitatem a. a. c.? Commoda & Commoditatis, cum passim eandem notionem habeant, sic tamen, quasi quidpiam interesset, concurrunt de N. Deor. II. c. 5... quam ceperimus ex magnitudine commodorum, quæ percipiuntur cæli temperatione, fecunditate terrarum, aliarumque commoditatum complurium copia. Eant igitur, qui Ciceronem quasi deum plane ἀναμειγνύοντες suspiciunt, omni-que in ejus stilo ad amissim nimia sane cum religione expendunt; & mirentur, quomodo excidere illi hæc sermonis vitia potuerint. Caveamus tamen; ne talia scriptori tersissimo præ aliis quibusque probatissimis præcipua esse existimemus, quorum nemo non sic aliquando attentionem suam sufflaminari passus est.*

## CAPUT VI.

*Cicero II. N. D. novies defenditur. Conjunctio copulativa pro adversativa in quibusdam tum Ciceronis tum Vell. Paterculi & Senecæ locis stabilitur. Duo adjectiva sine copula. Cicero obiter defenditur. Vanitas pro instabilitate: veritas pro constantia. Duo Ciceronis loca in transitu defenduntur. Nasci ab aliquo. Cicero rursus defenditur. Repetitio ejusdem nominis, una cum constructione confusiora adstruitur. Tria Ciceronis loca cum Hygino, Curtio & M. Felice stabiliuntur. Rite pro recte.*

**C**Ap. XIV. ejusdem lib. II. de Nat. Deor. de sole: *neceſſe eſt aut ſimilis ſit igni, quem adhibemus ad uſum atque victum, aut ei qui corporibus animantium continetur. Atque hic noſter ignis, quem uſus vitæ requirit, confeſtor eſt & conſumtor omnium* --- *Contra ille corporeus, vitalis & ſalutaris, omnia conſervat. ſenſuque adſcit. Primo aut r̄ Atque emendabat vir cl. Atqui, licet editi ſimul & ſcripti prius illud repræſentent. Similes ejusdem viri emendationes exſtant ad lib. III. cap. 36. Acad. II. cap. 40. & Tuſc. II. cap. 20. & lib. III. cap. 7. At à contraria parte ſtare videtur Salmaſius ad Florum lib. II. c. xv, 2. & Cortius ad Saluſt. Jug. cap. iv, 3. & Catil. cap. LI, 35. Horum ſi ſententia vera eſt, quod quidem ut ſuſpicer, ingens facit exemplorum numerus, qui lancem in eam partem deprimit; agnoſcendum erit, orationem ſæpe per copulandi conjunctionem ſic continuari, ubi aut contraria connectantur, aut aliquid per occupationem ſuſumatur, ita quidem, ut proprius ibi videatur adverſativæ conjunctioni locus. Atque*

que idem etiam de oculis *Et*, *ac*, & que videtur statuendum: ut nihil mutandum sit infra lib. III. c. 10. *Et Chrysippus* &c. nec apud Vell. Patere. lib. II. c. 33. *Et Lucullus* &c. & cap. 4. *Et Scipio* &c. nec in his Senecæ Suaf. I. extr. *Utriusque vobis faciam potestatem. Et volebam vos experiri, non* &c. & Suaf. II. initio: .. *Et nunc, prob dolor! concidunt* &c. Pluribus id, quod dico, confirmarem testimoniis, nisi in rebus tam exilibus & meo tempore, & lectoris attentione abuti vereretur. conferantur, quæ ad Tusc. lib. III. cap. 3. Hoc primum erat ad locum propositum Ciceronis commentandum. Jam alterum est, quod vir clarissimus in sequentibus, verbo substantivo injecto, legebat *vitalis est Et salutaris*. Quæ emendatio quibus rationibus nitatur, intelligo equidem juxta cum ignarissimis. Nam si verbum illud huic loco conveniret, posset subaudiri per ellipsin longe usitatissimam; sed omnino per appositionem intelligenda videntur illa, *vitalis Et salutaris*, quæ per ejusmodi periphrasin efferri potuerunt, qui *vitalis Et salutaris est*.

Cap. XVII. *Ne hoc quidem physici intelligere potuistis, hanc æqualitatem motus constantiamque ordinum in alia figura non potuisse servari.* Non esse puto, cur malimus *constantiamque Et ordinem*: intelliguntur enim iidem illi *ordines*, de quibus sic supra cap. 5. .. *multo magis in tantis motionibus, tantisque vicissitudinibus, tam multarum rerum atque tantarum ordinibus, in quibus nihil unquam.. vetustas mentita sit.* infra cap. 35. *motus ejus finitos Et æquabiles, omniaque ratis ordinibus constantia.* & cap. 38. *tam certos cæli motus, tam ratos astrorum ordines.* Quis non videt, quod hic de ordinibus illis

dicatur, id in loco proposito *ordinum constantiam* commodissime appellari?

Cap. XX. *Huic autem proximum inferiorem orbem tenet πρῶτος.* Offendebat virum doctissimum duorum adjectivorum sine copula concursus, quem ut tolleret, *proxime* pro *proximum* legebat. Similiter etiam in his lib. III. c. 21. *eodemque numero, quo proxima inferiores: proxime* restituebat. Mihi hæc loca mutux inter se defensionis inservire videntur, cum præsertim plura similia adjungi queant. sic enim lib. I. ad Fam. ep. 9. *quem proximis superioribus diebus acerrime oppugnasset.* in Orat. cap. 64. *non loquor de uno pede extremo. adjungo, quod minimum sit, proximum superiorem, sæpe etiam tertium.* Tacitus Annal. I. cap. 77. *Theatri licentia proximo priore anno coapta.* Sæpius autem duo adjectiva *devidētis* uni junguntur substantivo. ut in Somn. Scip. cap. 5. *summus ille coeli stellifer cursus, cujus converso est concitatio* &c. Isidorus orig. lib. XIV. 8. *continens terra perpetua.* Plura cumulate subministrat sanctius Min. lib. II. cap. 8. unde forte defensio etiam suscipi potest pro lectione ista, infra cap. XXI. *Coelestem ergo admirabilem ordinem, incredibilemque constantiam* &c. ubi vir cl. volebat, *Coelestium.* de Finibus lib. III. cap. 19. *sic apparet à natura ipsa ut eos, quos genuerimus, amemus impelli.* Ex hoc nascitur, ut etiam communis hominum inter homines naturalis sit commendatio. ubi ille, & *naturalis.*

Cap. XXI. *Hanc tantam tam variis cursibus in omni æternitate convenientiam temporum.* Quod codices quidam Lactantii, qui hæc verba citavit, injecta præp. referunt, *Hanc tantam in tam variis cursibus* &c. id mihi quidem haud ita ridet, ut à vulgata Ciceronis & Lactantii lectione transversum

sum unguem abscedendum putem. *Tam variis cursibus*, hoc est, quum tamen varii sint cursus. ut alibi, *infirma valetudine, tanta hieme, tanta rerum commutatione, tam gravi morbo, nullo aprico horto, tam recenti gratulatione, hoc tanto incendio*: & innumera talia. Ibidem: *Nulla igitur in cælo nec fortuna, nec temeritas, nec erratio, nec vanitas inest; contraque omnis ordo, veritas, ratio, constantia; quæque his vacant, ementita & falsa pleneque erroris eunt circum terras.* Exhibet codex aliquis, *nec erratio, nec varietas, pro vanitas*: ego tamen, spectatissimorum pace virorum, vulgatam lectionem prætulim. Hæc enim eleganter jungit opposita illa, *vanitas & veritas*; ut Tusc. III. c. 1... *ut vanitati veritas, & opinioni confirmata natura ipsa cedat.*, pro Quintio: *si veritate amicitia colitur, qui amicum prodit, vanum se fateatur necesse est.* Seneca epist. XIII. *Quomodo intelligam vana sint, an vera? .. nescio quomodo magis vana perturbant: vera enim modum suum habent.* sic epist. XCV. CX. & alibi. Cæterum tam *vanitatem* posse tribui rebus caducis & instabilibus, quàm *veritatem* ratis & constantibus, id cum per se abunde liquet, tum quoque probari potest atque illustrari locis sequentibus. sic enim Acad. II. cap. xi. *Aut quomodo ista perspicua dicemus, aut impressa in mente subtilius, cum sit incertum vere inaniterne moveatur.* Claudianus in Ruffinum lib. I. vs. 16.-

— *vacuo quæ currere semina motu*

*Affirmat* —

*vacuo*, i. e. inani rationis, minime providentia quapiam ordinato, ut recte enarrat Barthius. Arnobius lib. II. pag. 45. *An numquid hæc fieri possim & inaniter creditis? fortuitis cursibus adsumi has*

mentes? D. Paulus ad Rom. cap. VIII. 20. τῇ γὰρ μετασίτῳτῃ ἢ κτίσις ὑπετάγη. His etiam lectionis illius elucet integritas, supra cap. 5. in quibus nihil umquam immensa & infinita vetustas mentita sit. ubi pro mentita sit, conjiciebat cl. Walkerus mutaverit: immerito, ut etiam monuit doct. Boherius. Quemadmodum autem in loco Tullii proposito, sic alibi sæpius veritas quoque constantia, & verum constans, ratum ac stabile dicitur; quod ut hîc quibusdam testimoniis demonstrarem, elegans facit locus de Legibus, qui mihi defensorem requirere videtur. Sic igitur suprâ cap. 20. . . ut quidquid acciderit, id ex æterna veritate, causarumque continuatione fluxisse dicatis. & cap. 15. eandemque fatalem necessitatem appellat sempiternam rerum futurarum veritatem. de Divin. I. c. 13. Itane vero quidquam potest casu esse factum, quod omnes habet in se numeros veritatis? .. sic enim se profecto res habet, ut numquam perfecte veritatem casus imitetur. Ergo nil moveamus in his de Leg. lib. II. c. 5. . . quamobrem lex vera atque princeps -- ratio est recta summi Jovis. Q. Adsentior, frater, ut quod rectum est, verum quæque sit, neque cum litteris, quibus scita scribuntur, aut oriatur aut occidat. ubi vir cl. tentabat, ut quod rectum est, æternum quoque sit.

Cap. XXIII. Itaque tum illud, quod erat à Deo natum, nomine ipsius Dei nuncupabant. Verbum natum, pro quo datum vel donatum malebat cl. editor, satis huic loco aptum & congruum videtur. Ita enim hoc ipso cap. Utilitatum igitur magnitudine constituti sunt ii dî, qui utilitates quasque gignebant. i. e. à quibus nascebantur. Ipsa autem phrasis ab aliquo nasci, maxime Tulliana est: sic enim Off. II. cap. 5. nulla tam detestabilis pestis est, quæ non homini ab homine nascatur. de Leg. III. cap. 13.

Non

*Non vides, Luculle, a te id ipsum natum, ut illi cuperent. Sic oriri à se, Tusc. III. cap. 17. ubi Stephanus legebat ex se, sed immeritò, ut ego existimo: vide enim de Fin. V. c. 24. & alibi.*

Cap. seq. *Hunc dico Liberum Semele natum, non eum, quem nostri majores auguste sancteque Liberum cum Cerere & Libera consecraverunt.* Posterius illud *Liberum* commentatores glossæmatis damnarunt. Cur illud tandem? Non sane quia sensu incolumi, vox illa hinc migrare possit: sic enim exstirpandi, urendi ac secandi nullus omnino finis esset. An ergo, quia eadem vox est in superioribus? sed passim fit, ut post pronomen relativum, etiam absque ulla necessitate, reperitur nomen antecedens. Rem plurimis exemplis probavit Sanctius in Min. lib. II. cap. 9. quibus adde quæ contulit cl. Davisius ad ista Min. Felicis Octav. cap. XIII. *Quid Simonidis Melici nonne admiranda omnibus & sectanda cunctatio? qui Simonides, cum &c.* Elegantiam autem habet nomen post relativum positum, quæ etiam suadet, ut non librario, sed ipsi Tullio vocem *Liberum* attribuamus. Cum enim ex vulgari Latinitate diceret, *non eum Liberum, quem nostri majores -- consecraverunt*; Tullius sic maluit, nomine *Liberum* pronomini postposito, *non eum, quem nostri majores.. Liberum.. consecraverunt.* de qua ratione loco jam dicto plura Sanctius, quem aliis etiam exemplis adjuvit Perizonius. Noster pro Fonteio: *Quis est ex eo numero, qui vobis auctor placeat? Acad. II. c. 14. nam qui voluit subvenire erroribus Epicurus iis, qui &c. & cap. 31. Etenim is quoque, qui à vobis sapiens inducitur, multa sequitur &c. cap. 43. quod mihi tecum est dogma commune. Tusc. lib. IV. c. 27. videamus quanta sint, quæ à philosophis remedia morbis animorum adhibean-*  
*tur.*

tur. ubi non erat, cur criticorum celeberrimus legeret, quanta & quæ à philosophis &c. & lib. V. cap. 10. In his tot & tantis, atque etiam quæ plura possunt accidere, potest esse sapiens. Lambinus legebat, ad quæ etiam p. p. accedere, sed lectio vulgata tolerari potest. de Legibus lib. II. cap. 12. Cumque Vesta quasi focum urbis (ut Græco nomine est appellata, quod nos prope idem Græcum interpretatum nomen tenemus) complexa sit. constructionis ordo ille proprius est, quod prope idem Græcum nomen nos interpretatum tenemus. in quo loco non possum adduci, ut tria ista, Græcum interpretatum nomen, pro glossa habeam, aut cum Lambino, Græco interpretatum reponam. Hyginus Fab. cap. XXIX. Postea quum nunciaretur ei, conjugem victorem adesse, minime curavit, quod putabat, se conjugem suum vidisse Qui cum Amphitryon in regiam intrasset, &c. ubi fallitur doct. Munckerus, qui aut rescribendum, Quod cum, aut τὸ Amphitryon delendum putabat. Nec vero istiusmodi constructionum turbæ duriores sunt, quàm hæc sequentes. supra lib. I. c. 35. quid hæc ad vitam membra pertinent? infra lib. III. c. 33. Duodequadrageinta Dionysius tyrannus annos fuit opulentissimæ. civitatis. cap. 26. qui est versus omnium seminator malorum. cap. 32. cur pontifex maximus est Q. Scævola trucidatus? de Finibus lib. I. c. 3. ut à Scævola est prætor salutatus Athenis Albucius. lib. IV. Tusc. cap. 2. Gravissimus auctor in Originibus dicit Cato. pro Ligario cap. 1. propinquus meus ad te Q. Tubero detulit. de Leg. II. cap. 17. omnia tum perditorum civium scelere, discessu meo, religionum jura polluta sunt. Curtius lib. III. c. xi, 22. omnia planctu tumultuque, prout cuique fortuna erat, castra repleverant. ubi τὸ castra demebat Freinshemius, cui equidem non accedo.

Lac-



Lactantius lib. I. cap. xv, 29. *quia hoc scelerato homini placuit Antonio*. Min. Felix Oct. cap. IX. *Audito eos turpissima pecudis caput asini consecratum venerari*. ubi ordinem verborum suadere arbitrati sunt viri eximii, ut deleatur vox *asini*, quam ego tamen omnino putem genuinam.

Sequitur eodem cap. *quorum cum remanerent animi, .. rite Di sunt habiti*. Legendum amplissimo Boherio videbatur, *recte Di sunt habiti*, vel juxta codicem quemdam, *jure Di sunt habiti*. Hoc autem in loco si voculam emendes, in aliis nimium multis, ubi similem plane vim obtinet, emendanda erit. supra lib. I. cap. 20. *Hunc Deum rite beatum dixeris*. de Legibus lib. I. cap. 7. *quæ* (ratio) *cum adolevit atque perfecta est, nominatur rite sapientia*. sic cap. 19. & alibi.

## CAPUT VII.

Cicero in lib. II. de N. D. aliquoties explicatur & defenditur. Lactantii auctoritati in citandis aliorum locis non nimistribuendum. Idem auctor emendatur. Enallage casuum illustratur. D. Lucæ locus vindicatur. Enallage generis comprobatur duplex. Cicero & Seneca defenduntur. Ab ardoribus solis conflagrare. Magnum, i. e. eximium. Pleonasmus adstruitur. Cicero obiter defenditur.

**I**N libro II. Ciceronis de Nat. Deorum, quem jam versamus, cap. XXV. ista legimus; *Saturus autem est appellatus, quod saturetur annis*. Est in codicibus quibusdam & editionibus *saturaretur*, quod adsciscendum arbitrabatur Walkerus; sed receptæ lectioni adhæret Davisius, quod illam præstet Lactantius lib. I. c. 12. Mihi quidem  
pro

pro utraque totidem rationes militare videntur, ut plane nesciam utri palmam deferam. *Saturaretur* optime congruit cum præterito, *est appellatus*; quum *saturetur*, si analogiam spectes, requireret potius præsens *appellatur*. sic cap. 27. *Diana dicta, quia noctu quasi diem efficeret*. confer, quæ infra ad cap. XLVII. & ad Acad. lib. II. cap. 23. Quod autem lectioni vulgatæ Lactantii auctoritatem adjungit vir cl., in ea sane præsidium fatis firmum non habet; quandoquidem Lactantius, præterquam quod depravatis libris uti potuerit, sæpissime aberrat ab iis, quæ alicunde profert; quod jam sæpius monuimus, atque etiam ex aliis hujus adlegationis partibus planum ac manifestum est. An vero his rationibus illud poterit effici, ut præsens *saturetur* ferri plane nequeat? Non sane videtur illa temporum enallage durior, quam quæ à nobis illustrata est supra, ad lib. I. cap. 22. & alibi.

Cap. XXVII. *cum sol dictus sit, vel quia solus ex omnibus sideribus est tantus, vel quia cum est exortus, obscuratis omnibus, solus apparet*. Huc respexisse Lactant. lib. II. cap. 19, 12. jam monuit cl. Davisius: nos tamen verba illius auctoris in medio ponemus, ut aliquam ab eo gratiam incamus. *Nam sicut sol, inquit, qui oritur in diem, licet sit unus, unde solem esse appellatum Cicero vult videri, quod, obscuratis sideribus, solus appareat; tamen quia verum ac perfectæ plenitudinis lumen est, & calore potissimo & fulgore clarissimo illustrat omnia: ita in Deo, licet sit unus, & majestas, & virtus, & claritudo perfecta est*. Primo in his legendum videtur, nisi me quidem fallat animus, calore **POTENTISSIMO**. ut *solem potentem* loquitur Virgil. II. Georg.

— *super indignas hyemes, solemque potentem*  
& lib. I.

— *rapideve potentia solis.*  
*Acrior, aut Boreæ penetrabile frigus* —

Deinde legerim libenter, *LUSTRAT* omnia, pro *illustrat*; quo commodius verbum hoc referatur ad *calorem potentissimum*, quo sol magis proprie *lustrare*, quàm *illustrare* dicitur omnia. sic Virgilius lib. IV. *Æn.*

*Sol, qui terrarum flammis opera omnia lustras.*

& passim alibi isto sensu occurrit hoc verbum, ut idem quod circumire vel peragrarare seve præsentem sistere significet. Si tamen illud *illustrat* retinere velimus, confugiendum erit ad ea, quæ Grævius ad Justin. lib. I. c. 9. & Flor. III. c. XXI, 27. Davisius ad Cic. N. Deor. I. c. 17. Barnesius ad Eurip. Hel. v. 1550. Burmannus ad Quint. Inst. Or. VI. c. 1. Dukerus ad Flor. lib. II. c. 7. p. 361. & Cortius ad Sallust. Jug. cap. XLII. 4. Sed hæc velut in transitu.

Cap. XXIX. *Ita salem istum, quo caret vestra natio, in invidendis nobis nolitote consumere -- Nec vero hoc in te uno convenit, moribus domesticis ac nostrorum hominum urbanitate limato; sed cum in reliquos vestros, tum in eum maxime, qui ista peperit.*  
„ Fieri non potest, inquit ad hunc locum cl. Davisius, ut hoc, quod vult noster, in Velleium  
„ omnino conveniat, cum fuerit Romanorum *urbanitate limatus*. Quin & ab horum interlocutorum cultu & elegantia tales abhorrent contumeliæ. Cum igitur alii viri docti eis de causis vocem *unum* aut delendam existiment, aut reponendum *virum*, vel *omnino*; ipse legit *unà*, i. e. *si*

simul. Si justæ sunt rationis illæ, quas adfert vir cl., salva atque incolumi lectione vulgata, res sic expediri posse videtur, si syntaxin ita concipias, *Nec vero hoc in te convenit, uno -- limato*, i. e. qui solus, vel qui maxime -- limatus sis. Sic Velleius ab ea stupiditate, quæ ceteris Epicureis impingebatur, satis bene immunis præstabitur; quod urbanitas Velleji, & disputantium εὐσεμνοῦσα flagitare interpreti doctissimo videbatur. Sed rationes illæ si attente spectentur, haud recto talo niti liquebit. Quod enim ad urbanitatem Velleji attinet, illa quamvis hîc molliendorum aliquomodo convitiatorum causa commemoretur, non tamen erat tanta, quin cum Epicureis, qui se in plurimis ridicule dabant, turpiter erraret; quod satis superque docent antecedentia. Neque vero cultus & elegantia interlocutorum vetat, quominus hæc disputantis verba sic intelligantur, ut Epicureorum stultitiam Velleio impingere omnino voluerit; quasi ita locutus fuisset: *Hoc cum in te conveniat, .. limato; multo quidem magis .. in eum -- hominem sine arte &c.* Sæpius ita Ciceronis Stoicus, æstu disputationis se abripi passus, inclementer agit Epicureos non tantum, sed ipsum quoque Velleium, qui illud disputationis suæ superbia omnino meruerat. Tale etiam convitium erat illud Cottæ, lib. I. c. 40. *Arbitror te, Vellei, similem esse Epicureorum reliquorum, quos non pudeat earum Epicuri vocum &c.* sic enim legebat illic editor cl. „ nam reliquorum, inquit, Epicureorum „ numero Velleium eximere non voluit Cotta. si „ is esset ejus animus, cum his verbis non allo- „ queretur, *quem cibum, quos tactus, quos odores ad- „ bibeas ad Deos, ut eos perfundas voluptatibus?* Hoc primum; sequitur jam, ut enallagen defendamus

damus istam, qua præpositio *in*, tam brevi intervallo, modo cum ablativo, modo cum accusativo construitur; quam permutationem cum alius alio modo tollere aggressus sit, nos tamen omnino putamus tolerari & posse & debere. Quin tam Latine dicatur quid *convenire in aliquo*, quam *convenire in aliquem*, id nobis dubitare non sinunt, quæ observarunt viri summi J. F. Gronovius ad Sen. N. Quæst. lib. IV. præf. & G. Cortius ad Sallust. Cat. cap. LII. 12. At ista casuum vicissitudo, quam locus hicce Tullii præ se fert, longe est frequentissima. Sic quia dicitur *scribere alicui*, & *scribere ad aliquem*; hinc ad Att. lib. IV. ep. XI. *quare ut homini curioso, ita scribe ad me*. Quia dicitur *similis alicujus*, & *similis alicui*; hinc infra cap. 59. *plectri similem linguam*, -- *nares cornibus iis* &c. ubi vide Lambinum. Quia dicitur *Odium alicujus*, & *Odium in aliquem*; hinc Tusc. IV. c. XI. *ut odium mulierum, quale in μισογυνία est*; *ut in hominum universum genus*. ubi Lambinum; qui tentaret *ut hominum universi generis*, optimo jure refellit cl. Davisius; qui etiam contra eundem hanc phraseos variationem recte vindicat, ibid. cap. 7. *Sed singulis perturbationibus partes ejusdem generis subjiciuntur, ut ægritudini invidentia. . . Sub metum autem subjecta sunt pigritia &c. voluptati malevolentia, letans*. ubi Lamb. volebat, *Metui autem subjecta sunt* &c. sed pari quoque modo Virgilius Ecl. V. vs. 5.

*Sive sub incertas zephyris motantibus umbras,  
Sive antro potius succedimus.*

cum nota Servii. Quia dicitur *probari alicui*, & *probari ab aliquo*; hinc ad Brutum epist. XV. *suspensor illud minus tibi probari, quod ab tuis familiaribus*

.. non probatur. Addamus Senecam de Const. cap. 1. altera pars ad obsequendum, altera imperio nata. cur non potius ad imperium, vel ad imperandum? Lactant. lib. I. c. xxii, 7. *Et fuit per eadem fere tempora, quibus Faunus.* cur non, *per quæ Faunus?* cui loco convenit illud Cic. de Divin. II. cap. 42. *summos astrologos illius ætatis, quæ erat ipse: pro cuius erat ipse.* Plura videre licet apud Sanct. Min. lib. III. cap. 14. & Cort. ad Sallust. Cat. cap. xxv, 2. & xxxiii, 1. Hinc autem nihil movendum censeo in verbis D. Lucæ. Evang. I. 55. καθὼς ἐλάλησε πρὸς τοὺς πατέρας ἡμῶν, τῷ Ἀβραάμ καὶ τῷ σπέρματι &c. ubi frustra sunt Knachtbul & alii, qui enallagen, tanquam nimis solœcam, tollere nituntur.

Cap. XXXII. *Qui ita dividit omnium quæ sint naturam, esse corpora Et inane, quæque his accidunt.* Non est, cur malles, *Qui ita dicit* &c. eadem enim loquendi forma cum alibi cstat, tum quoque Tusc. lib. V. c. 33. *Vides, credo, ut Epicurus cupiditatum genera divideret, .. partim esse naturales, .. partim* &c.

Cap. XXXIV. *Quod si omnes partes ita constitutæ sunt, .. videamus utrum ea fortuitane sint, an eo statu* &c. Enallage ista generum non erat sollicitanda. sic enim infra lib. III. c. 8. .. modo posse eum animantem cogitare, vel potius ut cætera oculis, sic animo hoc cernere. & cap. 24. *quam nemo ab inconstantia Et temeritate sejunget, quæ digna non sunt Deo.* supra cap. 31. *mens, fides, virtus, concordia consecratæ Et publice dedicatæ sunt. Quæ quæ convenit penes Deos esse negare, cum eorum augusta Et sancta simulacra veneremur?* de Leg. lib. II. cap. xi. Bene vero quod mens, pietas, virtus, fides consecratur manu: quarum omnium Romæ dedicata publice

tem-

*templa sunt: ut illa qui habeant.. deos ipsos in animis suis conlocatos putent. ubi non opus est, cum viro cl. tentare, ut illas qui habeant. Acad. II. cap. 18. ratione potius, quàm auctoritate ducantur. Quod si utroque? vide quoque Tusc. IV. cap. 7. de Fin. lib. V. c. 8. de Fato c. 15. de N. Deor. I. c. 5. Senecæ epist. LXXXI. & si plura velis, adi P. Fabrum ad Acad. II. c. 14. Burman. ad Quint. Inst. procem. p. 10. Davisium ad Min. Fel. cap. xvi. & Cortium ad Salust. Cat. 5.*

Cap. XXXVI. . . *deinde reliqua sidera magnitudinibus immensis. Atqui hi tanti ignes tamque multi non modo nihil nocent terris rebusque terrestribus, sed ita prosunt, ut si mota loco sint, conflagrare terras necesse sit à tantis ardoribus, moderatione & temperatione sublata. Docti pro mota tentant motæ, hanc vocem ad terras referentes; vel moti, quod spectet ad ignes. Nihil autem vetat, quominus in voce mota intelligas sidera; quæ cum appellatione ista tantorum ignium significantur, quid mirum si illud masculinum in neutrum transierit? Hoc sane haudquaquam durius est, quam quod statuit vir cl. de his cap. XLIV.*

*Fluminis inlustri tangentem corpore ripas:*

*Quem longe serpentem & manantem adspicies, &c. ubi ille, loquitur Cicero, inquit, quasi præcesserat amnis vel fluvius. vide reliqua. Isti autem loco componere licet verba Varronis de Re Rustica lib. I. Sin cogare secundum flumen ædificare, curandum ne adversum eum ponas. quod quidem exemplum debeo Auf. Popmæ, de Usu Ant. Locut. lib. II. c. 2. qui plura talia ex Varrone aliisque collegit. Quibus etiam defendi posse opinor locum istum Senecæ Suas. I. c. ult. Efficit hæc sen-*

*tentia, &c. Barbarus dixit. . hunc sensum. . Fuscus Arellius dixit, testor ante orbem tibi tuum deesse, quàm militem. Latro sedens banc dixit &c. ubi doct. Schulting. hinc vel hunc pro banc legebat. Hæc primum erant in loco Tullii observanda: pergamus jam ad verba illius posteriora, quæque in ea commentatus est cl. Walkerus. Scilicet vir ille doctissimus ista à tantis ardoribus, commate interposito, ab antecedentibus sejungenda, cumque sequentibus istis *moderatione & temperatione sublata*, conglutinanda putabat. Secus omnino, quàm ego quidem sentiam: cum enim non, nisi aliqua cum duritie, dici posse videtur *moderatio & temperatio tolli ab ardoribus*; tum sane nihil usitatus ista præpositionis à cum verbo neutro constructione, qua *terræ* hic dicuntur *conflagrare ab ardoribus*. Sic infra cap. 55. *Nam quæ spiritu in pulmones anima ducitur, ea coalescit primum ab ipso spiritu*. Ovidius Metam. lib. 1. v. 417.*

— postquam vetus humor ab igne  
*Percaluit solis* —

Lucretius lib. VI. vs. 875.

*Præterea solis radiis jactatur aquæ  
 Humor, & in luci tremulo rarefcit ab æstu.*

in quibus plurimisque aliis locis præpositionis vis plane eadem est.

Cap. XXXVIII. *Quis enim hunc hominem dixerit, qui cum tam certos cæli motus, tam ratos astrorum ordines. . viderit, &c?* Nonius sic locum profert, ut pro *ratos*, *statos* exhibeat. Quod, quamvis viro amplissimo mirifice blandiat, ego tamen priori vix præferre ausim; vox enim *ratus* nostro usitatissima fuit in commemorandis rebus cælestibus,



bus, quod de voce *status* quis ausit prædicare? supra cap. 35. -- *motus ejus finitos & æquabiles, omniaque ratis ordinibus moderata.* & Tusc. V. cap. 24. *quorum vagi motus rata tamen & certa sui cursus spatia definiant.*

Cap. XLIV. *Nec vero hæc solum admirabilia, sed nihil majus, quam quod ita stabilis est mundus.* Legit Walkerus, *sed nihil magis*, sc. admirabile, quod majus hic ab elegantia Tulliana alienum existimaret. *Magnum* sæpe idem dici; quod admirabile, illud quidem in controversiam vocari nequit. sic de Fato cap. 3. *Quid autem magnum, & naufragum illum sine nomine in rivo esse lapsum, &c?* Tusc. I. cap. 22. *Est illud quidem vel maximum, animo ipso animum videre.* Seneca de Clem. I. c. xi. -- *eo majus est mirabiliusque, quod &c.* vide quoque Lactantium lib. I. cap. xi, 2. & Epit. cap. XLV: Sic etiam μέγα & θαυμαστόν, tanquam plane synonyma, conjunxit D. Paulus 2. ad Corinth. cap. XI. 14. 15. Atqui hoc ipsum, inquit, male me habet, quod cum jam posuerat Cicero *admirabilia*, hic subdat vocem non eandem quidem, sed tamen æquipollentem *majus*. Similis sane elegantia cl. Bentleium litem quoque huic lectioni movere coëgit, Tusc. III. c. 25. *ut eos. aut non attingat ægritudo, aut perleviter pungat animi dolor.* At loca hæc equidem vindicare posse videor plurimis istiusmodi locis, de quibus nullam *robore* suspicionem incidisse viris doctissimis, ostendit eorum ad ista loca silentium. sic enim ibid. cap. 2. *nullam eminentem effigiem, sed adumbratam imaginem gloriæ.* lib. IV. c. 28. *& opinionem falsam tollit, & aegritudinem detrabit.* quorsum illud *detrabit*, cum jam præcesserit *tollit*? sic etiam de Fin. lib. V. c. 19. & cap. 7. *Ita fit, ut quanta differentia est in prin-*

*ciptis naturalibus, tanta sit in finibus bonorum & malorum dissimilitudo. de Offic. lib. I. c. 30. Ut enim in corporibus magnæ dissimilitudines sunt. sic in animo existunt etiam majores varietates. Acad. I. cap. 12. id sensum appellabat; -- sin aliter, inscientiam nominabat. Plura illius generis loca contulit jam egregius harum elegantiarum promus G. Cortius ad Sallust. Cat. cap. XII. 1. Neque vero ab ista ratione refugiunt Græci ἀττικώτατοι; quorum Xenophon facile princeps, sic κυρπαιδ. lib. I. p. 30. C. conjungit ἀποδείξειν & παρασκευάσειν. lib. II. p. 47. Β. προσποιεμένους & ὑπισχυμένους. lib. V. p. 130. βέλεσθαι & ἐπιθυμειν.*

## CAPUT VIII.

*Anacreontis locus defenditur & explicatur. Ellipsis voculæ τι. Xenophon defenditur. ἔχειν τι, pro παρέχειν. Hesiodi epitaphium vindicatur & illustratur. Ellipsis præpositionis ἐν. Μέτρον, cujusque rei perfectio atque terminus.*

**H**Oc capite paullisper ex terminos vagabimur, & à Latinis in Græca excurreremus: neque enim de Tullio tantum, sed etiam de aliis, & utriusque quidem linguæ auctoribus bene mereri conamur. Ad verba ista Ciceronis de Natura Deorum, lib. II. c. 47. *quarum* (animantium) *aliæ coriis testæ sunt, aliæ vellis vestitæ, aliæ spinis hirsutæ*; adferebat cl. Davisius quædam ex Anacreontis oda I. sed quam illis medelam adhibet, eam nos, bona cum venia viri honoratissimi, hîc videbimus an necessaria sit. *Natura* inquit Poeta, *cornua tauris, ungulas autem dedit equis, velocitatem leporibus* --

Τοῖς ἀνδράσι φρονήμα.

Γυναιξὶν οὐκ ἔτ' εἶχεν.

Τί ἔν δίδωσι; κάλλος.

„ Si nihil amplius habuit natura, quod feminis  
„ daret, qua ratione fieri potuit, ut eas vel pul-  
„ chritudine, vel alia re quavis donaret? Ecce  
tibi scrupulum, quem vir laudatus contra hanc  
lectionem movet; qui proinde legit,

Γυναιξὶν ἔκ ΕΠΕΙ΄ΕΧΕΝ;

*Viris prudentiam. Nullamne curam gessit mulierum?*  
*Quid igitur iis impertit? Conjectura quidem ho-*  
*mine docto non indigna: videamus tamen an citra*  
*illam res expediri queat, ut verba sensum fundant*  
*per se non absonum, mentique poetæ congruum.*  
Ante omnia illud dicendum, phrasin illam ἐπέχειν  
τινι, ea quidem in significatione, quam illi vir  
cl. tribuit, non adeo usitatam fuisse hujus ætatis  
poetis, quin exempla illius satis idonea jure quo-  
dam nostro flagitare posse videamur. Jam verò  
quod ad scrupulum viri cl. attinet, cum haud ægre  
tolli arbitror, si verba ista γυναιξὶν ἔκ ἔτ' εἶχεν, sic  
intelligentur, ut ἀπὸ κοινῆ subaudiatur σοφίαν, ut  
vertere liceat, *Mulieribus autem illam non etiam,*  
*vel si mavis, neutiquam habebat, vel dabat.* Licet  
hic sensus non sit incongruus, non tamen inter-  
cedo, quominus his verbis interrogandi notam  
cum viro cl. apponamus; quod si fiat, eodem mo-  
do hæc vertere poterimus, ut ex antecedente ver-  
su repetenda sit vox σοφίαν: vel etiam in hanc sen-  
tentiam accipi poterunt, ut non pendeant ex su-  
perioribus, sed subintelligenda relinquatur vocu-  
la τι. *Mulieribus an nequaquam aliquid impertiebat?*  
*vel Mulieribus an non etiam aliquid impertiebat?* Has

interpretationes menti auctoris apprime bene quadrare, quis non cernit? Ut autem constet, illas non minus cum verbis ipsis consentire, tria ista attente consideremus. Primo quidem illud *ἐκ τ'* verti potest non etiam, non insuper, non præter illos sc. viros; vel etiam non sane, baudquaquam, minime. Priorem dictionis vim nemo nescit: posteriorem vero optime dilucidarunt doctissimi duumviri, Perizonius ad Ælian. Var. Hist. VI. c. 6. & Kühnius ad Pausan. VIII. c. 28. Ipse Anacreon audiatur Oda XXIX.

Τὸ δὲ χεῖλος οὐκέτ' οἶδα

Τίνι μοι τρόπῳ ποιήσεις.

Deinde ellipsis vocis *τι*, quam in verbis Anacreontis statui posse diximus, satis usitata est, ut observavit doct. Lamb. Bos Ell. & post illum cl. Schoetgenius. Unde etiam nauci esse liquet τὸ *τι*, quod auctoritate Stobæi post vocem λαβεῖν, inculcarunt in his Xenophontis lib. II. Κυρη. pag. 47. C. καὶ ταῦτα φανεροῖς γιγνομένοις, ὅτι τῷ λαβεῖν ἕνεκα καὶ κερδᾶναι ποιεῖσιν. sic enim illud ipsum λαμβάνειν occurrit apud Isocratem contra Soph. p. 574. ὁ δὲ πάντων καὶ αἰαγελαστότατον, ὅτι παρ' ὧν δεῖ ΛΑΜΒΑΝΕΙΝ αὐτὸς, τῷτοις μὲν ἀπιστῆσι, οἷς μέλλαςι τὴν δικαιοσύνην παραδώσειν &c. -- a quibus numeranda merces est, &c. Menander Fragm. p. 34. Res facilis contemptu, o Gorgia, pauper est, quamvis iustissima dicat.

Τῷτ' γὰρ λέγειν

Ἐνεκα μόνε νομίζεθ' ἕτος, τῷ ΛΑΒΕΙΝ.

-- ut aliquid accipiat. D. Paulus 2 Corinth. XI. 20. Ἀνέχεσθε γὰρ, εἰ τις ὑμᾶς καταδουλοῖ, εἰ τις κατεσθίει, εἰ τις ΛΑΜΒΑΝΕΙ &c. ubi consule doct. Elsnecrum. Hoc de ellipsi τῷ *τι*. Postremo loco. ad defensionem loci Anacreontis illud omnino observari oportet, verbum ἔχειν sæpius à poetis cum

TULLIANARUM LIB. II. CAP. VIII. 169  
cum dativo construi, atque ita constructum per  
metonymiam idem ferme denotare, quod παρέχειν,  
φιδόναι. Hesiodus Θεογ. vñ. 755.

Ἡ' μὲν ΕΠΙΧΘΟΝΙΟΙΣΙ Φάος πηλύδερκες  
ἔχοῖσα.

Critobulus :

Τὸ γὰρ ἐνδελεχῶς μεθύειν τιν' ἡδονὴν ἔχει·  
ἀποσερῶντα ζῶντ' ἑαυτὸν τῷ φρονεῖν,  
ὃ μέγιστον ἡμῖν ἀγαθὸν ἔσχεν ἡ φύσις

Menander Fragm. p. 254.

— δυσχερῇ δὲ πολλ' ἔχεις  
τοῖς ζωῶσι καὶ λυπηρῶ. —

Theognis Sent. vñ. 464.

Εὐμαρίως τοι χρῆμα θεοὶ δόσαν ἔτε τι δειλὸν  
οὐτ' ἀγαθὸν· ΧΑΛΕΠΩΓ' δ' ἔργματι κῦδος  
ἔχει.

Euripides in Oreste vñ. 1545.

τέλος ἔχει δαῖμων βρωτοῖσι, τέλος ὅπως  
θέλει.

Phocylides Sent. vñ. 37.

Χώρα δ' ἔτι βέβαιον ἔχει πέδον ἀνθρώποισι.

Atque huc etiam referre tentabam epitaphium il-  
lud Hesiodi, quod Pindaro fere tribuitur :

Σαῖρε δὲς ἡβήσας, καὶ δὲς τάφῳ ἀντιβολήσας  
ἡσίοδ', ἀνθρώποις μέτρον ἔχον σοφίης.

ut si verti posset, -- *hominibus mensuram adferens*

*sapientiae*. Jam vero alia mihi stat in animo sententia. Sine, rem paulo altius repetam. Erud. Grævius in *Lection. Hesiod.* cap. VII. se nescire fatetur, quid sit ἀνθρώποις μέτρον ἔχειν σοφίης: qui enim elliptice ἀνθρώποις pro ἐν ἀνθρώποις positum contenderint, illos vel filices posse concoquere. Veram igitur lectionem msti Vossiani putat:

Ἡσίος, ἀνθρώποις μέτρα χέων σοφίης.

i. c. *Hesiodē, hominibus tradens sapientiam, vel præcepta sapientiae*. Hæc mihi aurem vellicant, ut quod de hoc loco ceteroquin verbo dixissem, jam paullo pluribus exponam. MSti quidem lectionem, cui palmam dabat vir summus, haud facile damnaverim: verumtamen quid habeat, cur vulgatæ anteferenda sit, non sane perspicio. Ficulnea enim ratio est, qua edita lectio impugnatur; adeo quidem, ut mirer quomodo homini vere docto in mentem venire potuerit, ut tale quid & tanto quidem cum zelo causaretur. Omnino dici potest, milliesque in scriptis poetarum dicitur ἀνθρώποις pro ἐν ἀνθρώποις, vel πρὸς ἀνθρώπων, ut Pindarus Olymp. oda V.

— ὁ γὰρ  
καίρὸς ΠΡΟ΍Σ Α'ΝΘΡΩ'ΠΩΝ βραχὺ μέτρον ἔχει.

Nihil est tali ablativo, in quo præp. ἐν supprimitur, usitatius. Pindarus Isthm. oda IV. 41.

— μομφάν ἔχει  
παίδεσσιν ἑλλάνων —

*culpam sustinet apud omnes filios Græcorum. & Pyth.* oda X. 35.

— εὐδαί --  
 μων δὲ καὶ ὑμνητὲς ὕτος  
 ἀνὴρ γίνεται σοφοῖς,

&c. recte rursus int. -- *apud sapientes*, Eurip. in Hecuba, vs. 595.

— ἀνθρώποις δ' αἰεὶ  
 Ὅ μὲν πονηρὸς εἶδεν ἄλλο πλὴν κακὸς.

Theognis vs. 245.

Θυδέποτ' εἶδεν θανῶν ἀπολεῖς κλέος, εἶδεν γε λήσεις,  
 Ἀφθιτον ἀνθρώποις αἰὲν ἔχων ὄνομα.

versu 900.

Ὅσιν ἀνάλωσιν τηρεῖ, κατὰ χρήματα θηρῶν,  
 Κυδίσην ἀρετὴν τοῖς συνειῶσιν ἔχει.

versu 718.

Ὡς πλεῖτος πλείησιν πᾶσιν ἔχει δύναμιν.

ubi πᾶσιν idem est, quod ἐν ἀνθρώποις apud Eurip. Phœn. 442. Pluribus non opus, ut memoria ostendatur fugisse virum egregium, qui ablativos istiusmodi aspernabatur. Quod vero ad vocem μέτρον attinet, de qua dissident Grævius & Heinſius, illius vim non male expressisse videtur Cælius, quum Hesiodi epitaphium sic Latine redderet:

*Salve cui pubes, tumulusque bis obtigit unus,  
 Tu sapiſ Hesiodē, quantum homini sapere est.*

Μέτρον σοφίας est modus vel terminus sapientiæ, ultra quem procedere non detur, sive sapientia summa & perfecta, σοφία τελεία. ut μέτρον ἔχειν idem sit, quod τὸ τέλειον ἔχειν dixit Isocrates contra Soph. p. 580. Sic Solon in Sent. vs. 52.

Α'λ-

Ἄλλος, Ὀλυμπιάδων Μισέων πάρα δῶρα διδάχθεις,  
Γμερτῆς ΣΟΦΙΗΣ ΜΕΤΡΟΝ ἐπιστάμενος,

Theognis vs. 876.

Οἶνε τὰ μὲν σ' αἰνῶ, τὰ δὲ μέμφομαι· ἔδ' εἰ σε πάμπαν  
Οὔτε ποτ' ἐχθαίρειν, ἔτε φιλεῖν δύναμαι.  
Ἐσθλὸς καὶ κακὸς ἐσσι· τίς ἂν σέ γε μωμήσαιτο;  
Τίς δ' ἂν ἐπαιήσῃ, ΜΕΤΡΟΝ ἔχων ΣΟΦΙΗΣ;

Non vertendum, .. *mediocrem habens sapientiam*; sed *qui sapientiæ habeat quantum satis est*, vel *qui sapientiæ terminum adsecutus fuerit*, qui *in sapientia perfectus sit*. Ita quoque μέτρον ἡλικίας est adulta ætas, apud D. Paul. Ephes. IV. 13. πρὸς τὸν καταρτισμὸν τῶν ἀγίων, .. εἰς μέτρον ἡλικίας τῷ πληρώματος τῷ Χριστῷ. Μέτρον ἡβης, est ἡ ἐν ἀκμῇ ἡβη, & amplius aliquid dicit quam ipsa tantummodo ἡβη, ut interpretabatur Grævius, ad illud Hesiodi ἐργ. 131.

Ἀλλ' ὅταν ἡβήσῃς, καὶ ἡβης μέτρον ἴκοιτο.

quomodo etiam Theognis vs. 1115.

Ἡβης μέτρον ἔχοιμι. —

Μέτρον ἔινε, *satis vini, affatim vini*: idem vs. 475.

Αὐτὰρ ἐγὼ, μέτρον γὰρ ἔχω μελιηδέος οἶνε,  
Ἐπὶ λυσικάκῃ μνήσομαι, εἰκαδ' ἰών.

Κατὰ μέτρον, *non nimis parum, multum*. Aratus Διασημ. pag. 124.

Πρῖνοι μὲν θαμνῆς ἀπύλε κατα μέτρον ἔχεσαι.

Phocylides vs. 133.

Μὴ κτῆνις θνητοῦ βορὴν κατὰ μέτρον ἔλλαι.

confer Jerem. Proph. XXX. 11. His tandem illud facillime intelligitur, vulgatam epitaphii Hesiodi lectionem, qua nihil potest esse integrius,  
neu-



neutiquam cum lectione msti permutari necesse esse. Hesiodi autem epitaphium dum illustrem, ipsum non possum facere ut dimittam, antequam loco illius uni & alteri luminis aliquid attulerim. Sed hoc erit sequentis capitis argumentum.

## CAPUT IX.

*Hesiodi locus quod ad versionem & interpunctionem adjuvatur. Poetae Græci imperfectum pro præsentis usurpant. Hesiodus emendatur: deinde etiam semel atque iterum enodatur, & probæ interpretationi restituitur. Xenophon vindicatur. Anacreon tentatur.*

**E**X diverticulo in diverticulum delapsæ sunt animadversiones nostræ. Descendebamus à Tullio nostro ad Anacreontem; ab illo rursus ad Hesiodum, cujus epitaphium luce quadam adspergebamus, rejecta in hocce caput nonnullorum illius auctoris locorum illuminatione. Age ergo, omisso nostro Tullio, promissum præstemus, relictoque Latio, amœnissimis his Græciæ viretis nos adhuc paullisper detineri patiamur. Hesiodus Θεογον. vs. 552. loquens de dolis, quos Prometheus Jovi struxisset, sic pergit:

— Ζεὺς δ' ἄφθιτα μῆδεα εἰδὼς  
Γινῶρ' ἰδ' ἠγνόησε δόλον· κακὰ δ' ὅσσετο θυμῷ  
Θνητοῖς ἀνθρώποισι, τὰ καὶ τελέεσθαι ἔμελλεν.  
Χερσὶ δ' ὄγ' ἀμφετέρῃσιν ἀνείλετο λευκὸν ἄλειφαρ.

Equidem neque hanc interpunctionem probō, neque istam interpretationem: *Jupiter autem, æterna consilia sciens, cognovit certe nec ignoravit dolum: mala autem concipiebat animo adversus homines mortales,*



--- *super palpebras sedet.* Homerus Odyss. II. 131. ---

— ὅθεν ὑδρεύοντο πολῖται.

*unde aquantur cives.* Menander Fragm. p. 192.

— Τῷτο δὴ τὸ νῦν ἔθος.

Ἀκρατον ἐβόων, τὴν μεγάλην. ψυκτῆρά τις  
Πεῖπινεν, αὐτὲς ἀβλῆες ἀπολλύων.

*Hic vero hodiernus mos est: merum, inclamant, magnam calicam: psyceterem quis porrigit, illos miseros perdens. Et hæc quidem de loco Hesiodi proposito tantum. Perlustremus jam alium.*

Eodem lib. Θεογονίας, vs. 610. Cui vero, inquit, nuptiarum conditio contigerit, pudicam ut habeat conjugem ἔξ sapientem.

Τῷ δὲ ἀπ' αἰῶνος κακὸν ἐσθλῷ ἀντιφερίζει  
ἔμμεναι.

Vertitur: *Huic perpetuò malum cum bono certat.* H. Stephanus in app. Thesauri, reddebat: *Huic malum cum bono pari contentione nititur adesse.* Neutra quidem interpretatio verborum sensum satis exprimere videtur; vix enim fieri posse arbitror, quod prior illarum supponit, ut ἔμμεναι pleonastice accipiatur; quia pleonasmus ille, quamvis quibusdam in constructionibus locum habeat, hîc tamen foret durissimus. Neque vero Græca phrasi dicitur, quantum ego sciam, ἀντιφερίζειν τιμι εἶναι, vel ἔμμεναι, *niti alicui adesse*; nam ἀντιφερίζειν τιμι est cum aliquo ita certare, ut te illi æquiparare, neque illo inferior esse velis; ut bene interpretatur Hesychius, qui illud exponit τῷ ἐξισῆσθαι, ἀντιστῆναι. Est autem verbum activum, quamvis neutrius formam referat, supprimiturque εἰσὺν, ut judicavit erud. Kusterus ad Aristoph. Equit. vs. 810. vide illud apud Hesiod. ἐργ. vs. 210. Pind. Pyth.

Pyth. ode IX. Homer. Iliad. φ. vs. 411. Quid multa? ipsa scriptura Hesiodi, non versio tantummodo laborat; vixque ego dubito, quin pro ἔμμεναι, reponendum sit ἔμμενεις; ut tale quid voluerit Poeta: *Attamen ab aeterno malum cum bono certat semper.*

Pergamus jam ad tertium Hesiodi locum. Ejusdem libri vs. 823. de Typhoëo:

Οὐ χεῖρες μὲν ἔασιν ἐπ' ἰσχυρί ἔργματ' ἔχουσαι.

Vertunt: *Cujus manus quidem sunt ob robur operibus aptæ, vel occupatæ.* Recte quidem vidit cel. Grævius ἔργματ' ἔχειν, esse idem quod ἐργάζεσθαι; quod ut probaret, cum multa alia exempla, tum illud quoque adferre potuit, ex Solonis Sent. 57.

Ἄλλοι, Παιᾶνος πολυφαμάκων ἔργα ἔχοντες.

8cc. Neque illud ita durum, quod *manus* dicuntur *operari*: sic enim vel profæ scriptor Ælian. V. Hist. lib. XIV. c. 12. *Persarum rex iter faciens, ne tædium ei obreperet, tabellum tenebat, & quo eam raderet cultellum.* Καὶ τὸτο Εἰργάζοντο Ἀἱ βασιλέως. ΧΕΙΡΕΣ: *Atque hoc faciebant manus regis.* Quod autem vir laudatus verborum sensum sic exprimit, *Cujus manus quidem ob robur semper operantur*: hanc quidem interpretationem frigidiorē esse, recte viderunt duo viri doctissimi. Horum alter legendum conjicit ἐπ' ἰσχυρί θαῦμα τ' αἰεῖσαι, alter voci ἔργματ' *impedimenti* significationem, à verbo εἰργω, *coërceo*, petitam, attribuit, spirituque leni reposito, ex ἔ facit οὐ, ut ista sententia sit, *Nec manus, propter vires, habent quidquam quo impediri queant.* At ista vocis ἔργματ' significationem tam inaudita atque inusitata est, ut eam nisi summa necessitate compulsis adsciscere liceat, quæ tamen heic neutiquam nobis incumbit; quod si proba-

baverimus, facile etiam patebit non esse necessariam Guieti emendationem. Miror equidem, viros insignes, qui locum hunc Hesiodi tractarunt, non vidisse ἐν ἰσχυρί hinc non esse *ob* vel *propter* robur, sed *robore*, *robuste*, ἰσχυρῶς. cujusmodi etiam præpositionis usus est supra ψ. 540. δολίῃ ἐπὶ τέχνῃ; *devisa arte*. atque ita apud Herodian. I. c. 13. ἐπὶ ἡσυχίᾳ, *quiete*, idem est, quod Ælian. V. Hist. III. c. 17. ἐφ' ἡσυχίας dixit. Verte igitur locum, quo nihil potest esse sincerius, *Cujus manus quidem sunt cum robore operantes*: quo tamen fortitudinis elogio poeta non tam significavit, *operari continuo manus Typhœi*, quam *esse ad operandum robustissimas*. Quæcunque illius manus operarentur, operabantur fortiter.

Unum adhuc Hesiodi ad locum anitum adverteremus, antequam illum missum faciamus. Eodem libro, vs. 990.-- *Quem sane juvenem, inquit, i. Venus*

ὦρτ' ἀνερειψαμένη, καὶ μὴν ζαθέοις ἐνὶ νηοῖς  
Νηοπόλον νύχιον ποιήσατο, δαίμονα δῖον.

Hæc ita vertuntur: *Incitavit, abripiens, & ipsum* &c. Sed vertendum fuit, *Venit abripiens* &c. quemadmodum idem hoc verbum ὦρτο recte vertitur ἐργ. 568. & ἀσπ. 30. Causa interpreti erroris fuit, quod verbum ὦρτο cum præcedente accusativo construeret, ad quem τὸ ἀνερειψαμένη pertinet. Est autem ὦρτ' ἀνερειψαμένη, vix quidquam amplius, quam ἀνερείψατο, *abripiuit*: quales περισσολογίαι frequentes sunt in poematibus Græcorum. Eurip. Hec. vs. 671.

——— οὐκ ἔρδν τὸν δὲ μοι Πλοχζένης  
Ἥκεις κομίζων ———

ubi ἤκεις κομίζων idem est, quod κομίζεις. *Cadaver hoc mihi Polyxenæ adfers.* Homerus Iliad. B. vf. 302.

— οὐς μὴ κῆρες ἔβαν θανάτοιο φέρουσαι.

ἔβαν φέρουσαι, id est ἤνεγκον. bene int. *quos Parcae mortiferæ non abstulerunt.* Solon in Sent. ait, de Justitia loquens, vf. 104.

Τῷ δὲ χρόνῳ πάντως ἤλθ' ἀποτισαμένη.

*suo autem tempore omnino vindicat.* Imitatus fuit Xenophon Sympol. pag. 887. C. ἐγὼ γὰρ ἤξω παρ' αὐτῷ δανεισάμενος τὸ μηδενὸς προσδεῖσθαι: *ego enim ab illo hoc mutuabor, ut nullam rem præterea expetam.* Leunclavius legebat, δανεισόμενος; cui emendationi vix equidem subscripserim, neque enim aoristum præteriti significatione intelligi necesse est, ut ex Hesiodi & Solonis locis apparet.

Per Anacreontis amœnitates à via nostra digressi, jam tandem per easdem reditum faciamus. Oda XXIII.

Εἰδ' εἰδὲ τὸ πρίασθαι  
Τὸ ζῆν ἔνεσι θνητοῖς,  
Τί καὶ μάτην σενάζω;

Legit cl. Davisius εἰδέπω, pro εἰδὲ τὸ, quia nihil præcesserit aut sequatur, cum quo εἰδὲ possit conjungi. Videant tamen eruditi, an εἰδὲ ita possit retineri, si vertatur *nequidem*, quæ hujus voculæ significatio haud ita rara est. Ego quidem libenter fateor, elegantem esse viri elegantissimi conjecturam. Idem poëta Od. XXV.

Θανεῖν με δεῖν καὶ μὴ θίλω.

Non placet viro laudato doct. Barnesius, qui defertis

fertis omnino pristinae scripturae vestigiis; refingebat,

Θάνοιμι καὶ μελήσας.

Ipse malebat,

καὶ μὴ θέλω, θανεῖν δεῖ.

Quidfi

Θανεῖν με δεῖ, καὶ μέλλω?

quemadmodum enim σπεύδειν est desiderare, ut diximus ad Tusc. lib. I. c. 31. quid novum, si sic refugere dicatur μέλλειν? μὴ θέλων igitur a glossatore profectum forsitan, qui nobis verbum μέλλω explanare voluerit.

## C A P U T X.

*In lib. II. Cic. de N. Deor. lectio recepta quater defenditur. Imperfecti usus in re praesente illustratur. Cicero bis obiter vindicatur. Laetantius emendatur; Ellipsis pronominis demonstrativi adstruitur; quā occasione aliquoties Tullius, nec non Justinus etiam ac Curtius vindicantur. Illa admirabilia, i. e. talia plura admirabilia. Eustathius defenditur. ὅτι Græci pro αὐτῷ dicunt. Pleonasmus τὲ etiam vel quoque. Cicero bis adferitur.*

**A**D Tullium nostrum redimus. Is autem sic loquitur II. de Nat. Deorum; cap. 47. *Manus etiam data elephantis; quia propter magnitudinem corporis difficiles aditus habebant ad pastum.* Ex duabus editionibus legebat editor cl. *habeant*, pro *habebant*, rationem adferens istam duplicem, quod quæ præcedant, verba sint praesentis temporis, &

non tantum olim, sed nunc pariter elephantēs propter molem corporis manu indigeant. Sed quamvis verba præcedentia sint præsentis temporis, observandum tamen præteriti temporis esse proximum illud *data*; quasi dixisset Cicero, *Manum etiam dedit natura elephantis, quia* &c. Adde quod ita pergat Tullius; *At quibus bestiis erat is cibus; ut alius generis bestiis vescerentur, aut vires natura dedit aut celeritatem.* Atque hoc exemplo altera quoque ratio diluitur ista, quod non tum solum cum elephantum genus à natura produceretur, sed etiam nunc difficiles ad pastum aditus habeant. Et passim alibi de rebus, præsentis tempore adhuc usu venientibus, in præterito imperfecto loquitur noster. suprà cap. 23. *Utilitatum igitur magnitudine constituti sunt ei Dī, qui utilitates quasque gignebant.* an non tunc temporis adhuc easdem utilitates ab his nasci credebat hic Stoicus? quis dubitat? infra cap. 56. *Jam gustatus, qui sentire eorum, quibus vescimur, genera deberet, habitat in ea parte oris, qua* &c. ubi vix ausim, cum cl. Walkero, *quia* .. *debet.* vide quoque Lactanti. de Opif. Dei cap. xvi, 4. & Instit. lib. VI. c. ii, 4. *qui (Deus) hanc ipsam lucem (solem) sic moderatus est, ut neque nimio fulgore, neque calore vehementi noceret animantibus; tantumque istarum rerum dedit ei, quantum aut mortalia corpora pati possunt (lege POSSENT) aut frugum maturitas postulare.* Tusc. lib. II. c. 17. *Atqui vide, ne. . ab ea (virtute), quæ una ceteris omnibus excellebat, omnes nominate sint.* Camerarius legebat *excellat*, Lambinus *excelleat*: facillima nos mutatione *excelleret* reponeremus, nisi modum ejusmodi indicativum Ciceroni non plane inusitatum esse dudum observassimus. Ceterum huic præterito imperfecto illuminando pos-



possunt etiam conferri, quæ supra jam collegimus ad Acad. lib. II. c. 23.

Cap. XLVIII. *At quibus bestiis erat is cibus, ut alius generis bestiis vescerentur, aut vires natura dedit aut celeritatem.* Nimius hic est Lambinus, qui pronomen demonstrativum ante ista *aut vires* &c. elapsum putaret; quippe cujus omissione pronominis, nihil usitatus. sic infra cap. 52. *ex quibus pullos cum excluderint, ita tumentur (illos) ut & pen- nis foveant, &c.* cap. 54. *cum depulsum.. cibum accepit, depellit* sc. illum. Acad. II. cap. 33. *quos quoniam appetitio consequatur, actionem sequi.* in Orat. c. ult. *quo qui contentus est, utatur.* Tusc. I. cap. 8. *ne mors quidem est malum (ei), cui proximum tempus est post mortem, in quo &c.* lib. V. c. 7, *nos vellem præmio elicere possemus, qui nobis aliquid attulisset,* lib. IV. c. 23. *qui remp. salvam esse vellet, se sequi iussit.* de Fin. lib. II. c. 28. *Sed qui -- loquitur ut frugi ille Piso, non audio.* de Leg. I. c. 9. *Ipsum autem hominem eadem natura non solum celeritate mentis ornavit, sed & sensus tanquam satellites attribuit ac nuntios,* sc. ei. Seneca epist. I. *In hujus rei possessionem natura nos misit, ex qua expellit (eum) qui vult.* epist. VIII. *Qui hoc faciunt, non evertit fortuna, sed &c.* Felix Oct. cap. xxvi. *auguriis & auspiciis renitentibus, sprexit: eo facilius &c.* Cæsar B. Gal. IV. cap. 7. *quod Germanorum consuetudo hæc sit à majoribus tradita, quicumque bellum inferant, resistere neque deprecari.* Plura P. Burmannus ad Quintil. Inst. Or. VIII. c. 4 & G. Cortius ad Cic. Fam. lib. V. ep. 1. His facile est irritis virorum doctissimorum conatibus obviam ire. Tusc. III. cap. 29. *instat, nec resisti potest.* ubi Lamb. cum codice quodam, *nec ei resisti potest.* lib. IV. c. 25. *Utile est enim uti motu animi,*

qui uti ratione non potest. tentant u. e. eum uti, vel u. e. enim eum uti &c. lib. V. c. 7. præmium proposuit, qui invenisset. ubi valeat ille codex, qui ei ante qui repræsentat. lib. I. cap. 35. volgo ex oppidis publice gratulabantur. Lambinus ei injicit. de Fin. lib. II. c. 23. tu enim eam (voluptatem) ipsam vis, quam modo ego dixi; & nomen imponis, in motu ut sit. idem vir doctus, & ei nomen imponis. lib. III. c. 20. quoniamque ea natura esset hominis, ut cum genere humano quasi civile bellum intercederet; &c. ille rursus, ut ei cum genere &c. atque ita etiam lib. IV. c. 9. Justinus lib. I. c. 9. fratrem suum subiecit Oropesten: erat enim & oris & corporis lineamentis persimilis. conjiunt, erat enim ei oris &c. vel, erant enim & oris & c. l. persimiles. Curtius lib. III. c. 5. descendit in flumen, vixque ingressus subito horrore artus rigere cœperunt; pallor deinde suffusus est sc. ei. Heinsius, pallore deinde suffusum os est. confer Senecam epist. XI. & nomen os hic exprimi necesse non esse, facile intelliges.

Sequitur eodem cap. *Ut in araneolis aliæ quasi texunt, ut si quid in hæserit, conficiant, aliæ autem ex inopinato observant, & si quid incidit arripiunt.* Mirum videbatur doct. Boherio, quod hic de araneis legitur, aliam texere rete, aliam verò illo uti, ut prædam arripiat quæ incidat, quum experientia nos utrumque ab una eademque aranea fieri, aperte docet. Legendum itaque suspicatur, *Ut in araneolis aliàs q. r. texunt, .. aliàs autem ex inopinato &c.* Sed quis non videt, quam hic comminiscitur vir amplissimus, loquendi formam esse duriusculam? Cum bona quidem illius venia, lectionis vulgatæ hunc sensum esse arbitror, ut Tullius hic non de natura dissimili araneorum loquatur, quasi una aranea solummodo rete texat, & nihil agat præterea;

terea; altera reti texto tantum utatur, ut quidquid inciderit, arripiat. Illud autem dicit, cum aliquot ejus generis animalcula laboribus suis intenta videamus, tum quædam conspici rete textentia, dum alia, eo jam contexto, ex inopinato observent, & si quid inciderit arripiant. Sic unæ eademque formicæ & protudere frumenta solent, & protrudentium agmina cogere: quod tamen non vetat, quo minus cum Virgilio dicamus, ubi formicarum contemplamur labores:

— *Pars grandia trudent*

*Obnixæ frumenta humeris; pars agmina cogunt,  
Instigantque moras.* —

Cap. XLIX. Jam vero illa etiam notiora, quanto se opere custodiant bestię, ut in pastu circumspiciant, ut in cubilibus dilitescant, atque illa admirabilia. Legebat præses amplissimus, atque alia admirabilia. Quam quidem emendationem silentio prætergressus cl. Davisius, eodem tamen modo cum Lambino, & pleraque alia legebat in his de Leg. lib. II. c. 25. -- Solonis lege sublata sunt, quam legem -- in decimam tabulam conjecerunt. Nam de tribus riciniis & pleraque illa Solonis sunt: de lamentis vero expressa verbis sunt. Loca se invicem vindicare videntur; cum præsertim pronomen ille passim idem exprimat quod talis, & vox illa posterior eundem, si quid ego video, usum obtineat. Tusc. lib. I. c. 39. His & talibus rationibus &c. haud incommodius, si voluisset Tullius, ita scripsisset, His & pluribus hujus generis rationibus, vel His & aliis rationibus. rursus lib. IV. cap. 37. aut miserrordes, aut invidi, aut tale quid. lib. V. cap. 25. quibus & talibus rebus exquisitis &c. Locum Eustathii in Hexaem. pag. 28. quem ad ea, quæ modo

anteceſſerunt, doctè allegat clar. Daviſius, equi-  
dem, ſalva illius viri ſententia, omni menda ca-  
rere arbitror, Αἱ δὲ γέραναι, inquit auctor, ὁμῶς  
πᾶσαι ἐξ ἰσῶ ἵπτανται, μία δὲ προηγείται αὐτῶν, καὶ  
τακτικὴν ἵνα χρόνον προηγησαμένη, εἰς τὸ κατόπιν περιελ-  
θεῖσα τῇ μετ' αὐτὴν τὴν ἡγεμονίαν τῆς ὁδῶ παραδίδωσιν.  
Emendabat ille, τῇ μετ' αὐτὴν. Sed αὐτῶ pro αὐτῇ  
vel ἑαυτῇ eſt uſitatiffimum. Ne verba apponam,  
vide Ælian. V. Hiſt. lib. VIII. c. 1. p. 482. &  
lib. XII. c. 21. princ. Iſocrat. in Epift. p. 805. C.  
& D. p. 806. A. & B. & alibi. Palæph. de Incr.  
ſ. 50. Lucian. T. I. p. 5. Xenoph. Cyropæd. lib.  
I. p. 31. A. lib. V. p. 119. B. p. 125. D. p. 137.  
B. p. 144. E. lib. VIII. p. 202. C. bis. & p. 213.  
D. Hæc jam, de innumerabilibus, pauca quæ ad  
manum ſunt.

Cap. LII. *Accedit etiam ad nonnullorum animan-  
tium, & earum rerum, quas terra gignit, conserva-  
tionem & ſalutem, hominum etiam ſollertia. & dili-  
gentia.* Alterutrum etiam in hoc loco plane vacat.  
Sed an ideo exciſcendum? Ego non arbitror,  
neque pleonaſmus hic diſplicuit erud. commenta-  
toribus, ſiquid ex illorum ſilentio colligi liceat.  
Sic Pomponius D. de Teſtamentis: *nam etiam  
compoſitis mentis personales actiones etiam ignorantibus  
acquiruntur.* quem locum ſuppeditavit Auf. Popma  
de Uſu Ant. Locut. lib. II. c. 9. Noſter ſuprà lib.  
I. c. 22. *non enim poeta ſolum ſuavis, verum etiam  
cetera quoque doctus ſapiensque traditur.* & Tuſc.  
lib. IV. cap. 1. *Quin etiam arbitror -- Numam quo-  
que regem Pythagoreum à poſteris exiſumatum.* Se-  
neca epift. XI. *Hic illum, quantum ſuſpicio, etiam  
cum ſe confirmaverit, -- ſapientem quoque ſequetur.*  
Gellius lib. XVIII. c. 12. *Poteſt etiam id quoque. .  
ſimiliter dictum videri.* Novatianus de Reg. Fidei  
cap.

cap. xxviii. *Nec non etiam subdidit illud quoque.*  
 Lucretius lib. V. vs. 714.

*Est etiam quoque uti proprio cum lumine possit  
 Volvier &c.*

vide quoque Plautum Epid. IV sc. 2. & prol.  
 Pœnuli. Hinc frustra erat Schefferus, qui etiam  
 cancellabat in his Curtii lib. III. c. 6. *Ætas quo-*  
*que vix tantis matura rebus, sed abunde sufficiens,*  
*omnia etiam ejus opera honestabat.* Nec minus dura  
 est ista *τῇ* tamen geminatio: Lactant. Opif. cap.  
 vii, 9. *Cum tamen ipsa nuditas hominis mire ad pul-*  
*chritudinem valeat; non tamen etiam capiti congrue-*  
*bat.* Pari modo jam vacat post nunc, ad Fam. lib.  
 X. ep. 20. *Nunc vero etiam jam erroris causa subla-*  
*ta est:* ubi non audiendi sunt, qui jam delent,  
 aut transponendum putant: eandem enim κακο-  
 φωνίαν multis jam comprobavimus ad Acad. II. 2.  
 Igitur etiam πλεονάζει post ergo, de Nat. Deor.  
 lib. III. c. 17. *Quid igitur? ne ceteri quidem erga*  
*Dii, quorum &c.?* ubi doct. Walkerus volebat,  
*Igitur ne ceteri quidem Dii, quorum &c.?* sed ita  
 Lactantius & alibi passim, & Epit. cap. XLIX.  
*Si ergo Judæi à Deo rejecli sunt, -- nulla igitur alia*  
*spes homini proposita est.* His confer, quæ jam plura  
 collegimus ad hæcce verba Acad. I. c. 13. *Tunc,*  
*Varro, Tuæ sunt nunc partes, inquit, qui ab anti-*  
*quorum ratione nunc desciscis.* Quibus adde quoque,  
 quæ ab lib. II. c. 27. *Sed de Physicis mox, .. na*  
*tu -- videre mentitus. Sed ut ad &c.*

## CAPUT XI.

*Cicero in libro secundo de Nat. Deorum bis defenditur. Geminatio ejusdem verbi minus grata illustratur. Cæsaris locus tentatur. Tria Ciceronis & Paterculi loca defenduntur. Adspiratio utrumque spirandi actum notat. Cicero de recta hominis figura loquens ex Lactantio illuminatur, Davissique lectio confirmatur; qua occasione rectum quoque animum non minus, quam erectum posse dici, in defensionem Plinii, probatur; Lactantiique loci, in quibus de sublimi hominis natura agitur, unus emendatur, alius illustratur & adstruitur. Communis, id est consociatus.*

**E**odem lib. Tullii secundo de N. Deor. c. LIV. ista de œsophago legimus: *Atque is agitatione & motibus lingue cum depulsum & quasi detrusum cibum accepit, depellit.* Offendebat illud erud. Davissium, quod verbum *depellit* intervallo tam exiguo post illud *depulsum* recurreret; cui orationis inconcinnitati tollendæ sic operam dabat, ut pro *depellit*, rescriberet *deglutit*. Quum vero verbum *deglutire* seculi Tulliani esse haud satis constet, ego rescribere malim, cum **DIVULSUM** & quasi detrusum cibum accepit, *depellit*; vel potius, cum **DEPRESSUM** & quasi detrusum &c. quo sensu verbo *deprimere* usus est Lactant. de Opif. cap. x, 16. ubi de lingua loquens, inter alia dicit: -- *cibos colligit & conglobatos vi sua deprimat & transmittit ad ventrem.* Quin autem cibis, cum jam sit ab œsophago assumptus, recte dicatur *depelli*, non dubitare possumus. sic enim infra cap. seq. *Quemadmodum autem reliquæ cibi depellantur, tum*  
ad-

*adstringentibus se intestinis, tum relaxantibus, baud sane difficile dictu est* vide quoque de Divin. lib. II. cap. 26. Quid si tamen in lectione vulgata nihil omnino moveamus, an repetitio hæc erit intolerabilior, quam ista? *suprà cap. 39. Adde hoc -- speluncarum concavas altitudines, saxorum asperitates, impendentium montium altitudines.* ubi hæc notabat editor cl. "Hujusmodi negligentia viris summis, interdum obrepit, ut hanc ob causam forte non, mutanda sit vulgata lectio. Vide, pergit, quæ, diximus ad Min. Fel. Oct. cap. VIII p. 51. Verba Minucii digna sunt, quæ hîc ponantur. *Templa, inquit, ut busta despiciunt, deos despuunt, -- honores & purpuras despiciunt.* Et revera locorum istiusmodi numerus adeo est ingens, ut mirum videri non debeat, si etiam in loco proposito illud sermonis vitium ipsi Tullio dormitanti debeat, non librario. Acad. lib. I. c. 13. *qui. nihil sciri posse dixerunt; angustos sensus., omnia tenebris circumfusa esse dixerunt.* ubi recte rursus Manucio obviam ibat Davisius. lib. II. cap. 18. *Soletis dicere, cum visa in animis imprimantur, non vos dicere, inter &c.* parum profecto grate sonat illud geminatum dicere. de Finibus lib. V. cap. 27. *dico ea quæ dicat præclare inter se coherere.* Tusc. lib. V. c. 10. *cum ea, quæ supra enumeravi, in malis numerent.* in his quid aures non plane obtusas quodammodo possit offendere, non opus est demonstrare. de N. Deor. II. cap. 58. *nam & virtutes, & vitia cognoscunt: iratum, propitium; letantem, dolentem; fortem, ignavum; audacem timidumque cognoscunt.* ubi, notetur illud iteratum cognoscunt. Cæsar de B. Gal. lib. I. c. 29. *In castris Helvetiorum tabulæ repertæ sunt, literis Græcis confectæ --; quibus in tabulis nominatim ratio confecta erat, qui*  
nu.

*numerus domo exisset eorum, qui arma ferre possent; Et item separatim pueri, senes, mulieresque. legendum illic forsitan, Et item separatim, QUI pueri &c. Sed hoc in transitu. Non absurdum fuerit, si quædam etiam ex auctoribus Græcis, quos ver-  
 favimus, in rem præsentem adducamus. Polyæ-  
 nus lib. III. c. IX, 43. οἱ Λακεδαιμόνιοι τὸ πλῆθος φοβηθέντες, καὶ τὴν φυγὴν τῶν ὀχυρῶν τόπων φοβη-  
 θέντες, ἀμαχίᾳ φεύγοντες ὤχοντο. lib. IV. cap. VII,  
 4. αὐτοὺς δὲ ἐπὶ μιᾷς πλέων, καὶ Νικάνορα προσλαβὼν,  
 ἐπλεῖ πρὸς τὸν λιμένα τῆς Εἰφέου. & cap. VIII, 4. ὁ  
 δὲ τὰς ἡγεμόνας ἐκέλευσεν -- ὕλην ἱκανὴν καῦσαι, τὰ  
 δὲ πυρὰ καίειν, πρώτης μὲν φυλακῆς δαφιλῇ &c.  
 Xenoph. Cyropæd. lib. II. p. 56. C. καὶ τῷ δευ-  
 τέρῳ ἐκέλευσε ταυτὰ τοῦτον παραγγεῖλαι, καὶ διὰ  
 πάντων ὅτω παραδιδόναι ἐκέλευσε. lib. I. p. 35. D.  
 Καὶ σφόδρα μὲν καὶ ἐν τοῖς μυσικοῖς τὰ νέα καὶ ἀνδρῶν  
 εὐδοκιμεῖ, πολὺ δὲ καὶ ἐν τοῖς πολεμικοῖς μᾶλλον τὰ  
 καινὰ μηχανήματα εὐδοκιμεῖ. non accedo Mureto,  
 qui τὸ εὐδοκιμεῖ ex priore loco delendum censuit,  
 quod semel sufficeret. Hæc autem & plura id  
 genus exempla faciunt, ut etiam in sequentibus  
 his locis, quæ aliter ab alio tentantur, vix quid-  
 quam ego mutare ausim. de Fin. lib. I. cap. 14.  
 Et ipsius fortunæ modice ferre docet injurias, Et omnes  
 docet vias &c. ubi de Lambini conjectura editum  
 est, Et omnes monstrat vias. Tusc. IV. cap. 15. ex  
 qua concitantur, quæ sunt... turbidi animorum con-  
 citatique motus. conjiciunt docti, ex qua cooriuntur,  
 vel gignuntur. & cap. 37. Inveteratio autem -- ægrius  
 depellitur, quam perturbatio; citiusque repentinus  
 oculorum tumor sanatur, quam diuturna lippitudo de-  
 pellitur. ultima vox malum pedem huc intulisse  
 videbatur Davisio. Ita quoque immerito, aut ra-  
 tionibus saltem minus certis, sollicitari puto ista  
 Vel-*



Velleji Pat. lib. I. c. 9. *destitutum omni spe coëgit è Macedonia profugere. Quam ille linquens, in insulam Samothraciam profugit.* lib. II. c. 16. *cujus de virtutibus cum alii, tum maxime Q. Hortensius. retulit. Cujus pietati plenam P. R. gratiam retulit.* & cap. 17. *Nec aut Cæsari quidquam ex victoriis suis fuit letius, quam servasse Corvinum, aut majus exemplum hominis grati ac pii, quam Corvinus in Cæsarem fuit. Non aliud bellum cruentius cæde clarissimorum virorum fuit. ubi vexabatur illud fuit; sed componamus ista Tusc. V. c. 1. Quod si ab his inventa & perfecta virtus est, & si præsidii ad beato vivendum in virtute satis est: quis est, qui non &c.?* Lucret lib. I. vs. 361.

*Nam si tantundem 'st in læne glomere, quantum Corporis in plumbo 'st, tantundem pendere par est; Corporis officium est quoniam premere omnia deorsum.*

Seneca de Ira lib. I. cap. 8. -- *difficilis ad salutem recursus est. Quoniam nihil rationis est, ubi semel affectus inductus est, jusque illi aliquod voluntate nostra datum est.*

Cap. LV. *In pulmonibus autem inest raritas quædam. ad hauriendum spiritum aptissima: qui tum se contrahunt adspirantes, tum se in respectu dilatant. Lectio hæc ab ingenio cl. editoris est, qui illam ex diversis codicum scripturis fabricatus est, qui dant tum se spiritu, vel tum in se spiritu, vel tum se in spiritu dilatant. Sed lectio ista parum vel nihil habere videtur, quo palmam præripiat vulgatæ isti, tum in respiratione dilatant; quandoquidem se facillime subauditur ex antecedentibus, licet non dixerit ibi auctor, qui se tum contrahunt adspirantes, sed se postposito, qui tum se c. a. vide quæ diximus*  
ad

ad Acad. lib. II. c. 17. Ut tamen verum fatear; non displicet mihi illa codicum impressorumque aliquorum scriptio, *tum se spiritu dilatant*. Nescio enim, an vox *respiritus* sit forte sequioris tantummodo Latinitatis. *Adspirare* autem posse utrumque spirandi actum denotare, constat inde, quod supra cap. 33. *adspiratione aeris* sustineri dicuntur animantes; quæ quidem *adspiratio* talis est, ut receptionem aeris, ejusdemque vicissim projectionem complectatur. Sic volet Tullius, dum aerem ore naribusque hauriamus, vicissimque emittamus; pulmones sic affici, ut tum se contrahant; tum se aere immisso dilatent.

Cap. LVI. *Qui primum eos humo excitatos, celsos & rectos constituit, ut Deorum cognitionem, cælum intuentes, capere possent.* Bene omnino se habet illud *celsos & rectos*, quod doct. Davisius ex codicibus deprompsit; vulgataque lectioni substituit isti *celsos & rectos*. Duobus Lactantii locis, quos ille in testimonium adduxit, tertium & quartum addam, haud minus insignem atque luculentum. Sic autem non ineleganter loquitur hic auctor de Opif. Dei cap. XIX, 10. *Qui si -- desideriis se carnis addixerit, cadet & premetur ad terram. Si autem, .. statum suum, quem RECTUM recte sortitus est, promte constanterque defenderit, -- vitam merebitur sempiternam.* lib. II. cap. 1, 15. *Parens enim noster ille unus & solus, cum fingeret hominem, id est animal intelligens & rationis capax; eum vero ex humo sublevatum, ad contemplationem sui artificis erexit. . . Ipsi ergo sibi renuntiant, seque hominum nomine abdicant, qui non sursum adspiciunt, sed deorsum. nisi forte id ipsum, quod RECTI sumus, sine causa homini attributum putant. . . Sed nobis proprie datum est, cælum rigidis ac stantibus intueri; ut religionem ibi*  
*quæ-*

*queramus, ut Deum, cujus sedes illa est, quem oculis non possumus, animo contemplemur.. Est autem praviſſimum, cum ratio corporis RECTA ſit, quod eſt temporale; ipſum vero animum, qui eſt æternus, humilem fieri: cum figura & ſtatus nihil aliud ſignificent, niſi mentem hominis eo ſpectare oportere, quo vultum; & animum tam RECTUM eſſe debere, quam corpus, ut id, cui dominari debet, imitetur. Ex quo loco rectum quoque animum dici poſſe conſtat, cum vulgo & non male quidem dicere ſoleamus erectum; quod mihi aurem vellicat, ut emendationem literatiſſimi Waſlei ſupervacuam videri declarem, qua erectos legebat pro rectos, in hiſce Plinii Paneg. cap. XLIV. Amas conſtantiam civium, rectos ac vividos animos non, ut alii, contundis ac deprimis, ſed foves & extollis. Haſ Ennius in Fragm. p. 59. vocat mentes, rectæ quæ ſtare ſolebant: coque modo Horatius lib. IV. oda 9. animum dixit ſecundis temporibus dubiisque rectum. vide quoque J. F. Gron. ad Senecæ epiſt. civ. quò plura ex Seneca, Cicerone, Ammiano aliisque adderem, ſi neceſſe eſſet. Atque hæc quidem de Plinii loco hætenus. Jam quoniam de præſtanti & ſublimiore hominis natura fermo fuit, illud adhuc verbo addamus, eodem pro eadem legendum videri, in hiſ Lactantii de Opif. Dei cap. VIII. 2. -- hunc ad cæli contemplationem rigidum erexit, bipedemque conſtituit, ſcilicet ut eadem ſpectaret, unde illi origo eſt. Epitomes autem cap. LXXI. Non poteſt (homo) eſſe ſolubilis, qui cum Deo & vultu & mente communis eſt: fuit aliquando, ut cum viro quodam erudiſſimo exiſtimarem, ſcripſiſſe Lactantium, cui cum Deo & vultus & mens communis eſt: ſicuti loquitur ille auctor Inſtit. lib. VII. cap. v, 6. & de Opif. Dei cap. VIII, 3. At poſtea me de neceſſitate*

fitate emendationis illius dubitare coëgit similis  
 usus vocis *communis*, Acad. I. I. c. 12.. *opinio*, quæ  
 esset imbecilla, & cum falso incognitoque *communis*;  
 i. e. confociata.

## CAPUT XII.

*In lib. II. Ciceronis de Nat. Deor. quatuor loco in  
 lectione vulgata stabiliuntur. Ambiguitas, qua  
 verbum sit ad nomen remotius referendum, adstrui-  
 tur. Cicero bis vindicatur, una cum loco Curtii  
 ac Paternuli. Encliticum quæ, pro quoque, initio  
 pericoparum. Arte, i. e. dextre, perite. Cice-  
 ronis locus de Divin. tentatur.*

**V**ersemur adhuc paullisper in libro secundo  
 Ciceronis de Nat. Deorum; ubi cap. LVII.  
*Quis vero, inquit; opifex, præter naturam, qua  
 nihil potest esse callidius, tantam sollertiam persequi  
 potuisset in sensibus? Quæ primum oculos membranis  
 tenuissimis vestivit & sepsit: quas primum perlucidas  
 fecit, ut per eas cerni posset; firmas autem, ut con-  
 tinerentur. Elegantior erit; concedo, & concin-  
 nior oratio, si cum Lambino rescribemus, ut con-  
 tinerent, scilicet oculos; nam si continerentur ad-  
 servemus, subaudiri oportebit vox oculi; quod non  
 nisi aliqua cum difficultate fieri potest, quum ver-  
 bum continerentur a subjecto suo (ut loquimur)  
 oculi voce membranæ dirimatur. At sæpenumero  
 fit, ut verbum aliquod aut pronomen cum nomine  
 remotiore sit construendum. Id clare docet illud  
 idque providit, in his quæ sequuntur: Sed lubricos  
 oculos fecit, (natura) & mobiles, ut & declinarent,  
 siquid noceret, & aspectum quo vellent facile conver-  
 terent. Aciesque ipsa, qua cernimus, quæ pupula*

vocatur, ita parva est, ut ea quæ nocere possint, facile vitet. Palpebræque sunt tegmentâ oculorum, (sic enim lego, vel Palpebræ quoque; non Palpebræque, quæ &c. nam parenthesis, quam hîc fingit editor clarissimus, incommodior videtur) mollissimæ tactu, ne læderent aciem, aptissime factæ & ad claudendas pupulas, ne quid incideret; & ad aperiendas: idque providit, (sc. natura) ut identidem fieri posset cum maxima celeritate. Munitæque sunt &c. confer illud compegit & noluit Lactantii de Opif. cap. V, 4. Itaque Cæsar de B. Gal. lib. I. c. 18. Cæsar concilium dimittit, Liscum retinet. Querit ex solo eræ quæ in conventu dixerat. Dixit (Liscus nimirum) liberius atque audacius. Eadem secreto ab aliis quærit (scilicet Cæsar): reperit esse vera. Nepos Epam. cap. 10. Hic uxorem nunquam duxit; in quo cum reprehenderetur... à Pelopida, qui filiam habebat infamem; maleque eum in eo patriæ consulere diceret (Pelopidas), vide, inquit, ne tu pejus consulas, qui &c. Plura And. Bosius ad Pelop. cap. III; 3. Sulp. Severus Hist. Sac. lib. I. c. XVIII, 3. Si quis servum proprium, servamve percusserit; exque eo ictu obierit; reus iudicio fiet. Hyginus Fab. cap. VIII. Antiopam vincitam adduxit in Citheronem: parit geminos, sc. Antiopa. ubi talia larga manu coacervantem vide doct. Munkerum. consule quoque illustr. Glericum, Crit. P. II. S. I. cap. x, 8. & in comm. ad Genes. XXIX. 28. Quæ cum ita sint, parum abest quin etiam loca sequentia sincera esse persuasum habeam. supra cap. 31. - virtus, concordia... dedicatæ sunt. Quæ quæ convenit penes Deos esse negare, cum eorum augusta & sancta simulacra veneremur? ubi doct. Boherius Quas & earum rescribit, ne quis illud eorum ad proximum substantivum Deos referat. Tusc. lib. I. cap. 38.

*Endymion vero -- nescio quando in Latmo obdormiuit, qui est mons Cariae; nondum, opinor, expectectus. ubi varie fluctuant viri docti. Curtius lib. III. c. vi, 2. Nulli promissum ejus placebat, prae-ter ipsum cujus periculo pollicebatur sc. medicus. in quibus non erat, quod verbum pollicebatur παθητικῶς accipien- dum existimaret Raderus. Vell. Paterc. lib. II. cap. 15. arma adversus Romanos cepit (Italia). Quorum ut fortuna atrox, ita causa fuit justissima: petebant enim &c. Quorum refer ad substantivum remotius arma; ut phrasis sit illi similis, ibid. cap. 16. Tam varium atque atrox fortuna Italici belli fuit. Festi- nabat igitur vir eruditissimus, cum pro Quorum, Sociorum reponerat.*

Cap. LVIII. *Omnisque sensus hominum multo an- tecellit sensibus bestiarum. Enclitivum que transi- tionem minus aptum videbatur doct. Walkero, quàm, quod substituendum putabat, quoque. At vero transitus, quem hic facit Tullius, non est talis, quin aliquam habeat connexionem cum an- tecedentibus, quibus sensuum facta descriptio est. Quidquid id est, saepissime sic novam sententiam inchoat particula copulativa; sive ea sit que, sive &, ac, vel atque. Neque exempla hujus rei e lon- ginq̃uo arcessenda sunt: hoc ipso cap. se oggerunt. Tale est illud, Auriumque item est &c. & rursus, Nariumque item est &c. cap. superiore: Aciesque ipsa &c. cap. 52. Multaque alia &c. Tu loca, si tanti est, inspice, & confer quæ jam alibi in antecedentibus de patentissimo copulativorum usu diximus. Sequitur eodem cap. Nariumque item & gustandi & arte tangendi magna judicia sunt. Non video cur contra istam lectionem tot insurrexerint eruditi. Guelmus conjiciebat, & perite tangendi; Manutius ac Lambinus, cum codice uno & altero,*

le-

legebant & *pariter tangendi*; Davisius denique, transpositis vocibus, reficiebat *pariter & tangendi*; quod etiam suadere putabat codicem Med. & Lincoln. in quibus erat, *gustandi arte & tangendi*; Nisi vero hanc codicum istorum lectionem à Tullio esse velimus, vulgata satis esse sincera videtur, si modo illud *arte* sic accipiamus, ut significet *perite, dextre, apte*, ut etiam Belgæ dicimus *met konst*. Ea quidem hujus nominis vis haud inusitata est. sic enim Virgil. Georg. IV. vs. 56. de apibus, --

— *binc arte recentes*  
*Excudunt ceras, & mella tenacia fingunt.*

Æneid. lib. I. vs. 643:

*Arte laboratæ vestes, auroque superbo:*

lib. V. vs. 442:

*Nunc hos, nunc illos aditus, omnemque pererrat*  
*Arte locum, &c.*

& lib. VII. vs. 755.

*Mulcebatque iras, & morsus arte levabat:*

Phædrus lib. II. epil.

*Et arte fîctas animus sentit fabulas.*

ubi lege novum commentarium erudit. Burmanni. Atque hinc forte procedere licet ad emendanda ista Divin. lib. I. cap. 48.

*Hinc Remus auspicio se devovet, atque secundam*  
*Solus avem servans. At Romulus &c.*

Quamvis cl. Davisius ediderit, *Solus avem servat*, non tamen de nihilo est vulgatum illud partici-

pium *servans*; quod eo nos ducit, ut sic Tullius dedisse suspicemur:

— *ARTÈ secundam*

*Solus avem servans.* —

Quam conjecturam probavi etiam aliquando consanguineo meo amicissimo, viro doctissimo & acutissimo, Tib. Hemsterhuis; quo quidem magis confidere licet, non infelicem me in hac divinatione fuisse augurem.

Cap. LIX. *De quo dum disputarem, tuam mihi dari velim, Cotta, eloquentiam.* Enallage temporum quamvis imitanda non sit, non tamen loco est movenda, nec dica, quod fecit cl. editor, librariis scribenda. Sic certe silentio prætermittenda non fuissent ista cap. 1. hujus libri: *Eundem equidem mallem audire Cottam, dum.. veros inducat. pro induceret.* Nec sane tolerabilior est illa permutatio, de Leg. lib. II. c. 19. *ut, ne morte patrisfamilias sacrorum memoria intercideret, iis essent ea adjuncta, ad quos ejusdem morte pecunia venerit. pro venisset.* de Fato c. 20. *Ita quum attulisset nullam causam, q. i. d. e., tamen aliquid sibi dicere videtur, quum &c. malles attulerit, vel dicere videbatur.* Acad. II. c. 32. *Quæ cum exposuisset, adjungit &c. sic quoque de Fin. IV. c. 6. Min. Felix Oct. cap. xxxiv. Et cum ipsum mundum perpetuum Et insolubilem diceret esse fabricatum, addit tamen &c. & cap. 3. ut.. enataret, dum leni impetu labitur; vel.. emergeret, dum assiduo saltu sublevatur. & cap. xx. -- dum gestiunt eorum memorias in statuis detinere, sacra facta sunt, quæ fuerant adsumta solatia.* Lactant. lib. IV. c. 17. *prædixerat fore ut propheta maximus mitteretur à Deo, qui sit supra legem, qui voluntatem Dei ad homines perferat.* vide quo-



quoque de Opif. Dei cap. xi, 4. Nepos Eum. cap. 8. *Utque quam minime fieret ignis in castris, iter, quod habebat, omnes celat.* Auctor de B. Afr. cap. LXXXV. *Ducem aliquem requirunt, quem respicerent.* Plura doct. Jensus Lection. Lucian. lib. I. cap. 4. & Cortius ad Sallust Cat. cap. xxxiv. & xliv. Hisce munimentis quoque se defendere posse loca sequentia videntur. Acad. lib. II. c. 18. *An non videmus hoc usu venire, ut quos nunquam putassemus à nobis internosci posse, eos, consuetudine adhibita, tam facile internosceremus &c.* ubi clar. Davisius, propter seqq. imperfecta, legebat *venisse*, pro *venire*; sed vel illud *venire* si in imperfecto intelligas, quid absurdum? quemadmodum etiam in loco Ciceronis proposito vel omnis sublata erit enallage, si infinitivum *dari* imperfecti significatione accipiamus. Rursum lib. I. Tusc. cap. 7. *sic enim mihi in presentia occurrit, ut appellarem αἰώμα.* ubi idem ille literator cum codice quodam, legebat *appellem.* lib. IV. c. xi. *nam cum esset concupita pecunia, nec adhibita continuo ratio, ... quæ sanaret eam cupiditatem; permanat in venas &c.* ubi legendum conjicit Bentl. *quæ sanet &c.* lib. II. cap. 15. *quæ (arma) quidem ita geruntur apte, ut si usus foret, ... pugnare possint.* ubi idem vir doctus scribit, *si usus ferat.* Eleganter autem eodem sensu *usus esse* dicitur, quod docuit Davisius ad ista Cæf. B. Gal. lib. IV. c. 2. *ad quos se celeriter, quum usus est, recipiunt.*

## CAPUT XIII.

*In lib. II. Cic. de N. Deor. recepta lectia bis terve vindicatur atque emendatur. Percipere pro pertrahere. Relativi qui usus quidam singularis illustratur. Sallustius, Seneca, Felix, & Paterculus defenduntur. Ellipsis pronominis is. Tria Ciceronis loca obiter adseruntur. Reputare & cogitare. Cicero vindicatur.*

**P**erveneramus jam ad cap. 59. libri secundi Cic. de Nat. Deorum, in quo unus & alter locus adhuc occurrit ventilandus. *Primum enim*, inquit Cicero, à pulmonibus arteria usque ad os intimum pertinet; per quam vox, principium à mento ducens, percipitur & funditur. Non video equidem, quomodo hic projiciatur, quam percipiat, aptius videri possit. Vox oritur à mente, deinde per arteriam, à pulmonibus usque ad os intimum pertinentem, percipitur sive pertrahitur, & funditur. Quid dici potuit ordinatius? Verbum autem *percipere* eandem vim habebat supra cap. 56. *Et aures, cum sonum percipere debeant, qui natura sublimis fertur, &c.* ubi tamen docti volebant legi *accipere, excipere, vel rocipere*. Sed eodem modo Lactantius quoque *percipi* ab auribus vocem dicit per cavos sinus, cum de Opif. Dei cap. VIII, 7. sic loquitur; *Nam & forma ipsa mirandum in modum ficta, quod earum foramina voluit esse nuda & inobsepta; quod & minus decorum, & minus utile fuisset, -- nisi perceptam per cavos sinus (vocem) & repercussu retentam foramina ipsa conveberent, &c.* Jam verbi *percipere* vis elegans, nisi ego quidem fallor, in aperto est; ut tam ori, quod vocem per

ar.

arteriam haurit, quàm auribus, quæ eam per sinus suos recipiunt, attribui satis Latine queat Si statuerint viri doctissimi, *percipere* seculo Tulliano nil aliud de notasse, quam intelligere, cognoscere, errasse mihi plane videntur.

Sequitur ibidem: *Deinde in ore sita lingua est, finita dentibus. Ea vocem inmoderate profusam fingit & terminat, quæ sonos vocis distinctos & pressos efficit.* Coniungunt -- *terminat, sonosque vocis &c.* vel *terminat, atque sonos vocis.* Ego, sola distinctione mutata, lego, -- *terminat. Quæ sonos vocis &c.* Sæpe enim fit, ut pronomen relativum sic periodos inchoet, ut demonstrativi pronominis vicem aliquomodo præstare videatur, nexumque cum antecedentibus paulo incommodiorem habeat. Exemplis res certior erit atque clarior. infra lib. III. c. 34. *Atque homo acutus -- in eadem sententia perseverabat. Qui cum ad Peloponnesum classem appulisset &c.* ubi mallet quis, *Hic cum &c.* de Divin. lib. I. c. 33. *Hæc improbantur à Peripateticis, à Stoicis defenduntur. Quorum alia sunt posita in monumentis &c.* ubi eodem jure, quo in loco de N. D. proposito, reponere liceret, -- *defenduntur, atque eorum alia &c.* sed conticuerunt interpretes, & bene meritoque conticuerunt; ut & ibidem cap. 24. *Post triennium ante devorvit se, & in aciem Latinorum irrupit armatus: quo ejus facto superati sunt & deleti Latini. Cujus mors ita gloriosa fuit, &c.* quæ quidem melius hoc modo inter se cohærerent, -- *Latini. Atque hujus mors &c.* vide quoque cap. 17. & cap. 51. de Fato cap. 14. *Itaque premebat alio modo, nec ullam adhibebat calumniam. Cujus erat hæc conclusio &c.* Tusc. lib. II. 18. *Quas hic voces apud Sophoclem in Trachiniis edidit? Cui cum Deianira -- tunicam induisset, &c.* hoc est, *Nam cum ei Deianira &c.* Inspicienda istiusmodi exempla in

contextis sunt, ne nos in describendis verbis nimium prolixi esse cogamur. Talia quoque multa reperiuntur in Corn. Nepote. Sic in Themist. cap. ult. *Hujus ad nostram memoriam monumenta manserunt duo: sepulcrum prope oppidum, in quo est sepultus: statuæ in foro Magnesiæ. De cujus morte multis modis apud plerosque scriptum est, sed &c.* mallet forte quis ex suæ linguæ idiotismo, *De hujus autem morte &c.* in Epam. cap. 7. -- *erat enim ibi privatus numero militis. A quo cum peterent opem &c.* Pari quoque modo Sallustius Catil. cap. 4. *Igitur de Catilinæ conjuratione quam verissime potero, paucis absolvam: nam id facinus inprimis ego memorabile existimo; sceleris atque periculi novitate. De cujus moribus pauca prius explananda sunt, quam initium narrandi faciam.* En tibi locum omnem, ut hac occasione Rivium frustra esse declarem, qui hominis moribus rescribat, ne quis pronomen *cujus* ad proxime superius substantivum referat; quem errorem, quamvis tacite adsumserint Wasseus & Cortius, refellere tamen possunt ista, quæ non hîc tantummodo, sed etiam supra ad cap. 57. collegimus. Caveamus porro, ne de puritate loci illius dubitemus, Senecæ rhetoris Controv. lib. IV. p. 321. *Necessitas magnum humanæ infelicitatis patrociniûm est. Hæc excusat.. Romanos, quos ad servilem dilectum Cannensis ruina compulit. Quæ quicquid coëgit, defendit.* sic enim distinguendum, non uti vulgo, .. *compulit, quæ q. c. d.* Ne anxios de loci integritate reddat animos, quod doct. Schultingius ad h. l. Vellet, inquit, forte quis, *eaque;* sed vulgatum, addit ille, non est temere damnandum. Nos vero, vulgatum non esse ullo modo sollicitandum, adfirmare ausimus. Standum etiam arbitror pro sanitate lectionis illius,

Min.

Min. Fel. Oct. cap. xxxvi. *aves sine patrimonio vivunt, & in dies pecua pascuntur: & hæc nobis tamen nata sunt: quæ omnia si non concupiscimus, possidemus.* ubi Jac. Perizonius multo concinnio- rem sententiam fore dicit, si legas, *qui omnia &c.* Nec minus sana sunt ista Velleii Paterc. lib. I. cap. 1., *factum ejus à Diis comprobatum, spatio vitæ & felicitate imperii apparuit; quippe vixit annis nonaginta, regnavit septuaginta. Qui se etiam à Pyrrho -- vir- tute vindicavit.* ubi Th. Munckerus volebat, -- *se- que etiam à Pyrrho &c.*

Cap. LXIII. *Canum vero tam fida custodia, tam- que amans dominorum adulatio, .. tanta alacritas in venando, quid significat aliud, nisi se ad hominum commoditates esse generatos? Quid ibi ista volunt, -- quid significat aliud, nisi se. esse generatos? An se hic erit pro illos? cujus generis exempla quædam collegit doct. Munckerus ad Hyg. Fab. cap. LX. Ego potius maximam istam duritiem minima mu- tatione sustulerim, expungenda vocula se post con- junctionem nisi; ex cujus ultima syllaba, dormi- tante scribâ, facillime prognasci illud se, Cicero- nique obtrudi potuit. Sic dicet auctor, per ista canum admiranda declarari, esse eos ad hominum commoditates generatos. Scilicet subaudiendum relinquitur pronomen eos, quam ellipsin nemo ignorat esse vulgarem; ut plura illius exempla proferre non opus sit, quam fecimus ad Tusc. lib. I. c. 36. facturique sumus ad Divin. lib. I. cap. 17. Hic tantum loca quædam apponam, in quibus habeo, quod eruditorum conatibus subscribere vix ausim. Acad. lib. I. c. 12. *Sed quia nihil, quod cadere in eam (comprehensionem) posset, relin- queret, quoddque natura quasi normam scientiæ & prin- cipium sui dedisset, unde &c.* ubi tentant, quodque*

*eam natura, vel quamque natura &c. de Leg. lib. I. c. 8. ut ea -- non fortuito nata videantur, nec solum ea -- sed etiam pecudes; quod perspicuum sit, partim esse ad usum hominum -- procreatas scil. eas pecudes. ubi cl. editor legendum ducit, quas perspicuum sit, &c. item lib. III. cap. 8. At mehercule ego, frater, quæro de ista potestate (tribunorum plebis) quid sentias. Nam mihi quidem pestifera videtur, quippe quæ in seditione & ad seditionem nata sit. Cujus primum ortum si recordari velimus, inter arma civium -- procreatum videmus. legebat idem vir doctus, -- velimus, tribunatum inter arma civium -- procreatum videmus. ego potius levissimo brachio reposuerim, -- velimus, inter arma civium -- procreatam videmus, scil. illam potestatem. nisi forte sit schema ad rem significatam, quo ita loquatur Tullius, tanquam si suprâ non potestatem tribunorum, sed masculini generis vocem tribunatus nominasset. de quo schemate diximus jam ad hujus de N. D. libri cap. 36.*

Cap. LXV. *Multa cernunt baruspices; multa augures prævident; -- quibus cognitis, multæ sæpe res hominum sententia atque utilitate partæ, multa etiam pericula depulsa sunt. Et hic quoque locus maximam injuriam a librariis scriptoribus passus est: quis enim nobis Oedipus sensum aliquomodo idoneum ex his exsculpat, multæ sæpe res hominum sententia atque utilitate partæ? Lambinus igitur conjecturâ audaculâ recepit, multæ sæpe res ex animi sententia atque utilitates partæ. Davisius legebat, multæ sæpe res horum scientia atque utilitates partæ, vel omnia ista hominum sententia atque utilitate, tanquam ex marginali notâ conflata, tollebat. Cum vero hi viri industriam nostram, ad genuinam loci lectionem perscrutandam, suo exemplo excitent,*  
nil

nil vetat, quominus aliquid in symbolam conferre, àque loco prorsus male affecto gratiam quandam inire conemur. Ista autem mihi incidit suspicio, scripssisse nostrum auctorem, *multæ sæpe res hominum SOLERTIA AC SEDULITATE partæ*. Per haruspicinam, auguria, &c. monstrari vult Balbus hominibus, quæ res, quibusque modis captandæ sint aut fugiendæ; eisque significationibus divinis hominum accedentem sagacitatem atque diligentiam perfecisse, ut res multæ partæ, multaque mala ac pericula depulsa fuerint.

Eodem cap. mox sequitur: *Hæc igitur siue vis, siue ars, siue natura, ad scientiam rerum futurarum homini profecto est, nec ab alio alicui quàm à Dīs immortalibus data*. Codices quidam habent, *nec alicui quàm à Dīs i. d.* absque illo *ab alio*; quæ quidem, lectio nos ad eam conjecturam ducit, ut à Tullii manu fuisse opinemur, *nec ALIUNDE quàm à Dīs immortalibus data*. h. e. ab alia quapiam natura. Constructionem ita concipias, -- *homini profecto data est, nec aliunde quàm a Dīs immortalibus*, data scil. Vult Balbus probare providentiam divinam; eumque in finem, hominem scientiam rerum futurarum sortitum, nec aliunde, quàm à Deo, nactum esse ponit.

Cap. sequente: *Tu autem, Cotta, -- eandem causam agas, teque & principem civem putes, & pontificem esse cogites*. Sunt codices, qui illud *putes* omittant. Sed quamvis verbum illud, sensu omnino sano atque integro, solum vertere possit, orationisque exitum nulli bono remoretur; delectatur tamen Tullius istiusmodi pleonasmis, ut jam fusius probatum dedimus, supra ad cap. 45. Si itaque nihil mutemus, *putes* erit hic idem, quod

*reputes* : ut etiam loquitur Maro lib. VI. *Æn.* vs. 331.

*Multa putans, sortemque animo miseratus iniquam.*

ad quem locum Servius : *Putans, reputans, cum animo pertractans.* Alioquin, mutatione non ita difficili, *civem REPUTES* substituere poterimus; quemadmodum *reputare* & *cogitare* junguntur quoque in or. pro Deiot. cap. 13. *Hæc ille reputans, & dies & noctes cogitans* &c. ubi elegantia Patricii, legentis & *dies ac noctes* vel & *dies noctesque*, est nimia.

## CAPUT XIV.

*Transitus fit ad lib. III. Cic. de Nat. Deor. In quo Tullius aliquoties defenditur & illustratur: bis commendatur. Pleonasmus pronominis. Cicero obiter vindicatur. Locutio Nescis quomodo, intendit orationem. Asyndeton periodorum. Cicero bis vindicatur. Lactantius corrigitur. Phrases quid simile? & quid simile habet? illustrantur. Quare, i. e. ac propterea. Subjunctivus & infinitivus cum relativo constructi. Cicero, Curtius & Livius defenduntur. Min. Felix tentatur & adjuvatur. Delectari, moveri, fidem dare.*

**P**erlustrato jam secundo Tullii de Nat. Deor. libro, accingamur ad percurrendum tertium. cap. I. *Cum autem suo cuique iudicio sit utendum, difficile factu est, me id sentire, quod tu velis.* Elegantius hoc modo scripturus fuisse videri potest Cicero, *difficile mihi factu est, vel solummodo difficile mihi est, id sentire, quod tu velis.* Ego accu-



cusativum istum *me*, ne forte novandi libidinem in quopiam excitet, exemplo uno & altero illustrabo. sic supra lib. II. cap. 6. *Esse autem hominem, qui nihil in omni mundo melius esse quam se putet, desipientis arrogantiae est.* quis neget multo concinnius hæc ita exprimi potuisse: *In homine autem desipientis arrogantiae est, nihil in omni mundo melius quam se putare?* Tusc. lib. I. c. 3. *Sed mandare quemquam literis cogitationes suas, qui eas nec disponere nec illustrare possit -- hominis est intemperanter abutentis & otio & literis.* accuratior esset dictio ista, *sed mandare literis cogitationes, si eas... possis, hominis est* &c. Atque hinc etiam vix quicquam tentem in his, de Fin. lib. III. c. 3. *Vide ne magis, inquam, tuum fuerit, cum re idem tibi quod mihi videretur, non novo te rebus nomina imponere.* ex quibus Lambinus illud *te* eximebat.

Sequitur eod. cap. lib. III. de N. D. *Hic Vellejus, nescis, inquit, qua cum expectatione, Cotta, sim te auditurus.* Contra istam lectionem omnem lapidem movebat cl. Boherius, legendumque censebat, negativo injecto, *non nescis.* Sed emendationis illius necessitas, signo interrogationis adhibito, facillime anteverti posse videtur. Ego vero, in lectione vulgata, ne ista quidem mutatione opus esse existimo; quippe cujus sensus, hoc quidem in loco neutiquam absurdus, huc fere recidit, ut dicat Vellejus, se Cottam incredibili cum expectatione auditurum. Quale est illud Pamphili, in Terent. And. IV. sc. 1. *Ab nescis, quantis in malis verser miser!*

Cap. II. *Cumque omnis populi Romani religio in sacra & in auspicia divisa sit, tertium adjunctum sit, siquid &c.* Hic codicis regii auctoritate non ~~ita~~ moveor, ut copulam post *illa divisa sit*, infer-

rendam existimem; quamvis sic mollior, nostris quidem auribus, evadat oratio. Multus est certe Tullius in istiusmodi asyndetis. supra lib. II. c. 63. *Canum vero tam fida custodia, tamque amans &c. tanta alacritus in venando &c. cap. 5. multo magis in tantis motionibus, tantisque vicissitudinibus, tam m. r. a. t. ordinibus &c. Tusc. lib. I. c. 47. Cum enim illam ad solemne & statum sacrificium curru vehi jus esset satis longe ab oppido ad fanum. . tunc juvenes bi, quos modo nominavi, veste posita, corpora oleo perunxerunt, ad jugum accesserunt: ita sacerdos ad-vecta in fanum. de Fin. lib. V. c. 10. Velut qui ipsi sibi bellum indixissent, cruciari dies ac noctes, torqueri vellent. Imitatur hoc pro more suo Lactantius lib. I. c. xi, 45. Deinde Jupiter, postquam imperia divisit, reliquitque hominibus leges; mores frumentaue (legendum auguror, mores INSTRUMENTAQUE) paravit; multaque alia bona fecit, -- in Creta vitam permutavit. Non licebit hæc & plura talia silentio præterire, siquid in loco Tullii proposito, aut in his sequentibus mutatum volueris. supra lib. I. c. 20. -- qui gubernet, qui cursus astrorum, mutationes temporum -- conservet; terras & maria contemplans, hominum commoda vitasque tueatur &c. quæ rursus copulativa conjunctione explet editor cl. infra lib. III. cap. 15. *Leucotheam* -- cuncta (habet) *Græcia*; *Herculem*, *Æsculapium* *Tyndaridas*. ubi tentant -- item *Herculem*, vel *Herculem* etiam, &c.*

Cap. VI. *At medici quoque (ita enim dicebas) sæpe falluntur. Quid simile medicina? cujus ego rationem video, & divinatio, quæ unde oriatur non intelligo. Legerim ego potius, secundum ms. rogiū, Quid simile habet medicina? quemadmodum heic etiam legere gestiit Boherius; quàm ut verbum*

bum *habet* subaudiendum esse censeam, quod Davissii iudicium erat. Lectio autem codicis potest adstrui ex Acad. lib. II. c. 5. *Sed neque Saturninus -- simile quicquam habuit veterum illorum.* de Divin. lib. II. cap. 20. *quid simile habet passer annis?* Fam. lib. IX. ep. 21. *Quid enim simile habet epistola aut iudicio aut concioni?* vide quoque Sen. epist. VIII. IX. LXXX. & alibi. Hæc cum pro codicis illius lectione militare videantur, non tamen vulgatam deferendam puto. Verum in eo dissentio ab editore doctissimo, ut verbo substantivo *est*, non autem *τῷ habet* supplendum esse arbitrer ellipsin istam. Quamvis enim nonnullis in locis commodissime subaudiatur verbum *habendi*, ea tamen loci hujus ratio atque natura est, ut multo simplicius illius supplementum futurum sit, si verbum *est*, cujus ellipsis passim occurrit, in hoc loco ab auctore suppressum intelligamus. Illud additur infra cap. 38. *Non animadvertunt, inquit, omnia De, ne reges quidem. Quid simile est? Reges enim &c.* eodemque modo dicitur, *Quid est magnum?* Acad. I. c. 2. *Quid est mirandum?* Sen. epist. XCV. & plura talia. Omittitur autem idem verbum ad Fam. lib. VII. ep. 23. *Bacchas istas cum Musis Metelli comparas. Quid simile? primum &c.*

Cap. VII. *Quæque in domo pulchra cum pulchritudine mundi comparabas, & cum totius mundi convenientiam consensumque adferebas, Zenonisque breves & acutulas conclusiones; in eam partem sermonis, quam modo dixi, differemus.* Delenda videtur copula &, quam iniecisse videtur imprudentia librarii, expectantis iterum ablativum post voculam *cum*, tamquam ea hoc in loco non conjunctio, sed præpositio esset. Jam video locum, vitii satis superque manifestum, hoc modo emendasse Walkerum,  
ut

ut legeret, *Et quam totius mundi convenientiam &c.* quam tamen correctionem cur meæ anteponerem; nondum video. Sequitur, -- *omniaque quæ à te nudius tertius dicta sunt, cum docere velles Deos esse, quare Et mundus universus, Et sol, Et luna, Et stellæ sensum ac mentem haberent, in idem tempus reservabo.* Verba ista duo *Deos esse* pro supposititiis habenda, censebat crud. Davisius, quod sensum non minus quam syntaxin turbare ipsi viderentur. Habet omnino constructio quiddam duriusculum, sed tamen haud scio an illud tanti sit, ut aures linguæ Latinæ idiotismis, styloque Ciceroniano aduertas offendere debeat. Quid enim? si verba, *cum docere velles Deos esse, quare &c.* hoc modo explanemus, ut si hæc dixisset Cicero, *cum velles probare esse Deos, ac proinde diceres mundum universum &c. sensum mentemque habere;* sensus quidem hic non erit turbidus, neque constructio tam impedita, ut non similibus exemplis, quæ intacta ab intt. dimissa sunt, adferri atque illustrari possit. Docuerat nempe Balbus, esse Deos; idque ut elucidaret, solem, lunam, & talia plura, quorumcunque vim insignem & illustrem faciem videremus, Deos esse contenderat. ut constet ex l. II. c. 17. extr. Atque hoc ipsum vulgata lectione diserte exprimitur, si quid ego video. *Quare -- haberent,* hoc est, *ob eamque causam -- habere;* quæ istiusmodi fere est construendi ratio, quæ usus est noster cum alibi passim, tum quoque supra lib. I. cap. 38. *Hoc idem fieri in Deo, cujus crebra facie pellantur animi, ex quo esse beati intelligantur.* i. e. ejusque c. f. pelli animos, atque ex eo beatos esse intelligi. Acad. lib. I. c. 8. *e quibus -- effectum esse mundum; extra quem nulla pars materiæ sit.* & cap. 12. *Et si ita erant*

erat comprehensum --, scientiam; sin aliter, inscientiam nominabat: ex qua existeret (h. e. existere dicebat) etiam opinio, quæ esset imbecilla, & cum falso incognitoque communis. lib. II. c. 31. quare ita placere, tale visum nullum esse. i. e. ideoque ita placere. ad Fam. lib. V. ep. 16. ut ea non dicam, quæ sæpissime & legi & audiui, nihil mali esse in morte; in qua si sensus resideat, immortalitas illa potius, quàm mors ducenda sit; sin sit amissus, nulla videri miseria debeat, quæ non sentiatur, &c. quod idem sic etiam exprimi potuit -- atque in ea si sensus resideat, immortalitatem illam potius, quàm mortem ducendam esse; sin sit amissus, nullam videri miseriam debere, quæ non sentiatur. de Fin. lib. IV. c. 7. Ad hanc rem aiunt artes quoque requisitas, quæ naturam adjuvarent: in quibus ea numeretur inprimis, quæ &c. id est, in iisque numerari inprimis &c. ubi Lambinus, absque causa fontica, legebat numeratur. Curtius lib. VI. c. xi, 33. Festinasse ergo se, dum præmium haberet in manibus, representare consilium; cujus patrem fuisse auctorem nisi crederent, tormenta quamquam tolerare non posset, tamen non recusaret. Schefferus volebat recusare; sed subjunctivus non videtur sollicitandus, quamvis etiam J. F. Gronovius Obs. lib. II. c. 14. eodem plane modo ex subjunctivo fecerit infinitivum, in his Livii lib. XXII. c. 44. Multos annos jam inter Romanos Nolanumque populum amicitiam esse, cujus neutros ad eam diem pœniteret. ubi vir insignis scriptis illis parendum putabat, qui dant pœnitere; quod tamen necesse non esse, declarant exempla, quæ jam nunc attulimus, quæ usum infinitivi ac subjunctivi in huiusmodi orationis casibus promiscuum fuisse satis dilucide, siquid mihi cernere liceat, evincunt. Addamus Corn. Nepot. Epam.

cap. 7. *Cum eum cives præficere exercitui noluissent, duxque esset electus belli imperitus, cujus (id est, ac illius) errore eo esset deducta illa multitudo militum, ut &c., desiderari cæpta est Epaminondæ diligentia.* Lactantius lib. II. c. 1, 4. -- *cujus vim conditionemque non aliter posse contineri.* Neque ab hacce forma alieni fuerunt Græci. Xenoph. Mem. lib. I. p. 709. -- ὦν ἂν δὲν δῆλον εἶναι τοῖς ἀνθρώποις. Ælian. V. Hist. lib. XII. c. 35. -- ὦν εἶναι δὲ τὴν κυμαίαν. Diod. Sic. lib. I. c. 27. -- ἀφ' ἧς τὴν χώραν Ἐσπερίτιν ὀνομασθῆναι. Diog. Laert. Proem. §. 1. -- ὃν ἀρξαι φιλοσοφίας, ἧς τὰς προεσώτας ἱερέας εἶναι καὶ προφῆτας. & lib. II. §. XI. ὃν καὶ πρῶτον σπουδάσαι τῷ ποιητῇ περὶ τὴν φυσικὴν πραγμάτειαν. vertitur -- *quem in iis etiam, quæ ad naturæ historiam pertinent, constat Poetæ fuisse inprimis studiosum.* melius forte sic redderetur: *quem etiam primum ad poetæ historiam naturalem studium suum adjecisse: ut περὶ non cum genitivo antecedente, sed cum accusativo construat.*

Cap. IX. *Istum enim locum totum illa vetus Zenonis brevis -- conclusio dilatavit.* Verbum postremum mendosum visum fuit doctis, qui coarctavit, declaravit, dilucidavit, aut tale quid reponendum judicarunt. Ego illud dilatavit hunc in modum interpretor, sic expressit, ut dilatationis satis amplæ vicem præstiterit. Conclusio Zenonis loci illius, de quo hîc loquitur Cotta, partes omnes sic continebat, ut totum illum locum quasi patefaceret ac panderet. Sequitur: *Nil igitur adfert pater iste Stoicorum, quare mundum ratione uti putemus, nec cur animantem quidem esse.* Malunt duumviri cll. *ne cur animantem quidem esse.* Quibus ego vix possum facere ut adstipuler, quoniam una lectio non minus commoda est, quam altera. De vi & usu

usu tū nec quidem lege Tursellinum. In fine capituli ista leguntur: *Sed non omnia, Balbe, quæ cursus certos & constantes habent, ea Deo potius tribuenda sunt, quàm naturæ.* Editiones vetustiores dabant -- *habent vel servant*, cum Camerarius illud *vel servant* a libris Venetis abesse viciens, ex alicujus dubitatione in textum irrepsisse judicabat. Testatur tamen Davisius in suis omnibus exhiberi, quamvis ne sic quidem non in eandem cum Camerario pedibus eat sententiam. Quæ quidem sententia illustrari potest exemplis, quæ Steph. Baluzius suggessit ad ista Salviani de Gub. Dei lib. VI. p. 117. *Cumque etiam pupillis, prodigis vel prodigiosis soleat subvenire paupertas.* ubi illud *vel prodigiosis* non immerito malæ manui acceptum referebat ille vir doctus. Quid vero? si conjunctionem discretivam *vel*, in copulativam *que* vel *ac* mutemus; an erit in loco Tullii quidquam, quod merito reprehendas? Certe *servare cursum certum & constantem* amplius aliquid dicit, quàm *habere*. Et licet idem satis expresse dici solo *habendi* verbo queat, est tamen istiusmodi pleonasmus Tullio, aliisque auctoribus probatissimis admodum familiaris, ut jam antea probavimus ad lib. I. c. 43. Atque eodem modo conjunctiones *aut*, *ac* & *atque* à librariis permisceri solere, testis est clar. Cortius ad Salust. Jug. 82. Idem forsitan statuendum de loco Minucii Fel. Octav. cap. xx. -- *non nos debet antiquitas imperitorum, fabellis suis delectata vel capta, ad errorem mutui rapere consensus.* legendum fortasse *delectata & capta*: ut Cæcina ad Cic. Fam. VI. ep. 7. extr. conjunxit *gaudere & capi*. Tu, inquit, pro tua prudentia, quibus rebus gaudeat, quibus capiat *Cæsar* tenes. Cl. tamen Davisius id *delectata vel*, eliminari ideo volebat, quod hîc de fabularum

suavitate agendi non esset locus. Scilicet haud reputabat vir ille, Latinarum quamvis elegantiarum pulchre callens, *fabulis* per se minus gratis aut jucundis, *delectari* tamen eum eleganter dici, cui talia libenter audire sit, ut loquitur Minucius, quique ea credulis auribus arripiat. Cic. de Divin. lib. II. c. 55. *Num igitur me cogis etiam fabulis credere? quæ delectationis habeant quantum volēs, -- auctoritatem quidem nullam debemus nec fidem commentitiis rebus adjungere. Quæ delectationis &c. h. e. quibus quantumcunque moveantur homines improvidi. Sic quoque de Nat. Deor. III. c. 24. Salvian. de G. D. lib. I. init. etiam paganorum forsitan electorum atque sapientium testimoniis delectantur: i. e. capiuntur ac permoventur. Lactant. lib. I. c. VII, 7. Nihil est, in quo nobis faciant invidiam, qui unum Deum dicamus, multos negemus. Si eos multitudo delectat, &c. i. e. si illi ad multos statuendos propensi sunt.*

## CAPUT XV.

*Vulgata lectio Ciceronis in III. de N. Deor. quinques defenditur. Quidem pro etiam. Ut in protasi quandoque omittitur. Cicero obiter bis vindicatur. Relativi sine copula repetitio. Tria Ciceronis loca in transitu adferuntur. Novatianus tentatur. Enallage verbi simplicis fugere, & compositi refugere. Cicero bis defenditur. Casuum ad prius orationis membrum accommodatio notabilis. Cicero ter vindicatur Florus quoque, Justinus ac Paterculus vindicantur.*

**A** Pud Tullium lib. III. de Nat. Deorum, cap. 10. sic loquitur Cotta: *Vide, queso, si omnis*



nis motus, omniaque, quæ certis temporibus ordinem suum conservant, divina dicimus; ne tertianas quidem febres & quartanas divinas esse dicendum sit. Lambinus reponebat ne tertianas quoque febres, Muretus ne tertianas item febres; & loci sensum hanc vel illam emendationem flagitare; judicabat editor clarissimus. Sed quidem pro etiam sæpissime in orationis intensiōe adhiberi, quis est qui nesciat? Sic supra cap. 9. *Isto modo etiam disertus & quidem mathematicus erit mundus.* sic millies alibi, ut docetur in Tursell. libello de particulis. Quamobrem omnino recte factum, quod non auditus fuerit Lambinus, cum quidem tolleretur ex his, de Fin. lib. I. c. 20. - *esse quoddam fœdus sapientum, ut ne minus quidem amicos, quàm se ipsos diligant.*

Ibidem: *Et si domus pulchra sit, intelligamus eam dominis, inquit, edificatum, non muribus: sic igitur -- existimare debemus.* Ampl. Boherius legebat *Ut, si &c.* ut haberet conjunctio sic, ad quod commodius referretur. Eodem modo doct. Davisius, qui hîc quidem conticuit, *Ut pro Et legebat in his cap. 31. Et -- prorsus, siqui audierunt, vitiosi essent discessuri, -- tacere præstaret philosophis, quàm iis, qui se audissent, nocere: sic si homines, rationem &c.* Et celeb. Bentleius *Ut enim* substituebat Tusc. lib. IV. c. 13. *Est enim corporis temperatio, cum ea congruunt inter se, e quibus constamus, sanitas: sic animi dicitur, cum ejus judicia opinionesque concordant.* His locis quidquid insit vitii, id omne in prava tantummodo distinctione positum videtur; quæ ita est, ut ego existimo, constituenda, ut conjunctionem sic τελειή ὑποσηγμή ab antecedentibus separemus; quo fiet, ut conjunctio ista haud ita necessario ante se flagitet προτακτικόν

illud ut. Ita quoque de Off. lib. III. c. 10. *Scite Cbrysippus, ut multa: Qui stadium, inquit, currit, eniti & contendere debet.. ut vincat: supplantare - - nullo modo decet. sic in vita sibi quemque petere, quod &c.* suprâ lib. I. cap. 27. *Dicemus ergo idem, quod in Venere Coa: corpus illud non est, sed simile corporis - -: sic in Epicureo Deo non res, sed similitudines rerum esse. Sexcenta licet ejusmodi proferri.*

Cap. XII. *Ut enim si omnis cera commutabilis esset, nihil esset cereum, quod commutari non posset: similiter igitur si omnia, quæ sunt, e quibus cuncta constant, mutabilia sunt; nullum corpus esse potest non mutabile.* Conjunctionem copulativam, quam in his requirunt critici, qui legunt *eque quibus*, vel *& e quibus*, passim in tali, quam hîc videmus, relativi geminatione omittit Cicero. Sic supra cap. 7. *Unus is modus est, de quo satis dixi, qui est susceptus ex præsentione rerum futurarum.* cap. 9. *ne stellæ quidem, quas tu innumerabiles in Deorum numero reponebas, quarum te cursus æquabiles æternique delectabant.* infra cap. 17. *capedunculis, quas Numa nobis reliquit, de quibus.. dicit Lælius.* cap. 24. *.. Pallantis, quæ patrem dicitur interemisse.., cui pinarum talaria affingunt.* lib. I. c. 36. *Tu quod opus tandem magnum & egregium habes, quod effectum divina mente videatur, ex quo esse Deos suspicere? de Divinat lib. I. c. 15. Nam quid ego - - Dejotarum regem commemorem? qui nihil umquam nisi auspicia gerit; qui, quum &c.* lib. II. cap. 44. *Quum enim illi orbes, qui cælum quasi medium dividunt, & adspectum nostrum definiunt; qui à Græcis ὀπίσσωτες nominantur, &c. de Legibus lib. I. c. 20. quippe cum antiqui omnes, quod secundum naturam esset, quo juvaremur in vita, bonum esse decreverint.* Acad. lib. I. c.

I. c. 8. *materiam quandam, ex qua omnia expressa atque efficta sint ; quæ tota omnia accipere possit &c.* vide quoque lib. II. c. 13. Tusc. lib. II. c. 12. & lib. V. c. 25. Lactant. lib. VIII. c. xi. Sen. epist. LXXXII. p. 247. & alibi. Atque hinc etiam lucem capiunt sequentia ista loca. Tusc. lib. V. c. 9. *in eo libro, quem scripsit de vita beata, in quo multa disputat, quamobrem is, qui torqueatur, qui crucietur, beatus esse non possit.* ubi cel. Bentl. legebat, *quod multa disputarit, quamobrem &c.* lib. III. cap. xi. *altera cupiditas, quæ recte vel libido dici potest, quæ est immoderata adpetitio opinati magni boni, rationi non obtemperans.* ubi cl. Davisius ex depravata quadam codicum lectione sic malebat, *altera, quæ est immoderata adpetitio opinati magni boni, rationi non obtemperans, vel cupiditas recte vel libido dici potest.* Acad. lib. II. c. 26. *Sed ab hoc credulo; qui numquam sensus mentiri putat, discedamus: qui ne nunc quidem, cum ille sol, qui &c. idem vir crud, emendabat, Quid? ne nunc quidem?* Novatianus de Reg. Fidei cap. xxviii. *pro perfectis dicit, quæ futura habet, quæ sine dubitatione ventura sunt.* nuperus editor doctissimus volebat, *Et quæ sine d. v. f. posses non minore ratione conjicere, quia sine d. v. f. ut paulo ante: Sæpe enim scriptura divina quæ nondum facta sunt, pro factis adnuntiat, quia sic futura sunt.*

Cap XIII. .. *Et fugit à quibusdam: quod autem refugit, id contra naturam est.* Lambini elegantia prorsus inanis est, qui periodos hoc modo adæquandas putabat, *Et refugit à quibusdam: a quo autem refugit: quemadmodum etiam Tusc. lib. I. c. 23. nec ipsum ab alio renascetur, nec ex se aliud creabit: legebat recreabit.* Recte vero Davisius, qui utriusque huic *παράδοξόν* adsensum negavit;

istiusmodi enim variationibus maxime delectabantur veteres. supra c. 12. *Ut enim, si omnis cera commutabilis esset, nihil esset cereum quod commutari non posset. similiter igitur, si omnia. mutabilia sunt &c.* cur non, uti supra, *commutabilia sunt?* atque hoc ipso cap. 13. *Si igitur voluptatis sensum capit, doloris etiam capit: quod autem dolorem accipit, id accipiat etiam interitum necesse est.* Acad. lib. II. c. 33. *quos quoniam appetitio consequatur; actionem sequi.* de Fin. lib. V. c. 25. *atque ut reliqui fures earum rerum, quas ceperunt, signa commutant: sic illi -- nomina -- mutaverunt.* Lactant. de Ira Dei cap. XII. 6. *ut quia docuimus à Deo factum esse mundum, doceamus quare sit effectus.* Cæsar B. Gal. lib. I. cap. 13. *quum id quod ipsi diebus xx. ægerrime confecerant, ut flumen transirent, illum uno die fecisse intelligerent.* Græce quoque hoc modo Synesius epist. L. τὰς δὲ, καὶ μὴ πλάσαντας, ὅτι συνέπλασαν αὐν: illos autem (aversandos puto), quod licet non finxerint, finxissent tamen. & epist. LII. καὶ μέγα ἰδὲν ἐφ' ἐκάστης ἡμέρας ἀνύειν ἱλπίσσαντες, ἐλάβομεν ἐξηνυκότες ὅσον ἴδει: Εἴ non multum unoquoque die itineris conficere rati, non sensimus nos itineris confecisse quantum oporteret. Polyænus Strat. lib. II. c. 3. §. 8. παρεσκέυαζεν ἄνδρα -- ἀγγέλλοντα· ὁ Τροφῶνιός μοι προσέταξεν ἀπαγγεῖλαι Θηβαίοις. Xenoph. Cyropæd. lib. I. p. 7. Οἱ δ' αὖν παιδευθῶσι παρὰ τοῖς δημοσίοις διδασκάλοις, ἔξουσιν αὐτοῖς ἐν τοῖς ἐφήβοις νεανισκένεσθαι τοῖς δὲ μὴ διαπαιδευθεῖσιν ἕτως καὶ ἔξουσιν. & lib. III. p. 63. Εἰπέ μοι, ἔφη, ὦ Ἀρμένιε, πότερα βάλει αὐτὸ μένων τῷ λιμῷ κατὰ τῇ δίσῃ μάχεσθαι, ἢ εἰς τὸ ἰσόπεδον καταβάς ἡμῖν διαμάχεσθαι; His quoque satis se vindicare videtur ista lectio, de Legibus lib. I. cap. 13. *rebus non commutatis, immutaverunt vocabula.* ubi editor cl. codices sequen-

quendos istos putabat, qui referunt -- *commutaverunt vocabula.*

Cap. XIV. *Qui quoniam quid diceret intelligi noluit, omittamus.* Tentant, *Quem, quoniam q. d. i. n., omittamus*: vel, *Qui, quoniam q. d. i. n., omittatur.* At vulgata lectio satis proba est, Tullioque digna. Primum enim post *omittamus*, subaudiendum *eum*, de qua ellipsi fufius jam egimus ab lib. II. cap. 48. Deinde pronomen relativum *qui*, constructum cum verbo *noluit*, eandem plane formam refert, quæ in fequentibus his locis obtinet. pro Muræna cap. XII. *Prætor interea ne pulchrum se ac beatum putaret., ei quoque carmen compositum est.* dici idem hoc modo potuit; *Interea prætori quoque, ne pulchrum se &c. carmen compositum est*; sed jam nominativus ille *prætor* referendus ad verbum illud *putaret.* Perperam se comma ingessit post *interea*, qua depravatione deceptus Sanctius Min. lib. IV. c. XI. anacoluthon in his sibi cernere visus est, quod nullum quidem inesse ego mihi persuaserim. Pergamus ad alia exempla, quo planius & apertius fiat id quod volumus. Tusc. lib. I. c. 34. *etiamne nobis expedit, qui -- si ante occidissetus, mors nos à malis -- abstraxisset, cur non potius, quos, si &c. mors à malis -- abstraxisset?* & cap. 43. *cui cum Lyfimachus rex crucem minaretur, istis, quæso, inquit, &c. quod idem sic forte quispiam efferre malit: qui, cum ei Lyfimachus &c.* Seneca epist. XCVIII. *Qui licet prudens sit, -- non contingit illi bonum integrum.* pro, *Cui, licet p. s., non contingit bonum integrum.* Lactant. lib. II. cap. v, 13. *quarum quia liberæ sunt voluptates, huc atque illuc vagantur ut libuit.* pro: *quæ, quia earum liberæ &c.* Sallust. Cat. cap. LII, 34. *quibus siquid umquam pensi fuisset, non ea con-*

*filia de repub. habuissent. & cap. XI, 2. huic quia bonæ artes desunt, dolis atque fallaciis contendit. ubi vide doct. Cortium. Cicero Tusc. lib. I. c. 42. mors si esset misera, finis esset nullus potest.. Lambin. & Bentl. reponunt, morti, si &c. sed conjecturâ mihi quidem parum probabili; quemadmodum sincera quoque videntur omnia, in locis sequentibus. Florus lib II. c. XVIII, 14. ab duce orantes prælium, ut tanquam viros occideret, ubi non impetrabant, placuit eruptio. i. e. ubi orantes... non impetrabant, placuit iis eruptio. ubi Salmasius emendabat, ab duce orant prælium. Justinus lib IX. cap. 8. Hic ubi exarsisset, nec dilatio ultionis nec modus erat. ubi Grævius amplectebatur Juntarum lectionem, Huic, ubi &c. Vell. Paternulus lib. II. cap. 115. Et ob ea, quæ si propriis gessisset auspiciis, triumphare debuerat, ornamentis triumphalibus -- donatus est. quem locum alii alio modo emendant, cum tamen eadem illius cum his quæ jam enumeramus natura videatur. Cicero Off. lib. I. cap. 17. Magna etiam illa communitas est, quæ conficitur ex beneficiis ultro citro datis acceptis: quæ Et mutua Et grata dum sunt, inter quos ea sunt, firma devinciuntur societate. ubi Perizonius, applaudente Grævio, tentabat, quæ, Et mutua &c. firma devinciunt societate. Tusc. lib. III. c. 27. Quid? ipsa remissio luctus cum est consecuta; intellectumque est, nihil profici mœrendo; nonne res declarat, totum illud voluntarium? ubi Bentl. legebat, Quid? ipsa remissio luctus, cum est consecuta, ... nonne re declarat &c.? Huc etiam confer, quæ jam antea de hacce anastrophe disputavimus ad ista lib. II. c. 4. Ne ægri quidem quia non omnes convalescunt, idcirco ars nulla medicina est.*

## CAPUT XVI.

*In Ciceronis III. de N. D. quædam loca juxta lectionem editam stabiliuntur. Enallage graduum. Ellipsis vocis Deæ, cum præcessit τὸ Διι. In Deorum numero reponere. Enallage orationis absolutæ & obliquæ. Intelligere & cognoscere nescio quomodo distinguitur à Tullio.*

**C**Ap. XVI, libri Cic, tertii de N. Deor. *plures enim tradunt nobis ii; qui interiores scrutantur & reconditas literas. Observa graduum mutationem, Tullio haud inauditam. de Fin lib. V. c. 5. Hujus Lyco est oratione locuples, rebus ipsis junior. Fam. lib. XI. ep. 21. Siquid erit occultius, & (ut scribis) reconditum, meorum &c. Tusc. lib. IV. c. 31. atque ut in malis opinatis, tolerabilia: sic in bonis sedatiora sunt efficienda, quæ magna & letabilia dicuntur. ubi non ausim cum Bentl. facere, ut tolerabiliora reponam. de N. Deor. lib. II. c. 6. -- mentem, & eam quidem acriorem & divinam. lib. I. c. 21. de re obscura atque difficillima. ubi vide clar. Davisium, uti & ad ista Acad. lib. II. c. 41. hæc nostra, ut exigua & minima contemnimus.*

**Cap. XVIII.** *Quid? Aristæus, -- Apollinis filius: Theseus Neptuni: reliqui, quorum patres Di; non erunt in Deorum numero. Quid? quorum matres? opinor etiam magis. Cl. Davisius ex mss. regio & Cantab. adjicit vocem Deæ, post matres. Sed cum codices illi vulgatam lectionem passim sine causa deferant, suspecta mihi est ista variatio; quamvis orationem, si verum fateri velimus, exhibeat leniorem. Ista forsitan cujuspiam religio*

gio fuit, ut in Tullio non ferret ellipsin istiusmodi, quæ non, nisi aliqua cum difficultate, ex antecedentibus suppleri posset. Sed an est lenior illa vocis *Deam* omisio in his infra cap. 20. *Solem Deum esse, Lunamque, quorum alterum &c.* & rursus ibidem: *Tum si est Ceres à gerendo (ita enim dicebas) terra ipsa Dea est, & ita habetur: quæ est enim alia Tellus? sin terra, mare etiam, quem Neptunum esse dicebas: ergo & flumina & fontes, scil. Di sunt.* Atque ita patrum nomine matres, filiorum filias, fratrum sorores contineri, bene probavit dilig. Munkerus ad Hygin. Fab. CLIX. Neque ellipsis multum durior videtur, quam illa, de Fin. lib. V. cap. 23. *& quæ -- stuprum voluntaria morte lueret, inventa est, & qui interficeret filiam, ne stupraretur, scil. inventus est.*

Cap. XIX. *Boves igitur & equos &c. in Deorum numero reponemus.* Audiamus in h.l. Davisium. „ Reg. inquit, Med. Ascens. Victor. & Bonon. „ 1494. *in Deorum numerum reponemus*, ac ita „ scripsit Cicero. De huiusmodi loquutionibus „ multa multi. vide G. J. Vossium de Constr. cap. „ LXV. & Th. Munkerum ad Hygini Fab. XLI. Hactenus vir doctus. Videntur autem plane *assata* hæc, & quæ ille commentatus est ad ista lib. I. cap. 12. *imagines earumque circuitus in Deorum numero refert.* “ Ms. reg. à secunda manu, inquit, repræsentat *in Deorum numerum refert*, ac ita reponit Dio. Lambinus. Sed lectio vulgata, pergit, manum medicam non postulat. „ Hyginus Fab. CLXXVII. *Post eam Jovis in stellarum numero retulit.* Vide, sis, etiam quæ „ notavit Th. Munkerus ad Fab. XCII. „ Rursus idem V. C. talia adnotavit ad hæc ejusdem libri cap. 44. *Vos autem quid mali datis, cum in im-*  
be-



*becillitatem gratificationem & benivolentiam ponitis?* ubi cum jam Lambinus in *imbecillitate* reposuerat, istam emendationem adsumens Davisius ablativum in ipsum contextum recepit, & hanc notulam subjecit “ *Vulg. imbecillitatem.* Ego vero in-  
 „ signem Lambini emendationem lubens sum am-  
 „ plexus: nam Gruterus de ea, quia carpere non  
 „ potuit, ne verbum quidem fecit, & veterem  
 „ lectionem, quæ absurda prorsus est & barbara,  
 „ retinuit. „ Hæc mihi nullo modo conciliari  
 posse videntur cum adnotatione viri cl. in locum, quem jam præ manibus habemus; nisi illa fortè eo valeat, ut duas priores retractet atque tollat. Mihi tamen hic placet ablativus *numero.* sic enim infra cap. 20. *Cur autem Arci species non in Deorum numero reponatur?* supra cap. 9. *quas tu innumerabiles in Deorum numero reponebas.* lib. I. c. 31. *aut solem, aut mundum, aut mentem aliquam sempiternam in Deorum natura ponere.* lib. II. c. 21. *Quæ cum in sideribus inesse videamus, non possumus ea ipsa non in Deorum numero reponere.* atque ita passim innumeris in locis, cum vix uspiam alio modo.

Eodem cap. *Atque in plerisque civitatibus intelligi potest, augendæ virtutis gratia; quo libentius reipublicæ causa periculum adiret optimus quisque, viro- rum fortium memoriam honore Deorum immortalium consecratam.* Hunc locum respiciens, sic scripsit Lactantius lib. I. cap. 15. *quod Cicero -- docet, dicens: Suscepit &c. Et alio loco: Atque adeo in plerisque civitatibus intelligi potest, acuendæ virtutis gratia, aut quo libentius reipublicæ causa periculum adiret &c.* Cl Davisius primum in his verbis Lactantii eradit conjunctionem *aut;* ac deinde ex eodem loco colligit, Tullium *acuendæ virtutis gratia* scripsisse, non *augendæ.* Sed quoniam Lactantius pas-

passim sine causa abludit a verbis auctorum, quos laudat, uti vel illud ipsum *adeo* in hoc ipsius loco testatur, quod Cicero plane omisit, qui etiam, clar. editorem si audire velimus, non *Atque*, sed *Atqui* scriptum dedit; hinc patet, si tam Ciceronis quam Lactantii lectio per se sit istiusmodi, ut proba cum Latinitate sensum idoneum exserat, leviusculam discrepantiam non satis esse causæ, cur unum auctorem ex altero refingere velis. Quemadmodum autem participium illud *augendæ* non habet, cur sollicitetur, nisi propter solam Tullii cum Lactantio discrepantiam: sic idem plane est de conjunctione *autem*, quam de suo adjecit Lactantius, sentiendum. Nam conjunctio *autem* non semper disjungit aut discernit, sed sæpiissime inservit talibus explanationibus, qualis hîc usu venit apud Lactantium, ad amplificanda ista antecedentia *acuendæ virtutis gratia*; quam vim etiam copulativum *Et* præstare, jam antea vidimus. Et *augere* apud Ciceronem eleganter dicitur idem, quod ornare, remunerare, honestare; qualem hujus verbi significationem cum in locis bene multis, tum maxime in illo cernere licet, de clar. Orat. ubi illud opponit τῷ *adfligere* his verbis: *quod judicaret hoc oratoris esse maxime proprium, rem augere posse laudando, vituperando rursus adfligere*. Fusioris hujus verbi illustrationis gratiam nobis fecit literatissimus Cortius ad Sallust. Jug. cap. 86.

Cap. XXII. *Soles ipsi quam multi à theologis proferuntur! -- Volcani item complures: primus Cælo natus, ex quo Et Minerva Apollinem eum, cujus in tutela Athenas antiqui historici esse voluerunt. Verba ista, ex quo Et Minerva Apollinem eum, haud recte hîc construi visa sunt editori eruditissimo, qui Ciceronem arbitrabatur scripsisse, ex quo Et Minerva*  
*Apol-*

*Apollinum is, cujus &c.* Videndum tamen an lectio, quam reprobavit vir ille, conservari possit, si verbum *volunt, dicunt* aut tale quid subaudiamus, quod omissum eadem plane ellipsi sit, qua noster usus est infra cap. XXI. *Principio Joves tres numerantur; ex quibus primum & secundum natos in Arcadia; alterum patre Æthere, ex quo etiam Proserpinam natam ferunt & Liberum.* similiter quoque de Divin. lib. I c. 26. *Exin cuidam rustico Romano dormienti visus est venire qui diceret, præsulem sibi non placuisse; idque ab eodem jussu esse eum senatui nuntiare: illum non esse ausum: iterum &c.* & lib. II. cap. 32. *At paullo post audita vox est monentis, ut providerent ne à Gallis Roma caperetur: ex eo Ajo loquenti aram in nova via consecratam.* in quibus locis similis ellipsis, similisque orationis directæ in obliquam processus est. Et illam ἐναλλαγήν quod attinet, qua oratio directæ cum obliqua permutatur, ista sane Tullio tam trita fuit, quam quæ tritissima. sic supra lib. II. c. 49. -- *Grues cum l. c. p. m. t., trianguli efficere formam: ejus autem summo angulo aer ab iis adversus pellitur: deinde &c.* vide quoque, quæ jam dixi ad lib. IV. Tusc. c. 19.

Cap. XXIV. *Quare autem in his vis Deorum insit, tum intelligam, cum cognovero.* Per vim Deorum intelligit auctor, quam ex hodierna Latinitate essentiam Deorum diceret; quod, quamvis in scriptis veterum vulgarissimum sit, non tamen se menti oggessit doctissimi Walkeri, qui legebat *Quæ autem in his &c.* Idem porro vir nec probare se declarat, nec intelligere ista, *tum intelligam, cum cognovero.* Si tamen ego reputo, millies à Tullio discriminari talia, quæ plerumque ut æquipollentia permisceat; non video, quamobrem verba *intelligere & cognoscere* in hoc loco non ita distingueremus, ut *cognoscere* sit nunc primum discere sive mente accipere, *intelligere*

gere autem jam perspicere ac tenere quæ accepta sint. Ita vult Cotta, se rem illam tum intellecturum, si quis eam recte doceret & probaret.

## CAPUT XVII.

*Ellipsis voculae magis vel potius, constructionis quædam σύγκρισις una & altera, prosopopœia vocis oratio, & ellipsis verbi facere in Cic. III. de Nat. Deor. adstruuntur & illustrantur. Quædam loca Lactantii & Min. Felicis tentantur & defenduntur. Homines Romani. Xenophon vindicatur. Dividere de dissectione violenta dicitur. Alter, pro alteruter. Ellipsis duriuscule supplenda ἀπο κενῶ. Infinitivus notandus. Metonymia, qua spiritus permutantur cum hominibus, quibus insint. Una vox eleganter dativi & ablativi vim præstat. Ellipsis vocis homines.*

**C**Ap. XXV. libri tertii de Nat. Deorum, sic scribit Cicero: *Itaque aliunde mihi querendum, ut & esse Deos, & quales sint, discere possim, quàm quales tu eos esse vis.* Locum non intellexerunt eruditissimi Angli, qui aut delenda ista, *quàm quales tu eos esse vis*, aut ad supplendam sententiam quædam deesse existimabant. At forsitan hoc modo explicandus est, ut ante illa *quàm quales tu eos esse vis*, subaudiatur vox *potius*. Illius voculae ellipsis est certe celebris & vulgaris, cujus quidem exempla multi multa collegerunt. Adi modo Parei Lex. Plaut. v. Ellipsis, Vechneri Hell. lib. I. p. 80. Perizon. ad Sanct. lib. IV. c. 7. Lamb. Bos ellip. v. μᾶλλον; nec non ipsum Davisium ad Fin. lib. V. c. 30. ad Min. Fel. Octav. cap. v. & ad Lactantii Epit. cap. 2. adde quoque indicem in Tacitum, v. *quàm*. Quibus etiam componere lice-

licebit verba Lactantii lib. II. cap. VII. *Quare oportet -- sibi quemque consulere, -- quam credentem alienis erroribus decipi.* de Opif. Dei cap. 3. init. *Queruntur, hominem nimis imbecillum & fragilem nasci, quam cetera animalia nascuntur.* i. e. supra quam cetera animalia nascuntur. Librum illum Lactantii elegantem dum memorem, duo in eo loca hinc obiter tentabo. Cap. V. -- *in homine autem manus, quæ non ad ambulandum, sed ad faciendum temperandumque sunt natæ.* Pro temperandumque dant cōdices quidam operandumque. Mihi autem placeret, siquid libri haberent **TENENDUMQUE**; quod, cum characteribus minus claris expressum esset, librario videri potuit per compendium scripturæ referre illud *temperandum*, quod supposuit. Emendatio mea tollit verbum, loco minus congruum, & fundatur etiam hisce ejusdem lib. cap. x, 24. *Quid dicam de manibus &c.? Illud vero ad usum miris modis habile, quod unus (digitus) a ceteris separatus, cum ipsa manu oritur, .. qui -- omnem TENENDI FACIENDIQUE rationem vel solus, vel præcipue possidet, tamquam rector omnium atque moderator.* Alter locus mendo conspurcatus existat cap. ix, 2. *Itaque quoniam mens, ut supra dictum est, oculis tanquam fenestris utitur, non tantum hoc ebriis aut insanis accidit, sed etiam sanis ac sobriis.* Nam si aliquid nimis propius admoveas, duplex videbitur. legendum mihi persuadeo, Nam si aliquid nimis **PROPE IIS** (sc. oculis) admoveas. Sed hæc velut in transitu.

Cap. XXVII. *Videturne summa improbitate usus non sine summa esse ratione?* Ordinem verborum sic constituebat cl. Walkerus, ut sensus eorum apertior evaderet, -- *usus esse non sine summa ratione?* At innumeris in locis sic, aliqua cum sensus ob-

scuratione, syntaxis confunditur. Tusc. lib. III. c. 15. quem dicitur Xantippe prædicare solita in viro suo fuisse Socrate. Plura ejus generis collegimus jam supra ad lib. II. cap. 24.

Cap. XXXII. *Dies deficiat, si velim numerare, quibus bonis male evenerit; nec minus, si commemorem, quibus improbis optime.* Huc applicabo locum quemdam Minucii Felicis, ut hac illum occasione emendem, & ad alia quædam elegantissimi auctoris loca perlustranda deveniam. Apud illum autem cap. v. sic inter alia, quibus providentiam impugnat, loquitur Cæcilius: *In naufragiis bonorum malorumque fata mixta, merita confusa.: cum belli ardore sævitur, meliores potius occumbere. In pace etiam non tantum æquatur nequitia melioribus, sed & colitur; ut in pluribus nescias, utrum sit eorum detestanda pravitas, an optanda felicitas.* Fulv. Ursinus edidit *sed attollitur*, non *sed & colitur*, alii autem *sed & attollitur*. Has tamen conjecturas, juxta cum exemplaris lectione, haud probabat clar. Davisius, quod barbarum esse oporteret, qui dixerit, *nequitia non tantum æquatur, sed & colitur* (vel *attollitur*) *melioribus*; cui defectui sic medicinam faciebat, ut legeret -- *sed præponitur*. Ad scrupulum, quem movebat vir cl., illud dicam, non opus esse, ut in his *sed & colitur*, ex antecedentibus repetatur dativus antecedens *melioribus*; quod totam illam rationem, quam ille emendationi suæ substernit, enervat atque tollit. Sufficere omnino videtur mutatio multo minor, qua equidem legendum puto, *sed ITA colitur*, sc. nequitia, *ut in pluribus* &c. Hic mihi manum injiciunt alia nonnulla ejusdem Minucii loca, quæ obiter expendam. Eodem cap. talia exstant verba Cæcili: *.. ne non tam ex nostris disputationibus nata sententia, quam*

ex tuis sensibus prolata videatur. Dum sic loquens  
 tem Cæcilium facit Minucius, imitatur Tullium  
 Paradoxa I. Vereor ne cui vestram ex Stoicorum ho-  
 minum disputationibus, non ex meo sensu deprompta  
 hæc videatur oratio. Cap. x. Cujas (Dei Judæorum)  
 adeo nulla vis nec potestas est, ut sit Romanis namini-  
 bus cum sua sibi natione captivus. Legendum puto,  
 ut etiam veteres editiones præ se ferunt, Romanis  
**HOMINIBUS** cum sua &c. cui etiam lectioni fa-  
 vent exemplaria, quæ Romanis nominibus referunt.  
 Hoc sane cum res ipsa suadere videatur, tum quæ  
 que confirmant aliquomodo verba ista cap. xxxiiii.  
 Ita prius eos (Judæos) deseruisse deprehendes, quam  
 esse desertos; nec ut impie loqueris; tum Deo suo esse  
 captos; sed à Deo, ut disciplinæ transfugas deditos;  
 quibus autem? Romanis, non numinibus, sed  
 hominibus. In errorem inductus fuisse librarius  
 videtur; quod Minucio parum dignam haberet  
 dictionem Romanis hominibus; quæ tamén auctoria-  
 bus optimis satis usitata est. Cæsar de B. Gall. lib.  
 I. cap. 31. propterea quod Harudam millia hominum  
 XXIV. ad eum venissent. ubi vide Dion. Vossium,  
 uti & Davis. ad M. Fel. c. viii. Pariter quo-  
 que Græce Joan. Malalas Chron. lib. IX. p. 285.  
 καὶ ἐποίησαν εὐθέως ἄρχοντα, ὃν ἐβελήθη, ἐν τῇ Βιβυ-  
 νίᾳ, ἐκ τῶν ἰδίων αὐτοῦ ἀνθρώπων. & lib. XVI. p. 122.  
 καὶ ὤρμησαν εἰς τὸ πέραν, κατὰ Βιταλιανὴν καὶ τῶν ἀν-  
 θρώπων αὐτοῦ. Xenoph. I. Cyropæd. p. 18. Β. ὡς δὲ  
 εἶδεν πολλὰς ἀνθρώπους τῶν Ἀσσυρίων συντεταγμένους,  
 &c. ubi frustra, ut passim alibi, est H. Stephanus,  
 quæ ἀνθρώπους supervacuum & spurium putabat.  
 Cap. xi. Quid? quod toto orbi, & ipsi mundo cum  
 sideribus suis minantur incendium, ruinam moliantur?  
 quasi naturæ -- ordo turbetur, aut rupto elementorum

*omnium fœdere, & cœlesti compage divisâ; moles ista, qua continetur & cingitur, subruatur. Emendant, qua continemur & cingimur, vel quæ continetur & cingitur. Ego putem nil tentandum, dummodo in his continetur & cingitur, ex antecedentibus tecum repetas totus orbus & ipse mundus; quæ quamvis paulo longius ab his verbis absint, posse tamen huc revocari, ex iis planum est, quæ suprâ dedimus ad Cic. de N. Deor. lib. II. c. 57. Quod autem cl. Burmannus ad Val. Flaccum lib. I. p. 139. ex *compage divisâ*, emendat *compage divulsa*; non video, quo fundamento nitatur illa conjectura, nisi quod verbum *dividendi* imbecillius huic viro visum fuerit, ad violentiam, quam innuat auctor, divulsionem significandam. Haud minorem tamen vim exserit, ut mihi quidem videtur, illud verbum in his Virgilio *Æneid.* lib. II.*

*Dividimus muros, & moenia pandimus urbis.*

& rursus libro nono :

*Sic ait, & sublatum alte consurgit in ensen;  
Et mediam ferro gemina inter tempora frontem  
Dividit, impubesque immani vulnere malas.*

Ita Horatius aliique. Cap. XIII. *quæ sunt dubia, ut sunt relinquenda sunt: nec tot ac tantis viris deliberantibus, temere & audaciter in alteram partem ferenda sententia est. Tentabat erud. Anglus, in alterutram partem. Sed eandem quoque notionem habet vox illa, quam corrigit. supra cap. v. initio: -- ut libram teneas æquissimi judicis, nec in alteram partem propensus incumbas, ne &c. Cicero Acad. lib. II. c. 43. Non potest igitur uterque sapiens esse,*  
quo-



quoniam tanto opere dissentiunt, sed alter. i. e. alteruter. sic Lactant. de Opif. Dei cap. xii, 10. & alii, ut jam docuit Freinshemius in Ind. Justinii, Faber in Thes. ac Tursell. de Partic. cap. xviii. *Quid nascendi ratio? quid cupido generandi? nonne à Deo data est? Et ut ubera, partu maturesciente lactescant, Et ut tener fœtus ubertate lactei roris adolescat?* Vir laudatus legebat *data sunt*, quod verba alioquin minus cohærere arbitrabatur. Sed haud commodiora sunt ista Ciceronis Tusc. lib. V. c. 4. *Sed ab antiqua philosophia usque ad Socratem -- numeri motusque tractabantur; Et unde omnia orirentur, quove recederent*, scil. tractabatur. ad Fam. l. ep. 3. *Commendo tibi ejus omnia negotia, -- in primisque ut -- eum ita tractes*, sc. rogo. Tacitus Annal. lib. I. c. 15. *Sed decreta pecunia ex ærario, utque per circum triumphali veste uteretur*, sc. decretum. ubi consule J. F. Gronovium. Cap. eodem: *Audio vulgus, cum ad cœlum manum tendunt, nihil aliud quam Deum dicunt*. Hæret & languet constructio. Legendum forsitan, *IDEO vulgus, vel RUDE vulgus, cum &c.* Cap. xxvi. *Illis adspirantibus Et infudentibus præstigias edunt, vel quæ non sunt, videri, vel quæ sunt, non videri*. Duriuscula viris doctis videbatur loquendi ratio, qui verbum faciunt, aut tale quid excidisse putabant, vel ita transponebant, -- *per demonas edunt*. *Illis adspirantibus Et infudentibus præstigtas, faciunt vel quæ &c.* Non dubium, quin lenior esset cursus orationis, si scripsisset Minucius, *ut vel quæ non sunt, videantur, vel quæ sunt, non videantur*. Sed tamen istiusmodi infinitivorum exempla non desunt. Cicero de Fato cap. 16. *quæ causa in rerum natura continetur, fore ut is in insula Lemno lineretur?* de

Nat. Deor. lib. III. c. 24. *Magnam molestiam suscepit, -- commenticiarum fabularum reddere rationem.* &c. atqui ita alibi. Cap. xxvii. *Hi sunt & furentes, quos in publicum videtis excurrere, vates & ipsi absque templo.* Supra de dæmonibus loquebatur auctor. „ Non voluit, inquit Davisius, Minucius ipsos „ dæmonas significare, sed homines à tetris istis „ spiritibus obsessos vexatosque. Fortasse legendum, *Hinc sunt & furentes.* Hactenus ille. At sæpe fit, ut auctores permisceant dæmonas cum hominibus aut substantiis, quibus dæmones insint. D. Marcus Evang. cap. iii. vs. 11. Καὶ τὰ πνεύματα τὰ ἀνάθαρτα, ὅταν αὐτὸν ἰθεῶσαι, ΠΡΟΣ-ΕΠΙΠΤΕΝ αὐτῷ, καὶ ἔκραζε λέγοντα, ὅτι &c. ubi vide summum virum H. Grotium. Cap. xxx. *Romani Græcum & Græcam, Gallum & Gallam sacrificiis viventes obruere.* Legit vir cl. ex ms. *sacrificii* sc. causa. At si exempla, quæ tali genitivo elliptico illustrando contulit, bene inspicias, facile nî fallor liquebit, eam esse hujus loci naturam, ut talis genitivus hic nescioquomodo frigeat, non minus quàm si diceres, *Romanos id fecisse propter sacrificium.* Quamobrem legerim ego potius *in sacrificiis*, vel per appositionem *sacrificia*; nam *sacrificia* aliquando victimæ vel res offerendæ dicuntur. sic Lactantius lib. V. c. xix, 30. *mentem ipsam pro sacrificio habet.* Et appositio erit ei similis, qua utitur Virg. lib. X. *Æneid.* vs. 519.

*Quattuor hic juvenes —*

*Viventes rapit, inferias quos immolet umbris.*

Cap. xxxii. *cum omnia cælestia terrenaque -- Deo regnata, plena sint.* Attendant linguæ Latinæ studiosi.

diosi elegantiam, qua eadem vox in uno membro dativi, in altero ablativi casus est. Talia quoque alibi sectatur Minucius. uti cap. xxvi. *onusti & immersi vitiis*. Seneca epist. LIX. *Voluptatibus hoc nomen imposuit, & quod voluit expressit.* & de Ira lib. II. c. 36. *gladiis & pugnare parati & incumbere*. Lactantius de Ira Dei cap. iv, 3. *quid tam dignum, tam proprium Deo, quam providentia?* Cap. xxxv. sic loquitur Octavius: *Et tamen admonentur homines doctissimorum libris & carminibus poetarum illius ignei fluminis*. Casp. Barthius in anim. ad Stat. tomo III. pag. 796. legit, *Et tamen admonentur homines docti saporum libris, & carminibus &c.* quid enim, inquit, aliud sunt libri poetarum, quam eorum *carmina*? Scilicet nomen *doctissimorum* perperam ad substantivum *poetarum* retulit ille vir doctus, ut si legeremus *doctissimorum poetarum libris & carminibus*; quum prior illa vox absolute accipi debeat, & subaudiri substantivum *hominum*, vel *virorum*. Plus sane in hoc loco vidit vir quidam sagacissimus, qui emendabat, *Et tamen admonentur hominum doctissimorum &c.* Nec tamen vel illa mutatio necessaria est, quandoquidem ellipsis illa, quam dixi, satis usitata est. Cicero Acad. lib. II. c. 3. *eaque est -- in judiciis nostris infirmitas, ut non sine causa antiquissimi & doctissimi invenire se posse quod cuperent, diffisi sint.* de Legib. III. c. 5. *& locum istum totum, ut à doctissimis Græciæ questum & disputatum est, explicabo.* de Divin. I. c. 49. *ut doctissimis sapientissimisque placuit.* sic quoque de Fin. I. c. 4. & alibi. Jam tandem ab Minucio Felice redeamus ad Tullium nostrum, ut reliqua libri tertii de Natura Deorum capita percurramus.

Cap. XXXV. *Invita in hoc loco versatur oratio.* Illud vult Cotta, abhorrere se ab illarum rerum commemoratione, propterea quod peccandi licentiam adferrent. Sed doct. Boherius, cui legendum videtur *Invisa in hoc loco versatur oratio*, non rebus, quæ voluntate carent, sed personis tantummodo accommodatam esse vocem *invitus*, objicit. Fallitur omnino vir eximius; cum enim vox *invitus*, passim per *προσωνοποιῖαν* tribuitur rebus inanimis, tum præcipue sic de oratione, tamquam de illo qui habeat, loqui amat Cicero. Sic Tusc. lib. I. cap. 36. *Itaque dubitans, circumspiciens, hæsitans, multa adversa reverens, tamquam in mari immenso nostra vebitur oratio.* & cap. 35. *Sed ita tetra sunt quædam, ut ea fugiat & reformidet oratio.* lib. V. c. 29. *quorum oratio nihil ipsa judicat, sed habetur in omnes partes &c.* infra c. ult. *ut Velleio Cottæ disputatio verior, mihi Balbi ad veritatis similitudinem videretur esse propensior.* supra cap. 2. *orationeque ea, quæ me in perorando hortabatur.* ubi vide Davisium cl.

Cap. XXXVIII. *Hi duo illos oculos oræ maritimæ effoderunt, non iratus alicui, quem omnino irasci posse negatis Deum.* Legebant docti. -- *negatis, Deus*, quod accusativus ipsis solæcam orationem reddere videbatur. Est tamen eadem loquendi ratio, de Leg. lib. III. c. 5. *hæc est enim, quam Scipio laudat in libris, & quam maxime probat temperationem reip.* ubi hanc formam contra Lambinum pluribus adstruit ipse Davisius, quem ibi vide.

Cap. XL. *Quæ cum dixisset, Cotta finem.* Recte factum, quod verbum fecit, quod scripti quidam editique adjecerunt, glossatori tribuerit edi-

TULLIANARUM LIB. II. CAP. XVII. 233

tor cl. At cum ille ellipsios, haud ita sane vulgaris, nullum exemplum attulerit, quo iudicium suum suffulciret; en tibi unum & alterum, quod attendenti quidem mihi obviam factum est. sic enim de Fin. lib. II. cap. 6. *Tum ille, finem, inquit, interrogandi, sc. fac. & rursus lib. V. c. I. Quæ cum dixisset, finem ille.* Et in libros Tullij de Natura Deorum quidem tantum.



THOMÆ WOPKENS  
LECTIONUM  
TULLIANARUM

LIBER TERTIUS,

*Complectens animadversiones  
in Ciceronis libros  
de Divinatione  
ac de Fato.*

CAPUT I.

*Transitus fit ad libros Tullii de Divinatione, in quorum primo lectio vulgata aliquoties adstruitur ac vindicatur. Suidas defenditur. Id nos ut faciamus conceditur; pro, nobis conceditur. Subjunctivus in altero orationis membro stabilitur. Ordo verborum à transpositione viri cl. vindicatur. Perfectum Latinorum pro presenti congruit aoristis Græcorum. Seneca defenditur. Hypallage. Cicero obiter defenditur cum Clemente Alexandriño.*

**V**Enimus jam ad libros Tullii de Divinatione. Horum autem prioris capite primo sic scribit auctor: *Principio Assyrii -- trajectiones motusque stellarum obsecurarunt.* Apposite clar. Davisius his verbis con-

contulit locum Suidæ, in v. Ἀστρονομία; quo teste πρῶτοι βαβυλωνίοι ταύτην ἐφεῦρον διὰ Ζωροάστρου· μεθ' ὃν καὶ Ὁσάνης· οἱ ἐπίεσαν τῇ ὑρανίᾳ κινήσει τὰ περὶ τὰς τικτομένους συμβαίνειν· ἂφ' ἧν Αἰγύπτιοι καὶ Ἕλλη- νες ἐδίδξαντο, καὶ τὰς γενομένους ἀναφέρουσιν εἰς τὴν τῶν ἀστέρων κίνησιν. *Primi Babylonii illam invenerunt per Zoroastrum; post quem etiam Hostanos; qui diligen- ter notarunt, cœlesti motu accidere quæ ad nascentes pertinent. A quibus Ægyptii & Græci acceperunt, qui etiam nascentes in motum siderum referunt. Quod autem in hoc loco observari velim, est verbum ἐπίεσαν; quod ita male habuit virum laudatum, ut verba Suidæ hunc in modum refingeret ac sup- pleret: οἱ ἠΠΙΣΤΑΝΤΟ τῇ ὑρανίᾳ κινήσει τὰ περὶ τὰς τικτομένους συμβαίνειν ΜΕΛΛΟΝΤΑ: qui cognoverunt cœlesti motu, quæ circa nascentes futura essent. Sed non video, quid menti auctoris obstet, si verba reddantur, ut nos modo reddidimus. Hanc sane vim tribuere verbo ἐπίεσημι videtur Pollux lib. IV. segm. 8. cum illud recenset inter γινῶναι, γνωρίσαι, θεωρῆσαι ac similia. At illam extra omnem dubi- tationis aleam posuisse videntur viri doctissimi, Duportus ad Theophr. Charact. pag. 221. & Olearius ad Philostr. vit. Apoll. lib. I. c. 34.*

Cap. III. *Quod illi in aliqua re, invitissimis Stoi- cis, Stoico facere licuit, id nos ut in reliquis facia- mus, à Stoicis non concedetur?* Censuerunt com- mentatores legendum, id nobis, in reliquis &c. at- que huic lectioni codex etiam producitur qui fa- veat. Non tamen in recepta scriptura quidpiam labefactandum arbitror; neque enim hæc forma durior illis est, quas cernere licet in his locis. Tusc. lib. I. c. 38. *Quare licet, etiam mortalem esse animum judicantem æterna moliri.* ubi nemo sano reflexerit judicanti, præsertim si etiam ista addide- rit,

rit, ibid. lib. V. c. 15. *quibus abundantem licet esse miserrimum.* & de Fato cap. 15. *similiterque superiora repetentem regredi infinite licet.* Dicitur autem nos ut, pro ut nos, transpositione maxime vulgari, de qua diximus ad lib. II. de Nat. Deor. cap. 4.

Cap. VI. *multo magis aveo audire de divinatione quid sentias.* Nihil, inquit, equidem novi, nec quod præter ceteros ipse sentiam. “Duas ultimas,” voces, inquit editor eruditissimus, ut mihi quidem videtur, ex superioribus male repetierunt librarii, nam Latinitas postulat *ipse sentio*: Ciceroni vero mos est, hujusmodi verba lectoribus supplenda omittere. At talis ellipsis, quamvis ubique sit obvia, non tamen hic statuatur necesse est, quoniam Ciceroni mos ille, ut verba talia exprimat, non minus est assiduus. ut de Nat. Deor. lib. III. c. 7. *Di utrum sint, nec ne sint, queritur.* ubi plura clar. Davissius, quem vidi. Quod autem Latinitatem flagitare credidit vir laudatus, *quod ipse sentio*, in eo quidem judicio acumen illius solitum, grammaticæque analogiæ gustum perelegantem omnino desidero; flagitat enim Latinitas, flagitat saltem usitator Latino- rum loquendi ratio subjunctivum, non indicativum. Pauca quædam hujus veritatis, de multis aliis, testimonia sufficient. de Finibus lib. I. cap. 8. *nunc dicam de voluptate; nihil scilicet novi, ea tamen, quæ te ipsum probaturum esse confidam.* de Legibus lib. I. cap. 10. *Parvam vero controversiam dicis, ac non eam quæ dirimat omnia.* ad Quint. Fratrem. lib. I. epist. 1. §. 1. *neque enim ejusmodi partem reip- geris, in qua fortuna dominetur, sed in qua plurimum ratio possit & diligentia.* Seneca epist. XIX. *In eam demissus es vitam, quæ nunquam tibi miseria-*

rum



rum terminum ac servitutis ipsa factura sit. sic alibi pluries.

Cap. VII. *Nihil est autem, quod non longinquitas temporum -- adsequi possit.* Juxta codices duos hoc modo leniendam orationem esse judicabat vir cl., ut mutata particulæ negantis sede, legeretur, *quod longinquitas temporum -- adsequi non possit.* Duritie tamen ista, quam sustulit ille, maxime delectatur Cicero. supra cap. 6. *Quæ est autem gens; -- quæ non aut extispicum, .. aut vaticinationum prædictione moveatur?* infra cap. 55. eodemque modo nihil est futurum, *cujus non causas id ipsum efficientes natura contineat.* lib. II. c. 2. ut nullum -- philosophiæ locum esse pateremur, qui non Latinis litteris inlustratus pateret. de Amic. cap. 7. *Quæ.. tam firma civitas est, quæ non odiis -- possit everti?* Nullam igitur injuriam hic Tullii locus a transponente aliquo passus est.

#### Cap. VIII.

*Sæpe etiam pertriste canit de pectore carmen,  
Et matutinis acredula vocibus instat,  
Vocibus instat, & assiduas jacet ore querelas;  
Quum primum gelidos rores aurora remittit.  
Fuscaque nonnunquam cursans per littora cornix  
Demersit caput, & fluctum cervice recepit.*

Jan. Guelmius malebat,

*Demersat caput, & fluctum cervice receptat:*

hac de causa, uti videtur, quod verba, quæ antecedunt, sunt præsentis temporis. Sed Aratum suum, inquit Davisius, Διωνυσ. pag. 210. imitatus est Cicero:

Ἦπν καὶ λακέρυζα παρ' ἡϊόνι πρέχουσα  
 Χείματος ἀρχομένη χέρσῳ ὑπέκυψε κορώνη·  
 Ἦπν καὶ πόταμοιο ΕΒΑΨΑΤΟ μέχρι παρ' ἄκρῃ  
 ὧμυς ἐκ κεφαλῆς.

ubi etiam, si verba cum contextis conferantur, eadem plane præsentis atque aoristi enallage conspicua est. At objecisset forte Guielmus, aoristum Græcorum sæpius consuetudinem denotare, ac respondere præsenti Latinorum; (si nescis, lege erud. Grævium, in Lect. Hesiod. cap. 5.) atque hoc idem de Latinorum præteritis probandum esse, si quis illa *demersit & recepit* jure quodam adservare velit. Hunc scrupulum, in defendendò hoc Ciceronis loco, reliquum nobis fecit Davisius. Ecce autem simile prorsus præteritum, infra cap. 9. *Sed inest in rivis & ranunculis natura quædam significans aliquid &c.*

*Mollipedesque boves spectantes lumina cæli,  
 Naribus humiferum duxere ex aere succum.*

ubi illud *duxere* exprimit aoristum ὠσφρήσαντο, quod apud Aratum præsentis plane vim habet. In scriptis autem Senecæ passim occurrit, ut præteritum, si non vim præsentis exprimat, præsentis saltem locum peridoneum occupet; id quod colubentius quibusdam exemplis comprobaverim; quod hoc idem haud recte reputasse videatur summus Lipsius, cum *usuri sunt*, pro *usi sunt* legendum statueret in his, epist. CVII. *Æquum autem jus est, non quo omnes usi sunt, sed quod omnibus latum est.* Pari autem modo epist. XXIII. *Ceteræ eorum more, quæ fluminibus innatant, non eunt, sed feruntur. Ex quibus alia lenior unda detinuit ac mollius vexit; alia vehementer rapuit; alia proxime ripam,*

*ripam, cursu languescente, deposuit. ubi non dubium, quin locus, quem tenent perfecta ista detinuit, venit, & rapuit, præsentibus temporibus sit accommodatissimus. Rursus epist. LV. Debilitatem nobis indixere delicia: & quod diu noluimus, posse deservimus. & epist. XCIX. Est aliquis & dolendi decor. hic sapienti servandus est: & quemadmodum in ceteris rebus, ita & in lacrimis aliquid sat est. Imprudentium ut gaudia, sic dolores exundavere. id est, exundare solent. de Ira lib. II. cap. 3. Itaque & fortissimus plerumque vir, dum armatur, expalluit, & signo pugnae dato, ferocissimo militi paululum genua tremuerunt: & magno imperatori, antequam inter se acies arietarent, cor exiluit: & oratori eloquentissimo, dum ad dicendum componitur, summa riguerunt. Tu loca oculis ipse usurpabis, si tibi res est tanti, & magis in iis elucescet id quod probare volumus.*

Cap. IX. *Nec hoc quæro, cur hæc arbor una ter floreat, aut cur arandi maturitatem ad signum floris adcommode. Est in his hypallage, quæ quamvis sollicitum habuerit editoris cl. animum, rescribentis cur ad arandi maturitatem signum floris adcommode, mihi tamen de loco movenda non videtur. Non minus sane duræ sunt hypallagæ, quas statuunt viri docti in locis sequentibus. Cæsar B. Gall. lib. IV. c. 25. naves longas, quarum motus ad usum expeditior. Vell. Paterc. lib. II. c. 12. Hac victoria videtur meruisse Marius, ne ejus nati temp. pæniteret, ac bona malis repensasse. Sulp. ad Cic. Fam. IV. ep. 5. quibus sine dolore licitum est mortem cum vita commutare. Corn. Severus in Ætna vs. 55.*

*Armatus flamma removet caligine mundum.*

Statius Thebaid. I. vs. 375.

*Spumantes scopulos erectæ incurrere proræ.*

Silius Ital. lib. I. vs. 84.

— *arcebant lumine templum.*

Hinc etiam præsidium sibi sumere posse videtur locus ille de Legibus lib. II. c. 8. *Certasque fruges, certasque bacas sacerdotes publice libanto: hoc certis sacrificiis ac diebus. Itemque alios ad dies ubertatem lactis sæturæque servant. ubi reponunt, alios dies ad ubertatem &c.* Item Clemens Alex. lib. IV. Strom. p. 569. ὁ τοίνυν τῷ σώματος ἀπὸ τῆς ψυχῆς χωρισμός, ὁ παρ' ὅλον &c. ubi clar. Davisius ad Cic. Divin. pag. 129. emendabat, ὁ τοίνυν τῆς ψυχῆς ἀπὸ τῷ σώματος χωρισμός.

Cap. X. *Quid scammonæ radix ad purgandum, quid aristolochia ad morsus serpentium possit, quæ nomen ex inventore reperit, rem ipsam inventor ex somnio, video; quod satis est: cur possit, nescio.* Codices summo consensu dant, *posse video, quod satis est.* unde tale quid fabricatus est V. C. *Quis f. r. a. p., quis a. a. m. f. possit? quæ -- somnio. Posse video quod satis est; cur possit, nescio.* quod tamen iudicium suum sagacioribus dat trutinandum. Absit quidem illud, ut me talibus annumerem novitius ego in his rebus atque mediocris. Nisi tamen codices illos valere jubere velimus, haud incommo- dius hoc modo legerimus, -- *video. Posse video, quod satis est: cur possit, nescio.* Solennis ea librarium socordia est, ut vocum repetitarum alter- utram prætermittant.

## CAPUT II.

*Vulgata Cic. lectio in lib. I. de Divin. aliquoties contra variationes codd. conatusque eruditorum munitur & confirmatur; semel quoque atque iterum emendatur. Vetus & sacratus aliquando conjunguntur. Ellipsis pron. demonstrativi. Tullius obiter defenditur. Adducor, sensu pręgnante, est adducor ut reat. Cicero cum Tacito vindicatur. Ellipsis incommodior. Maturus, jam imminens. Edere quid voce divina, pro declarare. Cicero bis obiter defenditur.*

**E**odem lib. I. Ciceronis de Divin. cap. 12.

*Et Capitolinis injecit sedibus ignes.*

*Tum species ex ære vetus, generataque Natis  
Concidit —*

Hunc locum quin depravaverint scribæ, dubium esse nequit. Medicinam autem illi non uno modo pararunt interpretes, quorum conatus huc recidunt, ut pro *generataque* legant *generosaque*, vel *gener Attaque*, vel *venerataque*; vel denique *venerandaque*. Liceat etiam mihi aliquid in hanc symbolam conferre; sic enim ego, salva virorum insignium sententia, Tullium nostrum scripssisse puto:

*Tum species ex ære vetus SACRATAQUE Natis  
Concidit.*

Sæpius autem ita concurrunt voces *vetus* & *sacratus*. ut apud Val. Maximum lib. V. c. 4. *Ignoscit vetustissimi foci, — si à vestro sacratissimo templo — progressus fuerit.* Cicero de Leg. lib. II. 7. ut in

*veteribus duodecim sacrisque legibus &c.* Nec mirum, sic ista duo conjungi, quum *vetera & vetusta* sæpe appellentur talia, quæ ob vetustatem suam sunt veneranda.

Cap. XIV. *Similis est haruspicum responsio, omnisque opinabilis divinatio.* Ad hunc locum "vox", penultima, inquit clar. interpres, sensui videtur officere: quum enim medicorum, gubernatorum & imperatorum scientiam opinabilem esse comprobasset, addit similem esse haruspiciam, omnemque divinationem; adeo ut vix dubitem, quin vox opinabilis à mala manu provenerit, & pro glossemate sit habenda. Hactenus V. D. qui mihi parum dextre percepisse videtur, qua in re haruspicum responsio, omnisque opinabilis divinatio, medicorum, gubernatorum & imperatorum arti similis dicatur. Similia illa horum arti esse volebat Cicero, quatenus aliquando ignorantia quædam aut etiam error illorum tractationi subesset, tametsi hoc modo artes esse veræ non desinerent. Intelligebat igitur auctor per *opinabilem* divinationem alterum illud divinationis genus, quod distinxerat ab naturali divinatione, cum sic loqueretur cap. vi. *Duo sunt enim divinandi genera, quorum alterum artis est, alterum naturæ. Quæ est autem gens, aut quæ civitas, quæ non aut extis pecudum, aut monstra aut fulgura interpretantium, aut augurum aut astrologorum, aut sortium, (ea enim fere artis sunt) aut somniorum aut vaticinationum (hæc enim duo naturalia putantur) prædictione moveatur?* Jam vero hîc usque ad cap. 20. in eo est Quintus, ut prioris generis insignia quædam specimina proferat; quorum veritatem ut stabiliat, sic infit initio cap. 14. *At nonnumquam ea, quæ prædicta sunt, minus eveniunt. Quæ tandem*

idem id ars non habet? earum dico artium, quæ conjectura continentur, & sunt opinabiles. Tum verò exempla medicorum ceterorumque illorum adferri; quorum ars tamen non tollatur, etiam si ipsi aliquando hallucinentur. Similis est, inquit, *hæruspicum* &c.

Cap. XVII. Qua re celebrata, cum vicini omnes ad unum de rebus suis referrent. Habet elegantiam hæc lectio, quæ tolletur, si cum viro cl. codicibus obtemperemus istis, qui repræsentant, omnes ad eum de rebus *s. r.* Elegancia, quam dico, consistit in oppositione vocis *omnium* & *unum*; quod modo etiam vis intenditur orationis. Est itidem venustatis aliquid in omissione pronominis demonstrativi, qualem quoque cernere licet in his locis: Acad. lib. I. extremo: qui cum ab eo plurimum dissentiret, unum tamen præter ceteros mirabatur. de Nat. Deor. lib. II. c. 2. cum e præfectura venient -- dixissent: Nepos in Alcib. cap. 7. Nam cum et omnes essent honores decreti, totaque respub. domi belique tradita, ut unius arbitrio gereretur, &c. in Epam. cap. 9. universi in unum impetum fecerunt. Justinus lib. XI. c. 10. Cum legati rectius id eum in Tyro vetere -- facturum dicerent, in deprecantes ejus introitum ita exarsit, ut &c. Cæsar de B. Galli. lib. I. c. 18. concilium dimittit; *Liscum* retinet; quærit ex solo ea, quæ in conventu dixerat. Similem ellipsin agnosco etiam; atque tolero in his de Nat. Deor. lib. II. c. 53. -- an bestiarum? *nihil* probabilius, Deos mutarum & nihil intelligentium causa tantum laborasse. quamvis codex aliquis ibi det *magistorum*, idemque viro doctissimo præplaceat.

Cap. XVIII. Utar igitur, nec adducar, ut reat aut in extis totam Etruriam delirare; aut eandem gentem in fulguribus errare. Codices quidam *Græ-*

teri duas voces, *ut rear*; haud agnoscunt: & mihi quidem illæ attribuendæ videntur largitati liberiorum, qui forte ad loquendi formam haud ita passim obviam, & aliquomodo, si verum fateri velimus, duriores offenderint. Quamvis autem jam monuerint viri summi, iis omisissis, orationem nihilominus esse Latinam; tamen quum rationes illi nullas attulerint, digna res est, quæ paullo certioribus argumentis urgeatur, exemplisque dilucidis illustretur. Hujus igitur formæ en tibi locum istum geminum ac germanum de Leg. lib. II. c. 3. *ut jam videar adduci, hanc quoque, quæ te procreavit, esse patriam tuam.* & ad Att. lib. XI. ep. 16. *Sed ego non adducor, quemquam bonum ullam salutem putare mihi tanti esse.* Potest tamen ea phrasis referri ad *πραχολογίαν* satis vulgarem atque usitatam, qua unum verbum sensu prægnante contineat in se suppressum alterum. Exemplum jam vidimus in his de N. Deor. lib. II. c. 32. *quæ ita dividit omnium quæ sint naturam, (ut dicat) esse corpora, & inane, quæque his accidunt.* & Tusc. lib. IV. c. 12. *ex quo in aliis -- (oritur id quod) iracundia dicitur.* & Acad. II. c. 3. *in utramque partem (disputantes) audiendo.* Et plura mihi talia observata sunt, quæ quamvis nova non sint, inculcari tamen vel ideo merentur, quod immerito aliquando scrupulum injecerint eruditissimis grammaticis. Age pauca quædam ex collectis nostris excutiamus. Acad. lib. II. cap. 21. *Nitamur igitur (illud tenere ac probare), nihil posse percipi.* de Fin. lib. III. c. 12. *pugnare non destitit, in omni hac questione -- non esse rerum -- controversiam, sed nominum.* & de Nat. Deor. lib. I. c. 27. *Illud video pugnare te, species ut quædam sit Deorum, quæ nihil concreti habeat.* quibus locis etiam congruit  
ille



ille Quintil. Declam. CCLI. *Itaque calumnia resistit & impugnat*, (i. e. resistens & impugnans assermat) *justum esse repudium*, quod maritus jure aliquo fecerit. quod exemplum debere me fateor erud. Schultingio, quem vide in Sen. contr. p. 91. Pergamus ad alia. Tusc. lib. IV. c. 37. *Cum multa in conventu vitia conlegisset in eum Zopyrus*. i. e. conlecta memorasset. ubi clar. Davisius volebat, *conlegisset ejus Zopyrus*, vel *conjecisset in eum Zopyrus*; sed vetare illud Musæ videntur. Pariter etiam commisit idem vir doctus in illa verba, de Leg. lib. II. c. 27. *Sed perge cetera*. M. Pergam quidem &c. quum præpositionem *ad* ante vocem *cetera* intruderet; quod quamvis codices quidam & editi agnoscant, alii tamen iidemque optimæ notæ libri nesciunt. Sed lapsus hic illi communis est cum J. F. Gronovio, qui *urgerent* legendum censuit pro *pergerent*, in his Taciti Annal. lib. I. c. 28. *prosperæque cessura quæ pergerent*, s; *fulgor & claritudo Deæ redderetur*. Sed pari modo loquitur Cicero, ad Att. lib. IV. ep. 10. *Perge reliqua. gestio scire ista omnia*. & de clar. Orat. cap. 73. *Sed perge*, Pomponi, de Cæsare, (disserere scil.) *& redde quæ restant*. pro Quintio cap. 24. *neque te ipsum id perseverare potuisse*. Virgilius cecloga V. v. 19.

*Sed tu desine plura puer* —

Plaut. Rud. V. sc. III, 14. Gr. *Propera*. La. *Quid properabo?* Gr. *Reddere argentum mihi*. Plura exempla, si necesse foret, peti possent ex disputatione Sanctii de verbis neutris vel falso ita dictis; ubi sedulus harum rerum scrutator facile intelliget, multas proferri formas, in quibus verba neutra haudquaquam in activa degenerent, quod putabat

literator sui temporis sagacissimus, aut si quodammodo degenerare videantur, omnino tamen explicari per istiusmodi ellipsin debeant, quam nunc luce quâdam exemplorum circumfudimus.

Eodem cap. *æquius esse censuit, se maturam oppetere mortem, quàm P. Africani filiam adolescentem.* Sensem incommodum exsurgere putabat cl. editor, quòd *matura* mors à sene tantum, & non ab adolescente P. Africani filia, dici posset oppeti. Legebat propterea, *se maturum oppetere mortem*, hoc est ætate provectum; eamque lectionem simili plane vocum *maturus* & *adolescens* oppositione eleganter collustrabat. Quod autem vir doctus sic conjicit, quia mortem adolescentis *maturam* dici non posse putat; huic ego rationi duplici via obviam ibo, remque eo adducere conabor, ut locus Tullii mutationem haud requirere videatur. Primo enim necesse non est, ut quando post vocem *adolescentem* ἀπὸ τῆς νεότητος subaudias *mortem oppetere*, subaudias etiam simul epithetum illud *maturam*. Ellipses enim, quæ ex antecedentibus supplendæ sunt, aliquando partem tantummodo membri præcedentis, non totum illud membrum flagitant. Ita jam supra defendimus locum istum, Acad. lib. II. c. 15. *cum animi inaniter moveantur eodem modo rebus iis quæ nullæ sint, ut iis quæ sint*: scil. *moven-  
tur*, non *inaniter moventur*. Addamus locum insignem Tusc. lib. IV. c. 31. *atque ut in malis opinatis, tolerabiliora: sic in bonis, sedatiora sunt efficienda ea, quæ magna & letabilia dicuntur.* Itane vero in malis opinatis, tolerabiliora facienda, quæ magna & letabilia dicantur? Non sane ita ineptiit auctor. Quid ergo? suppleamus antecedentia e sequentibus hoc modo, ut in supplemento nostro omittamus illud & *letabilia*. Jam vero simili modo

do omittamus *tò maturam*, in loco hocce de Divinatione, cum repetimus vicinum illud *oppetere mortem*: ita fundamentum, cui *xploris* viri cl. innititur, erutum erit, siquid ego judico, atque sublatum. Sed & altera via patet, ad basin illam everte-  
 tendam: potest enim omnino *matura* mors dici adolescentis, si vox *matura* ea significatione intelligatur, quā venit apud Plaut. Pseud. I. sc. III, 5. *Mittam hodie huic suo die natali malam rem magnam & maturam*. ubi *tò maturam* explicat in lexico suo Pareus, *quæ imminet*. Cicero infra lib. II, c. 30.

*Edidit hæc Calchas, quæ jam matura videtis.*

h. e. quæ videtis instare, & propinqua esse, ut recte exponit cl. Davisius, secutus Ad. Turnebum Advers. lib. V. c. 19. quem vide. Hoc modo *matura* apud Ciceronem dicitur mors, quæ alterutri, aut Graccho aut uxori jam nunc subeunda esset, cujusque jam tempus sic instaret, ut retardari non posset; quo sensu etiam infantulo, quæ jam impendit, *matura* mors dici potest. Atque ita omnia, quorum jam tempus completum sit illud, quod antegrediatur necesse sit, *matura* appellantur.

#### Cap. XXI.

*Ibi ex oraculo voce divina edidit*

*Apollo, puerum, primus Priamo qui foret*

*Post illa natus, temperaret tollere.*

Haud ita moveor isto codice, qui exhibet *vocem divinam*, ut ex illo refingendam esse lectionem alteram existimem; obnituntur enim cum reliqui omnes, tum optimæ quoque notæ liber, quem meminit Is. Vossius ad Pomp. Melæ lib. I. c. 8.

Et, si verbum *edere* declarandi, prædicendi, monendive significatione intelligas, cui quæso bono majori accusativus *voce divinam*, quam ablativus *voce divina*? Hæc autem illius verbi notio, quam dixi, noli dubitare quin satis communis solennis, quæ sit. Sic enim supra cap. 12.

— *quæ quondam & consule Gotta  
Lydius ediderat Tyrrenæ gentis haruspex.*

lib. II. cap. 30. & 38.

*Prospera Jupiter his dextris fulgoribus edit.*

Ut illic *fulgoribus edere* dicitur, quid vetat quominus alibi *voce divina*, aut *vocibus divinis edere* dicatur? Sic porro Cicero in epist. ad Brut. ep. 2. *Hæc ex oraculo Apollinis Pythii edita tibi puto.* item de Leg. lib. III. c. 20. *apud eosdem (censores) qui magistratu abierint, edant & exponant, quid in magistratu gesserint.* Atque his de causis, temerare mihi potius videtur Bosius, quam emendare lectionem istam Corn. Nepotis in Conono cap. 3. *Sed tu delibera, utrum colloqui malis, an per litteras edere quæ cogitas:* ubi cum codd. quibusdam malebat *agere*, quod tamen haud deterioris commatis alii respuunt. Miror etiam, quomodo & πάλιν Grævius in hæcce, Offic. lib. II. c. 22. *Itaque quod Apollo Pythius oraculo edidit, Spartam -- perituram, id videtur non solum Lacedæmoniis -- prædixisse:* in hæcce, inquam, miror quomodo vir ille summus talia commentari potuerit, ut phrasin *oraculo aut responso edere* Latinam esse negaret, proptereaque sequendos illos codices diceret, qui *oraculum* pro *oraculo* referrent. Mihi quidem tam commode dici posse videtur Apollo quidpiam *edere oraculo*, quam *edi* quidpiam Apollinis *oraculos* quam

quam formam posteriorem habes, de Fato cap. 7. *quamquam id millesimo ante anno Apollinis oraculo editum esset.* & Senecæ epist. XCIV. p. 333. *Qualia sunt illa, aut reddita oraculo, aut similia.* & apud Curtium lib. III. c. 1. *Incolis deinde affirmantibus, editam esse oraculo sortem, Asiae potiturum qui inexplicabile vinculum solvisset.* Idem quoque dicitur declarari oraculo, de Nat. Deor. lib. II. c. 65. *multa oraculis declarantur, multa vaticinationibus, multa somniis, multa portentis.* Quemadmodum autem in his locis nihil habet ablativus, cur rejiciatur aut cum accusativo permutetur: sic quoque omnino retineri posse videtur, in loco isto de Fin. lib. II. cap. 15. *Si enim ad honestatem omnia referantur, neque in ea voluptatem dicant inesse, ait eos inani voce sonare.* ubi legebat erud. Anglus, *inanes voces sonare*, quod Tullius alibi *inanis sonos fundere* nominat. At vero passim sic sine accusativo venit verbum *sonare*, pro sonitum edere, id quod conservandæ receptæ lectioni sufficere arbitror.

## CAPUT III.

*Vulgata Ciceronis lectio in I. de Divin. septies stabilitur, & semel iterumque emendatur. Subjunctivus in altero orationis membro. Ordo verborum observandus. Cicero obiter defenditur. Macrologiæ specimina quædam. Xenophon & Maximus Tyrius vindicantur. Adjunctis tribuitur, quod competit subjectis. Ammiani locus corrigitur. Adferre, memorare. Deinde & deinceps quid differant. Id notabili modo inchoat sententiam. Cicero defenditur. Seneca tentatur. Usus tamen enim notandus.*

Cap. XXIV. ejusdem libri I. de Divin... ei  
secundum quietem visam esse Junonem prædicere,

ne id faceret, minarique si id fecisset, se curaturum ut eum oculum, quo bene videret, amitteret. Subjunctivum videret haud facile in hoc loco damnaverim, licet codex regius & Cantabrigiensis, qui passim conspirant in lectione recepta immerito deserenda, indicativum agnoscant. Geminus enim subjunctivus est in his, quæ mox sequuntur: Itaque ex eo auro, quod exterebratum esset, -- buculam curasse faciendam. & cap. antecedente: Matrem Phalaridis scribit, -- visam esse videre in somnis simulacra Deorum, quæ ipse Phalaris domi consecrasset. Ex his Mercurium e patera, quam dextra manu teneret, sanguinem visum esse fundere; qui reservescere videretur, sic ut tota domus sanguine redundaret. Nihil est in obliqua oratione istiusmodi subjunctivis solennius.

Cap. seq. *Adscendit in Areopagum.* Non video, cur hæc lectio minus adrideat insigni viro, quam illa unius alteriusve libri, in *Arium pagum*. Quamvis enim Græci passim dicant Ἀρειος πάγος, Cicero tamen nusquam non una voce *Areopagus* dicere amat, quantum ego quidem adsequi potis fuerim.

Cap. XXVIII. *Quid hoc somnio dici divinius potest?* Apage istos codices, qui talem verborum ordinem referunt: *Quid h. s. dici potest divinius?* Omnino præfero receptam scripturam, quæ, quamvis dura videatur editori cl., Ciceroni tamen neutiquam indigna existimanda est, cui ista durities, siqua sit, suavissima fuit; sic enim infra cap. 43. *Et in Sibyllæ libris eadem repertæ prædictiones sunt, pro rep. s. p. & lib. II. c. 2. aut admiratus fortunam sum alterius.* & cap. 9. neque illud quidem dici, præsertim à Stoicis nullo modo potest. & cap. 58. *quorum quidem defensio repetita quam longè est!*

est! sic quoque Acad. lib. II. cap. 4. & millies alibi: ut juxta cum loco, quem jam vindicamus, sanus etiam atque sincerus esse videatur alter quidam Tusc. lib. II. c. 12. *nec si in unum locum conlata omnia sint*; licet illic, prælucente codice quodam, *conlata sint omnia*, in editione sua priore maluerit vir cl. Sequitur inferius: *Audiui equidem ex te ipso, sed mihi sæpius noster Sallustius narravit: quum &c. magnamque partem noctis vigilasset, ad lucem denique arte & graviter dormire cœpisse.* Si verbum *dormitare* minus valeat, quod *graviter dormire* inconcinnius dicatur; legi posset *dormire te cœpisse*, cum Lambinus voluerit *dormire cœpisse*. Cum tamen vir ille doctissimus nihil mutandum pensuerit, ego quidem illius sententiæ libentissime accedo, quam huic fundamento innixam esse conicio, (neque enim ipsi illud declarare visum fuit) quod *arte & graviter dormire* hîc sensu prægnante sit dormitando in somnum arctum gravemque incidere. Neque huic explicationi illud obstat, quod sic superfluum futurum sit verbum *cœpisse*; quippe cujus verbi pleonasmus optimo cuique Latino familiarissimus fuit, ut post alios docuit eximius ille philologus, G. Cortius ad Sallust. Cat. cap. VII, 1. Nec sane palato nostro suaviora sunt ista macrologiæ specimina. de Fin. lib. I. c. 10. *cum soluta nobis est eligendi optio.* quis illud eligendi desideraret, si à loco abesset? de Consol. pag. 823. *Orem dignam, in qua non modo homines -- erubescere oporteat!* pro erubescant. Seneca de Clem. I. c. 18. *quod in hominem licere commune jus animantium vetet; πλεονάζει licere.* Addamus sequentia paradigmata ex auctoribus Græcis. Æschines in argum. orat. contra Ctesiph. prope init. τὴ νόμου κελεύοντος μὴ ἔχειναι ὑπεύθυνον ἄρχοντα σεφαιῶν: *quum lex jubeat*

non licere magistratum coronare, rationibus non relatis. Xenophon Cyrop. lib. I. p. 12. D. ἐν τῷ νόμῳ· ἐν ἐκέλευε δεῖν τὸν δικαστὴν τὴν ψήφον τίθεσθαι: *secundum legem igitur jubebat oportere judicem calculum ponere.* & lib. II. p. 49. B. καιρὸς ἐν αὐτῷ ἰδέσκει εἶναι δεῖν ἱμβαλεῖν: *tempus igitur ipsi videbatur esse, ut aggredi oporteret.* ubi H. Stephanus, codicum quorundam fide, legebat -- εἶναι νῦν ἱμβαλεῖν. at geminus est est locus Platonis in Alcib. II. pag. 249. edit. Cantab. Οὐκ ἔν ἀναγκαῖον ἰδέσκει ἡμῖν εἶναι, οἰηθῆναι δεῖν πρῶτον ἡμᾶς εἰδέναι, ἢ τῷ ὄντι εἰδέναι τῆτο, ὃ ἂν προχέριως μέλλωμεν ἢ πράττειν ἢ λέγειν; *An non necessarium nobis videbatur, oportere primum putare nos scire, vel revera scire illud, quod prompte facturi dic- turive simus?* ubi δεῖν, ut vides, eodem modo abundat. Et Syncellus, quum epist. XVI. p. 75. sic loquitur: ἐμὲ δὲ δεῖ χάριν ὀφείλειν αὐτῷ, διότι σοι καταθύμιος εἴμι: nonne & brevius & elegantius dixisset: ἐγὼ δὲ χάριν ὀφείλω αὐτῷ, &c.? At simi- lem usum verbi *debere* eleganter illustrat summus Grævius ad Justinii præfat. His forte etiam com- probari possunt verba Maximi Tyrii Dissert. VI. p. 62. ἡ γὰρ μὲν δεῖν φροντιστέον εἶναι μοι μᾶλλον ἄλλα. ubi erud. Davisius illud δεῖν tollendum, aut cum Heinsio δὲ legendum censebat. Hæc hæctenus ve- lut in transitu.

Cap. XXIX. illa autem (pars animi), in qua feritas quædam sit, -- quum sit inmoderato obstupe- facta potu atque pastu, exsultare eam in somno inmo- derateque jactari. Mavult vir cl. ex codice Eliensi, iumefacta potu &c. At cur non potius obtumefacta? Verbum certe obtumescere reperitur de Senect. cap. 7. Num igitur hunc -- coëgit in suis studiis obtumes- cere senectus? an non in omnibus iis studiorum agitatio vitæ æqualis fuit? quod exemplum eo apposui li- ben-



bentius, quia diligentiae elapsum est lexicographorum, atque etiam Nizolio latuit, penes quem illud verbum plane ἀπαράδεικτον esse video.

Cap. seq. *quod habet inflationem magnam is cibus, tranquillitati mentis, quærenti vera contrariam.* Solet Tullius de qualitatibus rerum loqui, tamquam de rebus ipsis, quarum illæ qualitates sint. Sic in hoc quoque loco *tranquillitati mentis* tribuit, quod proprium est mentis tranquillæ, cum illam tranquillitatem *vera quærere* dicit. Hanc loquendi rationem Ciceroni perfamiliarem fuisse, testantur quæ jam complura illius generis exempla collegimus ad lib. II. Tusc. cap. 25. Et jam observavit doct. Cortius, quem nihil ferme, quod ad genium elegantiamque linguæ Latinæ pertineat, subterfugit, sæpius ex duobus substantivis uni adsignari id, quod magis proprie referatur ad alterum. Vide illum virum ad hæc Ciceronis ad Fam. lib. XV. ep. 2. *indicia manifestarum insidiarum.* i. e. *indicia manifesta insidiarum.* Quæ cum ita sint, vix ausim codicibus & conjecturis illis obedire, quæ *quærentis* legi pro *quærenti* jubent. Quod autem Gellius lib. IV. c. xi. locum sic adfert -- *tranquillitatem mentis quærentibus contrariam*; istam variationem incidisse videtur auctor solo memoriæ vitio, eamque per incuriam, quæ ipsi cum multis aliis auctoribus communis fuit, ut in adferendo loco animus intentus in præcipua illius parte, reliquas haud satis considerate tractaret. Ceterum in loco Ammiani, quem paullo inferius laudat corrigitque clar. Davisius, mendum alia quadam ratione libenter sustulerim. Sic loquitur historicus lib. XIV. c. xi. *Solutus enim corporeis nexibus animus, semper vicens motibus indefessis, & cogitationibus subjectus & curis, quæ mortalium sollicitant*  
men-

mentes, colligit *visa nocturna*, quas *phantasias* nos appellamus. Valesius conjicit legendum, & *cogitationibus abjectis* & *curis*; Davisius autem, & *cogitationibus non subjectis* & *curis*, vel *nec cog. s. e. c.* Quid si, salva summorum hominum sententiâ, rescribamus, & *cogitationibus SUBDUCTUS* & *curis*; nonne ex facillima mutatione loquendi forma resurget elegantissima?

Ibidem: *Divinare autem morientes illo etiam exemplo confirmat Posidonius, quo adfert, Rhodium quendam morientem sex æquales nominasse & dixisse, qui primus eorum, qui secundus, qui deinde deinceps moriturus esset.* Primo observandum duriuscule se habere illud quo adfert. Forsitan rescribendum, quod adfert; *Rhodium quendam* &c. vel potius, qui adfert, *Rhodium quendam* &c. ita enim relativum pronomen sæpissime deflectere à demonstrativo; docuimus ad hæcce Tusc. lib. III. c. 24. *Nec si letur illud potentissimi regis anapestum, qui laudat senem* &c. Et adferre sæpe sine accusativo idem valet, quod dicere, narrare, exponere. infra lib. II. c. 16. *Sed adfers, in tauri extis -- cor non fuisse.* Tusc. lib. III. c. 23. *Hæc enim oratio -- tantummodo adfert, nihil evenisse quod non opinandum fuisset.* & lib. I. c. 29. *In quo igitur loco est? Credo equidem in capite; & cur credam, adferre possum.* Secundo jam loco attendant, quibus hujusmodi res curæ sint, quomodo cum Linguæ ratione, Tulliique elegantia conciliari possint junctæ illæ vocalæ deinde & deinceps, quas nemo ignorat eandem plerumque vim habere. Illud quidem apud virum doctissimum tanti ponderis erat, ut cum Eliensi codice legendum duceret, qui demum deinceps moriturus esset. Ceteri codices, quos adfert ille, dant qui deinde, qui deinceps moriturus esset, vel

vel qui tertius, qui deinceps m. e. At quamvis *deinceps* sæpius idem denotet, quod postea, mox aut simile quid, eoque nomine cum apposita vovula *deinde* prorsus æquipolleat; non tamen desunt loca, in quibus diversum aliquid significet, proptereaque τῷ *deinde*, *postea* aliisque ejusmodi voculis subjici non ita difficulter possit. Scilicet cum *deinde* sit idem quod postea, respondeatque τῷ ἔπειτα Græcorum; *deinceps* proprie relationem habet ad seriem quandam atque successionem, & exprimit id quod Belgico vocabulo *vervolgens*, by *vervolg*, & Græco ἐφεξῆς appellatur. Atque ita fumitur de clar. Orat. cap. 3. *posteaque prosperæ res deinceps multæ consecutæ sunt.* de Leg. lib. III. c. 2. *quod genus imperii primum ad homines justissimos & sapientissimos deferrebat: deinde etiam deinceps posteris prodebat.* Livius lib. II. c. . *Funera deinde duo deinceps collega fratrisque ducit.* Nec suavius sonat, quod *deinde* cum post hæc junxit Lactantius lib. I. cap. XIV, 11. *Posthæc deinde Saturno datam sortem.* cujus generis exempla plura collegit Sanctius in Min. lib. III. exeunte, & Vechnerus Hellen. lib. I. p. 93. quibus etiam haud ægre se vindicat illud *primum* post *principio*, in his de Fin. lib. I. cap. 6. *Principio, inquam, in physicis, quibus maxime gloriatur, primum totus est alienus. Totus ibi relative dicitur, pro fere totus. confer N. Deor. I. c. 26. Hisce jam adde, quæ mox dicemus ad cap. 33. ubi concurrunt eodem modo subito, & ex tempore, quæ sane haud magis inter se discrepant, quàm deinde & deinceps.*

Cap. eodem: *Idque, ut modo dixi, facilius eveniet, appropinquante morte, ut animi futura augurentur.* Haud bene connecti oratio videbatur viro cl., qui emendabat *Itaque, vel Ideoque, ut modo dixi,*

*dixi, facilius evenit; nam evenit erat in omnibus ejus codicibus, non eveniet. Nobis autem complura observata sunt in Cicerone exempla, in quibus pronomen tam demonstrativum, quam relativum duriuscule connectat sententias; dum nescio quomodo involvat id, quod modo dictum sit, ac nihilominus per quamdam ταυτολογίαν explane-  
tur in sequentibus. Ita in hoc loco Idque referen-  
dum ad antecedentia ista, Divinare autem morien-  
tes, & Sed tribus modis censet Deorum appulsu ho-  
mines somniare; quod cum inclusum sit isti pro-  
nomini, additur tamen σαφηνέας ἵεναι, ut ani-  
mi futura augurentur. Huic rei indicio sunt loca  
illa; quæ jam contulimus ad Tusc. lib. I. c. 37.  
& N. Deor. lib. I. c. 15. Pariter quoque lib. II.  
de N. Deor. cap. 38. Quod si hoc idem (respice  
antecedentia) ex æternis tenebris contingeret; ut  
subito lucem adspiceremus; &c. lib. III. cap. 10.  
Idemque si Di non sint, negat esse in omni natura  
homine melius. Id autem putare quemquam hominem;  
nihil homine esse melius, summæ arrogantiae censet  
esse, ubi haud facile subscripserim sententiæ isti;  
quæ illa nihil homine esse melius, glossæmatis dam-  
nat. Plura, quæ talibus locis vindicandis infer-  
viunt, adferemus infra ad lib. II. c. 41. Sed an-  
tequam de tabula tollamus manum, tentabimus  
aliquid in loco Senecæ epist. CVIII. ubi ista le-  
gimus - - cum ambulanti quoque illum ad aliquas  
disputationes evocaremus, non tantum paratum dis-  
centibus; sed obvium. Idem, inquit, & docenti &  
discenti debet esse propositum; ut ille prodesse velit;  
hic proficere. Conjeciebat cel. Lipsius, Id, in-  
quit, & docenti &c. quæ quidem emendatio il-  
lustrari illis potest, quæ hic nunc adnotavimus  
de anticipite relatione pronominis id; quod con-  
tinet*

tinet memoratam jam ad disputandum evocationem, docendique promittitudinem, & explicatur tamen deinde sequentibus verbis, *ut ille prodesse velit, hic proficere*. Sed forte propositum doctoris & discipuli *idem* satis recte dici potest, quum alter ab altero illo, qui ipsi prodesse velit, adjuvari atque doceri cupiat. Sin autem id minus ardeat, possis eodem plane usu pronominis demonstrativi remanente, mutatione quidem leviori, sententiæque non minus eleganti, sic rescribere - *sed obvium*. ID ENIM, inquit, &c. eoque modo scripssisse philosophum mihi admodum verosimile est, quoniam hoc præter alia quoque suadere videtur elegantissimus usus conjunctionis *enim*, in principio orationis, qua quis ad alterius verba sic respondeat, ut illorum causam rationemque directe referat. Sic Cicero, quo neminem harum rerum auctorem atque testem meliorem proferre possumus, de Divin. lib. I. c. 54. - *tum Socrates, non enim parvisti mihi revocanti* &c. de Legib. lib. II. cap. 17. Q. *Equidem ista agnosco* &c. M. *Non enim, Quinte, recte existimamus*. de Nat. Deor. lib. III. c. 40. *Tum Cotta, Ego vero* - *facile me a te vinci posse certo scio*. Quippe, inquit Vellejus, qui etiam somnia putet ad nos mitti à Jove &c. Sed à Seneca ad Tullium revertamur.

## CAPUT IV.

*Vulgata lectio Ciceronis aliquoties stabilitur : semel etiam tentatur. Et aliquando deest, ubi aliis in locis exprimitur : His tribus horis, i. e. proximis. Cæsar ex codd. restituitur. Vita pro hominibus. Dicere, prædicere. Philo Judæus emendatur. Globi nãt ἰζοχὴν globi ignei. Vigilantes animi. Cicero cum Lactantio vindicatur.*

**P**ROgrediamur in libro Tullii primo de Divinatione, cujus quidem cap. xxxiii. sic loquitur auctor : *Quorum alia sunt posita in monumentis & disciplina -- : alia autem subito extempore conjectura explicantur.* Bene omnino abest copula inter subito & extempore, quamvis subito & extempore legendum conjiciat V. C. quod codex Eliensis det subito ut extempore. In copulandis ejusmodi voculis, quæ parum aut nihil inter se distant, milliesque una pro altera adhibetur, conjunctio modo additur, modo omittitur. Ita quod Florus lib. III. c. vi, 7. dixit *semel & in perpetuum*, illud lib. II. c. xii, 2. dicebat *semel in perpetuum*; ad quem locum posteriorem consulas erud. & acutissimum Dukerum. Sic quoque apud Ciceronem nostrum Tusc. lib. IV. c. 15. dicitur *per se, sua sponte*, quod de N. Deor. lib. II. c. xi. est *per se ac sua sponte*. Eodem modo ἀσυνδέτως concurrunt *repente & è vestigio*, lib. I. in Verrem : *Sed repente e vestigio ex homine factus est Verres.* Conferamus ista Min. Felic. Oct. cap. xvi. *Dicam equidem, ut potero, pro viribus.* quò dextre contulit cl. Davisius locum Lucretii lib. IV. in quo parilis pleonasmus & asyndeton obrinet.

*Duri*

*Duritiem penitus saxi sentimus in alto.*

Adde Plauti prol. Menæch. init. *Salutem primam jam à principio propitiam mihi atque vobis, spectatores, nuncio.* Quinctilianus Declam. VIII. 21. *Vix ægre misero licuit mori.* ubi alterum aut *vix* aut *ægre* tollere, quod faciendum judicabat celeb. Burmannus, mihi quidem religio est; nam si displiceat synonymia, voculam *ægre* sic ab antecedente *vix* distinguo, ut exponas, *multo labore id agenti*, quam illius vim ut pluribus comprobem non opus est. Plura vide supra ad cap. 30.

Cap. XXXV. *Itaque tribus his horis concisus exercitus, atque ipse interfectus est.* Pronomen *his* habet venustatem aliquam, ob quam illud non facile extirpaverim, licet a codice regio absit. *Tribus his horis*, id est, tribus horis proximis, & continuis cum illo tempore, de quo sermo est; sive illud tempus subsequutæ fuerint, sive antecesserint; nam ea quoque vis est vocis *proximus*, cui plane respondet potestas hujus pronominis. Sallust. Jugurth. cap. xxxi, 2. *Nam illa quidem piget dicere, his annis xv. quam ludibrio fueritis superbis paucorum.* ubi consulatur doct. Cortius. Phædrus lib. I. fab. 1. *Ante hos sex menses male, ait, dixisti mihi.* ubi vide Schefferum ac Burmannum. Cæsar de B. Gall. lib. III. cap. 17. *Atque his paucis diebus -- senatu suo interfecto, -- portas clauserunt, &c.* & lib. V. c. 25. *Huic Cæsar -- majorum locum restituerat. Tertium jam hunc (i. e. ab hoc tempore) annum regnantem inimici palam -- interfecerunt.* ad quem locum codices multos in curis secundis commemorat cl. Davisius, qui tum ante *interfecerunt* agnoscunt; quæ vocula addita forte a Cæsare, prætermissa autem à scriptore librario, qui quod præ-

cedens hunc ad Tasgetium referret, τὸ eum supervacuum spongio incumbere putabat.

Cap. XXXIX. *Quid enim habet haruspex, cur pulmo incisus -- proferat diem? -- quid astrologus, cur stella Jovis aut Veneris conjuncta cum luna, ad ortus puerorum salutaris sit; Saturni, Martisve contraria? cur autem Deus dormientes nos moneat, vigilantes negligat? quid deinde causæ sit, cur Cassandra furens futura prospiciat, Priamus sapiens hoc idem facere non queat? Cur fiat quidque, queris. Recte omnino, &c. Legit clar. editor, quid deinde causæ est, cur &c.? hæc enim, inquit, à superioribus non pendent. At mihi quidem omnino pendere videntur ab his superioribus, cur autem Deus dormientes &c. ? sed illa male suspenduntur ab iis, quæ antecedunt, a quibus sunt plena distinctione separanda. Itaque in lectione quidem nihil mutandum, sed sublati post verba negligat, & queat, interrogandi notis, hoc modo scribendum -- contraria? Cur autem -- negligat; quid deinde causæ sit, cur -- non queat; cur fiat quidque, queris. Recte omnino &c. Ceterum quum mox sequitur, hac de re communis vita dubitavit; exemplum habemus illustrissimum, unde liquet etiam Ciceronem nomen vita eo sensu usurpassè, quem illi Phædrus & alii tribuerunt, quum sic loquerentur, Prudenti vitam consilio monet. Per vitam nempe intelligebatur ipse homo vel hominum genus, quam etiam Græcæ vocis βίος significationem multis probavit ὁ πᾶν Casaub. ad Athen. lib. XV. c. 5. post eumque eruditissimus Hemsterhuis ad Luciani dialogos selectos. Ex Latinis scriptoribus plura exempla collegit celeb. Burmannus ad Phæd. prol. libri I. qui tamen humani quid patiebatur, quum Ciceronem ejusque æquales*



les ita hanc vocem cepisse vix se putare scriberet. Contrarium enim ἀποδεικτικῶς evincit locus memoratus, uti & plura talia. sic Tusc. lib. I. c. 45. *Sed profecto mors tum æquissimo animo appetitur, cum suis se laudibus vita (i. e. homo) occidens consolari potest.* & lib. III. c. 28. *futurum fuisse, ut omnibus perfectis artibus, omni doctrina hominum vita erudiretur.* vide quoque lib. V. c. 5. & alibi.

Cap. XL. *Et signis admoniti futura dicebant.* Lambinum merito redarguit clar. Davisius, verbum dicere in prædicere & hinc & cap. sequente commutantem. Sed loco unico, à viro doctissimo in testimonium citato, digna sunt, quæ adjungantur, sequentia. de Fato cap. 14. *ne Apollinem quidam futura posse dicere.* Lactantius lib. I. c. xi, 10. *nisi Themis futura dixisset.* & Epit. cap. LXXIII. *Hæc autem à prophetis Et à vatibus futura dicuntur.* Plaut. Pcen. II. sc. 1. *non bona hæuspex dixit.* Silius Ital. lib. XIII. v. 819.

-- venturaque dixit

Regna viro --

ubi plura elegantissimus Drakenborgius.

Cap. XL. *Amphiarum sic honoravit fama Græcia, Deus ut haberetur, atque ut ab ejus solo, in quo est humatus, oracula peterentur.* Codicum monstis nimium tribuisse videntur doctissimi duumviri Gruterus ac Jac. Gronovius, quorum ille tentabat.. *oracula præstarentur*, quod in libro quodam videret, *oracula peterentur vel præberentur*: hic vero legebat *oracula præberentur*, quod Palatinorum quidam referret. Sed ineleganter locutus fuisset Tullius, si Amphiarum sic honoratum fuisse diceret, ut ab eo solo, in quo humatus esset, oracula præstarentur, vel præberentur. Est quo-

que phrasiologia, quam comminiscuntur isti viri; insolens atque rara; quum ea, quam tollunt, sit Tullio familiarissima. Si nescis, vide suprà cap. 34. & infrà cap. 43.

Cap. XLI. *Nec quisquam rex Persarum potest esse qui non* &c. Huc vir cl. locum contulit Philonis Judæi de spec. leg. pag. 611. aliis 792. τὴν μὲν ἔν, inquit Philo, ἀληθῆ μαγικὴν -- βασιλείαν οἱ μέγιστοι, καὶ μάλιστα οἱ Περσῶν διαπονεῖσιν οὕτως, ὥς ἰδένα φασὶν ἐπὶ βασιλείαν παραληφθῆναι δύναμιν παρ' αὐτοῖς, εἰ μὴ &c. At quod ille pro δύναμιν legit δύνασθαι vel δυνάμενον, conjectura est probabilis. Illa quidem, sed vide tamen an, levioꝛe cum mutatione, sensus haud incommodioꝛ exsurgat, si reposuerimus, ὥς ἰδένα φασὶν ἐπὶ ΒΑΣΙΛΕΙΟΝ παραληφθῆναι δύναμιν παρ' αὐτοῖς, εἰ μὴ &c. nām βασιλῆις vel βασιλικὴ δύναμις sæpius, nisi fallor, idem denotat, quod βασιλεία.

Cap. XLIII. *quum cælum discessisse visum est, atque in eo animadversæ globi.* Vox globi, ubi de meteoris sermo est, per se satis valere videtur, absque epitheto, quod adjiciendum putabatur, ignei. Sic enim sæpenumero columnæ, trabes, virgæ, columnæ absolute nominantur. Seneca epist. XCIV. nocturni ignium tractus, &c. columnæque ac trabes, & varia simulacra flammarum. vide quoque Nat. Quæst. lib. I. c. 10. & alibi.

#### Cap. XLVIII.

*Curantes magna cum cura, concupientes Regni, dant operam simul auspicio augurioque, Hinc Remus auspicio se devovet, atque secundam, Solus avem servat. At Romulus pulcer in alto Quærit Aventino, servans genus altivolantum.*

Quædam jam de hoc loco dixi supra ad N. Deor. II.

II. 58. Nunc aliud quid in illum tentabo, conjectura tamen dubitante, circumspectante, hæsitante, multaque adversa reverente. Scilicet in eo reliqui scriptores consentiunt universi, Romulum ut augurium caperet, Palatinum, Remum vero petiisse Aventinum; eaque de causa mons posterior extra pomerium fuit, quòd Remus illuc auspiciatum iverat. Nisi igitur melius quid in mentem venerit, reponamus

— augurioque. HINC

ROMULUS auspicio se devovet, arte secundam  
Solutus avem servans. REMUS ILLINC pulcer  
in alto.

Quærit &c.

Sane vix est, ut in re tam vulgari tanto opere ab reliquis Ennius dissenferit.

Cap. XLIX. *Sed vigilantes animi vitæ necessitatibus serviunt, dijunguntque se à societate divina.* Rescribebat commentator eruditissimus, *Sed vigilantium animi* &c. propterea quod pro Quinti sententia vel in somnis vigeant, atque adeo etiam vigilant animi, ut videre est cap. 51. lib. II. c. 67. & alibi. At nihil obstat, quo minus Quintus in uno loco populari modo loquatur, quum sit in alio philosophicè loquutus. Et in locis sequentibus eadem plane loquendi ratio est, infra lib. II. c. 62. *Is (animus) incidit in varia visa & incerta ex reliquiis; ut ait Aristoteles, inharcentibus earum rerum, quas vigilans gesserit.* & cap. 63. *ut mobiliter animus agitatns, quod vigilans viderit, dormiens videre videatur.* Sic quoque pueri in distichis Catonis didicimus;

*Somnia ne cures; nam mens humana, quod optat  
Dum vigilat, spectat per somnum semper id ipsum.*

Neque sane in loco Ciceronis proposito hoc culpandum, quod animis tribuitur id quod proprie de ipsis hominibus sit enuntiandum, vigilare ac servire vitæ necessitatibus. Potest hoc illustrari ex illis, quæ supra diximus ad Tusc. II. c. 25. quibus adde ista Senecæ de Tranq. cap. xv. extr. *non potest grande aliquid & supra ceteros loqui, nisi mota mens.* Ita vigilantes curæ sunt quas curant homines dum vigilant, infra cap. 43. *non contenti vigilantibus curis; -- somniandi causa excubabant. Vigilantes cogitationes sunt vigilantium cogitationes: lib. II. cap. 68. inerant enim in . . animis vigilantium cogitationum vestigia.* Quas phrasiologias si philosophice inspectes, haud minor in iis apparebit ἀνορολογία, quam qua animos videmus interdum dici vigilantes, adeoque nocte supponi dormientes. Atque hinc nihil etiam mutare ausim infra cap. 67. *sic animi hominum cum mente permoti, per se libere incitati moventur, cernunt ea, quæ &c.* ubi legebat vir cl. *quum in mente permotis sc. hominibus.* Lactant. Epitomes cap. LXXI. *ergo anima immortalis est, & ideo præsentia bona contemnit, quia sunt alia potiora, quæ post dissolutionem corporis sui assequatur.* ubi sui tollebat vir idem, codice quodam fretus, qui quidem mihi videtur fidem fallere.

## CAPUT V.

*Cicero in lib. I. de Divin. bis terve tentatur & illustratur. Plinius defenditur. Pleonasmus, extrema puppis. Repetitio ejusdem nominis. Sex Tullii loca defenduntur. Elliptica forma. Cicero obiter adferitur. Ita & sic notabili in usu illustratur.*

**C**Apite quinquagesimo libri primi Ciceronis de Divinatione talia legimus: *& ex monte Taygeto extrema montis quasi puppis avulsa est.* In regio & Cantabrig. codice legitur, *& ex monte Taygeto extrema pars montis quasi puppis avulsa est.* Davisio videbatur noster scripsisse, *ex monte Taygeto quasi puppis avulsa est*: ut illa extrema pars montis sint glossēma librariorum, qui vocem puppis, qua Cicero μεταφορικῶς extremam partem significaverit, hoc modo explicandam putarent: vix enim esse ut terribilissimo scriptori odiosa montis repetitio excidisset. Male quoque Tullium intellectum putabat vir laudatus diligentissimo Plinio, qui montis parti abruptæ puppis formam tribueret, dum ita loqueretur Hist. Nat. lib. II. c. 79. *& Taygeti montis magna pars ad formam puppis eminens abrupta est.* At vero metaphorica ista significatio nominis puppis, qua non navis tantummodo, sed cujusque alius rei extremitatem quamlibet denotet, Tullio æqualibusque ejus haud ita usitata fuit, quin illius exempla merito requiras. Et, si forte satis Latina, Ciceronisque stylo consentanea esse probari possit, in hoc tamen loco, nisi me quidem fallunt omnia, agnosci plane nequit; quippe quod manifesto veter vocula quasi, alioquin enim idem esset, ut si

diceres *avulsam esse quasi extremam partem*, quomodo numquam balbutiit Cicero. Quamobrem Tullii mentem recte adsequutus fuisse videtur Plinius, qui magnam montis partem, *ad formam puppis eminentem*, abruptam esse declaraverit: cumque nulla plane sit tralatio vocis *puppis*, non potuerunt illam librarii sibi explicandam putare. Quid ergo? vocem *pars* videntur adscripsisse nugatores, quod *quasi puppis* haud dici posse autumarent, nisi præcessisset *pars*, aut nomen istiusmodi substantivum; quod tamen falsum esse, demonstravimus ad Acad. lib. I. c. 9. Vel quum *puppis* per se sit extremum aliquid, forte crucem illis figebat adjectivum illud *extrema*, idque alio quodam substantivo credebant esse fulciendum. At *extrema puppis* dicitur eodem pleonasmī genere, quo *extrema ora*; de N. Deor. II. c. 40. *primus ortus*, de Leg. lib. III. c. 8. *suprema mors*, Horat. lib. II. ep. 2. *sincera veritas*, Min. Fel. in Oct. cap. xxvii. *falsa adulatio*, ibidem c. xxix. cum nota er. Davissii. Nihil itaque in lectione vulgata quempiam offendere potest, nisi forte quod *montis* tam subito sequatur post *monte*. Ista autem repetitio si displiceat, ferro ignique non opus est ad locum ita refigendum, & ex monte *Taygeto EXTREMITAS quasi puppis avulsa est*, vel -- *extrema NAVIS quasi puppis avulsa est*. Sed vel illam ejusdem nominis repetitionem de loco movere mihi plane religio est. sic enim Frontinus de lim. agrorum pag. 42. *Relicta autem loca sunt, quæ sive locorum iniquitate, sive arbitrio conditoris relicta, limites non acceperunt*. Cæsar de B. Gall. lib. I. c. 38. *reliquum spacium -- mons continet magna altitudine, ita ut radices ejus montis, ex utraque parte, ripæ fluminis contingant*. & lib. VI. c. 18. *In reli-*  
quis

quis vita institutis hoc fere à reliquis differunt. Cicero de Fin. lib. I. c. 13. gubernatoris ars -- utilitate, non arte laudatur. Tusc. lib. I. c. 22. Est illud quidem vel maximum, animo ipso animum videre. (quæ etiam, ut hoc obiter moneam, eadem Synesii ἐννοια est, epist. XLIV. p. 116. καὶ πρῶτα αὐτὴν τὴν ψυχὴν αὐτῇ τῇ ψυχῇ θεωροῦμενος, &c.) & cap. 19. Accedit ut eo facilius animus evadat ex hoc aere, . . . quod nihil est animo velocius, nulla est velocitas, quæ possit cum animi celeritate contendere. lib. III. c. 26. Sed ad hanc opinionem magni mali cum illa etiam opinio accessit: de Legibus lib. II. c. 6. ut priusquam ipsam legem recitem, de ejus legis laude dicam. Catil. orat. III. c. 10. In hoc autem bello, quale bellum nulla unquam barbaria cum gente sua gessit, quo bello lex hæc fuit constituta. ad Quint. Frat. lib. I. ep. 1, 6. quæ res ad officium imperii tui, . . . pertinebunt, de his rebus ne quid attingat. His adde quæ Barthius ad Stat. Theb. X. vs. 449. Cortius ad Sallust. Cat. cap. XXIII, 3. & nos ad Tusc. III. c. 5. Hisce autem munimentis facile sese tumentur loca sequentia, quæ conjecturis suis aggressi sunt docti. de Leg. lib. III. c. 18. est senatori necessarium nosse remp. (idque late patet) quid habeat militum, quid valeat arario; quos socios respub. habeat, quos amicos. τὸ respub. pro glossa habebat Manutius. ad Q. Frat. lib. I. ep. 1, 10. Et quidem de isto genere honorum quid sentirem, scripsi ad te ante: semper eos putavi, si vulgares essent, viles; . . . si vero meritis tuis tribuerentur, existimabam multam tibi in his honoribus operam esse ponendam. vocem honoribus delendam putabat editor nuperus. Tusc. lib. IV. c. 30. Est enim motus ut ægritudo presentis, sic ille futuri mali: itaque nonnulli ægritudinis quandam partem metum esse dicebant: alii autem

tem metum præmoleſtiam appellabant. Daviſius lo-  
gebat, alii autem eum præmoleſtiam appellabant. lib.  
V. c. 5. Si enim nulla virtus prudentia vacat, pru-  
dentia ipſa hoc videt, non omnes bonos eſſe etiam bea-  
tos; multaque de M. Attilio -- recordatur. Beatam  
vitam, ſi imaginibus potius uti, quam rebus ipſis pla-  
cet, conantem ire in eculeum retinebit ipſa prudentia.  
poſteriorius illud ipſa prudentia librariis attribuebat  
idem vir clariffimus. ibidem cap. 31. ſic vita non  
ſolum undiquaque reſerta bonis eſt, ſed ſi multo ma-  
jore & graviore ex parte bona propendent; beata recte  
dici poteſt. Sequetur igitur bonorum ratione &c. Benti-  
leius conjiciebat, Sequetur igitur igitur horum ta-  
tione. lib. III. c. 28. quod cervis & cornicibus vitam  
diuturnam, -- hominibus tam exiguum vitam dediffet.  
explodebat poſteriorius illud vitam vir idem exi-  
mus.

Cap. LI. Hic magna quædam exoritur, -- ſom-  
niorum Antiphontis interpretatio, eodemque modo &  
oraculorum & vaticinationum: ſunt enim explanato-  
res, ut grammatici poetarum. Lambinus legebat.  
ſunt enim harum rerum explanatores, Daviſius ſunt  
enim explanatores omnium horum, quod reg. &  
Cantab. haberent ſunt enim explanatores ſomniorum.  
Mihi autem, leviori mutatione, reponendum vi-  
detur. interpretatio: eodemque m. e. o. e. vaticina-  
tionum ſunt ETIAM explanatores, u. g. p. Sequitur:  
Nam ut aurum & argentum, æs, ferrum fruſtra na-  
tura divina genuiſſet, niſi eadem docuiſſet, quemad-  
modum ad eorum venas perveniretur: nec fruges terræ,  
hæccæve arborum cum utilitate ulla generi humano da-  
diſſet, niſi earum cultus & conditiones tradidiſſet;  
materiarum quid juvaret, niſi conſectioſis ejus fabri-  
cam haberemus? ſic cum omni utilitate, quam Dii ho-  
minibus dederunt, ars aliqua conjuncta eſt, per quam  
illa



*illa utilitas petcipi possit.* Locum prolixius descripsi, quo facilius constet, quid me in illo male habeat. Hoc autem est illa interrogandi forma, *materiave .. haberemus?* quam si cum præcedentibus *πρότα-ews* membris conferas, manifesta fiet orationis absolutæ in interrogatoriam conversio longe durissima, æque Tullii stylo comptissimo prorsus aliena. Hoc autem ingens, ut ego arbitror, incommodum tollendum videtur, ita scribendo ac distinguendo: *Nam ET autem. .... haberemus? Sic cum omni &c.* nam *πρότασις* aliquando absolute enunciatur, ut sit ab *ἀποδόσει* puncto, quod vocamus, separanda; ut jam vidimus, ad lib. III. de Nat. Deor. cap. 10.

Ibidem: *Quomodo autem.. videant, quæ nusquam etiam tunc sint, magna questio est.* Sunt viri docti, qui lacunam statuunt in hujusmodi locis, sed falluntur. Exemplo sit locus ille de Nat. Deor. lib. I. c. i. *utrum nihil agant.. an &c. magna dissensio est:* ubi Manutius legebat *magna de eo questio est*, Lambinus *de eo magna dissensio est.* At pari quoque modo & Cicero passim, & Min. Felix cap. xi. *culpam tamen vel innocentiam fato tribui, .. vestra consensio est.* Lactantius lib. III. cap. viii, 16. *quæ ipsa quæ sint, magna contentio est.*

Cap. LIII. *Ut igitur qui se tradet ita quieti, præparato animo cum bonis cogitationibus, tum rebus ad tranquillitatem adcommodatis &c.* Voculam *ita*, prætermittentibus regio & Cantab., tamquam superfluum & spurium expungebat editor doct. Omnino illam oratio non ita flagitat, ut sensu salvo atque incolumi migrare hinc non posset; verum tamen ubi de quiete occupationumque remissione sermo est, haud inelegans videtur hujusmodi particulæ usus, quem auribus judicare facilius

cilius est, quam verbis describere. Horatius lib. II. oda XI, 14.

*Cur non sub alta vel plantano, vel hac  
Pinu jacentes sic temere —  
Potamus uncti?*

Seneca epist. LXXXII. initio : *Multum interest inter otium & conditivum. Quid ergo? inquis, non satius est vel sic jacere, quam istis officiorum vorticibus volutari?* Virgilius Æneid. I. 229.

— cum Juppiter æthere summo  
*Despiciens mare velivolum terrasque jacentes,  
Littoraque & latos populos, sic vertice cæli  
Constitit, & Libyæ defixit lumina regnis.*

Apposite D. Joannes Euang. IV. 6. οὗ ἐν τῇ ῥοῇ κεκοιτακώς ἐκ τῆς ὁδοπορίας, ἐκδιζέτο οὕτως ἐπὶ τῇ πηγῇ ad quem locum vide Possinum in Spicil. Euang. § 67. in primisque doct. Raphelium & Elsnerum; quibus etiam confer Vigerum de Idiot. L. G. p. 301.

## C A P U T VI.

*Origines defenditur. Pleonasmus pronominis apud Græcos illustratur, & in Xenophonte atque Arriano adseritur. Clemens Alexandr. ex conjectura cl. Hemsterbusii emendatur. Ciceronis locus in lib. I. Div. vindicatur.*

**A**D hæcce verba capitis 53. libri primi Ciceronis de Divinatione, *Eadem efficit in avibus divina mens* &c. hunc locum Originis contra Celsum lib. IV. p. 222. allegabat crud. Davisius, ubi inter alia sic loquitur ille auctor: ἄλλοι θεῶν τῶν

τέρας αὐτῶν, καὶ πρὸς τὴν ἐπιτηδεύειν αὐτῶν εἶναι τὰς ψυχὰς. Pronomen αὐτῶν in priore aut posteriore membro delendam credebatur vir laudatus, quippe quæ prorsus abundet. Attamen παρέλκον illud haud inusitatum est, ne Atticis quidem optimæque notæ auctoribus, ut jam observavit Lamb. Bos ad hæc ce Rom. VII. 12. Εὐρίσκω ἄρα τὸν νόμον, τῷ θέλοντι ἔμοι ποιεῖν τὸ καλὸν, ὅτι ἔμοι τὸ κακὸν παράκειται. & P. Horreus ad verba Æschinis Socr. Dial. III. §. 1. Εἰσὶντοι μοι ἐς Κυρόσαργες, καὶ γενομένῳ μοι καὶ τὰ τὸν "Ελισσον &c. Nos alia quædam addemus, ut locum etiam unum & alterum, præter hunc Originis, juxta vulgatam lectionem vindicemus. D. Matth. VIII. 1. Καταβάντι δὲ αὐτῷ ἀπὸ τοῦ ὄρους, ἐκολύθησαν αὐτῷ ἱεροὶ πολλοί. & plura talia ex S. novi testamenti scriptoribus protulit Vorstius de Hebraïsmis N. T. cap. xxvii. p. 108. Æschin. Socraticus Dial. II. §. 13. ἐγὼ τοι ὑμᾶς. αὐτὸς ἂν ὑμᾶς ἐπειρώμην παύειν τῆς διαφορᾶς. Xenophon Cyropæd. lib. VI. p. 170. A. ὅτι ἐμὲ αἰχμάλωτον γεγενημένῃν, καὶ ἐξαιρεθεῖσαν ἑαυτῷ, ὅτε με ὡς δούλην ἠξίωσε κεκτήσθαι, &c. lib. IV. p. 107. E. σκέψαι δὲ, καὶ οἶω ὄντι μοι περὶ σε, οἷος ὢν περὶ ἐμὲ, ἐπειτα μοι μέμψῃ. lib. VIII. p. 222. A. ἃ δὲ ἐμὲ αἰσθοῖτο βυλόμενον μὲν εἰδέναι τὰς συμμάχους, αὐτὸν δὲ ἐμὲ αἰσχυρόμενον περὶ ἑμαυτῷ λέγειν, ταῦτα &c. lib. V. p. 128. B. σὲ δ' ἔφη, ὦ Γαδάτα, ὁ Ἀσσύριος παῖδας μὲν, ὡς ἔοικε, τὰ ποιεῖν ἀφείλετο, εἰ μὲν τοι τόγε φίλος κτᾶσθαι σὲ δύνασθαι ἀπεσέρησεν. Hæc loca cum impunita dimisisset Leunclavius, tandem scrupulum movere incepit in his, Memorab. lib. V. p. 847. B. εἰ γὰρ ἐγωγε σε δυνάμην, εἰ τοῖστος εἴης, ἀσπάσασθαι σε ἐκ τῆς ψυχῆς. ubi vir ille doctus " in his, inquit, ἐγωγε σε δυνάμην expungendum, σε, quum ἀσπάσασθαι σε paulo post idoneo loco

,, pro-

„ pronomēn hoc exhibeat, quod quidem iudiciū in talo satis firmo niti haudquaquam videtur. Fortētean recte quoque se habet geminatio ista, apud Arrian. Dissert. Epiēt. lib. IV. c. 4. p. 455. ὁ ἀπαξ εἶπες, πότε τις εἰς Ἀθῆνας ἀπέλθῃ, (legendum videtur ποθεῖν εἰς Ἀθῆνας ἀπελθεῖν, vel πότε ἔσαι εἰς Ἀθῆνας ἀπελθεῖν;) ἀπώλκ' ἀνάγκη σε ταύτην τῇν ἔρεξιν ἀτελῇ μὲν ὅσαν ἀτυχῇ σε ποιεῖν. ubi clar. Meibomius conjiciebat; ἀνάγκη δὲ vel ἀνάγκη γε ταύτην τῇν &c.

Cap. LIV. *Hoc nimirum illud est, quod de Socrate accepimus, &c.* Ad hæc illuminanda, opportune vir cl. contulit locum Clementis Alex. Strom. lib. I. pag. 368. edit. Oxon. καὶ τῷ Σωκράτει τὸ δαιμόνιον αἴτιον ἦν, οὐχὶ μὴ καλῶν, ἀλλὰ προτρέπων, εἰ καὶ μὴ προέτρεπεν. Sed quod ille hic legendum conjiciebat, οὐχὶ μὴ μόνον καλῶν, ἀλλὰ προτρέπων, æqui bonique consulat, si hæc de conjectura libere rursus dicam, quid sentiam. Fuit aliquando, ut locum forte defendi posse eo argumento judicarem, quod vocula μόνον, quam hic ingerit vir doctus, non raro per ellipsin omittatur. Sed ecce, quæ super hac re rogatus, per litteras mecum humanissime communicavit vir doctissimus, mihiq̃ plurimum colendus Tib. Hemsterhuis.

„ In loco Clementis, inquit, vereor ut vos utri-  
 „ que sensum præstantissimi scriptoris satis per-  
 „ spectum habueritis; quem si quis recte perce-  
 „ perit, jam facilis erit ad veram emendationem  
 „ aditus. In eo disputat Clemens, omnesque ut  
 „ hoc efficiat contendit nervos, τὸ μὴ καλῶν dici  
 „ non posse αἰτίον hoc enim evictō, eos causa ca-  
 „ dere necesse est, qui Deum, si mala & peccata  
 „ non prohibeat, causam eorum faciunt. Quid  
 „ porro? Siquidem, inquit Clemens, καὶ ἀκρι-

„ βολογῆσθαι πρὸς αὐτῆς, ἔσωσαν τὸ μὲν μὴ κωλυτι-  
 „ κόν... μὴδ' ὅλως αἴτιον εἶναι· τὸ δὲ κωλυτικὸν ἐνέχε-  
 „ σθαι τῷ τῇ αἰτίᾳ ἐγκλήματι. Hoc duplici exem-  
 „ plo probandum atque illustrandum sibi sumit.  
 „ En prius. Ὁ γὰρ προασπίζων αἴτιος ἐστὶ τῷ προασ-  
 „ πιζομένῳ ἢ μὴ λιτρώσκεσθαι, κωλύον τὸ τρωθῆναι  
 „ αὐτὸν. Nunc alterum illud succedit, petatum  
 „ à Socratis dæmonio exemplum. Καὶ τῷ Σωκράτει  
 „ τὸ δαιμόνιον αἴτιον ἦν, οὐχὶ μὴ κωλύον, non ideo  
 „ quod non prohiberet, sic enim αἴτιον dici absur-  
 „ dum foret: quo igitur pacto? ἀλλὰ προτρέπον.  
 „ Atqui hoc, si Socrati fides constet, cum ipsa  
 „ veritate pugnat; testatur enim ipse apud Plato-  
 „ nem in Theage, αἰεὶ μοι σημαίνει, ὃ ἂν μέλλω  
 „ πράττειν, ἢ τε ἀποτροπῇ· προτρέπει δὲ ἢ ἀποτρί-  
 „ κει. Clementis, patrum eruditissimi, notitiam tam non  
 „ effugit, ut hunc eundem usurpaverit locum pag.  
 „ 334. edit. Colon. Jam vero apparet, positam  
 „ in istis verbis vitii sedem; quæ proinde si levi  
 „ mutatione corrigantur, hunc tibi locum sanifi-  
 „ simum præsto. Ergo lege, ἀλλ' ἈΠΟΤΡΕΨΙΟΝ.  
 „ Sensus est, sed & Socrati dæmonium erat cau-  
 „ sa, etiam si nunquam cum ad agendum impel-  
 „ leret; non sane propterea quod cum agere non  
 „ prohiberet, sed quod revera ab agendis rebus;  
 „ quas animo proposuerat, averteret. „ Sic lo-  
 „ cum Clementis curabat vir ille eximius, quem  
 „ nos honoris causa libentissime nominavimus; cu-  
 „ jus quidem sententiæ omnes, quibuscunque mens  
 „ læva non sit, facillime accessuros non dubito.

Cap. LIV. qui cursum rerum eventorumque conse-  
 quentiam diuturnitate pertractata notaverunt. Tentat  
 vir cl. .. diuturna pertractatione notaverunt, quod  
 quid phrasi pertractata diuturnitate sibi vellet Ci-  
 cero, haud intelligeret. Non mirum sane, non

potuisse se expedire virum doctum, dum vocem *pertractata* cum ablativo isto *diuturnitate* construeret, ad quem mihi quidem haudquaquam pertinere videtur; sed omnino referendum puto ad duo ista singularia *cursum* & *consequentiam*, quibus bene quadrat neutrum pluralis *pertractata*. *Diuturnitate* hîc idem est, quod *longinquitate temporum*, & *longo tempore* dictum est supra cap. primo: *Eandem artem etiam Ægyptiis longinquitate temporum innumerabilibus pœne sæculis consecuti putantur.* & cap. 6. *observatis longo tempore significationibus.* Nec dubium sane, quin vox *diuturnitas* sæpius absolute ferriem temporum longiorem significet. sic enim usurpatur de Leg. lib. II. cap. 10. *animi labe nec diuturnitate evanescere, nec annibus ullis elui potest.* de Senect. cap. xi. *nec subito frangitur, sed diuturnitate exstinguitur.* Sic quoque res, de quibus loquitur Cicero, notabantur *pertractata diuturnitate*, hoc est, non nisi post diutinam observationem *pertractata* & cognita. Si tamen hæc explicatio nostra, aut loquendi ratio, quam hîc statuimus, minus placeat, quam sane non video quo quis jure reprobare queat; levissima mutatione restitui posset, *diuturnâ arte pertractata*, vel si te cruciat generum enallage, *diuturnâ arte pertractatam*. Sed nihil videtur movendum.

## CAPUT VII.

*Leetio Ciceronis recepta aliquoties retinetur; semel etiam atque iterum emendatur. Davisii correctio à Verburgii scrupulo defenditur. Talis aliquis. Ἀκυρολογία, qua in loco factum dicitur, quod sit prope locum factum. Enallage τὸ nil ἔ nihil. Licet cum passivo. Enallage præteriti ἔ præsentis. Cicero, Paterculus ἔ Xenophon vindicantur.*

**S**equitur liber Tullii secundus de Divinatione. Cap. I. *Nam quid ego de Consolatione dicam, quæ mihi quidem ipsi sane aliquantum medetur? ceteris item multum illam profuturam puto. Non quærenda videtur in his oppositio inter aliquantum & multum, quasi diceret Tullius, Consolationem suam, quæ sibi aliquantum tantummodo medicinæ attulisset, multum aliis profuturam. Illud omnino velle videtur, vel se ipsum aliquid solatii percipere ex libro suo de Consolatione, ceterosque homines inde, quemadmodum ex aliis ipsius scriptis, (nam id hîc valet item) fructum haud spernendum capturos. Interrogandi autem notam, quam vulgo post τὸ dicam collocant, illam in sedem quam vi-des transponendam existimo.*

Cap. VII. *Qui thesaurum inveniendum, aut hereditatem venturam dicunt, quid sequuntur? aut in qua rerum natura inest, id futurum? Vulgati libri habent inventurum, sed omnino placet illud inveniendum, quod ex codicibus suis deprompsit, exemplisque illustravit doct. Davisius. Audiamus tamen, cl. Verburgius quid adferat, ut emendationem istam impugnet. "Davisius, inquit, Reg. „ & Cantab. codd. secutus, dedit inveniendum;*

„ male siquid ego dijudico, & contra Ciceronis  
 „ genium & accuratam scribendi rationem. Non  
 „ negaverim, quod multis ostendit Davisius, par-  
 „ ticipium passivi futurum, ut grammatici lo-  
 „ quuntur, interdum adhiberi pro futuro infini-  
 „ tivi; sed pro eo, quod dubium aliquid innuit,  
 „ & significat quid forte posse fieri aut non fieri,  
 „ unquam poni, quemadmodum hoc loco pone-  
 „ retur, id vero pernego. Semper adhibetur de  
 „ eo quod certo est futurum. Haftenus vir ille  
 „ celebris; cujus quidem notula quo pacto labefac-  
 „ tet id quod posuerat Davisius, ego sane divinare  
 „ nequeo. Non enim in hoc loco agitur de re, quæ  
 „ forte fieri possit, aut forte futura sit, sed quæ certo  
 „ sit eventura. Thesaurum non forsitan, sed certo  
 „ certius inventum iri, necesseque esse ut invenire-  
 „ tur, dicebant scioli, de quibus hîc loquitur Tul-  
 „ lius.

. Ibidem: *Quod si hæc.. habent aliquam talem ne-  
 cessitatem, quid est tandem, quod casu fieri, aut  
 forte fortuna putemus? Non est, cur malimus, ali-  
 quam tan en necessitatem; vox enim talis nos respi-  
 cere jubet ad finem capitis antecedentis, unde li-  
 quet qualem necessitatem intellexerit hîc auctor.  
 Et sæpius sic copulantur voces aliquid & tale. infra  
 cap. 21. Potest igitur tale aliquid etiam sua sponte  
 exstitisse. ad Att. lib. XVI. ep. 8. Non equidem hoc  
 divinavi, sed aliquid tale putavi fore. de Nat. Deor.  
 lib. I. c. 30. Si igitur nec humano visu quod docui,  
 nec tali aliquo, quod tibi ita persuasum est, quid du-  
 bitas negare Deos esse? Seneca de Constant. cap. 3.  
 Tale aliquid & in hoc esse suspicor, quod prima specie  
 pulcrum atque magnificum est. Lactantius Epit. cap.  
 XII. Vides ergo non omnia poëtas confinxisse, & quæ-  
 dam præfigurasse: ut cum vera dicrent, aliquid  
 tale*



*tale numinis adderent iis, quos deos esse dicebant.*

Cap. IX. *An Cn. Pompejum censes &c. si scisset se in solitudine Ægyptiorum trucidatum iri? Quid ergo? an non Pompejum in navicula trucidatum esse, tradunt optimæ fidei auctores Plutarchus, Cæsar aliique? At quomodo in navicula, si in solitudine Ægyptiorum? Nodum hunc solvere nequiverunt viri eximii. T. Faber scribebat, si scisset, se à satellite Ægyptio trucidatum iri; Davifius autem conjiciebat, si scisset, se in celoce Ægyptia tandem, vel à spadone Ægyptio demum trucidatum iri? Forte præstat vulgatam lectionem retinere, quàm sic de meliore hariolari. Si enim reputemus Pompeium in navicula quidem interfectum esse, sed tamen ad littus illud, quod ad hanc Ægyptiorum solitudinem pertineret; magna jam difficultatis pars sublata erit, reliquamque haud ægre tollet αικυρολογία, auctioribus quibusque probatissimis haud plane inusitata, qua aliquid in loco factum dicant, quod prope istum locum acciderit. Sic Strabo, exempli gratia, τὴν νεκυΐαν τὴν ὁμηρικὴν ἐν Ἀόρνῳ collocat, quam Maximus Tyrius Dissert. XXVI. p. 261. περὶ λίμνην Ἀόρνον fuisse scribit. Simile quid jam observatum fuit Ad. Reclando in Palæst. illustrata, aliisque.*

Cap. X. *Addunt ad extremum, omnia levius cæsura, rebus divinis procuratis; si enim nihil fit extra fatum, nihil levare re divina potest. Lectionem hanc stare non posse, bene viderunt viri acutissimi; sed quum illi rescribant, sin autem, aut si vero nihil fit extra fatum, ego conjeci aliquando, neque conjecturæ me pœnitet, SED enim SI NIL fit extra fatum &c. Neminem moleste habeat, quod sic nil & nihil tam exiguo spatio concurrunt, quum potius utrobique aut nil, aut nihil dicturus*

fuisse Cicero videri possit. sic enim Tusc. lib. II. c. 20. *si nil esset aliud, nihil esset homine deformius.* Seneca epist. XCIV. p. 333. *scis ut illi nil cum adultero, sic nihil tibi esse debere cum pellice.*

Cap. XIV. *Sexcenta licet ejusmodi proferri.* Non erat, quod obnitentibus libris tam scriptis, quam editis, *proferre* legendum conjicerent viri eruditissimi; verbum enim *licet* quamvis forte rarius, nonnunquam tamen cum passivo construitur. Sulp. Severus Hist. lib. I. c. XVI. *quia sabbatho colligi non liceret.* ubi vide Jo. Vorstium. Lactantius Epit. cap. v. *quam legi nisi a xv. viris non licet.* Ovidius Fast. lib. I. vs. 47.

*Fastus erit, per quem lege licebit agi.*

Cæsar de B. Gall. lib. I. c. 42. *id per se fieri licere.* Cicero Philipp. orat. V. c. 17. *Senatui placuit ejus rationem ita haberi, prout haberi lege liceret.* de Finibus lib. II. c. 32. *nunc totum illud concludi sic licet.* de Legibus lib. II. c. 26. *Neque id opere tectorio exornari, nec Hermas hos, quos vocant, licebat imponi, nec demortui laude.. dici licebat.* Tusc. lib. I. c. 12. *Idque..è ceremoniis sepulcrorum intelligi licet.* lib. IV. c. 12. *quod ne liceret fieri ad alterius injuriam &c.* Atque hæc etiam confirmant, quæ supra ad lib. I. c. 3. diximus, ubi similis verbi *licet* usus impersonalis est.

Cap. XVII. *Deos enim ipsos jocandi causa induxit Epicurus &c. eosque putat &c.* Perfectum illud induxit, & præsens putat, intervallo tam longo à se invicem distant, ut mirum non sit, si Tullius memoriæ vitio in istiusmodi enallagen inciderit. Sed & similis incuriæ exempla alibi haud pauca exstare video. infra cap. 34. *Nunc vero.. fame enecta si in offam pultis invadit, & si aliquid ex ejus ore cecidit,*  
hoc

*hoc tu auspiciū putas? cap. 53. Sed quum bis sump-  
sit quod voluit, etiamsi faciles nos ad concedendum ha-  
buerit, id tamen quod adsumit, concedi nullo modo po-  
test. Similiter Corn. Nepos in Dione cap. 9. Ado-  
lescentes quosdam elegit, cum ardentissimos, tum vi-  
ribus maximis; hisque dat negotium &c. Hirtius de  
B. Afr. cap. xli. postero die Cæsar ex omnibus præ-  
sidiis cohortes deducit, atque omnes suas copias in cam-  
po instruxit. Sallustius Jug. cap. xviii. Legatos mit-  
tit, hisque -- præcepit, omnis mortalis pecunia aggre-  
diantur. ubi consule cl. Cortium. Hinc quoque de  
sanitate loci illius judicare licet Acad. lib. I. cap.  
12. Plurima mutavit. . quædam dixit nova, . . sed  
ad hæc, quæ visa sunt, adfensionem adjungit animo-  
rum, quam esse vult in nobis positam & voluntariam.  
Visis non omnibus adjungebat fidem. ubi vir cl. verit-  
us rursus, ne tempora confunderentur, conjicie-  
bat, adfensionem adjunxit animorum, quam esse vo-  
luit &c. Forte quoque nihil innovandum in his  
Vell. Paterculi lib. I. cap. 9. adeo &c. ut plerum-  
que superior fuerit, magnam partem Græciæ in socie-  
tatem suam perduceret. ubi ὁ πάλιν Lipsius legebat  
perduxerit. Miror autem, quomodo H. Step-  
hanum suboffenderit ista temporum permutatio, apud  
Xenoph. Cyropæd. lib. I. pag. 18. A. τὰς δὲ ἐπι-  
τηδεῖας ἀφῆκε καταθεῖν καὶ ἐκέλευε περιβαλλομένους  
&c. quum similem plane ἐναλλαγὴν conspiciere li-  
ceat in antecedentibus ac sequentibus. Pari modo  
in his ibidem pag. 20. B. Ἐν μὲν δὴ Μήδοις ταῦτα  
ἐγένετο καὶ οἱ τε ἄλλοι πάντες τὸν Κῆρον διὰ σίματος  
εἶχον &c. malebat idem vir doctus ἐγένετο. At non  
committam, ut illius generis exemplis e Xeno-  
phonte proferendis lectorem fatigem.*

## CAPUT VIII.

- Vulgata lectionis in Ciceronis secundo de Div. aliquoties vindicatur & illuminatur; semel quoque emendatur. Vetustum, diu cognitum. Usitatus & inusitatus non licet transmutari in visitatus & invisitatus. Ita & ut, tam & quam & similia conjungunt eosdem modos. Min. Felix bis vindicatur. Pronominis quod usus anceps adstruitur. Tullius obiter defenditur.*

**E**Jusdem libri de Divinatione cap. XXI. sic loquitur noster: *Natæ vero statua, aut æra legum de cælo tacta quid habent observatum ac vetustum?* Non interpunctio tantum recte se habet, ut contra Guilielmium & Gruterum bene jam docuit Davisius, sed ipsa quoque lectio nihil mendi continere videtur. Nam quod se intelligere negat vir laudatus, quid huc faciat *vetustum*, propterea-que tentat *observatum ac animadversum*, hæc quidem conjectura, quum a manuscriptis aberret longius, ipsi viro cl. haud satisfacit. Quid ergo? aliud quid comminiscendum? Mihi profecto non videtur; potest enim vox *vetustum* ita explicari, ut locus hic illi satis commodus & opportunus sit. Quemadmodum enim *novum* dicitur, quodcunque jam primum cognoscatur, quum antea nondum satis innotuerit: sic contra *vetustum* dici potest, quod sæpius cum in oculos incurrat, dudum observari potuerit.

Cap. XXII. *in rebus usitatis.* Quia noster statim subjicit, *quod crebro videt, non miratur; .. quod ante non vidit, .. ostentum esse censet*; rescribebat cl. Davisius *in rebus visitatis.* Et multa alia loca sunt, in quibus nomina *usitatus & inusitatus* isto modo

modo emendet ille vir doctus. Firmari omnino ista conjectura potest auctoritate summorum hominum, Salmasii, Freinsheimi, J. F. Gronovii atque Grævii, quorum vestigia preffit Davisius. Vide enim notas illorum ad Florum lib. I. cap. 18. & Justinum lib. XVIII. c. 1. Nos tamen, quod intemeratâ fiat summa nostra adversus tanta nomina reverentiâ, tres rationes proponemus, quæ obstant quo minus calculum huic sententiæ adjicere possimus. Primo enim mutandorum locorum numerus plane infinitus esset, si placitum illud eruditissimorum valeret; quum tamen numerus istiusmodi locorum quo major sit, eo quoque gravior justiorque contra sententiam istam insurgat suspicio. Verum me dicere, vimque locorum istorum, ubi nominibus *usitatus* & *inusitatus* signentur res, quæ crebro aut raro videantur, plane immensam esse, nemini latere potest, qui quidem has res aliqua cum cura tractaverit. Secundum habeo, quod reponam, voces *visitatus* & *invisitatus*, uti & verbum *visitare* pro sæpius videre, nunquam nusquam mihi hætenus sedulo attendenti in scriptis Tullii nostri comparuisse; quod an non mirandum esset, si ipse cum sui temporis hominibus res, quæ hominum oculis sæpe aut rarius se ingerant, *visitatas invitatasve* dicere soluisset? Postremo quoque constat, res ejusmodi, quæ oculis haud raro usurpentur, alibi apud Cicronem aliosque optimæ Latinitatis auctores dici *sæpe usu venire*, vel *in usu quotidiano esse collocatas*; quemadmodum locutus est noster ex. gr. de Orat. lib. I. *quæ sunt posita ante oculos, & collocata in usu quotidiano*. Jam vero quæ crebro usu venire, in usu quotidiano versari, in usu quotidiano esse collocata dicuntur, hæc etiam *usitata*, contraria-

S 5

que

que *inufitata* appellari, quid tandem vetat?

Cap. XXIII. *Estne quisquam ita deficiens, qui credat exaratum esse Deum dicam an hominem? Si Deum, cur &c.?* Cur juxta codicem quemdam inllemus *fi Deus*, ratio haud satis stringere videtur illa, quod in fequente membro dicatur *fi autem homo ille Tages fuit*. Hæc enim quum ab illis diftent longius, non poteft Latinis auribus non fuavior accidere vulgata, quam codicis lectio.

Cap. XXIV. *Quid ipfe Cæfar, quum à fummo harufpice moneretur, ne. . . transmitteret, nonne tranfmifit?* Menda obfediffe locum videbatur cl. Davifio, quòd vix effe putaret, ut *fumum harufpicem* dixiffet Cicero, hominis nomine non prolato. Legebatur igitur *a Spurinna harufpice*; doctè quidem & acute, uti folet. Non tamen ea loci natura effe videtur, ut nomen proprium requirat. Primo enim non fatisfacit, quod fcribit vir laudatus vix effe, ut harufpiciis fummi meminiffet Tullius, nifi nomine illius appofito; nam harufpiciis illius nomen fatis celebre erat, ideoque non opus erat cur coram Quinto exprimeret illud Tullius, præfertim quum ante jam ipfe Quintus harufpicem nomine fignificaffet. Accedit porro, quod vox *fummo* huic loco egregie conveniat; quippe quæ eo fpectat, ut harufpiciinæ vanitatem eo fignificantius exprimat; quòd nimirum non de trivio tantum harufpices, fed eorum quidem fummi falfa moneant, prædicentesque fic negligenter, ut nihil incommodi, maximum etiam emolumentum confequeretur.

Cap. XXVI. *Quum igitur hoc animal tam fit canorum fua fponfe, quid in mentem venit Calliftheni dicere, Deos gallis fignum dediffe cantandi? Quid ad rem faciat, Deos gallis fignum cantandi dediffe, nefeire*

nescire se fatetur vir clar., qui vocem *cantandi* obelo confodiendam existimat, ut vox *gallis* sit ablativus instrumenti. At vero omnino ad rem facit, *Deos gallis signum dedisse*: id enim agit Cicero, ut nihil boni aut mali ex gallorum cantu prælagiri posse ostendat, quoniam ille his animalibus naturalis est, aque naturalibus plane causis dependeat. Hinc vanitatem sententiæ Callisthenis jam deducit, qui putabat extra ipsos gallos divinitus signum quodpiam exstare, quod cum vidissent, incitari eos ad cantandum.

Cap. XXXI. *Sed ut in cunis fuerit anguis, non tam est mirum, in Solonio præsertim, ubi ad focum angues nundinari solent.* Locus haud dubie in mendo cubat, ejusque sanandi viam haud eandem ingressi sunt docti. Audiamus cl. Davisium. „Ita, sane, inquit, Reg. Cantab. alique mss. sed, qui vim potestatemque *nundinandi* probe novit, ille quidem illud verbum huic loco non con- venire statim perspiciet. Ea propter Lambinus & amicus Ursini reponunt *nidulari*. Siquidem, vero Pal. tert. quart. & Balcol. exhibeant *nudari*, haud, opinor, incommode, rescribas *videri solent*. Certe non absumilis est literarum ductus. Ad receptam autem lectionem, quæ multis codd. nititur, quamproxime legi queat, *ubi ad focum angues meridiari solent*. Nec forsan hæc displicebit conjectura. Sed mihi quoque meam suspicionem proferre liceat. Lambini quidem conjecturam vero propinquiorem, quam reliquas lectiones existimo: non tamen sic placet animo meo, quin mutatione levissima sic potius rescripserim, *ubi ad FORUM angues nundinari solent*. Vult nempe Tullius angues in Solonio res esse *quotidianas*, ut loquitur supra cap. 29. quoniam quoti-  
die

die publice in foro, ubi venales exstarent, viderentur.

Cap. XXXII. *Itane censes, antè coronam herbæ exstitisse, quàm conceptum esse semen?* Malit hîc forte quispiam, *quàm conceptum fuerit semen?* Sane ita doct. Wowerius potuit pro potuisse legendum censet, apud Minuc. Felicem Oct. cap. xxxiv. .. *quis .. audeat repugnare hominem à Deo ut primum potuisse fingi, ita posse denuo reformari?* Sed ea non nisi pura puta est *παράδοξος*, quam sicco pede præterire non licuit. Sic enim eodem cap. idem Minucius : *Quis enim dubitat, .. quæ celo continentur, ita ut cœpisse, desinere?* & cap. antecedente : *Ita prius eos deseruisse comprehendas, quam esse desertos.* i. e. quàm fuerint deserti. Lactantius de Ira Dei cap. iv. initio : *Quod sequitur de schola Epicuri est, sicut iram in Deo non esse, ita nec gratiam.* Nec dispar ea ratio videtur, qua subiectivus *pro*fit adcommodatur τῷ sufficiat, in his Minucii Fel. cap. xxxv. *Et quamquam imperitia Dei sufficiat ad pœnam, ita ut notitia profit veniam; tamen &c.* ubi non erat, cur clar. Davisius legendum censeret, *uti & notitia profit ad veniam.*

Cap. XLI. *Quod Carneadem Clitomachus scribit dicere solitum, nusquam se fortunatiorem quam Prænesti vidisse Fortunam.* Legebat vir. cl. *Quo Carneadem &c.* idque quo explicabat ut esset *quarè, quamobrem.* Dubito sane, an sic Ciceronis seculo loquerentur Romani; & quidquid illud sit, non potuit hoc ex Donato probari. Simili in loco occurrit relativum *quod*, de Nat. Deor. lib. II. c. 9. *refrigerato .. calore .. exstinguimur.* *Quod quidem Cleanthes .. docet, quanta vis insit caloris in omni corpore.* ubi Lambinus volebat *Et quidem*, Davisius *Quid quod Cleanthes docet &c.* Sed passim fit, ut pro-



pronomen, quod sit ad antecedentia aliquomodo referendum, sic per pleonasmum quendam explicetur in sequentibus. supra lib. I. c. 45. *Quod idem in delectu consules observant, ut primus miles fiat bono nomine.* Acad. lib. II. c. 17. *Quod idem contingit insanis, ut & incipientes furere, sentiant &c.* de Nat. Deor. lib. II. 9. *Quod etiam quibusdam regionibus atque urbibus contingere videmus, ut sint hominum ingenia &c.* de Finibus lib. III. c. 2. *Quod cum accidisset, ut alter alterum nec opinato videremus, surrexit statim.* ubi Lambinum vide, quem tamen falli vereor, dum scribat quod hic poni pro *sed* seu *autem*, itaque statuere videatur quod non pronomen esse in his formis, quod tamen revera est, sed conjunctionem. Lactantius lib. I. cap. 1, 5. *Quod quia fieri non potuit, ut homini per se ipsum ratio divina innotesceret, &c.* Livius lib. XXVII. c. 7. *Quod mihi minus simile veri visum est, annum integrum Scipionem nihil gerendo in Hispania consumpsisse.* ubi omnino consulendus J. F. Gronovius. Cicero de Fato c. 13. *non sequitur ut ne appetitus quidem sit in nostra potestate. At hoc sequeretur, si omnia perfectis & principalibus causis fieri diceremus, ut quum hæ causæ non essent in nostra potestate, ne ille (scil. appetitus) esset in nostra potestate.* Hyginus Fab. CLXXXVIII. *Hoc Neptunus ut vidit, in pecora commutatos consumi.* & cap. CXXI. *Id Aletes. cum rescisset, ex Atridarum genere neminem superesse, &c.* Non audiendos Munkerum, Scoppium aliosque putem, qui in pronomine subaudiunt præpositionem *ob* vel *propter*. confer enim, quæ jam diximus supra ad lib. I. cap. 30. & ad N. Deor. lib. I. c. 15.

## CAPUT IX.

*Quatuor Tullii loca in lib. secundo de Divinatione adferuntur ac illustrantur. Vis pro natura ac facultatibus. Locus de Finibus una cum Xenoph. defenditur. φύσει φύεσθαι. Enallage præpositionis omisse & expressæ. Cicero bis vindicatur. Tractus lunæ, quid sit probatur. Palæphatus emendatur.*

**I**N libro II. Ciceronis de Divinatione reliqua jam loca perlustremus, quæ nobis manum injiciunt. Cap. XLIV. *qui potest eadem vis esse nascentium, quum cœli tanta sit dissimilitudo?* Non satis cerno, cur quis legere mallet, *eadem vis esse in nascentes*, vel, *eadem vita esse nascentium*. nam vis hîc & alibi idem quod natura denotat, ideoque etiam sæpissime duo ista tanquam synonyma copulantur. Supra lib. I. initio: *quaque proxime ad Deorum vim natura mortalis possit accedere*. Academ. II. c. 39. *Corpora nostra non novimus, qui sint situs partium, quam vim quæque pars habeat ignoramus.* & cap. 17. *illud enim dicimus, non eandem esse vim, neque integritatem dormientium & vigilantium. eandem vim*, id est easdem facultates. Tusc. lib. I. c. 24. *Quid est enim illud quo meminimus? aut quam habet vim, aut unde natam?* de Finibus lib. V. cap. 15. *Est enim natura sic generata vis hominis, ut ad omnem virtutem percipiendam facta videatur.* ubi clar. Davisius vocem vim ejiciebat; sed absque causa tamen fontico, ut ego quidem vereor; nam quamvis vox natura sæpe ejusdem potestatis sit cum voce vis, passim tamen etiam sensu quodammodo diverso conjunguntur; quemadmodum jam  
antæ

antea plus semel monuimus, neminemque fugere potest, quæ plurimis in locis συνονύμως accipiantur, eadem tamen alibi a se invicem distingui. At vero, inquires, cui bono vox *naturâ*, si retineatur illa altera *vis*? Dicam, eundem esse hunc pleonasmum, quem non raro reperimus in scriptis priscorum. De Græcis auctoribus tantummodo quædam dabo, quæ jam ad manus sunt, Xenophon lib. VIII. Cyropæd. p. 235. Ε. πῶς δὲ μὴ νόμιζε φύσει φύεσθαι ἀνθρώπους. Scio, Henricum Stephanum suspectam hic habuisse vocem φύσει, sed plane fallitur; neque enim sic tantum loquutus est Xenophon, sed etiam Æschines Socrat. Dial. I. §. 10. ἄρα φύσει φύονται οἱ ἀγαθοί. Maximus Tyrius Diss. II. p. 25. ὥς τε καὶ καταγέλαστος ἀν γίγνοιτο ἀντεπιχειρῶν ἀδικεῖν ὁ μὴ πεφυκὼς τὸν ἀδικον καὶ τῇ φύσει, καὶ τῇ τέχνῃ, καὶ τῷ ἔθει. Nemefius de Nat. Hom. cap. II. p. 70. πρὸς τούτοις καὶ τὸ ἀπορῶμενον ἐξ ἀρχῆς ἄλυστον μένει, πόθεν τὸ σῶμα συνέχεται, φύσει πεφυκὼς σκεδάσθαι. Philemon in Fragm. pag. 356.

Μεῖζον τὰ κακὰ ποιεῖσι πολλοί, δεσπότα,  
 Ἄντοι δὲ αὐτῆς, ἣ πέφυκε φύσει.

Et hæc quidem hæctenus.

Sequitur paullo post: *ut -- confitendum sit illis, eos qui nascuntur eodem tempore, posse in dissimiles incidere naturas, propter cæli dissimilitudinem.* Haud facile conjicerem legendum, *in dissimiles incidere genituras*; non tantum quia nescio, an vox *genitura* tam vetusta sit, ut ad aureum Latinitatis seculum referre possit, sed etiam quia lectio vulgaris, si bene explicetur, neutiquam tam dura esse videtur, ut isto modo numquam locutus fuisset Cicero. *In dissimiles naturas incidere*, meo quidem  
 ju-

judicio, nihil aliud dicit, quàm dissimiles in ortu nancisci naturas, quod ferme idem inferiùs *dissimiles naturas habere* dicitur. *Incidere in aliquam rem* est eam sic acquirere, ut aut parum aut nihil omnino industriæ ad acquirendam sit adhibitum; quæ quidem significatio huic loco apprime bene congruit, ubi de nanciscendis variis, pro dissimilitudine cœli, indolis ingeniique qualitatibus sermo est, quam rem præcedens hominis industria studiumque non attingit.

Cap. XLIV. *Quid? illud ne dubium est, quin multi, quum ita nati essent, ut quædam contra naturam depravata haberent, restituerentur & corrigerentur à natura, quum se ipsa revocasset, aut arte atque medicina. Vir clar. legebat.. corrigerentur aut natura, quum &c.* At naturæ distinctio ab arte atque medicina satis abundeque est perspicua, tametsi discernendi conjunctio à membro priore absit. Et præpositio à recte præponitur voci *natura*, omittiturque ante sequentes ablativos; quandoquidem *natura* hîc nescioquomodo προσωποποιείται, tanquam causa quæ per se efficiat, quum *ars atque medicina* sit causa media sive instrumentalis, quæ à superiore quapiam causa dependeat. Adde, si lubet, quod maxime solennis illa sit enallage, qua præpositio, quæ uno membro exprimitur, altero reticeatur; quod quamvis locus hic Tullii non flagitet ut uberius probetur, exempla tamen quædam subjicere non pigebit, propter locum unum & alterum, in quibus ad illam membrorum orationis dissimilitudinem, pro elegantia sua nimia, parum feliciter offendit Lambinus; de cujus tamen eruditissimi hominis acumine, optimisque de Tullio meritis, quæ lapsibus illius facile præponderant, nihil omnino detractum volumus. Supra lib.

lib. I. cap. 19. *Ut igitur nunc minore gloria est, -- sic tunc -- in tanta gloria non fuisset, nisi &c.* de phrasi minore gloria esse, vide quæ ô πᾶν J. F. Gronovius ad Livii lib. II. c. 22. Tusc. lib. I. c. 12. *Idque cum multis aliis rebus, tum e pontificio jure intelligi licet.* de Nat. Deor. lib. II. c. 54. *Dentibus autem in ore constructis manditur, atque ab his extenuatur, & mollioribus.* Lactantius lib. VI. c. 11, 13. *Hæc est religio cœlestis, non quæ constat ex rebus corporeis, sed quæ virtutibus animi.* Seneca epist. XCV. *Actiones honestas ex decreto fieri, non tantum præceptis.* Nihil igitur latunosum subest hisce, de Fin. lib. I. c. 16. *Quæ autem tanta ex improbis factis ad m. v. m. accessio fieri potest, quantæ ad augendas cum conscientia factorum, tum prædæ legum odioque civium.* & lib. V. cap. 24. *officiis, quæ oriuntur à suo cujusque genere virtutis, nam & amici cultus &c. in eo ipso prodest, quod ita fungi officio in recte factis est, quæ sunt orta virtutibus.*

Sequitur: *Ex quo intelligitur, plures terrarum situs, quam lunæ tractus ad nascendum valere.* Lunæ tractus dicuntur lunæ regiones, sive cœli plagæ, quas luna trajicere solet. Prout autem illa in variis harum regionum partibus constituta esset, quod tempore quis nasceretur, variam quoque nascentis esse indolem atque naturam statuiebant Chaldæi alique, quos impugnat hic Tullius. Sed ipse vult, ad dissimilitudinem naturæ magis referre, quod terrarum situ quis nascatur, quam quo in cœli tractu luna sit, dum nascaris. Si locum ita interpretor, non video quid permoverit viros plurimum reverendos, ut pro lunæ tractus legendum crederent lunæ status. Neimo autem dubitat, quin lunæ tractus hic possint explicari, ut sint certæ cœli partes, in quibus versetur luna:

T

ut

ut *tractus nubium* apud Horatium Carm. lib. IV. oda 2.

*Multa Dirceum levat aura cycnum,  
Tendit, Antoni, quotiens in altos  
Nubium tractus: —*

Et *cæli tractus* apud Minucium Fel. Octav. cap. V. & cum *tabe pestifera cæli tractus inficitur*, sine discrimine omnes deperire.

Ibidem: Si enim esset *facilitatum*, non esset *desitum*. Sic fere loquebantur sentiebantque veteres, nihil accidisse unquam prodigiosum, quod jam non amplius accidat; quare etiam falsa esse omnia miracula, quæcunque aliquando facta fuisse traderentur, nisi etiam nunc aliquando fierent. Sed quatenus decretum illud bene valeat, egregie docuit doctor meus, eruditissimus Clericus lib. de Incred. P. I. cap. 3. observante quoque cl. Davisio ad Min. Felicis Octavium. Celebris est locus Palæphati, quem etiam adferunt viri laudati, in præfatione libelli de Incredibilibus; quem ego hic ob oculos ponam, ut mendum, quo sordere videtur, obiter inde eruam. Ὅσα δὲ, inquit, εἶδη καὶ μορφὰι εἰσι λεγόμεναι καὶ γινόμεναι τότε αἱ νῦν ἐν εἰς, τὰ τοιαῦτα ἐκ ἐγένετο. Mihi quidem haud apparet, quomodo hinc sensus idoneus extorqueri ullis fidiculis possit, nisi hunc in modum rescribamus atque interpungamus: Ὅσα δὲ εἶδη καὶ μορφὰι εἰσι λεγόμεναι καὶ ΓΕΓΟΝΕΝΑΙ ΠΟΤΕ, αἱ νῦν οὐκ εἰσι τὰ τοιαῦτα ἐκ ἐγένετο. Quotquot autem species atque forme traditæ sunt esse aliquando factæ, quæ nunc non sunt; talia facta non sunt. Ne offendant conjunctio καὶ ante γεγενέσθαι, nam illa sæpissime apud Palæphatum aliosque scriptores παρέλκει. vide modo reliquam memoratæ præfationis partem: & cap.

cap. XV. ἰσὺ δὲ φημι καὶ ταυτὴν κατασπαρῆναι. sic passim.

## CAPUT X.

*Augustinus defenditur. Ellipsis pronominis demonstrativi ante vocem ipse, in compluribus Tullii locis, stabilisur & adstruitur. Vulgata Ciceronis lectio in lib. II. de Divinatione, aliquoties sustentatur. Potius quam constructum cum infinitivo Græcico. Non omissum post nequidem.*

**R**eliqua jam, quæ nobis in secundo Ciceronis de Divinatione libro observatu digna visa sunt, persequamur. Cap. LVI. *Quis enim est, qui credat Apollinis ex oraculo Pyrrho esse responsum,*

*Αἴο te, Ἄεακida, Romanos vincere posse.*

Locus Augustini de Civ. Dei lib. III. c. 17. qui huc adfertur, emendatione ista haud indigere videtur, quam illi adhibet vir cl. Sic loquitur ille pater. *Pyrrho de rerum futuro eventu consulenti, satis urbane Apollo sic ambiguum oraculum edidit, ut e duobus quidquid accidisset, ipse divinus haberetur: ait enim Dico te, Pyrrhe, vincere posse Romanos: atque ita sive Pyrrhus à Romanis, sive Romani à Pyrrho vincerentur, securus fatidicus (legendum forlitan, secutus FUIT fatidicus) utrumlibet expectaret eventum. Reponebat doct. Davisius, utrumlibet spectaret eventum. Nos illud expectaret conservandum omnino censemus; vult enim Augustinus, contrarium oraculo edito eventum expectari ab Apolline non potuisse. Securus erat vates, uterlibet eventus consequeretur. Sane verbo expectaret locus hic tam idoneus esse videtur, ut*

T 2.

illud

illud *spectaret* ne tum quidem anteferrem, si codicum auctoritate niteretur.

Cap. I.VIII. *Contrahi autem animum Zeno & quasi labi putat atque concidere, & ipsum esse dormire.* Usitatione loquendi ratione, pronomine addito, scripisset Tullius, *& id ipsum esse dormire.* Sed vero plurima loca sunt, in quibus pronomen demonstrativum, cujus ellipsin jam supra plus semel in aliis orationis casibus vidimus, ante vocem *ipse* omittatur. Sic de Legibus lib. II. c. 14. *Sed redde cetera. M. reddam vero, & ipsa, si potero, brevi.* Quam quidem lectionem cum sanam pronuntiaverit Davisius, Gulielmumque *περιεργας* accusaverit, qui reponeret, *reddam vero, & id si potero, brevi*; non video sane, qui reprobare illa potuerit, ibidem cap. 5. *Lege autem carens civitas, estne ob ipsum nullo habenda loco?* ut Latinitatem jubere putaret *ob id ipsum*: quemadmodum etiam *istud* pro *ipsum* restituebat lib. II. de Finibus cap. 28. *Jam ipsum absurdum, maximum malum negligi.* & Academ. lib. II. c. 34. *Non enim potest convenienter dici, nihil comprehendendi posse, si ipsum* (h. e. id ipsum, nempe nihil comprehendendi posse) *comprehendi posse dicatur* vult idem vir laudatus ex codd. *si quicquam comprehendendi posse dicatur.* Producamus tamen loca quædam alia, præter ea quæ jam produximus, in quibus hanc formam silentio præterit vir cl. de Fin. lib. V. c. 1. *cujus etiam illi hortuli propinqui non memoriam solum revocant, sed ipsum videntur in conspectu meo ponere.* & cap. 14. *Et nunc quidem quod eam tuetur, ut de vita potissimum loquar, est id extrinsecus: in ipsa enim parum magna vis est.* Seneca de Ira lib. I. c. 16. *Ratio nihil præter ipsum, de quo agitur, spectat.* Florus lib. IV. cap. x, 4. *& salute Latine data,*  
*quum*



*quum fidem ipso fecisset. ubi vide clar. Dukerum.*

Cap. LX. *quid cuique rei conveniat ex somniis, & quid quamque rem sequatur, intelligunt.* Male omnino ante ista *ex somniis* virgulam ediderunt, qui duas istas voces ad *id intelligunt* referendas existimarunt. Isto autem modo si accipiatur constructio, concedendum viro cl., qui eas voces *ex somniis* glossematis damnandas credidit, quòd sensum turbarent. Sed tollenda est illa distinctio, quandoquidem voces illæ, quibus haud justa *vobiscum* incumbere videtur suspicio, construendæ sunt cum præcedente pronomine *quid*; ut *quid ex somniis*, sit quæ pars somniorum; quemadmodum infra cap. 65. *id ex ovo*, est ea pars ovi, in hisce: *Tum ille, Nihilne, inquit de vitello? Id enim ei ex ovo videbatur aurum declarasse, reliquum argentum.*

Cap. LXV. *Ut si quis medicus ægroto imperet, ut sumat*

*Terrigenam, herbigradam, domiportam, sanguino cassam,*

*potius quam hominum more cochleam dicere.* Verbum ultimum inducebant viri insignes, quòd ipsis importunum esse, structuramque turbare videretur. Mallem ego quidem reponere *diceret*, eadem ut constructio repræsentetur, quam videmus Tusc. lib. II. cap. 21. *qui perpeffus est omnia, potius quam conscios delendæ tyrannidis indicaret.* Cæsar de B. Gall. lib. VII. c. 17. *Præstare omnes perferre acerbitates potius, quam non civibus Romanis. parentarent.* quem locum summo jure defendit clar. Davisius ad Tusc. lib. I. c. 9. edit. priore. Additur quoque conjunctio *ut*, ut Acad. lib. II. c. 8. *intolerabili dolore lacerari potius, quam ut officium prodat aut fidem.* Si ita in hoc loco *diceret*, aut

(si offendat enallage, quæ tamen satis abundeque est usitata,) *dicat* reponamus, non video illud verbum sic importunum esse, ut spongiam mereatur, quamvis sano sensu abesse posse non negem. Sed vel infinitivus forte talis est, ut illum sollicitari non liceat: cum enim infinitivi haud raro sedem occupent subjunctivorum, cum conjunctione *ut* constructorum, ut vidimus supra ad N. Deor. III. 32. in loco Minucii, quem defendimus; tum in hocce quidem infinitivo post *potius quam*, imitatur forte Tullius Græcos, qui passim ita infinitivum cum voculis *πρὶν ἢ, μᾶλλον ἢ*, similibusque jungunt.

Cap. LXXII. *quum mendaci homini, ne verum quidem dicenti, credere soleamus.* Sensem flagitare putabat vir cl., ut legatur *credere non soleamus.* Mihi quidem negativum, incolumi sensu, desiderari posse videtur: quis enim illud requireret, si scriptum videremus, *quum mendaci homini ne tum quidem credere soleamus, quum verum dicit?* quo tamen eodem, si recte videam, ista lectio, quam jam præ oculis habemus, recidit. Non potest negari aliquando conjunctionem adjici. quemadmodum Seneca de Constantia cap. IV. *qui pati, ne si fiat quidem, non potest.* atque pluribus alijs in locis. Sed haud minus frequens est illius omissio. Sic ad Fam. lib. IX. ep. 5. *Consilii nostri, ne si eos quidem qui id sequuti non sunt, non pœniteret, nobis pœnitendum putarem.* ubi vide Manutium, cujus tamen ἀκριβολογία vereor ne nimia sit. de Finibus lib. V. c. 20. *Itaque ne si jucundissimis quidem nos somnis usuros putemus, Endymionis somnum nobis velimus dari.* ubi consule Lambinum. adde Acad. lib. II. cap. 40. *nostro (sapienti) ne quid maxime quidem probabile sit, occurris.* supra cap. 59. *Aliqui*  
ne

*ne si navigare quidem velim, ita gubernarem, ut somniaverim. Exemplorum omnia plena sunt, ideoque manum de tabula.*

## CAPUT XI.

*Loca quædam Tullii in libro de Fato tentantur ac defenduntur. Librarii sæpe duas periodos in unam conflat, quod exemplo ex Polyæno & Luciano, qui obiter emendantur, illustratur. Verborum proponere & ponere est Latinis promiscuus usus. Lactantius cum aliquot Tullii locis defenditur.*

**T**Ransimus ad librum Ciceronis de Fato. Cap. I. *Quum enim omnes post interitum Cæsaris novarum perturbationum causæ queri viderentur, -- omnis fere nostra in iis deliberationibus consumebatur oratio; idque & sæpius alias, & quodam liberiore -- die, quum ille ad me venisset, primo illa -- de pace & de otio. Quomodo ista inter se cohærent, idque -- primo illa &c.? Illud idque turbat sane constructionem, orationisque cursum impedit atque sistit; quod quamvis à solœcismi nævo haud immune sit, defendi iis posse puto, quæ disputavimus ad Tusc. lib. V. c. 40. Non tamen inficias iri potest, exigua admodum facillimæque novatione ompem constructionis difficultatem posse tolli, ut nihil dici possit planius; si reponamus. *die. QUO quum ille &c. vel hoc modo, si mavis, -- venisset. ET primo illa &c.* Nemio sane ignorat, quàm sæpe ita dormitarint librarii, ut duas periodos in unam conflarent; cujus rei exemplum adferam unum & alterum, in quibus illius sordidiæ vestigia satis perspicua sunt. Hoc modo commisisse reor scriptores in illum locum Polyæni*

Strateg. lib. III. c. IX, 45. -- ἔσπευσεν ἐπ' ἐκείνην τὴν  
 πύλιν, ἣν ᾔνοιξαν οἱ δεχόμενοι τὰς πολεμίας ἐσθλόν  
 τῶν δὲ ἐσχατῶν ἐσιόντων, ἐξαίφνης ἐπιστὰς συνηκολύ-  
 θησεν αὐτοῖς, καὶ συνέπεσεν εἰς τὴν πόλιν. Summus I. C.  
 Casaubonus legebat, ἣν ᾔνοιξαν οἱ δεχόμενοι τὰς πολεμίας.  
 οἱ μὲν τὰς πολεμίας ἐσθλόν τῶν δὲ &c. At, salvo tanti viri iudicio, mihi solummodo distinc-  
 tio, non ipsa scriptura corrigenda videtur; idque hoc quidem modo, ut verba οἱ δεχόμενοι &c seqq.  
 τολογῇ σιγμῇ separentur ab antecedentibus. -- *festinauit*, inquit auctor, *Iphicrates ad portam illam, quam aperuerant. Illi quum reciperent introducerentque hostes, postremis introeuntibus, repente incumbens eos sequutus est, simulque cum ipsis in urbem irruit.* Non requiritur necessario conjunctio μὲν in mem-  
 bro antecedente, quum in subsequente sit δὲ. sic enim omittitur quoque eodem cap. §. 42. Οἱ πολέμιοι πρὸς τὸν ἔχον ἄλλος ἄλλῃ διέθεον· ὁ δὲ ῥαδίως ἐκράτησε τῷ χωρίῳ. atque ita innumeris aliis in locis. Alterum ejusdem σφάλματος exemplum præbet locus Luciani in Phalar. I. p. 733. τόδε ὅπως μὲν ἐτε-  
 τοιαύτης τινος θεραπείας δεήσεται ἡ πόλις, τῶν ἐξήταν  
 ἔτι καὶ γὰρ μὲν ὁ ἀρχαῖος, περὶ ταῦτα εἶχον. οἱ δὲ, ἤδη  
 τε &c. Interpunctionem malam sequutus est interpres, quam tamen sic refingi necesse est. ἔτι.  
 Καὶ γὰρ μὲν ὁ ἀρχαῖος, περὶ ταῦτα εἶχον· οἱ δὲ ἤδη τε  
 &c. id enim vult Lucianus: *Utque non amplius tali aliqua administratione indigeret civitas, id speculabam præterea. Atque ego ineptus hisce rebus occupatus eram, quum illi jam &c.* Sed hæc hæc-  
 nus.

Cap. II. nec enim.. oratoria illa studia deserui, quibus etiam te incendi, quamquam flagrantissimum acceperam. Tentabat eruditissimus Davisius, quis etiam te incendere, quamquam flagrantissimum,

*occiperam.* Sed præterquam quod mutatio illa factis magna sit, nec ullum verbi *occipisse* exemplum existare apud Ciceronem nostrum sciam, parum mihi videtur commodum illud tempus plusquamperfectum, quum esset hic præsentis potius aut perfecti locus idoneus. Malim igitur lectione vulgaræ acquiescere, quippe cujus sensus neutiquam absurdus sit; modo sic intelligatur, ut si dixisset Tullius, quibus ego itidem te inflammavi, quamvis jam tum illis summopere addictus esses, quum te in disciplinam meam traderes.

Sequitur in eodem capite: *hanc Academicorum contra propositum disputandi consuetudinem.* Ex codice quodam, in quo erat *positam*, colligebat vir cl. legendum *positum*, non *propositum*. Atque etiam infra cap. 6. solâ conjecturâ legebat, *Quod ut positum est, ne fieri quidem potest*; quum libri tam manu quam typis exarati exhibeant, *Quod ut propositum est, n. f. q. p.* Idem quoque iudicium facit de locis sequentibus. de Leg. lib. II. c. 19. *ad id quod propositum est.* & cap. 20. *His propositis, quæstionculæ multæ nascuntur.* de Fin. lib. IV. c. 16 *quæ cum proponunt* &c. & cap. 19. *his propositis, tenuit prorsus consequentia.* de Orat. lib. I. c. 6. *ut omni de re, quæcunque sit proposita, ab eo ornate copioseque dicatur.* Lactant. lib. V. c. xvii, 20. *concedamus posse fieri, quod proponit philosophus.* Sed quamvis illum verbi *ponere* usum & elegantissimum & Ciceroni aliisque familiarissimum esse facile concedam; non tamen adduci possum, ut alterum illud *proponere* sic contemnam, ut tot innumeris in locis, ubi mihi fit obviam, cum altero permutem. Sic infra cap. 8. *Medicus in primis, quod erit ei perspectum in arte, non ita proponet: Si cui venæ sic moventur, is habet febrem:* &c. ad quem locum

nil monuit cl. Davisius. Et quis depromendorum ex Tullio exemplorum finis esset, si rem istam persequi vellemus? Omnes etiam alii sic loquuti sunt. Phædrus lib. I. fab. 5.

*Numquam est fidelis cum potente societas.  
Testatur hæc fabella propositum meum.*

ubi vide interpretes. Quinætilianus Instit. Orat. lib. VII. c. 1. *Nam in schola certa sunt, & pauca, & ante declamationem exponuntur, quæ dîpeta Græci vocant, Cicero proposita. Plura vel lexica subministrabunt.*

Cap. V. *Sed hæc ex naturalibus causis vitia nasci possunt; extirpari autem & funditus tolli, ut is ipse qui ad ea propensus fuerit, à tantis vitiis avocetur, non est id positum in naturalibus causis, sed in voluntate, studio, disciplina. Quæ tolluntur omnia, si vis & natura fati ex divinationis ratione firmabitur.* In editione Davisiana locum lacunosum fecit infauستا ommissio horum octo verborum, *sed in voluntate, studio, disciplina. Quæ tolluntur omnia.* Sed talia non tam editori, cujus præsertim tanta cura fuerit atque elegantia, tribuenda sunt, quam operariis ineptis ac socordibus, quorum à fraudibus vix quisquam fatis tutus est.

Cap. VII. *At si ista comprobabis divina prædicta, & quæ falsa in futuris dicentur, in his habebis, ut ea fieri non possint: ut si dicatur Africanum Karthagine potiturum: & si vere dicatur de futuro, idque ita futurum sit, dicas esse necessarium.* Audiamus, quid ad hunc locum editor cl. “ Non intelligo, „ inquit, quî hoc inter falsa in futuris numerarit „ Cicero, siquidem Scipio revera Carthagine po- „ titus est. Forfan verba suum non tenent ordi- „ nem, locusque sic constituendus est: *At si ista* „ com-

„ comprobabis divina prædicta, & quæ falsa in fu-  
 „ turis dicantur, in his habebis, ut ea fieri non pos-  
 „ sint; & si quid vere dicatur de futuro (ut, si di-  
 „ catur, *Africanum Carthagine potiturum*) id, quia  
 „ futurum sit, dicas esse necessarium, ea est tota  
 „ Diodori vobis inimica sententia. Has ego con-  
 „ jecturas, addit, dubitans & hæsitans propono;  
 „ nam ipse est perplexa, fierique potest, ut ex  
 „ libris nostris aliquid exciderit. Hactenus vir  
 „ ille. At falli ipsum omnino arbitror, qui lectio-  
 „ nem vulgatam sic interpretetur, ac si potiturum Car-  
 „ thagine Africanum inter falsas in futuris numere-  
 „ tur, quum fuerit illud veris accensendum, uti re-  
 „ vera quoque illis tribuisse liquebit Ciceronem, si  
 „ verba illius bene exponantur. Solam interpun-  
 „ gendi rationem ita mutemus, ut verba *& si vere*  
 „ *dicatur* &c. non duobus punctis, sed simplici vir-  
 „ gula ab antecedentibus distinguamus; nisi etiam,  
 „ quod mihi tamen haud vero simile videtur,  
 „ pro *dicas esse necessarium*, legendum sit in fu-  
 „ turo, *dicis esse necessarium*. Jam facile patebit, il-  
 „ lud voluisse auctorem, ut si Chrysippus ista com-  
 „ probaret divina prædicta, eaque vera & necessaria  
 „ putaret, necesse quoque haberet statuere, quæ  
 „ falsa dicerentur in futuris, ea non posse fieri:  
 „ quemadmodum contrà, si diceretur Africanum  
 „ Carthagine potiturum, & si vere diceretur, id-  
 „ que futurum esset, dicere deberet illud necessa-  
 „ rium esse.

## CAPUT XII.

*Quatuor loca Ciceronis in lib. de Fato adstruuntur & vindicantur: duo quoque conjectura tentantur. Individua sc. corpora. Continere in se efficientiam. Lactantii editio Cellariana novo purgatur. Glossæ formæ. Ut cum subjunctivo, pro infinitivo cum accus. Cicero in transitu defenditur. Conjunctione copulat Cicero orationis membra, quæ potuisset pronomine relativo; quæ quoque occasione locus. Tusc. Disp. adferitur.*

**E**Jusdem libri de Fato, cap. IX.. *Sed in factis immutabilitatem apparere; in futuris quibusdam, quia non apparent, ne inesse quidem videri. Non moveor auctoritate libri illius scripti atque editi, qui appareret dat, pro apparent; nec satis esse causæ puto, cur cum viro cl. legeremus apparet. Nihil enim est, cur verbum illud ad immutabilitatem potius, quàm ad futura referatur; nam quæ sequetur in repetitione verbi apparere durities, si illud apparent conservemus, illam tolerandum esse docere videntur ista, quæ diximus ad Nat. Deor. lib. II. c. 54. Sin omnia velimus analogia grammatica exactius metiri, reponendum potius erit appareat, quàm apparet, quæ etiam mutatio propius accedit ad characteras vulgatæ lectionis; sed nec indicativus ille in oratione indefinita plane inusitatus est, quod etiam docuit clar. Cortius ad Sallust. Jugurth. cap. LXIII, 1. Sequitur ibidem: Ut cum duo individua per inanitatem ferantur, &c. Lambinus excidisse putabat vocem corpora. Sed sæpius, talibus substantivis omissis, adjectiva substantivorum faciem quamdam induunt; quod cum*



in multis aliis, tum in hoc quoque *individui* nomine locum habet. Infra cap. xi. *ipsius individui hanc esse naturam, ut pondere & gravitate moveatur.* de Nat. Deor. lib. I. cap. 18. *cum infinita simillimarum imaginum species ex innumerabilibus individuis existat.* vide quoque ibid. cap. 24. & alibi. Jam porro labe quadam infecta sunt, siquid ego video, verba ista, quæ in hoc capite subsequuntur: *Sed interest inter causas fortuito antegressas, & inter causas cobibentes in se efficientiam naturalem.* Haud dubie legendum, *inter causas CONTINENTES in se efficientiam naturalem.* neque enim cobibere, sed continere in ejusmodi locis opportunum, atque usitatum verbum est. sic infra cap. xi. *motus enim voluntarius eam naturam in se continet, ut sit in nostra potestate.* & cap. 14. *quorum causas natura ita continet.* cap. 16. *quæ causa in rerum natura continebatur.* cap. 10. *causas enim efficientes quod non habebit.* de Divin. lib. I. c. 56. *eodemque modo nihil est futurum, cujus non causas efficientes natura contineat.* Lactantius de Opif. Dei cap. xix, 7. *Hoc dicere satis est, quod etiamsi astra efficientiam rerum continent, nihilominus omnia à Deo fieri, qui astra ipsa & fecit & ordinavit,* sic legimus in editione Cellarii, sed aliæ certum est, post omnia à Deo fieri inferunt, quas omnino putem sequendas.

Cap. X. *Nam qui potest pelli alia (atomus) ab alia, si gravitate feruntur ad perpendicularum corpora individua rectis lineis, ut Epicuro placet.* P. Mantius duo ista corpora individua glossam intrusam putat, quia, his sublatis, sensus recte constat. At ratio illa, quamvis criticis passim visa fuerit idonea, est tamen elumbis, ut libere judicem, atque ficulnea. Quis enim in styli elegantia unquam fuit adeo nimius, cui tales aut eorundem aut synonymo-

morum verborum repetitiones non aliquando exciderint? Sane innumerabilia loca sunt, in quibus, etiam non contradicentibus commentatoribus, sic loquutus est Tullius, quem non oportet ad superstitionem & ineptias usque facere accuratum, dum glossatoremingas, supra quàm percipi possit, nugacem ac cerebrosum. In his, exempli gratià, cap. 5. *Sed hæc ex naturalibus causis vitia nasci possunt; exstirpari autem & funditus tolli, ut is ipse qui ad ea propensus fuerit, à tantis vitiis avocetur, non &c.* in his, inquam, quis verba *ut is ipse.. avocetur*, desideret, si abessent? de Divin. lib. I. c. 24. *qui (sanguis) reservescere videretur, sic ut tota domus sanguine redundaret.* at cur non potius, *sic ut tota domus illo redundaret?* Respice ad ea, quæ jam antea vidimus ad Divin. lib. I. c. 50. & de Nat. Deor. lib. II. c. 45. .

Eodem cap. *Ut enim &c. sic Chrysippus metuit, ne si non obtinuerit omne quod enuntiatur, aut verum esse aut falsum, non teneat omnia fato fieri, &c.* Non licet dubitare, quin hæc tam Latinitatem quam sententiam bonam referant: an tamen à Cicerone sic scriptum fuerit, id quidem ut dubitemus, facit vulgata ista lectio, cum qua multi quoque codices conspirant, *non teneat, omnino fato fieri possint.* Hinc enim haud ægre conijcere est, fuisse olim à manu Tullii, *non teneat, UT omnia fato fieri possint.* Usus autem ille conjunctionis *ut* in Latino sermone satis communis est, ut pro infinitivo cum accusativo constructo adhibeatur, quod jam observavit And. Bosius ad verba Corn. Nepotis Hannib. cap. 1. *Si verum est, quod nemo dubitat, ut populus Romanus omnes gentes virtute superaret.* Digna tamen res est, quæ etiam Tullii nostri auctoritate comprobetur. Academ. lib. II. cap.

cap. 15. *quomodo autem sumis, ut.. sequatur, ut etiam difficulter internosci possit.* & cap. 17. *concedatur tibi, ut.. aliquid alicui sic sit par.* supra de Fato cap. 7. *in his habebis, ut ea fieri non possint.* de Fin. lib. IV. c. 3. *Quomodo autem -- conservabitur, ut simile sit omnium naturarum illud ultimum?* de Nat. Deor. lib. I. c. 34. *retinendum hoc esse, Deus ut beatus immortalisque sit.* Tusc. lib. V. c. XI. *Quare demus hoc sane Bruto, ut beatus sit semper sapiens... nos tamen teneamus, ut sit idem beatissimus.* Atque hæc quoque sufficiunt defendendæ lectioni isti de Fin. lib. III. cap. 6. *ne quis sic existimet, ut duo sint ultima bonorum.* ubi Lambinus ex vetustis libris rescribebat, *ne quis sequi existimet, ut d. s. u. b.*

Sequitur ibidem: *Itaque tertius quidam motus oritur extra pondus & plagam, quum declinat atomus intervallo minimo.* Lambinus legendum conjiciebat .. *plagam, quo declinat atomus intervallo minimo: at infaultis illud avibus; solet enim Tullius conjunctionibus connectere *περοχὰς*, quas potuisset pronominibus relativis, si voluisset.* Acad. lib. II. c. 30. *contraria autem ea dico, cum alterum ait, alterum negat.* de Leg. lib. III. c. 5. *est autem animi quædam sanitas -- cum.. perturbatio mentis aufertur.* Tusc. lib. IV. c. 13. *corporis temperantia, quum ea congruunt inter se, e quibus constat, sanitas dicitur.* & cap. 28. *Sed omnis ejusmodi perturbatio animi, placatione abluatur illa quidem, cum doceas, nec bonum &c.* lib. V. cap. 10. *neque ulla huic verbo, cum beatum dicimus, subjecta notio est.* de Finib. lib. II. cap. 2. *Atqui hæc patefactio quasi rerum operarum, cum quid quidque sit aperitur, definitio est.* Hinc quoque dubia omnino fit ratio, cui innitur conjectura acutissima cl. Bentleii, in his Tusc. lib. III. cap. 31. *caput esse censet in consolando, de-*  
tra-

*trabere illam opinionem mærenti, si (pro qua) se officio fungi putet justo atque debito. ubi vir ille doctissimus legendum conjiciebat, -- mærenti, se officio fungi pio & justo atque debito.*

## CAPUT XIII.

*Edita lectio ter in Tullio vindicatur. Futurum indicativi pro futuro aut præf. subjunctivi. Tria Luciani loca defenduntur. Duplex futurum notabile erit effectura. Enallage activi & passivi illustratur. Tullius cum Cæsare defenditur. Ferri pro moveri.*

**C**Ap. XII. ejusdem libelli de Fato: *An aliter hæc enuntiatio vera esse non potest, capiet Numantiam Scipio, nisi ex æternitate causa causam sevens hoc erit effectura? Ad hunc locum "Hoc;," inquit Davisius, ne Latine quidem dicitur:," omnes tamen editiones obsidet. Legendum,," hoc erat effectura, prout recte legitur in Eliensi," nostro.," Sic vir ille doctus. At vero futurum illud, quod sollicitat; nihil omnino habet, quod Latinæ linguæ rationi aut elegantie repugnet. Primò enim futurum indicativi sæpissime ponitur pro futuro aut præf. subjunctivi. velut suprâ cap. 5. *quæ tolluntur omnia, si vis & natura fati ex divinationis ratione firmabitur.* pro firmetur. & hoc ipso cap. ut vere dicantur; *quæ ita dicentur, veniet &c.* infrâ cap. 18. *qui autem causas antecedentes non dicent perfectas, neque principales, in eos nihil valebit.* Acad. lib. II. c. 46. *quarum esse nulla potest, nisi erit gratuita.* & cap. 7. *aut ita qui sentiet, non apertissime insanit?* Hinc nihil mutandum ibidem cap. 36. *et si quancunque eli-*  
get;*

get, *insipiens eligit*. ubi vir clar. Latinitatem postulare dicebat, *quamcunque elegerit*, quod mihi quidem non ita liquet. Atque hunc eundem futuri indicativi usum Græcis quoque familiarem fuisse, jam observavit Viger. Idiot. sect. V. c. 2. cujus annotatis exempla quædam addam, quo majore cum fiducia ad defendenda quædam Luciani loca obiter excurram. Sic igitur Xenophon lib. I. Cyropæd. p. 22. λέγων ὥς -- κινδυνεύοιεν, εἰ μὴ τις αὐτὰς φθάσας ἀσθενώσῃ, ἐπὶ ἐν ἑκάσῳ τῶν ἐθνῶν ἰόντας κατατρέψασθαι: *dicens periculum esse, nisi quis antevertendo eos debilitaret, ne nationes alias adorti, singulas sibi subjicerent*. & lib. II. p. 51. Sic ergo vobis est existimandum, homines belli societate junctos, si secum singuli statuunt, ὥς εἰ μὴ αὐτὸς τις προθυμηθήσεται, ἰδὲν ἰσόμενον τῶν δεόντων, ταχὺ πολλὰ τε καὶ καλὰ διαπράττονται: *nisi quisque suo loco sit alacer, .. brevi & multa & præclara gesturos*. Theognis in sententiis vs. 216. Πολυπὶ μέντεσσι νοῦν ὀφείλουσιν ἔχειν, ὅς ποτὶ πέτρῃ

Τῇ προσομιλήσει, τοῖος ἰδεῖν ἐφάνη.

qui ad petram cui adhæserit, talis visu apparet. sic etiam vs. 232. & alibi. Ælianus V. H. lib. I. c. 15. -- πρὶν ἢ φιλήσῃ αὐτήν, *antequam osculum ei dederit*. Faber legebat φιλήσῃ, Kühnius φιλήσειν vel φιλήσαι, sed vulgatam lectionem recte adservat Perizonius. D. Jacobus II. 10. Ὅς τις γὰρ ὅλον τὸν νόμον τηρήσει, πταίσει δὲ ἐν ἐνί, γέγονε πάντων ἐνοχος. His ego facile adducor, ut doct. Jensium lapsus esse credam, quum futurum illud indicativi sollicitaret in tribus his locis Luciani. Saturnal. pag. 608. edit. Amst. nam hinc sibi plerique victum parant ad satietatem, ὅς ἴλεως καὶ φορὸς ὁ κύβος ἐπινεύσει, *qui-*  

V

bus

*bus benigna & prospera annuerit tessera.* Dial. Mort. p. 272. μηδὲ πρότερον γε σὺ ἀποθάνοις, ἢ προπέμψεις πάντας τὰς κίλακας: *neque tu prius moriaris, quam omnes istos assentatores pramiseris.* in Harmon. p. 587. εἰ τέτοις φημι ἐπιδείξαι τὰ ἀνλήματα, καὶ οὗτοι ἐπαινέσουναί σε, ἅπασιν Ἑλλήσι νόμιζε ἤδη γεγενησθαι γνώριμος ἐν οὕτω βραχεῖ: *si inquam bis tuæ modulationis specimen exhibeas, & hi te laudabunt, puta te tam brevi tempore Græcis omnibus jam innotuisse.* quam enallagen confer cum iis, quæ observavimus ad lib. II. de Divin. c. 17. & lib. III. Tusc. c. 16. Hæc jam sufficiant de futuro indicativi, cui lux quædam in Tullii loco proposito accendenda erat. Pergamus ad aliud quid observatu haud minus dignum, quodque maxime offendiculo fuisse viro cl. videtur. Quid enim statuendum, de duplici futuro isto, *erit effectura*? an non futuri temporis participium *effectura* flagitat alius temporis verbum substantivum? Non sane, vetat enim sermonis Latini ratio, qua passim sic ejusdem temporis verba copulantur. Ita ex. gr. de Divin. lib. II. c. 26. *potuit accidisse alia quoque lætitia.* Seneca epist. xcix. *quæ ad te sæpius revertetur, si erit acerbitate ventura.* Plura affatim dedit Sanctius Min. lib. I. c. 14. pag. 114. & 115. uti & cap. 15. p. 134.

Cap. XVII. *Sed applicat se ad eos potius, qui necessitate motus animos liberatos volunt.* Legit vir cl. cum M. Casaubono *motus animi*, vel *motus animorum*; quemadmodum supra *motus animorum voluntarios* meminit Tullius. At si per *necessitatem motus*, quo animi liberati dicuntur, intelligamus non eam, qua non possit absque motu esse animus, quo sensu absurdissimo lectionem hanc urssisse videntur eruditi, sed eam necessitatem, qua non possit animus aliter moveri ac moveatur; non videtur

detur tam incommodus loci sensus, ut admitti plane nequeat.

Cap. XX. *Hoc modo hanc causam disceptari oportet, non ab atomis errantibus -- petere præsidium.* Observanda est passivi & activi enallage, quæ forte inducere posset quempiam inconsiderate elegantem, ut aut *disceptare*, aut *peti* legendum judicaret. Illud autem quo minus fiat, pluræ hujus formæ exempla prohibent. Supra cap. xi. *id fuit defendi melius, quam introducere declinationem.* de Divin. lib. I. c. 35. *Itaque signa convelli, & se sequi jussit.* de Legib. lib. I. c. 21. Q. *Quamnam igitur sententiam dicemus?* M. *Requiri placere terminos, quos pepigerit, iisque parere.* ubi tamen editor præclarissimus *pareri* scribendum putat. Seneca de Ira lib. III. c. 27. *Quanto satius est sanari injuriam, quàm ulcisci?* Sulpic. Severus lib. II. H. S. c. xi, 4. *multis increpitos, renuntiare istiusmodi matrimoniis, & filios ex hisce susceptos extrudi jubet.* Cæsar de B. Civ. lib. I. c. 32. *quodd.. omnia permisceri malent, quàm imperium exercitusque dimittere.* ubi vir cl. rursus, in curis suis secundis, reponit *permiscere*.

Ibidem: *Nam si atomis, ut gravitate ferantur, tributum est necessitate naturæ, quod omne pondus, nulla re impediante, moveatur & feratur necesse est.* Lambinus utrobique inserit *voculam deorsum*, dum legit, *ut gravitate deorsum ferantur.. moveatur & feratur deorsum necesse est.* Pariter quoque supra cap. 9. *ut cum duo individua per inanitatem ferantur, alterum &c.* legebat idem vir doctissimus, *per inanitatem deorsum ferantur.* Sed in aliis locis eandem quoque lacunam cernere licet, in quibus ad eam connyet Lambinus. supra cap. 10. *si semper atomus gravitate ferretur naturali ac necessaria,*

*nihil liberum nobis esset. & cap. XI. De ipsa atomo dici potest, quum per inane moveatur gravitate & pondere, sine causa moveri. . . ipsius individui hanc esse naturam, ut pondere & gravitate moveatur, eamque ipsam esse causam cur ita feratur. Lucretius lib. V. vs. 426.*

*Sed quia multa modis multis primordia rerum  
Ex infinito jam tempore percita plagis,  
Ponderibusque suis consuerunt concita ferri.*

Hæc quidem in scriptis quibusdam Ciceronis, virorumque eruditissimorum commentationibus, cedito quamvis dignissimis, observare visum fuit.



ADDEN.



## A D D E N D A.

Pag. 17. lin. 19. adde : de Divin. II. c. 5. *Atqui ne illa quidem divinantis esse dicebas, ventos aut imbres impendentes quibusdam præsentire signis (in quo nostra quædam Aratea memoriter à te pronuntiata sunt) etsi hæc ipsa fortuita sunt.*

P. 18. l. 7. Philipp. or. V. c. 13. *Sed qui ordo in sententiis rogandis servari solet, eundem tenebo in viris fortibus honorandis.* Lactant. Epit. cap. LXXV. *incorruptibiles sibi thesauros bonis operibus acquirat, ut possit . . præmium immortalitatis adipisci.* ubi cl. Davisius pro *acquirat* legit *anquirat*, propter minus gratum synonymorum istorum *acquirere* & *adipisci* concursum; quæ tamen ratio minus idonea videtur, si libere quid mihi videatur dixerò.

P. 19. l. 30. *Adi porro, quæ cl. Schulting. ad Senecæ Contr. lib. I. p. 101.*

P. 28. l. 22. & de Div. lib. I. c. 33.

P. 36. l. 23. *Sic enim videri quoque & percipi distinguitur infra cap. 32. extr. Non enim lucem eripimus, sed ea quæ vos percipi comprehendique, eadem nos, si modo probabilia sint, videri dicimus.*

P. 38. l. 3. Sulp. Sever. H. S. lib. I. c. XXI, 5. *In eo quoque cursu regem gentis Chananæorum delevit, Scen quoque regem Amorrhæorum perculit, omniumque eorum oppidis potitus est. Basan quoque & Balac reges devicit. &c. & cap. XXXIII, 8. Sed Jonathan interdictionis ejus inscius. . . mel degustaverat. Sed ubi regi ex Domini ira compertum est, morte affici filium iussit : sed populi auxilio ab exitio vindicatus est.* Jo. Vorstius legebat, *Quod ubi regi &c.* Vix ego ausim ausim adstipulari. Confer, quæ nos de ellipsi pronominis demonstrativi egimus ad Cic. e. pist. ad Varr.

P. 43. l. 20. Insignis est locus Æliani Var. Hist. lib. IX. c. 24. καὶ γὰρ τοὶ Συβαρίταις πᾶσιν ἔργον ἦν τρυφᾶν, καὶ τῷ βίῳ διαρρεῖν· ὁ δὲ Σμινδυρίδης καὶ πλέον.

P. 48. l. 25. conferantur etiam quæ erud. Burman. ad ista Phædri lib. IV. fab. xvii, 31. non veto dimitti, verum cruciari fame.

P. 53. l. 10. & Min. Felix Oct. cap. xxxiv. Ita corpus in seculo, ut arbores in hiberno occultant virorem ariditate mentita. Quid festinas, ut cruda adhuc hieme reviviscat & redeat? expectandum nobis etiam corporis ver est.

P. 54. l. ult. & c. xl, 5. cum, . ex alienigenis conjugia sumfisset, etiam 700 uxores.. haberet. fac, & jam &c.

P. 57. l. 20. Plaut. Mil. III. sc. 1, 128. Huic homini dignum est divitias esse, & diu vitam dari. ubi dignum est, jure merito exposuit Parcus fas est. vide quoque in Merc. I. 2. 22.

P. 61. l. 16. & lib. IV. c. 9. Voluptatis autem partes hoc modo describunt, &c. Quæ autem libidini subiecta sunt, ea sic definiuntur &c. emendabat definiunt.

Ibid. l. 23. de Nat. Deor. III. c. 10. si aliquid est, inquit, quod &c. quid inter naturam & rationem intersit, non distinguitur. Idemque, si Dei non sint, negat esse &c.

P. 67. l. 30. Et quemadmodum in eorum postremo locorum, quibus patrocinati sumus, immensa magnitudo dicitur res effingere: sic quoque vastitati tribuit Seneca quod nutriet. Suasor. I. magna etiam Oceano portenta, quæ profunda ista vastitas nutrit. i. e. res ista vastæ magnitudinis.

P. 69. l. 9. In addendis tamen, minore facta mutatione, reponit, quæ sit ars, ejus ex utilitate. Deorum immortalium inventioni consecrata.

Ibid.

Ibid. l. 20. de Divin. lib. I. c. 7. *utilitate & ars est, & inventor laudatus.*

P. 70. l. 24. Possset etiam legi, *quod dicam NATURÆ esse.* ut de N. Deor. III. c. xi. *Naturæ ista sunt, Balbe, naturæ non artificiose ambulantis.*

P. 81. l. 10. & cap. 72. *non quod eos maxime contemnamus, sed quod videntur acutissime &c.*

P. 86. l. 13. Forte tamen virgula tollenda post *hiberno*, ut in priore membro subaudiatur verbum *singulare occultat.*

Ibid. l. 19. & cap. 30. *Mibi quidem in tota ratione ea, quæ pertinet ad animi perturbationem, una res videtur causam continere, omnes eas esse in nostra potestate.* ubi reponitur *perturbationes*, pro *perturbationem.*

P. 87. l. 22. de Div. lib. I. c. 50. *Multa medici præsentunt; sed nullam eorum divinationum voco, ne illam quidem, quæ moniti Lacedæmonii sunt.* h. e. sed nihil tale, vel nullam talem eorum præsensio- nem voco divinationem &c. adde quæ diximus ad Acad. lib. II. c. 16.

Ibid. l. 31. de Divin. lib. II. c. 58. *quorum quidem defensio repetita quàm longe est! cur non sic potius, q. q. d. quam longe repetita est!*

P. 109. l. 32. Sic quoque *iva* absolute venit apud D. Paul. 1 Corinth. I. 31. *Ἰνα, καθὼς γέγραπται, ὁ καυχώμενος, ἐν Κυρίῳ καυχάσθω.*

P. 111. l. 7. de Divin. lib. I. c. 51. *materiæ quid juvaret, nisi confectiois ejus fabricam habere- mus?* legebat doct. editor *confectionibus.*

P. 112. l. 27. de Orat. lib. II. c. 9. *Orator nisi domesticis se instruxerit copiis, aliunde dicendi copiam petere non possit.*

P. 115. l. 15. de Fin. lib. III. c. 6. *primum est*

*officium (id enim appello καθῆκον) &c. ubi non ausim cum edit. clar. reponere sic enim.*

P. 128. l. 5. Plura colligit Paræus Lex. Plaut. V. Anastrophe.

P. 130. l. 13. Sic porro de Leg. lib. II. c. 18. *ut non difficile sit, qui modo ingenio possit moveri, quæcunque nova causa consultatiove acciderit, ejus tenere jus, cum scias a quo sit capite repetendum. Davisius de conjectura reponit sciat.*

P. 135. l. 23. Quibus abunde liquet, non esse cur Car. Sigonius sui pro suis reponeret in his Sulp. Severi, H. S. lib. I. c. xxii, 1. *Etenim illum sibi Moses successorem constituerat, virum virtutibus suis simillimum.*

P. 142. l. 30. quæ synonymia haud minus ingrata est, quam pleonastica illa loquendi ratio, qua dixit Plautus *universi omnes*, notante in Lex. Pareo.

P. 144. l. 28. & Pareus in Lex. Plaut. V. Enallage & Syntaxis.

P. 161. l. 10. unde etiam haud difficile judicare est de sanitate loci Sulp. Severi H. S. lib. I. c. xxiv, 7. *cum toties in Domino rebelles deprehenduntur.* ubi Jo. Vorstius legebat, *in Dominum rebelles.*

P. 179. l. 8. vel si propter metri vitium displiceat hæc scriptura, leviuscula potius mutatione refingas.

Θανεῖν μὲ δει. τί μέλλω;

*Mori me oportet. quid refugio?*

P. 187. l. 25. de Divin. lib. I. c. 34. *Tum ea sacerdos dixisse dicitur, &c. & cap. 44. tum ex his quidam dixisse dicitur, non omnia illum transfugam ausum esse senatui dicere.*

P. 194. l. 3. de Divin. lib. I. c. 51. *Nam &*  
ad

*ad hostiam deligendam potest dux esse vis quædam senti-  
 tiens, quæ est toto confusa munao: Et tum ipsam cum  
 immolare velis, extorum fieri mutatio potest. ubi Lam-  
 binus legebat; Et tum cum hostiam ipsam immolare  
 velis, &c.*

P. 220. l. 16. Quid vero? si Latini vocabulo  
*Deus* etiam *Deas* comprehenderint, quemadmo-  
 dum Græcos nonnunquam *θεός* pro *θεά* dixisse  
 pulchre docuit erud. Jensus Lect. Luc. lib. II.  
 c. 20.

P. 243. l. 32. de Divin. lib. II. c. 14. *semina  
 malorum, quæ in mediis inclusa sunt.* Lambin. vole-  
 bat, *quæ in iis mediis inclusa sunt*, quo modo etiam  
 edidit Davisius.



## E M E N D A N D A.

Pag. 7. l. 32. lege *Est item utilis*. P. 102. l. 14.  
 l. Tum excipiens quidam alius, tu &c. P. 140.  
 l. 24. l. *neget*. P. 142. l. 31. l. sed *ferri* ibi deno-  
 tat sibi adferri, ut apud Sever. lib. I. c. xxiii. 10.  
 Justin. lib. I. c. v, 10. & alibi; *gestari* autem est  
 circumferri. Quod non reputabat crud. Burman-  
 nus, qui synonymiam ingratam causatus, legebat  
*ferri, spectarique*. P. 146. l. 15. l. *vineta*. P. 166.  
 l. 20. l. extra terminos. P. 176. l. 32. l. adscisce-  
 re non liceat. P. 192. l. 23. l. vocem. P. 213. l.  
 ult. l. *πρωτατικόν*. P. 271. l. 2. l. vocem *αὐτῶν*.  
 P. 273. l. 6. l. *κωλύων*. P. 280. l. 2. l. *lectio*.



# I N D E X

VOCUM AC FORMULARUM, quæ in his  
Lectiõibus Tullianis explicantur  
aut illustrantur.

A.

**A** Deo *nasci*, [pag. 154.](#)

*Aberrare à conjectura*, [135.](#)

*Abesse*, pro causæ alicujus non patrocinari, [29.](#)

*Ablativus*, pro accusativo cum præp. [69.](#) per cl-  
ipsis præp. *a* vel *ex*, [56.](#)

*Accessio*, pro re accedente, [85.](#)

*Ad*, pro quoad, [134.](#)

*Adferre*, declarare, causari, [254.](#)

*Admiror*, unde existat, [118.](#)

*Adspirare*, pro utroque spirandi actu, [190.](#)

*Ἀκυρολογία*, qua abstractum nescioquo modo per-  
misceatur cum concreto, [76, 134, 230.](#)

*Aliter*, atque ut, [86.](#)

*An*, pro an non, [35.](#)

*Ἀνθρωπος* apud Græcos abundat, [227.](#)

*Animus vigilans*, *i. e.* hominis vigilantis, [263.](#)

*Ἀντιφρεσίειν*, [179.](#)

*Aoristus* Græcorum pro præsentis, [178, 238.](#)

*Arte*, pro dextre, [195.](#)

*Afyndeton*, [138, 152, 206.](#)

*Atque*, pro atqui, [150.](#)

*Auctoritatem* adjungere rei, [111.](#)

*Audire in utramque partem*, [24, 224.](#)

*αὐτῷ*, pro αὐτῷ, [184.](#)

*Be-*

# I N D E X.

## B.

**B***Ene facis*, laudandi formula, [30.](#)  
*Βραχυλογία*, sive concisior loquendi ratio, [91.](#)  
 vide vocem *Sensus*.

## C.

**C***Acophonia*, [21.](#)  
*Casus diversi vox eadem*: *Deo cognita*, *plena*  
*junt omnia*, [230.](#)  
*Cognoscere & Intelligere*, quid differunt, [223.](#)  
*Communis*, id est, consociatus, [191.](#)  
*Comprimere*, compescere, [101.](#)  
*Conceditur nos id faciamus*, [235.](#)  
*Congruere cum aliqua re*, [104.](#)  
*Credere alicui*, se committere, [108.](#)  
*Culpa*, malum morale, [82.](#)

## D.

**D***Ativus duplex*: *quibus virtuti est*, [60.](#)  
*Δὲ pro γὰρ*, apud Græcos, [174.](#)  
*Decet cum passivo*, [51.](#)  
*Deinde deinceps*, [255.](#)  
*Delectari aliqua re*, magnificere, [212.](#)  
*Denique post* *postremo*, [46.](#)  
*Dicere*, pro vaticinari, [260.](#)  
*Dividere*, pro disrumpere, [228.](#)  
*Diuturnitate*, labentibus annis, [274.](#)  
*Duo præstantissimi*, [7.](#)



# I N D E X

## E.

**E**χεν *lvi*, idem ferme quod παρῆχεν, 169.

*Edere*, significare, declarare, 248.

Ellipsis nominis, 5, 35, 231.

pronominis, 1, 9, 53, 168, 170, 181, 201, 217, 243.

conjunctionis, 43, 65, 94.

præpositionis, 4, 15.

adverbii, 224.

verbi, 26, 28, 52, 232.

ex contextis supplenda, 119, 131, 219, 229.

quam vocant sensum prægnantem, vide vocem

*Sensus.*

Enallage numeri, 14, 28, 78, 85, 93, 97.

generis, 93, 162, 163.

casus, 43, 161.

gradus, 219.

personæ, 129.

temporis, 34, 126, 196, 278.

modi, 79.

activi & passivi, 61, 307.

verbi simplicis & compositi, 215.

præpositionis, 27.

additæ & omisæ præpositionis, 288.

τὸ *nil* & *nihil*, 278.

orationis absolutæ & interrogatoriæ, 109.

directæ & obliquæ, 65, 95.

*Enim* omittitur, 43.

pro *autem*, 64, 257.

cum subjunctivo constructum, 79.

post interrogationem, 107.

Ἐπιστάμαι, & ἐπιστῆσαι, comperire, 235.

Ἐπ' *ἰχθί*, *robuste*, 177.

Ἐπ' *pro sed*, 7.

an-

# I N D E X.

ante *sic*, pro *ut*, [213](#).  
*Etiā*, pro *contrā*, [21](#).

## F.

**F***erri*, absolute pro deorsum ferri, [307](#).  
 pro sibi adferri, ad se ferri, [112](#).  
*Frui officio proprio philosophiæ*, [82](#).  
 Futurum indicativi, pro subj. [304](#).  
 duplex. *erit futura*, [304](#).

## G.

**G**enitivus notabilis, [89](#), [119](#).  
*Globi*, *scil. ignei*, [263](#).  
 Glossematis formæ, [98](#), [109](#), [112](#), [165](#).  
 vide v. Macrologia, Pleonasmus, Repetitio.

## H.

**H***abeo quid de Diis liqueat*, [121](#).  
*Hic is ipse*, [3](#).  
*His tribus horis*, [259](#).  
*Homines Romani*, [229](#).  
*Humanissima voluptas*, [40](#).  
 Hypallage, [239](#).

## I.

**I***acens & afflitus*, [59](#).  
*Jam* expletive, [20](#).  
*Id*, referendū ad antecēdentiā & *sequentia*, [245](#).  
*Idem*, pro tamen, [140](#).  
*Ille. Atque illa admirabilia*, [183](#).  
 Imperfectum pro præsentī, [33](#), [157](#), [174](#), [180](#).  
*In loco fieri dicitur, quod prope locum fiat*, [277](#).  
*In-*

# I N D E X.

*Incitatus furor*, 39.

Indicativus pro subj. 144, 304.

*Individua*, 300.

Infinitivus notandus, 229, 294.

*Inscitia*, imperitia, 132.

*Intelligere & cognoscere* quid differant, 223.

*Invenire & reperire*, 17.

*Invita in hac re versatur oratio mea*, 232.

*Is*. notabilis hujus pron. usus post pronomen relativum, 104.

*Ita* habet insignem elegantiam, 270.

## K.

**K**<sub>A</sub> abundat, apud Græcos, 290.

## L.

**L***aus oratoria*, 49.

*Licet* cum passivo, 278.

*Lumina* orationis vel causæ, 40.

## M.

**M**acrologia seu perissologia orationis, 112, 123, 125, 133, 177.

*Matura mors*, 246.

Μέλλειν, refugere, 179.

Metathesis, 32, 50, 127.

Μέτρον σοφίας, 171.

Modorum æqualitas notanda : ante coronam existisse, quàm conceptum esse semen. 284.

## N.

**N***am*, omittitur, 43. vide Enim.

*Na-*

# I N D E X

*Nasci ab aliquo*, 155.  
*Ne. malim ne roges*, 150.  
*Ne sit*, 40.  
*Ne quidem*, 42, [294](#).  
*Nemo mediocriter quidem doctus*, 57.  
*Nescis qua cum expectatione*, [i. e.](#) incredibili quadam  
*c. c.* [205](#).  
*Noster*, 47.

## O.

**O**btumescere, 252.  
*Omnium sapientissimus*, 6.  
*Omnes*, [i. e.](#) multi, 10.  
*ὄψις ἀνὰ πρὸς ἀμύνειν*, abripuit, [177](#).  
*Opinatus*, passive, 85.  
*ὄυκ ἔτι*, minime, [168](#).

## P.

**P**arere, [comminisci](#), 88.  
*Percipere*, per aliquid capere, [298](#).  
*Perfectum* pro praesente, [238](#).  
*Pergere aliquid*, [245](#).  
*Persona* tertia, sine nomine subst. [2](#).  
*Pleonasmus* pronominis, [205](#), [271](#).  
     nominis, [114](#).  
     verbi, 251.  
     vide porro voces Repetitio, Tautologia.  
*Premere*, [i. e.](#) compescere, 100.  
*Primum* absolute, sine *deinde* [52](#).  
*Properare*, desiderare, 53.  
*Proponere* & [ponere](#), [297](#).  
*Prosopopœia*, qua de rebus loquitur Tullius,  
     tam-

## I N D I C E . X.

tamquam de personis, vel de abstractis tamquam de concretis, 52, 66, 83, 153, 176, 232, 253, 263.

*Proximus inferior orbis*, 152.

*Putare*, considerare, reputare, 204.

### Q.

*Quam. potius quam diceret*, 293.

*Quamvis* omittitur, 94.

*Quare*, pro ideoque, 208.

*Quasi* sæpe nullum habet substantivum, ad quod referatur, tanquam subiectum. 12.

*Que*, pro sed, 75.

pro quoque, 194.

*Qui*, pro quoniam, 19.

pro atque is, 208.

notandum in modum construitur cum antecedentibus, 28, 84, 199.

geminatur sine copula, 214.

inservit tantummodo amplificationi orationis,

109.

*Quid simile?* 206.

*Quid* pro quod, 121.

*Quidem* omissum ante *sed*, 65.

pro etiam, 213.

*Quod* ταντολογως explanatur, 284.

*Quum*, pro pronomine relativo, 303.

evitatio hujus conjunctionis notanda, 20, 39.

### R.

*Rati astrorum ordines*, 164.

*Rationis motus*, 137.

### X

*Res-*

# INDEX

- Rectus animus*, pro erectus, 190.  
*Reficere*, minoris facere, 13.  
*Repetitio conjunctionis*, 30, 35, 95, 184.  
     nominis, 60, 77, 146, 155, 165.  
     verbi, 165, 186, 302.  
     pronominis, 25.  
     adverbii, 18.  
*Reponere in numero*, 220.  
*Retardare*, pro refugere, abhorrere, 32.  
*Rite*, merito, recte, 157.

## S.

- Sacrificium* pro victima, 230.  
*Sapiens ac fortis*, 62.  
*Schema ad rem significatam*, 48, 83, 163.  
*Sed enim*, 277.  
*Sensus prægnans*, five unius verbi duplex significatio, 144. vide *Ellipsis*, & *Βραχυλογία*.  
*Si intelligi potest*, 121.  
*Si*, sine verbo, supplendum ex antecedentibus, 119, 122.  
*Si Pythagoras diceret*, scil. laudarem, 82.  
*Sic sæpe sine ut*, 213.  
     notabilem habet usum, 270.  
*Subjunctivus in concessione*, 83.  
*Subito ex tempore*, 258.  
     alius in oratione obliqua, 230.  
*Synchysis constructionis*, 87, 88, 100, 106, 120, 143, 155, 225, 232, 250.  
*Synonymia*, 141, 211.  
*Synonymorum concursus observandus*, 17, 112, 165, 254, 258.  
*Syntaxis insolentior*, 103. vide v. *Synchysis*.

# I N D E X

## T

- T** *Alē aliquid*, 276.  
*Tautologia*, 54, 56, 255, 284.  
*Tempora similia. erit futurum*, 306.  
*Ti omīssum apud Græcos*, 168.  
*Tractus lunæ*, 289.

## V

- V** *Anitas, instabilitas*, 153.  
*Verbum reverendum ad nomen antecedens remotius*, 192.  
*Veritas rerum, constantia*, 154.  
*Versantur hæc in errore*, 54.  
*Vetus & sacratus*, 241.  
*Vigilantes animi, i.e. vigilantium*, 264.  
*Vigor virilitatis molliori dicitur*, 63.  
*Virtuti ipsis est, cædi verberibus*, 60.  
*Vis, natura*, 286, 223.  
*Vita, pro hominibus*, 260.  
*Usitatus & inusitatus*, 281.  
*Usus. Si usus foret*, 197.  
*Ut cum subj. pro infinitivo cum accus.* 302.  
*aliter atque ut*, 68.  
*Uti & frui*, 136.

# I N D E X

## A U C T O R U M,

Obiter emendatorum aut vindicatorum.

- Æ** *Lianus* defenditur, 128, 305.  
*Alciphron* defenditur, 32.  
*Ammianus* emendatur, 253.  
*Andronicus Rhodius* emendatur, 110.  
*Anacreon* defenditur, 167, 178.  
*Apollodorus Grammaticus* defenditur, 139.  
*Arnobius* defenditur, 63.  
*Arrianus* defenditur, 3, 272.  
     emendatur, 272.  
*Augustinus* defenditur, 291.  
     emendatur, ibidem.  
*Cæsar* emendatur, 144, 188, 259.  
     defenditur, 307.  
*Cicero* locis non suis defenditur, 2. & alibi passim.  
*Cicero* obiter emendatur, 5, 25, 40, 96, 111, 195.  
*Clemens Alexandrinus* emendatur, 272.  
     defenditur, 240.  
*Commodianus* defenditur, 45.  
     emendatur, ibidem.  
*Curtius* defenditur, 156, 182, 185, 194, 209.  
*Cyprianus* emendatur, 142.  
*Cyrillus* defenditur, 128.  
*Diogenes Laertii* interpretatio emendatur, 210.  
*Euripides* explicatur, 115.  
*Eustathius* defenditur, 183.  
*Florus* defenditur, 26, 210. X  
*Hesiodus* emendatur, 173, 175.

de-



- defenditur, 176.  
*Hesiodi epitaphium* defenditur, 170.  
*Hesychius* emendatur, 102.  
*Hirtius* defenditur, 8.  
*Hyginus* defenditur, 156.  
*Jamblicus* defenditur, 128.  
*Joannes Apostolus* defenditur, 30.  
*Justinus* defenditur, 182.  
*Lactantius* emendatur, 61, 99, 144, 191, 158, 159,  
206, 225, bis. 301.  
 defenditur, 19, 101, 23, 32, 36, 44, 51, 62, 107,  
127, 264, 267, 309.  
*Lactantius Placidus* defenditur, 60.  
*Livius* defenditur, 209.  
*Lucianus* emendatur, 296.  
 defenditur, 48, 125, 305, 306.  
*Lucas Evangelista* defenditur, 252.  
*Maximus Tyrius* defenditur, 252.  
*Mela* defenditur, 38, 142, 243.  
*Minucius Felix* emendatur, 65, 226, 227, 229, 230,  
311.  
 defenditur, 81, 107, bis. 157, 201, 228, ter.  
231.  
*Nemesius* emendatur, 62.  
*Novatianus* emendatur, 215.  
 defenditur, 8, bis.  
*Origenes* defenditur, 270.  
*Palephatus* emendatur, 290.  
*Philo Judeus* emendatur, 262.  
*Plinius* defenditur, 265.  
*Polyænus* emendatur, 139, 290.  
*Quintilianus* defenditur, 65, 107, 110.  
*Sallustius* emendatur, 50.  
 defenditur, 200.

# INDEX.

- Seneca* emendatur, 28, 159.  
 defenditur, 28, 100, 239.  
*Silius Italicus* defenditur, 90.  
*Stobaeus* defenditur, 113.  
*Suidas* defenditur, 235.  
*Sulpitius Severus* emend. 54, 310.  
 defenditur, 309, 311, bis.  
*Tacitus* defenditur, 245.  
*Theognis* emendatur, 71, 72, 73, 74.  
*Valerius Maximus* defenditur, 113.  
*Valerius Flaccus* defenditur, 23.  
*Velleius Paterculus* defenditur, 25, 31, 81, 94, 96,  
 134, 189, 194, 201, 218, 279, 314.  
*Virgilius* emendatur, 24.  
*Xenophon* emendatur, 102.  
 defenditur, 32, 188, 227, 252, 271, 279, bis.  
 287.

F I N I S.



MAG. 2022959



